

長山園 廣東 蘇州

日本

依田雄甫
河田憲同輯

日
微
單
記


東京

合資會社
富山房發兌


日 俄 兩 皇 帝 陛 下




戰 艦 三 笠 進 水 式



旅順口及烏拉地俄斯之全景



動行艦日之中鎖封口順旅



日俄戰記

例言

一日俄構釁。其是非曲直。世自有公論。宜乎義師所嚮。莫不克捷。今是編。據彼我公報。及內外新聞雜誌等。審事慎言。務記實狀。排妄闢謬。不敢虛構。

一書中紀年歲。或用日本年號。或從清西年紀者。以各關其國。欲簡捷易見也。然必註某年某國某年。以便彼此對照。

一地名人名艦名等。多從漢籍填用字樣。然其未經見者。填以漢字。且時已新異。有古人史集等未嘗有之物。從不得不用新異之字。恐有譯義字音不的切妥協者。姑假用之耳。

一尺度。或用米突。英里程專從我法。但一海里。我十七町。清里三里強也。貨幣。俄國似羅卜算之。間用弗仙法法郎等字。羅卜當我七十七錢七釐九毛。弗當一圓。仙一錢。法十九錢四釐九毛。

一此編自日俄開戰原由起。至日俄講和止。輯爲四編。

日俄戰記目次

第一編

開戰前記	一
一 日俄開戰原由	一
二 俄國南侵史	二
三 俄國東略史	三
四 俄國西伯利鐵路	九
五 清國及俄羅斯關係	一一
六 日本韓國及俄羅斯關係	一九
七 日本及韓國關係	二二
八 俄國之滿洲情態	二三
九 北清團匪之變	三五
十 列強國及滿洲形勢	三〇
十一 日英同盟	三四

戰爭本記一.....三

一 日俄兩國交涉顛末.....三

二 日俄兩國兵備.....四

三 日本最後通牒.....四

戰爭本記二.....五

一 仁川之戰.....五

二 旅順口之戰.....五

三 宣戰之詔.....五

四 清國及列國中立.....五

五 旅順口第二次海戰.....六

六 俄國信報誣妄.....六

七 日韓協約.....六

戰爭本記三.....七

一 旅順口第三次攻擊第一次堵塞.....七

二 烏拉地俄斯德港砲擊.....七

三 旅順口第四次攻擊.....八

第二編

四	開戰後俄國與清國關係	七
五	旅順口第五次攻擊第二次堵塞	九
六	海軍中佐廣瀨武夫略傳	一五
七	陸軍開戰占有定州義州	一六
八	旅順口第七八次攻擊	一七
九	俄艦彼得巴羅斯克洗沒	一八
一〇	俄司令長官摩加羅夫戰死	一九
戰爭本記四		
一	鳴綠江之戰	二〇
二	俄國艦隊暴行	二九
三	旅順口第三次堵塞	三三
四	鳳凰城占據	三六
五	金州半島占據	三九
六	金州城及南山之戰	四三

占取大連灣青泥窪	一四〇
大窖口掃海	一四一
吉野初瀨二艦等遭難	一四二
俄國布設水雷於公海	一四三
蓋平角砲擊	一四四
戰爭本記五	一四七
一 遼東半島封鎖	一四七
艦隊偵察旅順口	一四八
二 大孤山軍上陸。并第一軍毀陽邊門賽馬集及岫巖占據	一五三
三 得利寺之戰	一五九
四 烏拉地俄斯德港俄國艦隊。及義勇艦隊暴行	一六六
五 旅順口海戰	一七四
六 旅順口陸戰	一八一
七 陸海軍大將親任。及滿洲軍總司令官出發	一八六

第三編

戰爭本記六	一八九
一 日本第一軍前進	一八九
摩天嶺之戰	一八九
細河沿占據	一八九
楡樹林子穰子嶺之戰俄將企爾列兒戰死	一八九
二 日本第二軍前進	二〇三
熊岳城蓋平城占據	二〇三
大石橋之戰	二〇五
營口牛莊海城占據	二〇七
三 日本大孤山軍占據析木城	二一〇
四 俄軍暴行	二二三
五 黃海大戰	二二六
六 蔚山洋大戰	二三五
七 旅順口包圍攻擊	二三二
自八月上旬	
至十月下旬	
戰爭本記七	二四七
一 遼陽大戰	二四七

第四編

二	韓國革政	二六〇
三	沙河大戰	二六六
四	旅順口攻擊 <small>自十一月至十二月</small>	二七五
五	旅順口俄軍降服	二八三
六	俄軍牛莊附近來襲及黑溝臺之戰	二九五
七	奉天附近大戰	二九九
	日本軍大破俄軍占取奉天及鐵嶺開原昌圖府	二九九
戰爭本記八		
二	俄國波羅的艦隊	三一九
二	日本海大戰	三二七
	俄國太平洋第二第三艦隊殲滅	三三七
三	樺太島占領附北韓戰爭	三四五
四	日英同盟擴張	三五七
五	日俄講和附日韓新協約	三六三

日俄戰記第一編上卷

日本

依田雄甫
河田熊同輯



開戰前記上

一 日俄開戰原由

我日本國及俄羅斯國。至於不得不旗鼓相見者。非一朝一夕之故也。而發端職由俄國占據滿洲及遼左。夫滿洲及遼左。固繫於清國發祥創基之最重地。乃其占據若與我國不相關屬者。然而我國家所以必爭者。滿洲及遼左為日本及清韓三國樞紐之地。若俄國一旦占據。則不能支撐韓國之保全。不能支撐韓國之保全。則漸侵我國之利權。以不能維持東洋之和平。二國安危存亡之所繫。豈不尤重且大乎。此我國之所以始勸諭俄國還滿遼於清國。而終至於執干戈相見也。

初清國義和團匪之亂。俄國以保護鐵路為名。送大兵於滿遼。及亂平。猶不退兵。益加之以張勢力。於

是各國不是其舉。勸俄國以撤兵。俄亦聽之。明治三十五年壬寅。清國光緒二十八年。西一千九百零二年。四月八日。清國三月一日。與清

國締結撤兵約款。約款詳載于後。約以十八箇月悉行撤退。限以三期。其十月八日。清國九月七日。為第一期。俄國如約自

盛京省退兵若干。然雖挪換示其形迹耳。三十六年癸卯。清國光緒二十九年。西一千九百零三年。四月八日。清國三月十二日。為第二期。

俄國當撤兵自吉林省。而竟不動一卒。於是滿洲之議興焉。自我國以及歐美諸國。凡有利害於滿洲者。紛紛爭論其非理。

是歲十月八日。清國八月十八日實爲撤兵第三期。俄國宜悉退其兵。而不第不退。增送軍隊。修兵營。輸機械。

運糧草。悍然占據之形既成。於是我國民不忍視其暴橫。和戰之論。喧然載途。雖逢五穀豐熟。四海恬熙之歲。國民懼前途恐歸嚮。失投資本之道。商務工業漸就萎靡者殆餘半歲。此間政府與俄國使命往來。講調劑之策。相勸相讓。以期和平幾回。而彼頑然不顧。徒遷延時日。陽唱和平。陰修軍備。於是國交竟絕。戰雲轉濃。以三十七年西一千九百零四年二月九日。清國光緒二十九年十二月二十三日不幸至交開礮火。翌日我 皇帝陛下發宣戰之詔以諭羣下。是日俄國亦發宣戰之詔。


抑俄國何以不欲撤兵自滿遼。何以欲賭戰爭以占據滿遼。此無他故。欲遂侵畧東亞之宿志。而得經歲不凍之港於太平洋岸也。蓋其東南侵略之謀。實始於彼得大帝。今欲說其原由。則先不可不叙兩東侵略之史。

一一 俄國南侵史

俄國彼得大帝。父曰亞歷細斯密給爾微都。爲落馬騰朝。即今王家也。母曰那答利。韃靼種族人。爲亞歷細斯繼妃。生彼得。西一千六百八十二年。我靈元帝天和二年。清國聖祖康熙二十一年與兄宜萬並即俄王位。一千六百八十九年。我東山帝元祿二年。清康熙二十八年獨專政權。及得瑞典數州。疆土廓大。遂發布典範。自稱帝。世號曰大帝。

俄國素乏港灣。於今爲然。往時可稱海門者。唯一白海耳。而面北冰洋。自冬互春。堅冰凝結。且水路

迂遠。不足與西歐諸國通航海之便。自宜萬第三王漸圖得良港。南畧取加森、亞薩達拉干、哥薩克等。



(一之圖略亞國俄)國俄前年千

至彼得帝。謂國無良港則不能開互市興工業。必欲得一不凍港於白海以外。而波羅的海及黑海裏海。共隸他國。其求坐大。先在開邊。彼得遂以狠鷙之心。運其英明之氣。先強其國。繼合其民。籍宗教為口實。開釁於土耳其。擊阿速取之。黑海之路始通。

彼得貪心既熾。及瑞典王甲列第十二與丁抹波蘭戰。彼得助二國。敗瑞王於波耳多瓦。略芬蘭、黎弗蘭等三省。創彼得羅堡。併波羅的海之地。大通海運。

自彼得創為開邊之議以來。歷代俄帝奉其遺圖。用心侵畧。至尼古喇第一帝。假名於希臘獨立。大挫土耳其勢力。遂結密約。得由黑海以往來通商。此俄國南侵之大畧也。而尼古喇帝更向東洋。漸圖進取之途。

三 俄國東略史

尼古喇第一之得東略機會者。實為清國鴉片戰爭。初英吉利人販鴉片煙於清國。獲利巨萬。清廷知其害禁之。而國民嗜之益甚。乃命兩廣總督林則徐嚴禁

之。則徐盡收英商所蓄燒之。執英國領事官。於是清國道光二十年庚子。我仁孝帝天保十一年。西一千八百四十年。英國遣

水師提督耶兒利荷德率兵犯清國。邊海騷擾。尼古喇乘

是時。居中調停。巧欺清廷。買其歡心。固東方經畫之

基礎。至咸豐五年乙卯。我孝明帝安政二年。西一千八百五十五年。命其東部西伯

利總督陸軍中將摸拉威夫亞穆爾斯奇。到黑龍江畔麻林

斯克。會清國使臣始議定疆界。

繼尼古喇第一帝。專用力於東方經畫者。為其子亞勒山

得第二帝。先是尼古喇帝。遣水師提要布恬廷來東洋。

我嘉永六年癸丑。清國咸豐三年。西一千八百五十三年。到長崎乞互市。并定

蝦夷疆界。尋到下田。幕府與之定約款。開下田箱館長

崎三港。及亞勒山得立。我安政五年戊午。清國咸豐八年。西一千八百五十八年。

遣摸拉威夫。會清國黑龍江將軍奕山於愛理。訂結約

款。以黑龍江為清俄疆界。自烏蘇里江至海為清俄兩屬

之地。共有黑龍江松花江烏蘇里江航通之權。以為貿易。

再使布恬廷與英法使臣。共抵天津。強結和約。邊疆通

商外。更開七港置領事官。准宣教師在腹地自由布教。設郵政於北京及恰克圖。其他清國所許歐美



(二百七十年前俄國略略之圖)

各國者。悉從均霽。

清國上海廣學會。著中東戰紀本末。其續編卷四重哀私議以廣公見論第九論之曰。爽且子曰咸豐

辛酉蓋庚申之

謁京師不

守。英法

兩國之志。

不過推廣

商途耳。

恭邸出與

之議。適

償其願。

是以和約

既定。歛


兵而退。

與駐華之

俄使。所



(三之四略俄國俄)國俄前年十五百二



(四之四略俄國俄)國俄前年六

謂吹縲一池春水。干卿底事者也。乃俄竟得華一大地。或謂陰內跌夫。原書以為誑華俄使，然當其後拉威夫於外戰事，希能延於內當其

何不知陰內跌夫其為何人也當議約未成時。陰奉祕計。往來壇坫。若

為介紹也者。逆料其語對客官。當無助華之一字。而

其語中朝也。當其言英法稱兵入都之罪惡。苟無俄仗

義執言。顧隣誼而遏敵餒。強梁之將士。必終盤踞危

迫之。宗社難免邱墟。中朝或未覺察。且容有倚以為

重語。既而事定。英法未得寸地。蓋所志固不在此也。

俄或自以為功。遽請荒徼地以為賂。中朝以窮邊片壤

如棄石田。遂漫許之。不知松花江一帶。以迄海參崴。

即烏拉地折而入於俄者。直抵三四行省之廣袤矣。夫

俄斯德以恭邸之賢。當時又有經經緯史揆文奮武之諸名臣。


而卒墮俄使之術中。厥惟未考外史。未審洋情。故黑

龍江為發祥重地之肘腋。遽以三四省幅員之廣。拱手

讓人。厥惟未究地輿。未明天度。故有志之士。追念

前失。所由痛哭流涕亟思西書之熟讀西學之盛行也。

陰險狡獪之手段。俄國之所慣用也。當彼敢用此手段。耽耽逐逐。逞己之謀。乘己之時。以擊己之



(五之圖時位國俄) 國俄今現

力。眼中無復有正義者。而彼之以轉石落下之勢。決行其主義。所以經營東方者何也。曰俄國一控巴爾幹半島。至其不得已轉翼以向東方。欲抗英國恃以爲寶庫之印度也。

俄國之屬意於巴爾幹半島者。其所從來既久矣。是以半島實爲外交界之妖窟。西歐政治家常以爲憂。西一千八百七十八年。我明治十一年。清國光緒四年。各國開會議於德府伯林。大抑俄國。使不得展手於巴爾幹半島。於是俄國政策南轉。西一千八百八十四年。我明治十七年。清國光緒十年。遂派軍隊取土耳其斯坦之迷魯。設鐵路

於中央亞細亞。然俄國之經營中央亞細亞。即所以害印度之平康。英國不能默忍之。以威力爭之。百方礙俄國之行動。於是俄國之策三變。竟用力於千里不毛之西伯利。欲由此欲以達太平洋。或務

開烏拉地俄斯德港。或謀通西伯利鐵路。俄國之所以逞其欲者。主意固在於東方得一經歲無凍之海口。而烏拉地俄斯德者。不惟有冬季數月


間水雪封鎖之不便。其欲由此以出太平洋。不得不通過我津輕海峽若對馬海峽。使俄國安於烏港。則在平時有通商隔一膜之憾。在戰時不免在括囊中。故就俄言俄者。能得經歲無凍之海口。關繫實

非淺鮮。故不得不竭力以圖之。然雖陰險若俄者。亦無機會之可投。未敢能以遂其溪壑之欲。及明治二十八年乙未。清國光緒二十一年。西一千八百九十五年。我國與清國講和。得遼東半島一帶之地。俄國於是拍手於背後。


以爲機緣湊泊。誘導法蘭西德意志二國。以爲日本割取遼東。大害東洋之平和。連署抗議於我。我之

討清國。素在保護韓國之獨立。非敢貪土地謀私利也。乃容其議。遂還付遼東之地於清國。俄國乃據爲己功。買恩於清國。七取東清鐵路敷設之權。此其第一著也。

大連灣要區



大連灣港內



既而明治三十三年庚子。清國光緒二十六年。西一千九百年。清國義和團匪亂起。俄國復乘其機。藉名鐵路保護。送大兵於滿遼。隱然占據其地。毫不顧他國之議論。此其第二著也。

夫俄國所以至于此者。用乎陰險狡獪之手段。而投于機緣湊泊之時。以遂其數百年願望之邪慾也。即所繫於東洋之平和者。最重大如此。爲我日本者。奈何其可得輕視默許之乎哉。

四 俄國西伯利鐵路

西伯利鐵路者。俄國所敢爲東方侵略之最大利器。而慘澹經營也。今觀之輿地圖上。割斷廣邈不毛之平原。蜿蜒如長蛇之趨海。始俄國之爲此經畫。不獨全國人民之不冀。至政治商業諸家。亦以爲空想徒論。所不敢顧也。

初摸拉威夫亞穆爾斯奇征服東部西伯利。及其爲總督。夙有設鐵路以橫截西伯利。自烏拉山以西達

東海岸之意。若心慘澹。頗費經營。然以資本缺乏。其事中廢。後西一千八百八十六年。我明治十九年

十一俄國參謀本部長陸軍中將鄂布羅車及將官昂涅古。自上自裏海至烏拉地俄斯德敷設軍用鐵路之議。俄國臣民。以近州鐵路未遍。莫事遠境廣漠之地阻之。然俄帝亞勒山得第三。排羣議。以其工

事委之昂涅古。於是昂涅古先從事白耳穆府及朱細府間鐵路。以謀自窩爾噶河城連接至俄比河城。

尋東部西伯利總督義克那奇。及沿黑龍江總督古爾。以西伯利鐵路之大關兵略。屢言其緊急不可

忽。於是西一千八百八十七年。我明治二十年俄國政府。開西伯利鐵路會議。以討論其利害得失。

當是時。氣運一變。歐部俄羅斯大整鐵路制度。漸向中央亞細亞。將布設數條支線。會亞部俄羅斯。

生產貨殖之業亦頗長進。是以西伯利鐵路之議漸熟。西一千八百九十一年。我明治二十四年俄帝發

布西伯利鐵路條例。盛舉起工之式。清國光緒十七年

九

俄國之初經始西伯利鐵路。分爲數區。限以三期。

第一期

第一區線。西部西伯利線。自聶爾興斯克至俄比河。約一千四百十七吉米。度俄

第二區線。中央西伯利線。自俄比河至義爾古德斯克。約一千八百七十二吉米。

第三區線。烏蘇里線一部。自烏拉地俄斯德港至古拉斯幾。

第四區線。烏拉爾及西伯利接續線。自額喀特林堡府至聶爾興斯克。

第二期

第一區線。烏蘇里線一部。自古拉斯幾至哈巴羅夫喀。約三百十七吉米。

第二區線。貝加爾線。自貝加爾湖上摸索斯幾至蘇都勒甸斯克。約一千七十七吉米。

第三期

第一區線。貝加爾迂回線。迂回貝加爾湖南方者。約三百十三吉米。

第二區線。黑龍江線。自蘇都勒甸斯克至哈巴羅夫喀。

俄國政府既定經略。督勵工事。西一千八百九十六年。我明治二十九年十月。清國光緒二十二年九月第一區西部西伯利線落成。以通汽車。尋第三區烏蘇里線。在西一千八百九十七年第二區中央西伯利線相繼而成。在西一千八百九十八年

其始通西伯利鐵路。意固在達烏拉地俄斯德港。以便交通。而其線路未免迂回。於是其意漸變。欲通鐵路於滿洲以圖直捷交通。而滿洲素繫清國封疆。未遽能占據。乃多方畫策。欲以逞其志。於是滿

洲之交涉始起。

五 清國及俄羅斯關係

始俄國與法德二國謀。力勸我國。使還遼東於清國。名爲仗義執言。實則乘機漁利。俄意固欲因是以逞其所大欲。而清國不悟。墮其彀中。初甚德之。畏其強大。信其詐謀。以爲第一友邦。俄國更爲



西比利亞移民兵夫妻

清國保證許借一千六百磅於歐洲公司。清國當迫窮之際。得此巨助。愈以爲恩。於是俄人藉名友誼。關其內政。漸露鋒芒。至向清廷要求重大之報償。即喀西呢密約是也。

何謂喀西呢密約。光緒二十二年丙申。

我明治二十九年。西一千八百九十六年。

今俄國帝尼哥喇第二。有戴冠之式。清國派李鴻章列其盛典。禮畢。李鴻章與俄相兼外務大臣魯八諾甫。會於莫斯科府。議定其事。駐清俄使喀西呢居中執事。將乞假回俄。迫督清廷。速卽畫押。清廷督辦軍務處王大臣。大有悔意。再四婉商。欲俟鴻章回朝。從長計議。喀愷曰。本大臣鵠俟畫押。業已倚裝三禮拜。不得謂爲不久。今謂俟李某。本大臣實不欲聞。總署王大臣懼。遂許之。其經營滿洲。以喀西呢用力尤專。而清俄兩國務掩蔽其事。以冀免他國干涉。故稱曰喀西呢密約。

密約大要謂。清國深感俄國仗義執言。勸令日本讓還遼東數千城邑。中國賠償日本之重贖。又由俄國首先允借。尤足徵交誼之隆。爰欲與俄訂立約章。互爲聯絡。願將兩國邊疆及通商等事於兩國有益者。商定妥協。以固格外和好。將中國之東三省火車道。接連俄國西伯利省之火車道。以冀兩國通商來往迅速。沿海邊防堅固。並議專條。以答代索遼東等處之義。

第一款 近因俄國西伯利火車道竣工在即。中國允准俄國。將該火車道。一由俄國海參崴埠。即烏拉地續造至中國吉林琿春城。又向西北續至吉林省城止。一由俄國境之某城火車站。續造至中國黑龍江之愛琿城。向西南至齊齊哈爾省城。又至吉林伯都讷地方。又向東南續造至吉林省城止。

第二款 凡續造進中國境內黑龍江及吉林各火車道。均由俄國自行籌備資本。其車道一切章程。亦均仿俄國火車條程。中國不得與聞。至其管理之權。亦暫行均歸俄國。

第三款 中國現有火車道。擬自山海關續造至奉天盛京城。由盛京接繞至吉林。倘中國日後不便即時造此鐵路者。准由俄國備資。由吉林城代造。以十年爲期贖回。至鐵路應由何路起造。均照中國已勘定之道。接續至盛京拉牛莊等處地方止。

第四款 中國所擬續造之火車道。自奉天山海關至牛莊至蓋平至金州至旅順口。以及至大連灣等處地方。均應仿照俄國火車道。以期中俄彼此來往通商之便。

第七款 黑龍江及吉林長白山等處地方所產五金之礦。向有禁例。不准開挖。自此約定後。准

俄國以及本國商民隨時開採。惟須應先行稟報中國地方官。具領護照。并按中國內地鑛務條程。方准開挖。

第八款 東三省雖有練軍。惟大半軍營係仍照古制辦理。倘日後中國欲將各省全行改仿西法。准向俄國借請熟悉營務之武員。來中國整頓一切。其章程則與兩江所請德國武員條程辦理無異。

第九款 俄國向來在亞西亞洲。無周年不凍之海口。一時該洲若有軍務。俄國東海及太平洋水師諸多不便。不得隨時駛行。今中國因鑒於此。是以情願將山東省之膠州地方。暫行租與俄國。以十五年爲限。其俄國所造之營房棧房機器廠船塢等類。准中國於期滿後估價備資買入。但如無軍務之危。俄國不得即時屯兵據要。以免他國嫌疑。其賃租之款。應得如何辦理。日後另有附條酌議。

第十款 遼東之旅順口以及大連灣等處地方。原係險要之處。中國極應速爲整頓各事。以及修理各礮臺等諸要務。以備不虞。既立此約。則俄國允准將此二處相爲保護。不准他國侵犯。中國亦允准將來永不能讓與他國占踞。惟日後如俄國忽有軍務。中國准將旅順口及大連灣等處地方。暫行讓與俄國水陸軍營泊屯於此。以期俄軍攻守之便。

有凡十二款。夫滿洲之爲地。係愛親覺羅氏創業之處。又有陵寢在。爲最重要之地。然今任俄國布設鐵路。委之經營。將不免俄人萬馬之蹂躪。而清廷遂許容之。蓋在是歲九月下旬。

是約之成。雖清俄兩國極隱蔽之。早有各國新報轉傳其事。既而俄京力辨其妄。然人之疑團終不釋也。評論紛々。概指摘其失策。若新嘉坡西報。錄倫敦路透局電云。李鴻章在俄。應人之問曰。華惟許俄假道滿洲。以築鐵路而已。初無密約也。即論曰。嗚呼華自承矣。密約本何所用。自有此事。密約即於此告成矣。俄路從西伯利部直通至旅順口。非包括前傳密約之文乎。且俄既得通海之路。又



俄國冬裝

得停車盡頭之路。不於此彰明較著乎。俄得此路。其利不勝俛指。但就目下言之。經冬有化雪融冰之海口。一也。出海有修艦造船之船塢。二也。用兵有鑄礮造槍之大廠。三也。行船有添煤取水之善地。四也。且俄艦多於華艦。黃海之權必可喧賓奪主。此水道之利也。內地自滿洲直達長城。其權必盡屬俄。此陸路之利也。至於遼東全地。名爲屬華。實則無異於隸俄。此水陸交便之利也。且大連灣必步海參崴之後塵。改爲俄口。旅順當爲華俄通用之口。此皆天生之險要。俄竟一獨踞而一分占。天下事尙可爲乎。而況更有進於是者。俄如大樹然。日光東轉。其影將盡蔽中華之十八省。皇上法宮高拱。俄皇儼典禁門。總之俄人自得此路。中國之利益。或直捷痛快。或轉灣抹角。一切盡歸俄占。不必有密約。亦不必有讓地之明文也。鐵路而已矣。

英國同時報。錄英人蒞蘆洲所著之新論。略云。嗚呼中國今無望於他人之匡救矣。曩敗於日。恥懸眉睫。乃既和之後。泄洩如此。此後倘更受人欺。未知誰爲可恃。設仍求救於俄。或兼求奪返遼東之三國。指俄法德然施惠而望報。猶之放債而算帳。此帳從何算起乎。且中國倚於俄。俄實喜不自勝。中國不知倚俄之恥。尤恥於讓日。我不敢不正言以嚴責之。曰糊塗甚矣。且充其糊塗之所極。必有尤重於讓日之禍。迭起而環生。思念及此。能不代爲之寒心哉。且李中堂又豈得不知哉。同時報書其後云。英欲華疆。俄欲華弱。華偏舍英。而暱俄。天下之失計。無有甚於此者也。

肆撥獸達報。又作一論云。以俄觀之。且不論何人讀之。必不能斥其爲僞。藉曰僞也。但就約中語氣而論。在華則不損其體統。在俄則仍成其志願。即有工於文翰兼嫻公牘體裁者。令之充牀頭捉刀人。其能如是之面面顧到乎。中國初無讓地之明文。與俄仍平等之友邦也。而俄屬西伯利鐵路。得道於華屬吉林。以達海參崴。復任俄兵保護路工。是不啻在滿洲之中央橫空界破也。其由吉林至牛莊。又由牛莊至旅順口之鐵路。明言歸華自築。又言華若不築。俄願代之。此路無俄兵代保之明文。然可援橫路以爲例。可殺克又進一步矣。更言旅順口礮臺。俄人代華興築。承平之日歸華設守。不著痕跡。一旦有事。俄兵即承其乏。吁中國竟立似此之約。固不必仿讓地之格式也。然滿洲全地之權。實盡舉以讓諸俄。中國之險。豈可思議哉。

尋俄國復設俄華銀行。支那西文電報云。上海分行名曰道勝。傳聞道勝銀行。近收中朝庫平銀五兆兩。作爲合辦資本。或即緣此而起。雖名則爲俄清兩國人合辦事業。其實係俄國主張。又設中國東方鐵路公司。謂之東清鐵路公司。擬訂築路章程。呈請俄帝。其十二月四日。清國十月三十

日。俄帝批准。其章程大略曰。

本公司設立之故。專為築造中國東方鐵路通行火車起見。西自黑龍江邊界起。元注地 尚未定 迤邐至吉林省東界止。元注地 亦未定 路之兩端。須與俄廷將築之西伯利海參崴兩鐵路相接。故西渡拜喀爾湖。東渡

烏蘇里江。成為彼此聯絡之路。其築路之法。遵照西本年一千八百九十六年八月二十七號清國光緒二十二年七月十九日中國政府與俄華銀行所訂合同。不稍歧異。

此項附記于後

本公司除築路之外。又承中朝特許。應於路工兩旁查勘五金各礦及煤礦等。選擇開挖。兼可設立工作商務各局。

本公司從此路自西至東一律通行日起。計以八十年為期。招集俄金五百萬羅卜。ルビ 分為一千股。每股俄金五千羅卜。即日付足。不折不扣此係零星需用之餘羨。祇許中俄兩國民人得以附股。

本公司八十年期滿之後。全路及車站車輛等類。悉數歸中朝專主。各處及本公司所在之款。倘呈繳俄廷官本。後倘有盈餘。則儘數攤分與股之人。萬一官款繳不足數。俄廷許一律豁免。至路成三十六年之後。中朝亦可自償購歸所有一切資本。及本公司所負各債。一切悉由中朝付給。且本公司先會繳還之資本。亦須一律償還。




俄國人民生活狀態

本公司築路之期。極遲不越西明年八月十六號。華丁酉七月十九日 又從自西至東量定路程日起。計限六年

滿洲奉天府諸景

內告成。



奉天城壁上部中央遙望
天守閣



奉天府清國諸大官及俄國
民政部長官



奉天城小北門外喇嘛寺
高塔

本條內。祇許中俄兩國國民人得以附股。而上海廣學會云。上海俄華銀行。開招股本僅一日而已截

止。大抵皆俄廷傳電購去。無一華人得以附股。其必須在滬市。略一開招者。以掩飾人之耳目也。俄設心之險。中國若之何弗思。

倫敦泰晤士報云。中國特許俄華銀行承築滿洲鐵路。銀行遂可別名曰中國東境鐵路公司。其合同條款。分取道定期。量軌。科本。購股。執權。還路。佔利。保安。數大端。其取道也。自西伯利鐵路東端起。過拜克爾湖。一路舍灣取直。迄烏蘇哩江。而至海參崴俄境。據此則知祇西伯利與海參崴得一直逕而已。不但非如密約所傳。別通於新海口。亦不與他海口相通。至沿途所遇之鄉鎮墳墓等類。可讓即讓。斷不欲有所擾累。其定期也。起西歷本年八月間。華丁酉七月間凡六年之久至一千九百二年限滿告成。其量軌也。闊狹與西伯利之路不差累黍。其科本與購股也。計除俄廷應付外別科資本。俄金五兆羅卜。分爲若干股。歸華人及俄人承買。中俄兩國朝廷初不保其利息。惟路股之外。別有各種公司本息。均由俄廷承保。公司如欲出售。俄廷可與之議值。其執權也。一應路工均由俄戶部主政。凡公司辦事派人之類。亦必先經俄戶部批准。所奇者。鐵路總董則由中國所命。實爲督辦大員。俄所派者。降爲副董耳。然督辦祇擁虛名。俄以戶部掌權之官充副董。且兼總辦之職。是知鐵路雖在華境。大權則在俄廷矣。其還路也。路成後三十六年許中國估值購歸。若至八十年屆滿。全路盡歸中國。不必償分文之值。其佔利也。中國許公司築路行車運貨載客得佔其利之外。又包通商惠工開礦諸事。凡俄貨之往來西伯利海參崴者。雖經華境。並不開動。即全不納稅。而入口出口之貨。則又量減稅。則較之海關僅科三分之一。其保安也。公司得自募差捕。以充巡

護諸役。

英國窪佛爛梅。東境地名錄與都訪事友電書言。俄國與中國新定之書。實以重金壓而得之。故由俄華

銀行定稿。溯俄豫中東和局之際。以庫財成國政。中國受其挾制。俄權遂長於東方。今屈計俄人

之資本。凡在中國北境諸鐵路。必盡歸其掌握。傳聞中俄兩國合保其本利。大抵築路之外。尚有

築造礮臺等事。以重整乎旅順口大連灣之海防者。亦必含俄人之金質。化學家言也。是以此路既成之

後。掌路政者。俄之戶部也。守路工者。俄之可殺克馬兵也。由此以觀。凡言俄使喀西呢所能得於

約中。或由俄戶部先行核定。交與銀行。以要求諸中國。而俄廷則潛保其必成。於是筆墨化為煙

雲。俄廷若蕭然無與也者。倘有人問其密約之有無。俄皇恪守西教之規。以掌撫心。而立誓曰。斷

乎未有。然而約誠無之。事則何異哉。

各國論者議之如是。以照俄國之肝膽。洞如秦鏡。而光緒二十三年丁酉。我明治三十年。西一千八百九十七年。自哈爾賓分

歧向南而走。歷奉天府大石橋等處。到遼東半島。以達大連灣及旅順口者。俄國以東清鐵路之名經營

告成。

六 日本韓國及俄羅斯關係

俄國之所逞其慾者。專在清國。而欲遂其事。則不可不併吞朝鮮。故伺其機會之至。亦汲々焉未嘗一

日忘之。而會與我國是相反。此日俄兩國之爭所由起也。

徵諸既往之史。日俄兩國之相關者。其來尙矣。安政元年甲寅。清國咸豐四年。西一千八百五十四年。十二月。我國諸有司

及俄國使布恬廷締結和親條約於下田。

在伊

羅州專屬創始。未爛外交之術。其第二條曰。嗣後日本及俄

羅斯國境。應在擇捉島與得撫島之間。而擇捉全島隸日本國。得撫全島以北古里爾群島隸俄羅斯。至

於薩哈連島。

又作樺太

不定分界。為日俄兩屬依舊。

當時我國有司與俄使辯論薩哈連疆界數次。俄國弄狡獪手段。付之摸稜。竟不定分界。而駸々乎徙人

民拓不毛。蠶食我屬地。於是不可不確定疆界。以各保屬地。文久元年辛酉。

俄國咸豐十一年。西一千八百六十一年。

派竹內保

德

下野守

松平康直

石見守

等於歐洲各國。明年七月。保德等抵俄國彼得羅堡。會於彼國外務兼亞細亞局

長伊格那替業福。議薩哈連島疆界之事。我欲以北緯五十度之地為疆界。彼以全島見為屬地。固執不

聽。保德等反覆辯論。遂約就實地以定疆界。會我國多事。不遑顧北門。而彼為得其時。益設兵營置戍

卒。既為占據之形。

俄國之於朝鮮。亦有所垂涎。其意始在占一良海口。遂欲肆其吞噬之慾。蓋其軍略上欲達其饑慾。而

唯有一日本為之障礙。故自非抑制日本。不得以達其目的。然抑制日本。其事綦難。於是先務向清國

得一地步。卒收東清鐵路之利權。又占旅順大連之要害。而於地形猶有所不甘。何者旅順口與烏拉地

俄斯德間。有朝鮮海峽。日本若扼守之。則彼於軍略上。不得相應援以恣其跋扈也。

事情如此。故俄國夙務欲得一根據地於朝鮮南岸。夫俄國之於朝鮮。非有剝膚之利害得失。其專干

涉朝鮮者。惟欲遂壓抑東洋之邪望耳。不知因之以惹起一騷擾事件。英國之機敏。何容俄國獨恣放

縱。西一千八百八十六年。我明治十九年。清國光緒十二年。占據朝鮮南岸巨文島。以抗俄國。於是俄國與英國協議。使

英國放棄巨文島。而俄國亦終不能得南岸一口。然其欲乘機以逞吞噬之慾者。卒不可已矣。

七 日本及韓國關係

我日本之汲々扶植韓國之獨立者。何也。徵之史籍。察之地理。不保守韓國。則難乎保守我國。夫我國之於韓國。其所交通。抑亦尙矣。古昔素戔嗚尊撫收新羅。神功皇后征服三韓。自是厥後。雖時有爭

亂。尋復和親。二千餘年往來不絕。且其地斗入於黃海日本海間。與我國直隔一海峽耳。故講軍略謀通商。皆與韓國同利害共存亡。是保守韓國則所以保守我國也。

元帥侯爵山縣有朋氏



事局變遷。紛如糾繩。卒至與俄國結協商之約。今敘其顛末如此。

初甲午歲。我國以伯爵井上馨爲駐韓公使。彼亦倚之爲車。其內閣諸衙。皆聘我國人爲顧問官。訓練軍隊。一仿我國法制。

韓國之爲獨立。我國首先唱之。歐美各國認以爲是。遂結對等條約。而清國常視爲屬國。抑制其政治。侵犯其權利。於是我國不忍見其所爲。遂有甲午

明治二十七年。清國光緒二十年。

之役。兩國媾和之後。韓

國之倚賴於我者甚固。而我之待韓國亦甚厚。然

先是甲申歲。明治十七年 清國光緒十年 西一千八百八十四年韓人朴泳孝。以議不合去國。來流寓於我。至是還國。以井上公使薦。

十二月任內務部大臣。泳孝久嘗艱苦。精敏當事。專欲矯正積弊。權威漸熾。至內外事一決於泳孝。時

閔妃有才幹。富權數。干預外政。其黨頗衆。欲納泳孝於己黨中。百方招誘。而泳孝年少氣銳。且乏膽

量。務欲嚴宮中府中之別。以除閔位干政之弊。於是嫌隙遂成。軋轢尤甚。乙未歲。明治二十八年 清國光緒

十五年井上公使罷任歸國。閔氏乘其間。以七月七日夜。召各大臣於宮中。褫朴泳孝官。擬以謀反。令逮

捕之。泳孝知之。遁至仁川。復奔我國。是謂七月之變。變報之達於我國。井上公使直航韓國。講善後

之策。會子爵三浦梧樓代井上馨為駐韓公使。以九月一日至韓國京城。而閔氏之黨。與革政諸大臣不

相容。互相反目。十月八日。革政黨少壯之徒。擁大院君入王宮。閔妃遭弑。革政黨復振。是謂十月之

變。然是舉頗失粗暴。不啻使韓王不安尊席。至疑乎我教唆之。有仇視我國者。於是俄國欲棄其機以

得韓國。使駐韓公使專講懷柔之策。陰助閔黨。以離革政黨。丙申歲。明治二十九年 清國光緒二十

二年 西一千八百九十六年二月十

一日。閔黨作亂。虐殺首相金宏集及其黨於途。代為大臣。擅秉政權。韓王避亂。遷居於俄國公使館

舍。是謂二月之變。

俄國之宿謀漸遂。而我國之勢力頓挫。於是日俄二國協保韓國之議起。我駐韓公使小村壽太郎。與俄

國署使惠勃議訂草約。以使韓國內治外交由日俄二國會商合辦。以期鞏固乂安。是歲俄帝舉加冕大

典於莫斯科府。我國以侯爵山縣有朋充特派大使。以申慶賀。有朋與俄相魯八諾甫會。議定約款。其

書曰。

俄國陸軍大將普魯巴多金



第一款 日俄兩國政府。為救濟朝鮮財用窮乏。勸之使省一切冗費。且均平歲額出入。若係革政。有萬不得已者。仰債於外國。則兩國政府應協同助之。

第二款 日俄兩國政府。使朝鮮國政府。於財用限內。不假外援。自編制軍隊。及設置警察吏員。應一任同國政府意旨。

第三款 為與朝鮮國便通信。日本政府管理其所已得之電線仍舊。俄國得架設自朝鮮京城起以至其國界電信之權利。但至朝鮮財用已優。得贖買電線。則許其國買收。

第四款 該約更要精詳。則兩國政府。應各派委員妥協審議。

約款既訂。詢之韓國。韓國遂請二國協商合辦以扶持其內治外交。而為此約款。我國既讓俄國以各種權利。俄國得架設電線於韓國。又得屯兵於京城及各開市海口。與我國同數之權。

八 俄國之滿洲情態

俄國嚮因喀西呢密約。借清國山東省膠洲灣。以為冬季泊艦之地。而及未下手。光緒二十三年丁酉。我明治三十年。西一千八百九十七年。清國暴民殺德意志布教師於山東省。德國政府以為口實。突然占據膠洲灣。俄國復以為機。請代膠洲灣以旅順口及大連灣於清國。英國抗之。而議遂不行。明年三月清國。遂許俄國貸

旅順口及大連灣。其清俄條約略曰。

第一款 俄國期二十五年間。租借旅順口及大連灣於清國。其疆界爲自遼東岬角起。北方清里約百五十里。東西約百八十里。

第二款 以大連灣爲貿易海口。而清俄兩國船舶之外。不許出入旅順口。

第三款 自伯都寧起。至旅順口。築造鐵路。其式全依俄國軌道。

第四款 俄國得自租借疆域。至遼東西岸築造鐵路支線之權利。而支線告竣之後。清國許俄國借其盡頭之海岸。與旅順口及大連灣等。

於是俄國占據遼東半島要阨之地。以五月送軍隊於旅順口。黃金山頭始見驚旗之翻。自俄國既作備。列國豈徒袖手而無詞乎。皆各有所請乞。清國盡不得不聽。貸膠州灣於德國。貸揚子江沿岸及威海衛於英國。貸廣州灣於法國。尋列國又要求鐵路築造之權。而俄國假白耳義東洋公司之名。得蘆漢鐵路築造之權。此路自直隸省蘆溝橋起。達湖北省漢口。直貫清國中心。爲極樞要之途。列國之於清國。口唱保全。而實事染指若是。漸成侵蝕之勢。爲清國者。岌岌乎其殆哉。既而美利堅合衆國。稍執公平之見。唱清國開放之議。詢之於我日本及英法德俄義太利六國。其議曰。

第一款 開放清國。以爲世界共通之大市場。且講保全清國之道。以爲列國政策之原則。

第二款 列國之於清國。出入利益均霑之開市海口商貨。通用現行條約關稅。使清國徵收之。

第三款 清國亦謀開市海口列國船舶之入港稅。不得過於課自國船舶之額。於其鐵路徵稅。亦不得多於自國貨品。

明治三十三年庚子。清國光緒二十六年。西一千九百年。六國政府共可其議。答美國以養成之意。此議專為通商貿易起見。

而其以保全清國為政策原則。不獨大有所扶助清國。於俄國狼貪之慾。亦隱然有所阻遏。

此議之一出。於東方亞細亞外交界。有顯二特象者。何則一為我日本與英法德俄等歐洲列強國同參與議。一為美國於東亞外交界上為一有力議員。是也。

九 北清團匪之變

自美國唱開放之議。清國將有所少舒。而何料意外之變起於其首府。即義和團匪之亂。是也。此亂固不過清國一小匪徒之變。而其所延及乎各國外交者頗巨。

夫義和團匪者。本一種宗教之徒。聚為一團。其教旨主在排擠外教。且練習拳棒。故又有拳匪之稱。起於乾隆嘉慶之際。其初非有意於排擠外教。至於基督教蔓延於內地。不忍見外國布教師跋扈之狀。憤慨之餘。務以排攘外國人及清國人之奉信西教者為主。光緒二十六年即我明治三十三年春。蜂起於山東。妨礙鐵路工程。脅迫西教信徒。至四五月之交。延及直隸。崩壞北京保定間鐵路。殺害外國布教師。尋又壞天津鐵路。北清地方大至騷擾。

於是列國虞生變亂。集軍艦於大沽口。六月我國及英法德義美七國。派水兵三百五十人於北京。以各護其公使及國人。既而清國官兵與團匪合。將加害於外人之報。至。因英國東洋艦隊司令長官西

莫亞。率各國聯合兵一千二百餘人。發天津進向北京。途爲團匪所圍。殆陷死地。團匪暴橫至是尤甚。驛郵不通。無由復識北京消息。

是月十一日。我公使館書記生杉山彬。奉使命至北京城門。爲清兵所殺。尋二十日。德國公使男爵傑

第五師團長陸軍中將 山口素臣氏



杜禮爾。遇害於途上。清廷又迫各國公使。求其去北京。各公使不聽。糾其官民在北京者據英國公使館。清兵圍之。危在旦夕。於是列國謀救援之策。招兵結合。我國亦遣第五師團及第十一師團一隊。與列國兵合。擊陷太沽礮墩。尋取天津城。以八月十四日。進入北京。擊破清兵。始得救公使及列國商民。

先是清帝及太后避亂蒙塵。駐蹕西安。及北京城陷。命慶親王及李鴻章。爲全權委員。與列國公使。議媾和善後處分。十二月。列國使臣相詢作書。連署以寄於慶親王及李鴻章。其書略曰。

本年自五月至八月。清國諸省叛亂紛紛起。觀其行爲。背國交之法。悖人類之道。罪惡貫盈。前史所未嘗見也。舉其尤重且大者如左。

第一 六月二十日。德國全權公使傑杜禮爾男爵。將其職務。赴總理衙門。途上清國官兵從其長官

指揮殺之。

第二 自是日始。清國官兵奉皇帝命令旨者。與團匪相連。攻圍各國公使館。日夜不絕。至八月十四日外國援軍入京。始得制止。而恰係於清國政府保證各國公使館安全之時。

第三 六月十一日。日本國公使館書記生杉山彬氏。將使命到城門。爲官兵所殺。其他在北京及諸省。外國人爲官兵及團匪所殺害。或受虐待。或遇攻擊。其獲僥免者。由皆自決死奮鬪耳。且外國人所建築家屋財物等。遭掠奪或破壞。

第四 外國人葬地在諸處。官兵及團匪。發掘其墳墓。委棄其骨骸。而在北京爲特甚。因此等事變。至使各國爲保護其代理者及國民之生命且恢復秩序。各派遣其軍隊於清國。而方其進北京。遭清兵抵拒。不得已以兵力壓服之。清國今既認其責任。表彰其悔悟。以聲明終結由此變亂所生事局之意。故列國爲賠償既犯之罪惡。防遏再燃之勢狀起見。茲容清國之請求。以議決不可改易之條件。如左。

第一條

故德國全權公使傑杜禮爾男爵暴殺之件。清國皇帝陛下。及清國政府。爲表彰其悼惜之意。應以皇族一人爲頭等。派遣特命使員於柏林。

關於右件。將羅甸文德國文及清國文。以作適合死者官位誌銘。建碑於虐殺之地。以表彰清國皇帝下痛悼之情。

第二條

西一千九百年我明治三十三年清國光緒二十六年九月二十五日。上諭中所指名犯罪者。及是後列國公使所指示犯罪者。清國應科該當其罪惡之最嚴刑。

虐殺外國人各市府。應五閱年間停止一切科舉。

第三條

日本國公使館書記生杉山氏虐殺之件。清國政府。應賠償於日本政府。以表彰其名譽。

第四條

外國人葬地。若其公衆墓地。蒙污漬者。又其墳墓遭破毀者。清國政府。應建碑於其地。以表贖罪之實。

第五條

從列國須協定條件。應禁止兵器及製造兵器子藥材料之輸入。

第六條

清國人民之爲國家團體及外國人雇使。遭此災變。損害其身體若財產者。應與公平賠償。清國應爲保證償金支清及國際使用。執列國所承認財政上措置。

第七條

列國得各爲保護公使館。常置衛兵。且修防禦之具之權利。不許清國人民居住其疆域內。

第八條

太沽礮墩。及在北京與海濱間礮墩。可以阻礙自由交通者。應一切破毀。

第九條

爲維持北京及海濱間自由交通。列國應得占據係其議定各地之權利。

第十條

清國政府。應將左記各款勅條。二閱年間揭示於各縣內。

永禁入排外黨。有犯者。當處死刑。

列舉所科有罪者之刑名。其中應記處殺外國人各市府。禁止一切科舉之旨。

各省總督巡撫。及地方官吏。各認保持其管內秩序之職責。且當排外紛擾之再燃。其他有違反條約之事。若不直鎮定之。或不能科罪於犯者。則使其任其職者直與罷黜。使之不得新任官職。又享有名譽。應速發上諭。宣布帝國全土以知悉之。

第十一條

清國政府。爲便於列國政府見爲緊要通商及航海條約。其於關係修正。應約必須商議。

第十二條

清國政府。應約據列國所指定之意旨。革正總理衙門法制。且變更各公使官廷謁見禮式。清國政府若不遵奉所言條件。以應列國之求。則某等不能豫知聯合軍之占據北京及直隸全省者所終極。

此書之出。慶親王及李鴻章。與各國使臣。百方討議。遂以明治三十四年辛丑清國光緒二十七年。西一千九百一年。九月七日。從列國之議。締結媾和條約。

於是雖若北清事變善後處分全定。然未得謂告其終局。何者除關滿洲一事。未嘗載之此書中。此以俄國有所誓言也。而永貽禍根。遂至今日我國與俄國于戈相見。

十 列強國及滿洲形勢

滿洲及韓國二方。我國與俄國。所以利害相關者。上既述之。今歐美強大列國之於二方。其狀態如何。

光緒二十六年庚子。我明治三十三年。西一千九百一年。夏。俄國乘清國團匪之亂。藉鎮壓土匪及保護鐵路之名。送大兵於

滿洲。占據各處。及北清亂定。俄國未嘗撤兵。然以入兵他邦居然占據。甚犯獨立國主權。俄國亦有中心所不安。是以其八月二十五日。發一宣言書於列國曰。

至滿洲之秩序確立。鐵路保護上復絕不安之念。他國若不加之障害。則俄國應自清國版圖內速撤軍隊。

然是不過一時欺世人耳目。其意固在永遠占據滿洲。故竟不果行其言。益事經營。務撫滿人。欲使其奉俄國主權不已。

俄國之欲弋獲滿洲利益者既久。故有間之可乘。則向清廷。或懷柔之。或威壓之。以圖其成功。是以光緒二十七年辛丑。我明治三十四年。西一千九百一年。春。列國與清國方議善後處分之際。俄國早已草秘密特約。使外務大

臣蘭斯特夫與駐俄清國公使楊儒議之。其約草曰。

第一款 俄國應還付滿洲於清國。清國制治宜復舊。

第二款 俄國屯兵保護鐵路。但俟其地恢復秩序。但踐行本約最後四款。應撤去兵隊。

第三款 若有事變。俄國屯兵。應竭力助清國。以從事鎮撫。

第四款 清國未開通鐵路間。不得置兵備於滿洲。後要置之。應與俄國協議以定其兵員。但禁將兵器入滿洲。

第五款 清國地方大官。有處置失當者。應從俄國請革職。又在滿洲警察兵。應與俄國謀以定其數。但不許用外國人。

第六款 滿洲蒙古陸海軍人。不應使外國人訓練之。

第七款 清國應放棄金州主權。

第八款 在滿洲蒙古伊犁新疆礦山。及其他有利益者。非得俄國允諾。則不得與之外國人。及清人自為開掘。除牛莊外。雖何地不許外國人租借。

第九款 係滿洲軍費。清國應賠償之。

第十款 東清鐵路公司所負缺損。清國應與公司商議賠償。

第十一款 賠償缺損。其全部或一部。清國應將他利益以為擔保。

第十二款 清國應許滿洲鐵路支線展築至北京。

觀此密約。雖陽以滿洲還付為言。可明知俄國藉口秩序未確立。舉全滿為其屬地之意。而清國孱弱。

畏其奢嗾。不得已畫押准之。

美國人李佳白嘗著論曰。俄國開築西伯利亞大鐵路。關係重大。若俄人既成鐵路。肆其開疆拓土之心。藉端生釁。以擾東海。不識中國何以禦之。中日之役。俄阻割遼。而不阻割臺。以中國形勢言。遼固重於臺。以萬國公法言。阻割臺之辭嚴於阻割遼之辭。俄顧悍然阻此而舍彼者。其意明甚。盟不可信。交不可恃。不幸而事機相迫。中國即有何賈之辯賁育之勇。能解免於俄乎。且俄亦不必敗盟以興戎也。出其收復伊犁居爲奇貨之長技。萬一取東三省於內寇之手。中國無辭以詰難。陵寢所在。列祖創業所基。竟淪異族。間嘗獨居深念。蓋有大不忍言者。國家亦當慮及否也。俄人雄長地球之心。非伊朝夕。既不能取肯思丹。一作康斯坦提諾波爾。突厥都城名也。以拊英法之背。乃築西伯利亞鐵路。以建東海之餽。此其故歐美各國共知之矣。

又曰。西伯利亞鐵路告成。安肯以數十年之謀畫。數垓金之工程。甘心棄擲於冰天雪窖中哉。中國若不早思變計。異日者。俄人取道滿洲。直達海口。中國絕大權利。不得不讓與他人。興言及此。能不寒心。

按李佳白此論。發之西一千八百九十五六年之際。而清國不幸一一陷其機中。至於復難奈何。足
以知李氏先見之明。併可以觀俄國之心路人知之。故附錄于此。

俄國與清國密約之說。既嘖嘖傳播於道路。於是列強國不能默視之。英美德國等。皆唱異議以責俄國。若我國。以其關係於利害者尤親切。總理大臣伊藤博文。外務大臣加藤高明等。使駐清公使小村

審太耶。痛切抗論不少屈。俄國狡獪。亦敏於見機。識各國皆非其舉。其四月。卒撤回密約。告之列國。

光緒二十八年壬寅。我明治三十五年。西一千九百三年。清國與列國媾和條約既成。列國除北京護衛兵外。悉撤聯合軍隊。

四月八日。俄國亦與清國結滿洲撤兵條約。其文曰。

第一款 俄國還付滿洲主權於清國。一如占據以前。

第二款 清國政府。任在滿洲俄國人民及事業保護之責。是以俄國期十八閱月。滿洲軍隊悉行撤退。但分爲二期。六閱月內自盛京省撤退。次六閱月內自吉林省撤退。最後六閱月內自黑龍江省

撤退。

第三款 俄國未撤兵間。清國配置軍隊。其屯駐之地及兵數。兩國將軍協同議定。俄國悉撤兵後。清國政府任自選定。但告俄國以兵數。

第四款 山海關營口及新民廳鐵路。各還其主。保護其鐵路。清國政府應任其責。不許誘引他國。爲之保護。或事修理。又俄國所還付土地。不許他國占據。此鐵路係俄國嘗所修理者。清國應償其費若干。但其金額不上百萬羅卜。

此條約。應三月以內批准交換。雖然自畫押日。直認爲有效。

此約較諸前年密約。俄國之讓退清國者多。是雖由前年我國及英美列國所抗論致然。蓋亦日英同盟之力與居多矣。然俄國爲此條約。果在誠心實行歟。抑不過視爲一片空文耳。

俄國之於滿洲。陽約撤兵。而其於韓國。亦有所規圖。是歲四月之交。遣兵蹙鴨綠江。築礮墩於其下流。

龍巖浦。至六月。增兵二百餘以戍之。

十一 日英同盟

日清之役。我國費二億餘萬之財。動二十餘萬之兵。以扶植韓國之獨立。是爲義戰。因其戰捷。使我國之地位及軍備。一新歐美列國之心目。而其最致意者爲英國。首倡條約改正之議。各國和之。完成與列強國對等之約。尋有北清之變。列國觀賭我國軍隊之勇敢且有規律。驚贊不措。於是與英國意氣尤相投合。明治三十五年壬寅。清國光緒二十八年。西一千九百三年。一月二十日。日英同盟協約遂成。駐英日本公使林董與英國外務大臣蘭斯日。ランズド畫押於倫敦府。以我紀元節之翌日。政府宣布之。其文曰。

日本國政府。及大不列顛國政府。備希維持極東現狀及全局平和。且維持清國及韓國之獨立。又關該二國之於各國商工業。使得均等機會。特以有利害關係。茲約定如左。

第一款 兩締盟國。以相認清國及韓國之獨立。聲明該二國不問爲何國。無爲侵畧趨向所制。雖然。兩締盟國。各鑒乎特別利益。在大不列顛國。則主關清國。在日本國則加其清國利益。以於韓國政治並商工業上有特殊利益。兩締盟國。若有他國侵畧其應有利益。又爲於韓國保護兩締盟國國民之生命及財產。有或由他國干涉惹起騷擾等事。兩締盟國。爲擁護該利益承認。執必要不可缺之措置。

第二款 日本國。若大不列顛國。在其一國。至爲防護各自利益。與他國開戰端時。一締盟國者。應嚴正守中立。併務妨他國對同盟國加交戰。

第三款 在前款時。若有一國若數國對該同盟國加交戰。他締盟國。應來援助。以協同戰爭。

在媾和時亦。該締盟國。應相共合意圖之。

第四款 兩締盟國。約定未經協議。不可與他國結足害前款利益之別約。

第五款 日本國。若大不列顛國。着做前款利益迫危殆時。兩國政府。應誠心通告。

第六款 本協約。自書押日。直從實施。而爲自該日始。五閱年間有效力者。若至五閱年終。在十二閱月前。自一締盟國通告廢止本協約之意旨。則本協約。自一締盟國表示廢約意旨之日算起。至一閱年之終。爲續有效力者。然至其終了期日。於一締盟國。現在交戰中。則本協約。爲至媾和終了。當繼續者。

此協約。日英兩國互通利益。以保證極東之平和。故其宣布也。我國上下拍手歡喜。英國亦舉國欣然。同其情云。此約固以平和爲基。而隱然牽制俄國之於滿洲舉動也。明矣。

戰爭本記一

一 日俄兩國交涉顛末

兵凶器。戰危事也。不得已而用之。况我國自古有君子國之稱。素尚仁義重平和。假使俄國實有望平和之意。豈好弄干戈者哉。而俄國譎詐無信。譬如猛獸。一旦遭自家不利。數款條約。視爲一片故紙。忽蹂躪而不顧。毫無所介意。明治三十六年癸卯。清國光緒二十九年。西一千九百三年。四月八日。爲滿洲撤兵第二期。世界列國注視其行動。我國特當滿洲解決之任者。翹首俟之。當是時。日英同盟既成。東洋上儼然有一大勢力。使俄國踐約撤兵。則滿洲紛紜應成一段落。而俄國恬然不顧。曾無撤兵之意。列國不平。朝野沸然。若於是時。我國號令一下。發兵滿洲之野。問昔約之罪。誰敢問然之者。然我國素重平和。故隱忍不動。以靜觀時機之至。使我駐清公使內田康哉。屢警告清國。清國爲俄國所威嚇。遲疑逡巡。莫復能爲。則我國不能擲棄之。四月二十三日。與俄國初開協商。俄國見我所執頗堅。遣陸軍大臣克魯巴多金。託名極東視察。來伺我國事情。且於韓國。強占龍巖浦。設採林公司。漸事侵蝕。欲使我國注意於韓土。以不暇復顧滿洲。

夫維持韓國之獨立。及保全壤土。併擁護我國之在韓土利益者。於我日本國之康寧安全。爲緊要不可缺事。故不問其行爲之如何。苟使韓國地位不安者。日本政府不能等閑視之。然俄國不關於其與清國公約。及與列國誓言。依然占據滿洲。且侵畧韓國境域。若使滿洲落俄國之手。則韓國之獨立。固不可

支。是以。六月。我皇帝陛下。召政府諸大臣。議定確乎不拔之意見。七月。使駐俄公使栗野慎一郎。與俄國外務大臣蘭斯特夫協議。調理日俄兩國之於滿韓兩地友誼利益。以期永遠維持東亞之平和。俄國亦答以同其意。八月十二日。我政府。乃使栗野公使提出條件於俄國政府如左。

第一款 日俄兩國。應相約尊重清韓兩國之獨立及壤土保全。

第二款 應約各國商工等於清韓兩國。維持機會均等之主義。

第三款 俄國承認日本國於韓國特優利益。日本國承認俄國於滿洲關鐵路經營特殊利益。併相共

承認爲保護上記利益。執必要之處置。但要不肯第一款主義。

第四款 俄國應承認日本國援助韓國制度改革及善政之專權。

第五款 爾後有展築韓國鐵路於滿洲南部。以接山海關牛莊鐵路之事。俄國應不阻礙之。

且我國政府。欲其協商之速決。欲直開會議於俄都。而俄國政府。託言於同國皇帝陛下外遊。及其他事故拒之。欲使其駐日公使開會議於我東京。我不得已聽之。

克魯巴多金之西歸也。俄國極東政略益圖擴張。轉度支大臣烏逸的。爲大臣委員會議長。八月十三日。新置極東大總督府。以大將亞歷塞夫爲總督。大總督府者。合滿洲及黑龍江部。建一新俄羅斯國於太平洋面之基礎。而總督之任。總攬文武兩權。其官位之崇。威望之嚴。可謂之副王。足以徵俄國之毫無還付滿洲之意。有欲永遠占奪之志也。

舉外國新聞紙評論總督者。三。倫敦支那益斯布列士曰。克魯巴多金視察極東。悟置此職之爲要

務。西歸後。奏之俄帝。俄帝納之。初克魯巴多金之意。在舉皇屬大公爵一人任總督。以亞歷塞夫副之。然大公爵皆年老。不願來極東。年少者唯有烏拉地密耳大公耳。於是命亞歷塞夫爲總督。倫敦泰晤士曰。俄國之動軍於滿洲。未嘗有如今日顯著者也。俄國理當撤兵滿洲。而實握主權。撤兵之徵。未能毫認之。蓋俄國不撤兵之意既決矣。觀近日舉動。既傾全力以鞏固滿洲軍備。汲汲爲由西



俄國度支大臣烏逸的

伯利鐵路。送遣大軍之備。青泥窪從未嘗置兵。今新送防備兵一萬五千。又爲保護青泥窪及旅順間鐵路。將大起工事。海軍亦悉其力之所能。發軍艦送之極東海上。致意於作戰經畫及練習。方此時。更舉亞歷塞夫任總督。委以極東指揮全權。初俄國有二政黨。一爲軍人黨。一爲烏逸的氏派商業黨。互以政見相軋。今觀此舉。可以知軍人黨派之占勝。其維多莫斯的新聞云。以日本將侵略極東。俄國要維持平和。至不得不任極東總督。然以吾觀之。事實與之正相反。以俄國大逞貪心於滿洲。使大

有利益於韓國之日本國。至不得不爲之警戒也。日本之常所重視者在韓國。而今觀俄國得樹林採伐特權於韓國。使其境遇與滿洲同陷危殆。豈得默然傍觀而止哉。雖然日本決非徒好戰者。其於國際關係。常守平和。吾所徵數年間歷史悉知之也。若使俄國執正當義務。以尊重日本當然之利益。

則日本豈遂行侵略主義者哉。吾不容疑於其間也。倫敦斯白克德泰曰。今俄帝。內有不平之聲。將化成革命之勢。不可不講威壓突厥。以延命脉之策。加以極東之紛擾。若一旦破裂。則與日本戰。失滿洲。又招怒英美。是非帝一身所能擔負。故蓋欲分此危險之任。置之他人肩上耳。而亞歷塞夫。臨極東以君主之權。指揮數萬陸軍及太平洋艦隊。且於日本及清國外交。得專任其意。故又與二國所關係之列國。有多大影響。其責任權力可謂極大矣。雖然處重大事件。固不得不奉俄帝意旨。亦以免在廷大臣制御。不為大臣等所悅。故彼蓋急於博名聲。欲遂行政策以鞏固俄國位地。將因韓國壤土開戰於日本。而掣肘於彼者有二。




大塞歷亞督總東極國俄
VICEROY ALEXIEFF.

一者。彼欲戰。而俄國陸軍大臣。應拒給歐洲必需軍旅於彼。一者。難於得軍費。是其權力雖大。其困於行之者。亦大矣。

既而至十月三日。俄國送付答案。其旨。拒約尊重清國之主權及壤土保全。并拒在清國維持各國商工業機會均等主義。且求我國承認以滿洲及其沿岸地方為日本國利益之範圍外。而其關韓國事。附種種制限於日本國自由行動權上。若雖承認日本國為保護利益。緊要時有出兵之權。不許以軍略上目的使用韓國壤土一部。其甚者至於欲限北緯三十

九度以北韓國境域。以爲中立地帶。

是月八日。實爲滿洲撤兵第三期。先是俄國務爲不敢撤兵之計。其駐清公使列撒^{レツヤ}以條件七款要求清



黑龍江畔哈巴羅夫市景

廷。曰。清廷許之。則當以一閱年內撤兵。而其條件中有云。松花江一帶埠頭。卽船舶繫泊之處。則俄兵當守備之。又自齊齊哈爾至伯拉照夫琛斯克^{フクシヤク}道路。則俄兵當警衛之。此其實與未嘗撤兵同耳。清廷不堪其強迫。殆將允之。我國及美國聞之。懇款勸告。清廷乃拒絕俄國之請。

既過撤兵第三期日。俄國復恫喝清廷曰。去年四月。清俄兩國所締結撤兵條約。既以本月八日爲無效力。俄國不得認經過有效期限之條約存立。清國若敢冀滿洲撤兵。應必更結新條約。其背信悖義暴言無狀。卒欲占據滿洲之意也明甚。

加之俄國不獨不踐撤兵之約。是月二十八日。遣兵二千突然占據奉天府。驅逐清國衛兵。樹各官衙以俄國旗幟。此將第一期既撤退之地。再事占據。且託言徵事。監禁盛京將軍增祺。以欲脅清廷。使強允其要求也。俄國之暴橫不可律以道理如此。此事正在清美通商條約

始成。清廷告知奉天安東二地開市於增祺之後二日。清廷聞之大有所悟。西太后及皇帝陛下。急召諸王大臣。議斷然拒絕俄國要求。併命修兵備云。

俄國之於滿洲。舉動業已如此。而觀其遺答案於我國者。若使無併吞滿洲之意。如尊重清國之主權及保全壤土。則與俄國官屢所聲明之主義。全一其揆。而何以難揮此款於協約中乎。我不能解其理由。故俄國政府之益拒絕此款。是我國政府之所以益要揮此款也。且我國之於滿洲。不唯現今商業上既有重大之利益。將來亦發達之望。素不爲尠。加以其與韓國關係政治上。亦有一層緊切之利害。不能認爲範圍外也。勿論耳。故我國政府決不能諧答案之件。乃修正其條款。若設中立地一案。假使不得已設之。以跨滿韓境界劃一定距離爲至當。故以滿韓兩地各五十基⁴⁰充之。十月三十日。送付之俄廷。

蓋俄國之提起中立地設置之說。欲以韓國北部爲中立地帶。以其南部任我自由行動者。觀我國主張開放滿洲保全清國壤土。以己貪婪之心度之。以爲欲蠶食他邦壤土者。以韓國半部陷我。爲壤土奪掠之徒。使不得容喙於自國滿洲經營上。且設中立地帶於韓國北部。以築成滿洲之一大障壁。在以欲遂其逐逐之欲。夫我國所執於滿韓二方者。固公明正大。常以保護世界之平和繁榮爲目的。其於滿洲。在開市於各處。與列國共其利益。以保全清國主權。嚮以干戈之餘。公然當得之地。猶且爲保平和。還付之清國。其無意於壤土占奪可知矣。其於韓國。歷史地理上爲密接關係。不啻唇齒輔車。今欲確立東洋永遠平和之基礎。在使我國特優之權在彼國者。爲列國所是認。且我國自有可執之見。何須俄國之喋喋交涉。今俄國之出於此者。欲其獨占滿洲之利。弄此陋劣姑息之手段耳。

當此時。我國人民。悉憤俄國暴橫無狀。主戰之論稍稍起於民間。對俄同志會之立。天下翕然和之。不忍見政府忍耐持重。數與俄國交涉。徒費時日。督促政府。欲出於勇斷之處置。尋十二月五日。政府召集第十九回帝國議會。衆議院議長河野廣中。草彈劾奉答文。滿院拍手贊可。政府乃解散議會。而全國民心鬱然惜之。士氣之振興。可以想見矣。

我政府亦非因循姑息空待回牒者。十月二十四日。總理大臣桂太郎。招集元老伊藤博文。山縣有朋。松方正義。大山巖。井上馨。及海陸軍外務諸大臣於其官第。有所協議。蓋決固執前案。貫徹主旨。不敢讓一步云。尋督促回牒於俄國數次。俄國素非有重平和之真意。只在遷延時日。整戰備於其間。至十二月十一日。始接回答。其旨。削除滿洲條項。以此協商。爲專關韓國者。而不許軍略上使用韓國壤土。及設中立地帶二款。猶主張原案。夫置滿洲於協商範圍外。大悖我國當初交涉之主旨。故其二十一日。使外務大臣小村壽太郎。會駐日俄國公使婁善。交附提案。削除韓國壤土使用上制限。若中立地帶。使俄國不欲跨滿洲之地。則亦不當設之韓國。故悉從廢止。送之俄國政府。要其再考。

明治三十七年甲辰。俄國光緒三十年。西一千九百四年。一月六日。俄國政府。送付第二次回答於我。其上記二款。依然主

張原案。別加第五款云。關滿洲。承認日本及他國享有與清國現行條約中所得之權利及特權。不敢阻礙。但不許設定居留地。而關其壤土保全。毫無所言及。夫款中不約壤土保全。固無益於實際。何者。條約上權利者。與主權共存亡。若俄國併吞滿洲。則各國與清國條約所得權利及特權。與之同歸熄滅。故我國政府。務要使俄國尊重滿洲壤土保全。其居留地設定條件。以抵觸日清間所締結追加通

商航海條約消除之。又關韓國事。毫無讓步餘地。故固持我國前案。十二日。我皇帝陛下。召各大臣及元老諸臣議決之。翌十三日小村外務大臣。訪駐日俄國公使。告以廟議。又遞電報於栗野駐俄公使。致其意於俄國政府。以復要再考。


俄國之狡獪。遷延時日。無誠意於協商如彼。而我國廟議鞏固不可動如此。似不復須要再考。亦可以見我國鄭重處事。非輕忽好戰者也。

我國既致復牒。而求回答於俄國

數次。俄國不啻不送付回答。併不示其時期。猶遷延彌日。至二十八日。開會議於俄都彼得堡。以亞



俄國駐日公使婁善



帝國駐俄公使栗野一那

列克西士、亞歷山得微都太公爲議長。會其外務陸海軍大臣參謀總長等諸臣。議應送我國回牒云。雖未能知其所議決如何。據倫敦二十日電報所傳云。二十七日。俄國起草回答。經皇帝裁可。雖未交付。傳要旨於栗野公使。公使通報之於日本政府。聞其回牒。雖辭命鄭重。於日俄兩國約尊重清國及韓國保全條約中。堅拒斥插入清國。則其依然不認清國主權。可知耳。

俄國亞列克西士太公



當日俄將開戰時。顧視列國態度如何。倫敦泰晤士新聞曰。若有戰起。英國應以使他國莫敵日本加戰爭爲第一義務。又曰英國不問事情如何。不能默過使極東壤土陷不厚友誼某國之手。又不能看過使日本或敗或降第二等國。若有戰起。我當竭力用意以保護英國利益。倫敦電報曰。英國總理大臣巴爾發亞氏演說曰。英國關其同盟國。應十分遂行凡條約上契約及義務。又令其支那艦隊司令長官曰。目下宜勿向日本海面。北美合衆國政府。亦電令其東洋艦隊司令長官曰。若日俄開戰。美國所宜執。自非侵害自國條約上權利。嚴正保持中立。又目下勿航行日本沿海。伯林電報曰。德意志國無黨俄國。又無以實力援助俄國。俄國亦不求援於德國。德國之於韓國。其利害薄於英美。假使日本占據韓國。德國又欲悅而諾之。又倫敦電報曰。德國及奧地利匈牙利同盟三國亦決嚴正守中立。唯法國未定態度。然亦決不得援俄國。何者爲日本同盟英國而守

中立。法國亦不可不守中立。若援俄國，則不得不與日英兩國爲敵也。

二 日俄兩國兵備


西一千九百年。我明治二十三年。清國光緒二十六年。俄國送兵於滿州。不關其與清國及列邦有撤兵誓約。汲汲經營。日將月就。充實軍備。及我國交涉稍開。益事擴張。分派本國艦船以向極東。至一千九百二年。我明治三十六年。清國光緒二十八年。六月。俄國艦隊在東洋者。有一十五萬噸。其九月。踰一十七萬噸餘。若其陸軍。七月七日。極東文武官會於旅順。議決增兵五千於旅順。將備六師團於遼東半島。又以中部及北部西伯利守備兵十二萬八千。召集後員加爾洲乞塔府。沿貝加爾鐵路排置之。以供應急東行之用。築二礮臺於大連灣頭。約需銀一千三百萬羅卜云。八月。建極東大總督府。總督亞歷塞夫。專執挑戰之意。擴張太平洋水雷艇隊。命驅逐艦若干隻水雷艇十一隻水夫海兵千五百人。自波羅的海赴旅順。十月八日。陸兵亦派大部隊。發格倫斯達多。至東方。向滿洲南部移屯。旅順大連灣兵營。儲糧可支一年。尋占據奉天府及海城。十一月。自俄國派二師團兵向東三省。西伯利狙擊隊舊有二聯隊。增爲二旅團。又發海軍四分之二向太平洋航行。一千九百四年。我明治三十七年。清國光緒三十年。一月。遣汽船加區號搭載選兵一千餘人及大礮兵器子藥。過蘇士運河向極東洋。合十二月所派選兵。共有四千餘人。又下令充步兵豫備員。送兵五萬於烏拉地俄斯德港。增爲守備。其竭力於海陸防禦如此。

亞歷塞夫嘗語幕僚曰。使旅順有船塢三處。大連灣有船塢二處。足以與日本戰。今假使第一海戰得勝。亦巨有損傷。日本直修艦重來。而我無修繕之處。則終歸敗認。是所以今非戰爭之機也。至是復上

日 俄 海 軍 比 較

排水量

〇〇七.二一
 四七六.二一
 〇六九.〇一
 四七六.二一
 〇一一.〇一
 〇六九.〇一
 四七六.二一
 〇六九.〇一
 六三三.二一
 〇三一.二一
 三二九.〇一
 〇〇八.七
 〇三六.六
 〇三六.六
 〇三六.六
 〇五七.六
 〇〇一.六
 二八八.五
 〇〇二.三
 〇〇二.三




艦名

戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維

排水量

〇六三.五一
 三四四.五一
 〇四二.五一
 八八〇.五一
 九四六.二一
 七七五.二一
 六〇九.九
 六〇九.九
 五五八.九
 五五八.九
 〇〇八.九
 六五四.九
 〇〇八.七
 〇〇八.七
 五三三.七
 五一三.四
 七一三.四
 八七九.四
 六三八.四
 三七一.三
 八七二.四
 八七二.四
 八七二.四



艦名

戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維
 戰列艦 關維

書俄帝曰。俄國地理形勢與軍隊威力。可必達宿望。而自有時機。今暫以外交手段備縫一時。於策爲得。現時極東所不足者。爲陸上兵備。若充兵備。則地理上決無受阻礙之虞。俄帝納之。速下令行西伯利軍隊動員。此俄國雖口唱平和。固非有誠意。故遷延回牒。充實海陸戰備於其間者。不俟智者而後知者也。

我國之爲兵備。明治二十九年丙申。清國光緒二十二年。西一千八百九十六年。增設師團。三十五年壬寅。清國光緒二十八年。西一千八百九十二年。擴張

海軍。至是俄國暴橫日甚。盛修兵備。則我亦不可不爲之備。先是我國爲韓國經營。約設築京釜鐵路。

自韓國京城起。至慶尙道釜山浦止。置鐵路集股公司。使築造之。然荏苒姑息。未可期其竣工。今時事漸急。圖速成功。三十

六年癸卯。清國光緒二十九年。西一千九百三年。十一月二十八日。勅發軍備補充及京釜鐵路速成之令。爲要軍備補充經

費支辦。政府得一時舉借金額。流用特別會計資金。及發行國庫債券。又爲京釜鐵路公司速成資金便

宜。政府保證公司所發債券本息清償。更付補助金二百二十萬圓以內。派官監督工事。是日又勅改正

戰時大本營條例。發布軍事參議院條例。二十九日。置臺灣守備軍司令官。三十日。購收南美亞爾然

丁共和國所造於義國裝甲巡洋艦二隻。命名一曰春日。一曰日進。清國光緒三十年。西一千九百四年。一月

五日。陸海軍大臣令禁記載軍機軍略事項於新聞紙及雜誌。嚮以元帥山縣有朋。大山巖。海軍大臣山

本權兵衛。陸軍大臣寺內正毅。海軍軍令部長伊東祐亨。爲軍事參議官。十四日更命陸軍大將野津道

貫。黑木爲禎。奧保鞏。海軍大將井上良馨任之。又令停止郵船公司及東洋汽船公司船舶航行歐洲孟

買濠洲美國等。二十二日。布海面防禦令。二十三日。布鐵路軍事供用令。二月五日。定軍事郵便規則

及郵便交引規則。

夫一國之與一國開戰。非獨以武力之強弱器械之優劣。可以定勝敗之數。軍資之豐饒與否。關終局之輸贏。亦大矣。十八日。大藏大臣曾根荒助。招東京橫濱銀行主於其邸。謂若不幸至與俄國交干戈。爲其軍資。應募集內國公債凡一億圓。實業家亦當奮供資本。期踰應募之額三四倍。二十五日。我皇帝陛下召伯爵松方正義并上馨。命參畫財政。二十六日。元老等會議定財政計畫。尋桂總理大臣亦招銀行主及實業家。論以前旨。於是軍資之基礎確立。不復憂匱乏矣。

二 日本最後通牒

入一月來。俄國復增派艦隊於東洋。轉送北京及天津守備兵於旅順。又自旅順增遣兵一千於韓國境界。知琛斯克騎兵八十來關外鐵路溝帮子。測量自安東縣經大孤山到復州鐵路。架設電線。更遣旅順大連兵六千向鴨綠江。命陸軍大臣克魯巴多金。爲極東陸軍總指揮官。付亞歷塞夫。以宣戰大權。二月三日。烏拉地俄斯德俄國守備司令官。告駐在日本貿易事務官川上俊彥曰。本官既受命。不問何日。得宣言以烏港爲合圍地。故望留住日本人民宜隨時歸國。日本人若欲猶留住。須命去趨哈巴羅夫喀。尋使烏港俄國艦隊撤去艦上木材。以備開戰。

日本國政府。固以穩和公平爲政綱。所求於俄國。非敢言以難行。唯欲承認其嘗所聲明主義耳。而俄國政府敢峻拒之。加之無故遷延回牒。其間充實海陸軍備。其大兵既壓韓國境土。日本政府以衷心欲平和實切。隱忍以至於此。然俄國之舉動。使日本政府不得已絕妥協之望。於是遂止協商。四日。我皇

帝陛下。召大臣及元老。決自由爲軍事行動之議。六日。小村外務大臣招俄國公使婁善。告曰。日本政府。終始欲與俄國謀平和協商以完成滿韓事件。而俄國政府。竟無容納之誠心。則不復能繼續保外交親和。我爲擁護吾權利。至不得已執自由行動。而其結果雖有不測事變。我政府不任其責。是日。又致電訓於栗野駐俄公使。告知其意於俄國政府。命栗野公使捲國旗去俄都。於是日俄之交絕矣。

第一編下卷

戰爭本記二

一 仁川之戰

俄國之壤土擴拓，薩刺瓦種之侵略。將使附近各國陷於危地。故其欲占據巴爾幹半島及君斯但丁堡。德壤英三國反抗而掣肘之。使不得伸其志。於是復致力於極東。欺清韓之微弱。欲籠絡之以肆蠻行貪壤土。俄之奮勢力於日本海及支那海。不獨關我國運命。大擾亂東洋平和。故今之開戰。削蹙俄國東漸之力。併以膺懲蠻人之行爲也。則非啻日俄兩國之爭。實文明與野蠻。立憲與專制之爭也。

當是時。我陸海軍之在韓國者。步兵二中隊駐京城。各一中隊駐釜山及元山。若軍艦。唯千代田艦三等巡洋艦一隻泊仁川港耳。而俄國軍艦。有達利也古六千五百噸哥列圖千二百噸二隻。其他英美義法軍艦。各有一隻。皆送水兵於京城。以護其公使館。二月初旬。流言俄國艦隊護兵三千。發旅順向仁川。人心洶洶。既而其事爲虛傳。

先是。我聯合艦隊集於佐世保港。以整備戰具。六日曉。司令長官海軍中將東鄉平八郎。召集各司令官及艦長於其坐艦三笠號。議示方略。及進發令下。午前九時。司令官少將出羽重遠率第三戰隊先發。十一時。司令官少將三須宗太郎率第一戰隊繼之。正午司令官少將梨羽時起率第一戰隊繼之。午後

一時。司令官少將瓜生外吉率第四戰隊繼之。鮫島佐世保鎮守長官。搭小汽船送之。各艦乘員列甲板上。三呼祝聲。是日天朗風和。舳艫相銜。壯嚴靜肅。以出海門。

七日。到韓國西南端洋上。遙望煤烟。使通報艦龍田號偵察。即俄國商船魯西亞號也。直命扣留捕獲之。令臺中號送之佐世保。我軍喜先獲魯西亞。士氣大振。午後一時。抵韓國木浦洋。明石艦來報曰。敵艦全隊依然在旅順口外。二隻在仁川港。於是東鄉司令長官。分遣第四戰隊。掩護我運船陸兵。以向仁川。三笠出雲二艦奏軍樂送之。村上艦長搭千代田艦在仁川。

海軍大將東鄉平八郎氏



以小艦介於俄國及各國軍艦間。苦心慘憤。以待事機之到。七日夜。潛揚碇出港。八日。天明會於我第四戰隊。瓜生司令官在旗艦浪速號。率高千穗。新高。明石。及淺間四艦。護運船大連號。旅順號。平壤

號。金州號。進來。接千代田艦之報。直定方略。午後四時。以千代田艦爲嚮導。高千穗明石率水雷艇護運船陸兵入仁川港。其餘艦隊皆在港外。以伺動靜。時千代田艦裝獨白。且走且抹以更黑色。既而報俄艦哥列圖繞八尾島左出港。乃遣水雷艇鳩雉燕三號逼之。敵艦大懼。倉皇轉舵入港。復投原地。是夜。千代田高千穗明石三艦。及水雷艇四隻。照探海燈。圍守敵艦。使陸兵漸次上岸。陸兵肅肅整隊。小艇相屬。以九日午前二時。悉上仁川。運船即時出港。我邦人居住仁川者。燃燎迎之。明如白日。外國人觀者。歎我兵靜肅無譁。迅速畢事。

是日午前七時。瓜生司令官遺書於俄國艦長曰。期本日午後四時。當退去仁川。若不肯退去。不得已從事兵力。又告各國軍艦。求變換碇處。午前十一時四十分。乘濃霧。俄艦哥

第一艦隊司令官海軍少將梨羽時起氏





第三艦隊司令官海軍中將出羽重遠氏

列圖先發。窪利也古繼之。爲單縱陣。正午繞八尾島左將出港口。遙望我艦隊擺列洋上。決意揭戰鬪旗。開礮亂射。我使淺間千代田二艦當之。其餘諸艦。一備外敵。一防逃逸。午後零時二十五分。彼在北。我在南。相距四五千米突。礮火交錯。硝煙漲天。殷殷之聲近震仁川。餘音遠響京城南山。使韓民爲之竦然。我礮著著命中。俄艦哥列圖。檣折舷摧。窪利也古。亦壞左右舷。淺間艦所射八吋^英度礮。尤奏功云。交戰凡三十五分。哥列圖先走。窪利也古繼退。既受損傷。左舷傾斜。繞入港內。到小月尾島各國艦後投錨。我艦隊以避港中之戰。命停尾擊。擺列港外。休戰以促敵艦降。午後四時三十分轟然一聲。哥列圖艦自火藥庫爆沈。窪利也古艦。亦漸爲海水浸漬。知其不免。縱火後倉沈沒。俄國東清鐵路汽船孫牙利號在其傍。爲飛燄所延。亦燒沈。是役。俄國艦長傷其左腕。死者凡五十人。傷者百餘人。皆爲英法義各艦所救。其逃上岸者。爲我兵所虜。而我艦隊無一死傷者。得月尾島俄國煤庫。




第二艦隊司令官海軍中將須宗太郎氏

水雷發射光景及露艦沈沒慘狀



俄艦薩利也古號
(六、五〇〇噸)



俄艦哥列圖號(一、二二三噸)

二 旅順口之戰

我聯合艦隊。分遣第四戰隊之後。列次整然。向旅順進行。遙見俄國一商船來。使吾妻艦捕獲之。即亞爾良也。七日夜。雨雪交作。風濤險惡。頗憂妨戰期。八日朝。風雪全歇。日暖波恬。望遼東一帶青螺於煙雲縹渺間。若直指山東角抵旅順洋。則虞爲敵艦所先知。轉舵繞拉運德島。夕日將沒。達旅順東六



第二艦隊司令官海軍中將瓜生外吉氏

十海里。午後六時。東鄉司令長官。決驅逐艦隊襲擊敵艦之策。命第一第二第三艇隊向旅順。第四第五艇隊向大連灣。全員登舷發祝聲送之。艇隊向旅順者。夜十二時。到港外。嚴加警戒。緩徐進行。時雲霧空濛。不辨咫尺。唯見市街燈光赫耀焦空耳。俄軍列驅逐艦十餘隻於港外五海里。以爲哨線。而若不知我艦之襲來者。我艦過之。漸近港口。見俄國艦隊十餘隻在礮墩下。儼成陣勢。我艇隊進至五百米突之地。號令一下。自第一艇隊。順次發射水雷。各二門。轟然震響。海翻山崩。俄艦始知我軍來襲。狼狽紛囂。遽照探海燈。急開礮火。然狙覷不定。皆墜海中。莫一中我艦者。我艦所射水雷。擊損俄國戰艦二隻巡洋艦一隻。據俄將亞歷塞夫所報云。戰艦列多維贊號。一萬二千噸。傷損水線下部。追撒列維的號。一萬二千噸。傷損舷部。裝甲巡洋艦巴爾拉達號。六千七百噸。傷損中央機關。雖未至沈沒。其傷損頗



巨云。而我艇隊無毫傷損。九日午前二時。收戰回來。歸途遇俄國驅逐艦。我擬礮挑戰。彼不敢抵抗。蒼黃遁去。我艇隊向大連者。不見敵亦回來。

九日黎明。聯合艦隊東鄉司令長官。待驅逐艇隊回。使第三戰隊偵察敵情。出羽司令官坐千歲艦。率笠置吉野高砂三艦。近旅順港口。遙見敵狀。山頭礮墩聯綴如垣堞。敵艦亦揚煤烟。警戒不懈。夜來我艇隊所襲擊三艦。傾斜橫於港外。如敵勢大減。意氣沮喪者。直報攻擊時期於本艦隊。東鄉司令長官。即決舉艦隊攻擊之策。率第一戰隊三笠、初瀨、敷島、朝日、富士、八島、第二戰隊出雲、盤手、吾妻、常磐、八雲、十一艦。午前九時。到旅順口外五海里。先遣通報艦千早龍田二隻誘敵艦。敵艦不出。乃發信號令諸艦曰。當盡力進擊敵艦。勝敗之決。在此一舉。午前十一時。方傳午餉。東鄉司令長官。與幕僚共酌三鞭酒。有來報曰。敵艦見。相距殆一萬米突。乃舉杯唱皇帝陛下萬歲。蹶然上甲板。正午。作單縱陣。自東向西。過黃金山礮墩下向老鐵山礮墩。礮

墩及敵艦共劇發砲火。我艦寂然不應。及相距八千米突。唯見戰旗高颺。喇叭聲徹。下令開砲。十二吋

砲。轟然飛迸。恰中敵艦。黑烟蔽空。諸艦一齊發射。

殷殷裂雲。向砲墩敵艦雨注。敵艦敗退。走入港內。

我艦隊以駛力十五節。進逼海岸三千米突。轉舵向

南。用勝砲攻擊。午後一時收戰。十日還抵根據地。

此役也。俄國艦隊精銳者。殆十餘隻。且有砲墩掩

護之。其力固强大矣。我艦臨之。戰於滄波溟渤之

間。其壯烈不可名狀。而我將卒。舉止沈靜。射擊巧

妙。殆不異演習時。加之下瀨氏所發明火藥。爆力

猛烈。尤奏其功。傷損敵艦者四隻。曰戰艦勃耳多

窪。一萬九百五十噸曰巡洋艦的亞拿。六千六百三十噸亞士哥利特。六千五百噸諾維古。三千二百噸共損其水線。死者十七人。傷者六

十四人。敵艦氣既奪。其發彈莫一中者。唯砲墩發

彈。稍損我艦。若磐手艦。受其十丸。然毫不減其戰

力。死者。富士艦砲術長少佐山中幹。同分隊長中

尉三浦容夫。初瀨艦少尉候補梶村文夫。二等兵曹町田軍次四人。負傷者共四十八人耳。我皇族東伏

放 順 港 全 景 之 二



下瀬火藥發明者海軍下瀬火藥製造所長海軍技師 工學博士 下瀬雅允氏




於東郷司令長官及瓜生司令官。褒其殊功。都下千門萬戶。悉揭旭旗表祝意。驩聲載途。


三 宣戰之詔

二月十日。發宣戰大詔曰。保有天佑踐萬世一系皇祚大日本國皇帝。示忠實勇武汝有衆。朕茲對俄國宣戰。朕陸海軍。宜極全力從事與俄國交戰。朕百僚有司。宜各率其職務。應其權能。努力以達國家目的。凡於國際條規範圍。期畫一切手段無遺算。惟求文明於平和。與列國篤友誼。以維持東洋治安於永遠。不損傷各國權

俄國巡洋艦亞士哥利特號



見宮依仁親王殿下在千歲艦。山階宮菊麿王殿下在八雲艦。華頂宮博恭王殿下在三笠艦。共以天潢之身。親立彈烟硝雨中。督勵鼓舞。遂敗強敵。其士氣之奮興。可以想見。
仁川旅順捷報達東京。皇帝陛下。賜勅




利利益。確立永可保障帝國安全於將來事態。朕夙以爲國交要義。期日暮不敢違。朕有司亦能體朕意從事。見列國關係逐年益赴親厚。今不幸至與俄國開釁端。豈朕志也哉。帝國之置重於韓國保全。非一日之故。不是唯因兩國累世關係。以韓國存亡。實帝國安危所繫也。然俄國不關與清國明約。及對列國累次宣言。依然占據滿洲。益鞏固其地步。將終併吞之。若使滿洲歸俄國領有乎。無由支持韓國保全。極東平和。亦固不可望。故朕際此機。切期由妥協解決時局。以維持平和於恒久。令有司提議俄國。互半歲之久。屢次折衝。俄國不一以交讓精神迎之。曠日彌久。徒遷延時局解決。陽唱道平和。陰增大海陸軍備。以欲使我屈從。凡俄國好愛平和之誠意。始毫無由認。俄國既不容帝國提議。韓國安全方瀕危急。帝國國利

將被侵迫。事既至此。帝國依平和交涉所求之將來保障。今日求之旗鼓間之外。無復他策。朕倚賴汝有衆忠實勇武。期速克復平和於永遠。以保全帝國光榮。十一日。舉宣戰奉告祭於神殿皇靈殿。十二日。置大本營於宮中。詔下。臣民拜讀。仰度聖旨所存。宏大明晰。炳乎如日月之中天。爲我皇臣民者。誰有不感憤興起。期宣揚國威。以圖報効安聖旨者哉。

同日。俄帝亦布告宣戰曰。朕依天佑爲全俄國皇帝及獨裁君主尼古拉二世。宣我忠良臣民。朕旨以在維持平和目的。爲鞏固極東安寧。務盡全力。朕基於此平和主旨。關日本政府所提議韓國事體。同意於再審兩帝國間現存協商之說。然未至本件交商終結。而日本不待接朕政府最近提議。知照斷絕與俄國商議及外交關係。無豫告外交關係斷絕。卽爲開始軍事行動之意。日本使其水雷艇。突如襲擊在旅順口礮墩外朕艦隊。朕及接極東太守之報。直命可以干戈應日本挑戰。朕當如此決意之時。一確信天佑。一恃朕臣民同心協力。與朕共防衛祖國。朕深禱上帝賜祝福於朕忠勇陸海軍。今觀其言。無些光燄。嗷嗷如田夫之僮語。喃喃如老婆之絮言。何其辭窮氣餒也。比之我大詔煥發。名正言順者。何啻天淵。且其理之不可通者甚多。其言務欲鞏固極東安寧者。果然。何以占據滿洲。蔑視撤兵公約。其言未至本件交商終結。而日本不待接朕政府最近提議。知照斷絕與俄國商議。及外交關係者。抑開交涉始於去年八月。我國每提議。待回牒數週。爲督促數回。猶故遷延彌久。而猶得言不待接最近提議乎。其言無豫告外交關係斷絕。卽爲開始軍事行動之意。日本使其水雷艇襲擊在旅順口礮墩外朕艦隊者。外交斷絕通牒。卽爲最後通牒。最後通牒。卽爲開戰通牒。不要別費解釋。日本政府。令栗野駐俄

公使二月六日告俄國政府曰。帝國政府。爲自鞏固爲其所侵迫之地位。且防禦之。并爲擁護帝國既得權及正當利益。保留自執所以爲最良獨立自由行動之權利。夫言執獨立行動者。其開戰與否。在我權內。何更須通知開戰乎。且同日。我政府命在阿涅薩牛莊烏港領事退去。俄國官民。固應明知開戰。其一戰取敗。偶足以白其不明無能耳。其言直命可以干戈。應日本挑戰者。據事實徵之。俄國送大艦隊於東洋。集大兵於滿洲。以烏港爲攻圍地。命我國人退去。二月初。遊弋旅順艦隊於黃海。以示威武。觀其行爲。莫一非挑戰者。況如二月十二日。烏港艦隊來我函館近海齋商船。其東西相應。將以襲擊我國。若非自我開之。則自彼先之。機在一髮。徒欲以開釁之責嫁我。誣妄隨劣。亦甚矣。且夫宣戰布告之有無。按之戰時公法上。不必要宣戰。殆不容疑。英國陸軍中佐慕爾士嘗檢西一千七百年至一千八百七十年普法戰爭。百七十一年間百十餘回戰爭。宣言之例。僅有十回。不宣言例。及百六回。則當戰爭之時不宣言。爲今日通義。特若俄國博士啡哩特施耳典士所說曰。昔時當國交斷絕之際。法式上送敵國政府以宣戰書。然其慣習。今全歸無用。非唯不要法式上宣戰。若開宣戰外交上送通牒。亦無必需。自注云。一千八百七十七年。俄國不送法式上宣言於突厥。但四月十一日。使駐君士坦丁府代理公使。通知兩國外交斷絕於突厥。其日。公使等悉去突厥。翌日駐俄突厥公使倍伊。得戰爭開始可付旅券之報云云。近時交通之便大開。他國關係得速知之。故無對交戰國宣戰之要。唯不過告知自國臣民及局外國耳。俄帝盡問之自國博士。蓋俄帝性質柔懦。爲亞歷山得密該路微都太公及亞歷塞夫一輩主戰論者所欺蔽。遲疑因循。不能自行其志。故其發於言。罔味無稽如此。及時迫事非。禱哀於天。



亦何益。

四 清國及列國中立

日俄開戰之報。達於泰西諸國。十一日。英國先宣言局外中立。法德義奧美及荷蘭丁抹西班牙等諸國。皆以十二日宣言中立。而諸國概寄同情於日本國。若英美二國尤厚。英國得開戰之報。上下歡喜。各新聞紙舉以論日本開砲火之當理。激賞日本海軍之快戰。英屬加奈太地方。亦壯丁中望加我軍者甚多。美國人民以誠意贊此舉。請軍資義捐於我駐美高平公使者。金額既及數百萬弗。同國政府。快諾保護我國民在俄國者。德國政府。則及我駐德井上公使報道開戰主旨。快諾之。其新聞表同情於日本云。俄國爲壤土併吞政略。日本爲國家權利存在。開戰者也。若僧侶黨機關新聞。尤非俄國之行爲。奧國新聞。初若以我突然襲擊爲非者。及聞我海軍得捷。輿論一

變。大賞嘆其勇武敏捷。若匈牙利。素厚於我國。義國。亦以爲日本行動甚適義理。可以見正義之所激。雖歐美各國。亦同其感。獨至法國。有異其選者。其新聞所揭。或謂表同情於日俄兩國。或謂日本開戰。違反國際公法。又有更警備東洋送艦隊於極東之說。蓋法國與俄國交情尤密。故有不能全非俄國者爾歟。

至清國。特呈奇創之觀。滿洲固其版圖。且發祥基業之地。陵寢所在。宜自任其保全。而縱俄國侵略。言論不能斥。兵力不能擻。待他國抗議。始請撤兵。及其不成。袖手無策。及日俄開戰。宣言中立。是也。初俄國令駐清公使。屢恐嚇之。或至進兵錦州。示威壓之。及日俄交涉漸迫。去年十二月。俄國使謂清廷曰。以日本拒絕俄國提議。將絕交涉執最後手段。俄國不關其勝敗如何。確證清國保全。清國宜表好意爲中立。俄國兵略上。應有一時假占北京。或占據要害各地。然決不累清國。其勸告中立則善矣。至謂占據北京或要害以保全清國。清廷王大臣以下誰敢信之。尋聞我日本所執強固。清廷大喜。慶親王等有所議。堅拒俄國之請。一月七日。我駐清公使內田康哉。訪慶親王。告以本國政府得俄國再答。然未得要領。俄國曾無望平和協商之意。故不得已。應執最後手段。其際清廷所執如何。慶親王謝我好意。對以清國應守中立。十一日。批准交換日清通商條約。許開市奉天府及大東溝安東縣。二月。日俄兩國將開戰。日本政府因駐日清國公使。勸告清國政府當嚴正保守中立。維持國內秩序。且保護在清外國人民。特注意於山東雲南兩省。使勿外國藉口秩序紊亂。爲招侵略之因。又傳電訓於我駐英美德法義公使。告各國政府曰。日本政府熟考日俄開戰之日。清國所執方針。清國所關利害。亦同日本利

害。而日本政府。雖深知資清國富庶。以供其用之利。然若使清國執交戰態度。不能知其結果如何。顧應使其財政更陷於紊亂。使外國貿易至不幸之運。而其弊有更甚者。無他。因之誘致清國頑民排外之感。使世界各國再遭若一千九百年之變。亦不可知。故日本政府忠告清國政府。以嚴守中立。且務保護國內秩序靜謐。清國保持中立態度。俄國能尊重之。則日本政府確保尊重之旨。

當是時。駐日美國公使。告我外務大臣曰。合衆國政府。切望兩交戰國尊重清國中立并行政保全。且制限交戰地域。以防清國人民動亂。兼減世界商業及交通上損害。英德公使亦奉本國政府旨。告以贊同美國希望。除滿洲外。使清國全部守中立。我外務大臣。答以日本政府亦同其意。俄國能遵此約。則日本政府除俄國占據地方外。尊重清國中立并行政保全。

二月十二日。清國政府宣言。嚴正保守中立。且曰。滿洲今爲俄國所占據。故除其地外。實行中立。十三日。致書日本政府曰。日俄失和。清廷以兩國共爲友邦。重隣好。奉上諭。依局外中立之例處辦。已通知各省。一體遵守。且嚴命地方。警備保護商民教徒。盛京及興京陵寢宮殿所在。故使奉天將軍敬任守護之責。東三省城池官衙民命財產。兩國均不得損傷。原有清國軍隊。彼此不相犯。遼河以西俄兵撤退之地。令北洋大臣派兵駐節。各省及邊境內外蒙古。凡照局外中立例處辦。莫使兩國軍隊侵越。若闖入境界內。清國自當攔阻。不須見倣失平和。但滿洲有外國駐紮軍隊未撤退之地。以清國有力未逮。恐難實行局外中立例。東三省疆土權利。不論兩國勝敗。仍歸清國自主。不得占據。十七日。我外務大臣答之曰。日本政府。固望盡力防清國擾亂。故除俄國所占據地方外。總在清國版圖內。俄

國出同一舉措。則我國固尊重清國中立。日本軍隊在戰場。常守法規。固不許妄破壞財產。盛京及興京陵寢宮殿及各地官衙。自非俄國所爲。則確信莫損傷。又圖戰域中清國官民身體財產。日本軍隊極力保護。但該官民幫助敵國。或與厚遇。則日本政府保留執臨機措置之權利。抑日本國之與俄國。旗鼓相見。固非出于侵略目的。偏爲防護我正當權利及利益。故若戰爭結果。獲得壤土。日本政府規圖。毫所不存也。但在清國域地。當兵馬之衝者。一由軍事上必需當執措置。非敢毀損清國主權。請諒察知悉。

夫清國守局外中立。其所影響非鮮少也。假令清國左袒一方。則將東亞大陸一帶。投戰亂渦中。其慘狀不可測。又使宇內各國商工業多被損害。我政府勸告中立。豫告列國。以我國意嚮所在。可謂頗得其宜。且若其答清國書。意公義嚴。足以消清國猜疑之念。清國既宣言中立。當務嚴正守之。列國亦可不使清國完其責任哉。


十日。我駐俄公使栗野慎一郎去俄都彼得堡。赴德都柏林。是日。我皇帝陛下。差勅使於駐日俄國公使斐善及夫人。特賜勅語。優渥懇至。斐善感喜。桂內務大臣下令各地。以俄國公使及領事退去。應加意保護俄國臣民在我國者。十二日。斐善去東京。斐善夫妻溫厚篤實。久在日本。能曉事情。務圖國交平和。無奈本國頑冥。依依有不忍去之情云。駐韓俄國公使哈巴羅。亦介法國公使。告我駐韓公使林權助。以搭法艦退去韓京之意。權助諮之小村外務大臣。聽其請。遣憲兵及巡查警衛俄國公使送之仁川。俄國公使以是日率館員在韓俄人。及仁川之役重創者二十餘名等。搭法艦巴斯加爾號。發仁川到

芝罘。

五 旅順口第二次海戰

嚮我第四第五驅逐艇隊向大連灣。以無敵艦。空手歸航。以爲遺憾。東鄉司令長官。更命艇隊司令官海軍中佐長井群吉。偵察旅順。且試襲擊。二艇隊躍躍進發。十三日。天候險惡。朔風吹雪。寒氣凜烈。波濤甲板輒結堅冰。各艇分散。不復能正隊列。十四日午前二時。惟朝霧艦先到旅順港外。偵察敵狀。忽自敵艦及礮墩開礮浪放。見敵艦一隻揚黑煙者。發射水雷。又砲擊敵暗艇。五時。速鳥艦亦到。近敵艦約百米突。交發射水雷。確認其爆發。轉舵回來。十六日。二艇共到艦隊根據地。各艇分離者亦以前日歸來。是役。夜暗風急。雖無由知敵艦動靜。據俄國總督亞歷塞夫所報告。戰艦西巴斯多卜號。及彼得巴布羅斯克號二隻被損傷。殆失戰力。又水雷母艇也尼賽號。誤罹自設水雷。大被損傷。士官六人。下士以下九十二人死傷云。則其功頗大矣。速鳥艇長爲少佐竹內次郎。朝霧艇長爲少佐石川壽次郎。二十日。我皇帝陛下賜勅於長井司令官。賞其奇功。

十六日。我日進春日二艦到橫須賀軍港。二艦。南美亞爾然丁共和國政府。命義太利國熱那港安撒多公司。用最良型式所構造裝甲巡洋艦也。去年十二月。我國政府與亞爾然丁政府約購收之。募英人及義人充回航員。我海軍士官監督之。其搭日進艦者。我海軍大佐竹內平太郎以下三人。英國豫備大尉李爲艦長。搭春日艦者。我海軍中佐鈴木實太郎以下三人。英國豫備少尉卑印太爲艦長。亞慕斯多倫公司保也爾爲回航委員長。一月八日。發熱那。經波多塞。蘇士。亞典。哥倫母等。自新嘉坡直航。以是




日入橫須賀。國人欣喜。十九日。設回航員歡迎會於東京日比谷公園以饗之。當俄國艦隊敗殘之日。我國新增堅艦二隻。勢力大加。

六 俄國信報誣妄

初戰爭之未起。俄國農民及役夫等。多若與滿韓痛痒不相關者。至商工之徒。雖稍有注目於軍國事者。概以併吞極東爲無謀。以爭戰爲愚策。曰今開戰於東洋。其如內治何。既而敗報荐至。國論消沈。人氣沮喪。於是俄國政府故大言壯語。欲以振興人心。二月十八日。下書於國中曰。日本突然斷絕交際。以詐謀行攻擊。欲其遂宿昔戰爭之志以收小利。俄國赫發公憤。八日干茲。我國民今念報復之速。切望好信之來。然以我強大。膺懲日本之奸詐及挑戰行爲。不復容疑。我軍奏功之信。暫隱忍可以期他日。此交戰常態。不可不俟我陸軍奮興之日。夫境地遠隔。且皇帝專以平和爲念。是以

不得豫實戰備。嗚呼日本以我敗衄。尙要多少時日。況我國不欲加傲然挑戰之國民以懲罰。徒流俄國男兒之血乎。若隱忍以待時勢發展。則我軍必應百倍以酬敵國。陸上交戰尙屬他日。戰地來信。難期其速達。徒流膏血者。與俄國之強大雄偉所不相容也。我子民應相和以彰欣然殉國事之誠意。故有戰地確信。應速示國民。尋二十日。俄國外務大臣ラムズデルフ遣公牒於駐俄各國公使曰。日本自破毀交際以來。有蔑視文明國際習慣者。今雖不列舉其行爲。至日本政府行暴戾於韓國。尤要列國深思。夫韓國之獨立及保全。列國夙所承認也。一千八百九十五年我明治二十八年清國光緒二十一年下關條約。一千九百二年我明治三十五年清國光緒二十八年日英協約。及俄法宣言。皆確認之。韓國皇帝豫想日俄衝突之危險。本年一月宣言嚴正中立。發送文書於列國。列國接

日春艦洋巡等壹
(噸〇〇八七)



之。認以爲是。俄國亦承諾之。然日本政府悉藐視事實。蔑如條約及義務。且背反國際公法。敢爲行動如左。

一 未開戰之先。日本軍隊。上中立韓國陸地。

二 日本艦隊。本月八日。即在宣戰公布前三日。以故意廢止經由丁抹海底線我電報之交付。且破毀韓國政府電信交通。使碇泊中立港濟物浦之我艦隊艦長。無由知國交斷絕。而突然攻擊我軍艦二隻。

三 日本政府。無視國際法。於戰爭將開之際。捕獲我商船數隻於中立韓國港內。

四 日本政府。使其駐韓公使。宣言韓國應在日本行政下。韓國皇帝若不從之。日本軍隊應占據皇城。

五 日本政府。介駐韓法國公使。遣書於我駐韓公使。督促率我公使館員及領事館員可速撤去韓國。

我俄國政府。以前記各事。認爲構成國際法違反行爲者。思列國有提出抗議於日本之義務。又信重視國交原則之列國。應與我同其意。且我政府。爲日本壟斷韓國權力。豫言將來韓國政府所發命令宣言。悉屬無效。

俄國所宣言。一出於誣妄迷謬。雖無喋喋辯駁之價。至謂我國違反國際法。不能復無一言。故我國政府。辯其誣妄曰。俄國政府以二月十八日二十日。公表信報云。日本國乘眷眷維持平和俄國之不意。以

詐術博奇捷。外交關係斷絕。不可目爲抗敵行爲之開始。且日本至二月十一日。始公布宣戰。而八日以來。無故攻擊俄國軍艦及商船。敢出背反國際法原則之行爲。夫俄國之無衷心愛平和之念。以彼終始不以妥協精神應日本交涉。曠日彌久。徒遷延時日。而汲汲擴張陸海軍備。不難窺知之。試示去年四月第二回滿洲撤兵期。俄國不履行其公約以來。彼國軍備增人之事實。其增遣軍艦於極東者。戰艦巡洋艦逐水雷諸艦共一十九隻。八萬二千四百十五噸其他由鐵路送驅逐艦構造材料於旅順。其既竣工者七隻。武裝義勇艦隊汽船二隻於烏港。揭軍艦旗。更發遣戰艦巡洋艦四隻驅逐艦七隻水雷艇四隻。約三萬七千四百噸今合算艦隊噸數。當上十一萬三千噸。其增派陸兵者。自去年六月二十九日。藉口於西伯利鐵路輸送經驗。送步兵二旅團砲兵二大隊騎兵輜重兵各若干於乞塔。後陸續輸送軍隊於絕東。至本年二月初旬。其數既餘四萬。猶令兵士二十餘萬以備緩急。加之增築旅順烏拉地俄斯德軍港礮壘。夜以繼日。急督工事。修築礮壘於琿春遼陽及其他要地。且由鐵路及義勇艦隊。輸送兵器子藥於絕東。以去年十月下旬。既積戰野戰病院用具於鐵路車十四輛。以急發本國。俄國毫無妥協之意。欲使專以武力屈從日本。可知耳。俄國之執掌軍事。自本年一月入二月益急。一月二十一日。自旅順大連灣。送步兵約二大隊礮兵若干於韓國北境。二十八日。總督亞歷塞夫下作戰令於鴨綠江附近俄軍。二月一日。烏港知事奉本國政府命。以不問何時得布戒嚴令。求在烏日本人民往哈巴羅夫喀。於我貿易事務官。使軍艦在旅順者盡出港外。使陸軍自遼陽向鴨綠江進行。孰謂俄國無戰意又少戰備乎。我日本以事勢切迫不可一日猶豫。不得已決意謝絕無用交涉。以執自衛必要之處置。由是觀之。罪魁禍首挑發戰爭之

責不在俄國而何。且夫日本政府二月六日與俄國絕了交涉。告俄國政府。以防護爲其所侵迫地步。且擁護其利權。執自爲最良獨立行動。并告斷絕國交撤退公使。獨立行動者。含有一切自由意味。抗敵行爲之開始。固在其中。假令俄國不能解之。亦日本萬無代俄國任誤解之責之理。且公布宣戰。不關抗敵行爲之開始。國際法學者所見悉同。近時戰爭發宣言於開戰之後。常爲得其當。故日本一無背反國際法之行爲。況咎責之聲。自俄國來。尤可不謂奇哉。俄國自不布告宣戰。直動干戈。史上其例極多。若一千八百八年。我光緒帝文化五年。清國仁宗嘉慶十三年。未絕外交。出兵芬蘭者何也。

三月八日。日本政府對俄國第二次信報。復辯認妄言。如聞俄國政府。頃日致一公文於各國。責日本政府。以施違反國際法數款事於韓國。且言。將來韓國政府所發命令宣言不有其效。日本政府。今對俄國政府意見及聲言。不敢須顧慮。然看過事實誣妄。或恐中立國中因生誤解。故辯其妄者。信爲日本政府權利及義務。茲就俄國公文以爲有證左且爲事實者五款。辯明如左。

第一款 日本軍隊未宣戰之先上韓國之陸。日本政府亦認之。然此時交戰狀態既成。且維持韓國獨立及壤土保全。爲此般戰爭目的之一。則派遣我軍隊於爲俄國所侵迫之韓國。固屬我權利與緊要。況於得韓國政府確承乎。日本軍隊之上韓陸。比之於平和協商間。俄國不得清國承認。送派大兵於滿洲者。大異其趣。曲直所在。極爲明覈。

第二款 日本政府。聲明俄國第二款所指全爲無根虛說。日本政府。未嘗停止經由丁抹海線俄國電信交付。及破壞韓國政府所架電線。若其二月八日我軍艦攻擊俄國軍艦於仁川港。當時既成



交戰狀態。及韓國政府既確認日本軍隊上仁川。故仁川港者。關日俄兩國間。業已不有中立港性質之一言而足矣。

第三款 日本政府。既設捕獲審檢所。授以關捕拿商船。

適法與否。下斷案之全權。故對俄國公文第三款。茲非辯明之時機。

第四款 日本政府。聲明俄國所說事實全無根據。

第五款 俄國所言斷不確實。日本政府。未嘗要求俄國公使退去韓國。二月十日。駐韓法國公使訪我公使。言俄國公使有退去韓國之意。問我意見。我公使答以俄國公使率隨員及護衛兵平穩退去。則日本軍隊應十分保護。且關此事與法國公使交換書牘。最為確實。而十二日俄國公使任意撤退京城。我則使日本兵士護衛送到仁川。尚附記一言。釜山駐在俄國領事。至二月二十八日尚住在任地。此以不接公使訓令。無由撤退云。蓋俄國公使臨發京城。不念到與訓令於領事。以至此歟。及訓令既至。領事亦欲速

去釜山。我釜山駐在領事。悉心周旋。多與便宜。俄國領事。終經日本赴上海。

對比日俄二國信報。孰曲孰直。有目者皆知。不復須喋喋。要之俄國不過一以鎮壓內國民情。一以訐謗言於列國耳。英國泰晤士新聞評之曰。俄國問罪日本。其證據極薄弱。且日本侵害韓國獨立及保全之怨言。吐露之於主張滿洲撤兵拒絕爲戰爭主因之俄國口中。頗以爲異。蘭斯特夫豈不思之乎。蘭斯特夫忘滿洲爲清國一部。而清國獨立及保全。爲列國合俄國言所承誌乎。伯林新聞曰。自正義論之。在承認獨立宣言中立一國版圖內。日本不能納其兵。若行其主權。固勿論耳。然就實際言之。對武備不完不能自防衛中立之韓國。若徵日兵先俄兵來此地。則俄兵先來占據此地。且自地理觀之。韓國爲日本軍根據。當然之勢也。假令列國承認韓國獨立。戰時不能保障韓國不可侵權。猶白耳義國位置。俄國回章中。唯有其不認韓國中立。又不認韓國法令效力。一事實耳。

俄國宣戰書及遠列邦公文等。皆以日本突然襲擊旅順。爲違反國際法。然美國新聞錄彼得堡電報。載仁川港沈艦古列圖艦長伯利亞也夫。一月九日所贈其親族書曰。予今整不問何時出洋之備。以待可與日本戰之期。予輩當不布告開戰而突然襲擊日本。故艦內木材悉撤去之。但予艦無裝甲。所賴唯有大礮與兵員勇氣耳。予輩俄人。常以勇氣爲甲楯。予將注全力以當事。不幸若赴海底。請爲弔之。徵此書。則俄國有不宣戰而突然襲擊之計。明矣。其徒斥日本爲違反國際法者。譎詐誣妄。所謂掩耳盜鈴之徒也。

七 日韓協約

韓國之爲地。隔一衣帶水。與我日本相呼應。其勢密切。不啻唇齒輔車。而西北一帶連亘大陸。故不問

漢蒙。英雄一起。稱霸東亞平原。掀天餘威。必席卷韓土。抑韓國古來之獨立氣概。以事大為國是。東雄依東。西強賴西。而其每一動搖。延及我國。是以冀韓國獨立。未嘗有如我國之切實也。曩者與清國開釁。亦為此也。今又起師問罪於俄。亦為保全韓國獨立也。而我國政府經營韓國。有不可一日緩者。

於是與韓國政府議協約。二月二十三日。韓國光武八年 兩國全權大臣畫押交換。其約書曰。

大日本帝國皇帝陛下之特命全權公使林權助。及大韓帝國皇帝陛下之外部大臣臨時署理陸軍參將李址鎔。各受相當委任。協定條款如左。

第一款 日韓兩帝國間。為保持恒久不易之親交。確立東洋平和。大韓帝國政府。確信大日本帝國政



府。關施政改善。應容其忠告。

第二款 大日本帝國政府。應以確實親誼使大韓帝國皇室安全康寧。

第三款 大日本帝國政府。確實保障大韓帝國獨立及壤土保全。

第四款 由第三國侵害若內亂。危害大韓帝國皇室安寧及壤土保全之時。大日本帝國政府。應速執臨機必要之措置。而大韓帝國政府。爲使大日本帝國行動容易。應十分與便宜。



大日本帝國政府。爲達前項目的。得臨機收用軍略上必要地點。

第五款 兩國政府。不經由相互承認。不得訂立後來應違反本協約主意協約於第三國間。

第六款 關本協約未悉細款。大日本帝國代表者。及大韓帝國外部大臣。臨機協定。

韓國今已知我威信。感我德義。舉國家獨立之扶植。壤土安全之保障。以委囑我國。可謂對韓外交一成功矣。則爲我

國者。不可不進以舉其實焉。

外國新聞論之甚多。倫敦泰晤士報曰。關韓國皇室之康寧。及獨立維持壤土保全。日本國所與保證。至精至大。如不復存希望餘地。雖在韓國有一種附庸同盟之疑。而爲韓國確保與其疆土占有及安

全不相背馳各種合理之自由者也。伯拉爾多報曰。由協約書中規定。韓國有關施政改善容日本忠告之義務。日本國亦有保護韓國安全之義務。於韓國內亂外寇之際。日本得執臨機處置。則日本雖保障韓國獨立安全。其實有保護者之權能。上海某報曰。關韓國協約。日本行爲。於事實應認爲充分正當。又照國際法上干涉原則。亦應認

以爲充分正當。據婁稜斯著書。著者下之定義曰。干涉之要。在制限或用強制或行脅迫一國若二國以上獨立行動。今日本行爲。稍通曉現時事實者。皆共所認可也。又曰。原來有乘韓國貧弱。將排倒日本之一國。無他。俄國是也。俄國之所欲望。不第日韓清三國被其危險。苟在於北太平洋海岸。欲獲公開市場。而不欲貪特別利益之國。皆所均懷危險也。日本憂俄之日

駐韓公使林權助氏



久且切。及一旦外交破綻。不躊躇於瞬時。猛然突進。奏第一奇功。驚倒世界。最驚倒俄國。俄國者。癡人不知中有毒蛇潛伏。永棲息樂園者也。而奈其毒蛇俄國所自養何。日本是役。背後有極西列國贊同。加以將來擔全東亞聯合勢力。如此協約。頗爲主要。日本若得勝利。絕東國際聯繫。將劃

開新紀元也。

我與韓國締協約。其事敏捷。成立於咄嗟間。疾雷不遑掩耳。然韓國有親俄一派。矚於事理。不明形勢。頗不喜此約。中樞院副議長李裕寅。參贊權尙夷等。弄小巧譎詐之術。上書彈劾李址鎔。云出於址鎔獨斷。址鎔避在城外。韓帝以此約經由議政府決議斥之。既吉永泳。玄尙健。及李學均等。唆所謂負祿商一輩。三月二日夜。投爆彈於燕洞李址鎔邸。及省覬外部參贊官具完喜宅。幸爆力微弱。不至傷害。我警官搜索賊黨。捕縛五人。親俄派勢焰稍熄。尋七日。我皇帝陛下。命樞密院議長侯爵伊藤博文。爲特派大使。慰問韓帝。博文等十三日發東京。到韓京謁見韓帝。說以施政改善方針。剴切懇至。韓帝大喜。疑懼之意頗釋。上下安心。博文等歸。韓帝又命李址鎔爲報聘大使。四月二十二日來東京。二十五日。與駐日公使趙民熙。俱謁我皇帝陛下及皇后陛下。捧呈韓帝親書。乃賜宴。敍址鎔勳一等。授旭日大綬章。隨員亦敍勳有差。蓋址鎔之來。謝我特派大使。以溫兩國親交之意也。

戰爭本記二

一 旅順口第三次攻擊及第一次堵塞

我艦隊數攻擊旅順口。損傷俄國軍艦數隻。然戰艦巡洋艦數隻。及驅逐艇十餘隻。猶據旅順港中。若非堵塞港口以約束敵艦。則未能全制海權。海權未歸我手。則戰略上頗有所礙。是蓋我艦隊所以有選擇勇壯之士以堵塞港口之快舉也歟。我國民企待海戰報告者既二週日。二月二十五日。突然有報。倫敦路透局電曰。據彼得堡公報。俄軍轟沈日本戰艦四隻。運船一。一隻於旅順口。芝罘發電曰。據旅順俄國提督迭芝罘俄國領事電報。二十四日夜及二十五日。日本艦隊攻擊旅順。砲墩應戰。擊沈日本艦四隻。尋上海電報曰。據駐滬俄國武官公報。二十四日午前二時。日本水雷艇隊。護汽船八隻。積載巨石。將堵塞旅順港口。俄艦列多維替號。與岸上砲墩合力砲擊。破壞汽船二隻。一擱港口淺礁。一沈於金山燈臺下。其他汽船四隻沈沒。日本水雷艇隊砲擊至天明退去。九日所傷俄艦概皆修繕。足以供戰。若列多維替亦其一也。因知我船舶沈沒。係旅順堵塞之舉。既而亞歷塞夫上俄帝公報曰。二十四日午前二時三十分。日本水雷驅逐艇隊。率積載燃料數隻汽船。攻擊旅順。將堵塞港口。我炮轟沈汽船二隻於老虎尾山嘴。列多維替艦及砲墩。與日本水雷艇隊砲戰至鷄鳴。天明見日本汽船四隻破壞灣內。日本水雷艇八隻向日本戰艦隊駛去。壞船乘員爲端艇或水雷艇所收救。港口航路依然無阻礙。發巡洋艦三隻追擊。不及而返。二十六日。有我第二艦隊司令長官海軍中將上村彥之丞公報曰。我艦隊豫定

戰略。二十三日夕。近旅順口。發港口堵塞船及水雷艇隊。二十四日午前。會水雷艇隊歸來。聞港口堵塞狀況。報國號堵塞運船在下同。在港口左燈臺下。武州號在其外方。天津號武陽號在老鐵山東。皆自爆沈。仁川號亦同。各船乘員收救於水雷驅逐船等。皆得無恙。得敵艦數隻在港外之報。即夜分我驅逐艇水雷艇隊。伺察攻擊旅順口大連灣及鳩灣。二十五日午前七時。本艦隊到旅順。見敵艦巴揚號亞斯哥利特號諾維古號三隻在港左礮墩下。午前十一時四十五分。開砲遠射。敵艦及砲墩應戰。少時諾維古號先走。亞斯哥利特號巴揚號繼遁入港內。知港口堵塞之效未遂。頗爲遺憾。各艦發巨砲射擊港內。見火焰盛舉。知損敵不少。威留港內。十五分後停放退去。此際我巡洋艦隊。逢敵驅逐艦二隻西來者擊之。逸其一隻。追擊一隻於鳩灣盡沈之。

尋有東鄉艦隊司令長官詳報曰。聯合艦隊以二十日豫定戰略。會天候不良。遲延一日。二十二日。齊發向旅順口。二十四日午前二時。使驅逐艇隊搜索港外。見敵艦若亞莫耳號者射擊之。三時三十分。我堵塞隊各搭船舶向港口。時敵艦礮墩開砲射擊。加之四處探海燈光明白晝。我忠勇隊冒之猛進。天津號二千九百爲探海燈誤針路。坐礁於老鐵山東。武陽號千六百在其外方約四百米突。自爆沈。報國號二千七百進到港口燈臺下。轉軸北西坐礁。武州號千二百自爆沈於其南東。仁川號在饅頭山下坐礁。我水雷艇隊冒敵砲在港口。至黎明悉收救堵塞船乘員。堵塞隊及水雷艇隊行爲勇敢。能表帝國軍士忠勇義烈。雖港口堵塞之結果不能完全。其著效力於無形。莫大焉。乘員中報國號下士以下三名負微創。外無二損傷。二十四日午前十時。我艦隊抵旅順港口洋。使巡洋艦隊直偵察港外。會敵旗艦諾維

古號。及驅逐艇五隻。自老鐵山下來。將入港內。放砲擊之。其夜分我驅逐艇隊爲三部。一向鳩灣。一向大連灣。不見敵艦。其一到旅順口外。與敵砲戰。二十五日午前九時。我艦隊再到旅順口外。見敵艦巴揚號亞斯哥利特號諾維古號三隻在港外。開砲遠射。兼行間接射擊。間接射擊。或敵砲法也。敵艦與礮墩協力應戰。約二十分時。悉遁入港內。我艦亦停砲退去。此戰以距離稍遠。損敵應不大。我艦亦無一損害死傷。察敵行爲。若欲誘致我艦隊於礮墩十字火中及水雷沈設域內者。我艦砲戰中。巡洋艦隊監視港外。見敵驅逐艦二隻自老鐵山南來。直砲擊之。其一隻逃入港內。追其二隻四條烟突者於鳩灣。擊破之。擱在北岸。

我海軍大尉齋藤七五郎搭仁川號從此役。其報曰。堵塞船五隻。二十四日午前。自老鐵山南向旅順口航進。頭船天津號針路稍偏左方。到港口南西約三海里。爲敵砲擊損。自坐淺礁。於是諸船轉針路於北東繼前。探海燈光煌煌妨我航路。又敵砲猛烈。武州號先損舵機。在天津號近傍坐礁爆沈。次之武陽號亦爲敵砲所損。終不能達港口沈沒。此際報國號仁川號二隻猛進。繞達港口。報國號在敵艦坐礁者列多維養號之旁。仁川號在其東。各自爆沈。乘員齊發祝聲。觀其船將沈。皆移乘脚艇。將到我救援水雷艇。會探海燈照我前途。敵砲愈加激烈。不得已迂回潛航。不得近我水雷艇。至日出時。風波又暴。備嘗困苦。午後三時。始得會我艦隊云。

初我艦隊長官定堵塞港口之策。募當此任者於艦員中。我將卒之忠壯義烈。誰不自期必死勇奮從事者。至有血書請從者。即時始得一千人。乃選拔其中七十七人命之。海軍中佐有馬長橋。大機關士山

賀代三以下十四人。搭天津號。少佐廣瀨武夫。大機關士栗田富太郎以下十六人。搭報國號。大尉齋藤七五郎。大機關士南澤安雄以下十九人。搭仁川號。大尉正木義太。中機關士大石親德以下十四人。搭武陽號。中尉島崎保三。少機關士杉政人以下十四人。搭武州號。有馬中佐最主張此舉。自任指揮。廣瀨少佐副之。先驅搜索敵哨。衛護各船者。爲我驅逐艇隊叢雲。夕霧。不知火。陽炎。四艦。眞野海軍中

佐率之。附隨各船。收救乘員者。爲水雷艇隊隼。鵠。眞鶴。千鳥。燕。五隻。櫻井海軍少佐率之。

及東鄉司令長官之報達。我皇帝陛下賜勅於艦隊曰。聞聯合艦隊將堵塞旅順港口之壯舉。朕深嘉與其事將校下士卒忠勇。

夫堵塞海口。爲海戰史上稀有之例。徵之往時。哥里米之役。俄國自沈大艦數隻於西巴士多卜港口。以阻防英法艦隊襲擊。然在自國港

口沈其艦。未爲甚難。近時非里比納島之戰。美國海軍大尉比雲。率

水兵八人。潛航彈丸雨注間。自沈其艦於桑的亞峯港。敵將西班牙司令長官撒爾烏拉。大感其壯舉。命停海陸砲火。使得徐搭脚艇以去。當時傳比雲驍名。并稱撒爾烏拉義俠云。至若今我海軍將士欲敢試之俄國東洋艦隊巢窟之大軍港。其膽氣之壯烈。前古未見匹儔。雖其結果未能達目的。若汽船二隻沈得要地。先是俄艦出入港口。僅要二十分間時。今不得不費二時間以上云。且據巴里電報曰。二十四日。我十二吋破彈爆裂於俄艦亞斯哥利特甲板上。損其巨砲二口。諾維古亦被損害。巴揚壞其烟突。



海軍大佐有馬良橋氏


俄軍在海上死者二十二。傷者四十一人。陸上死者三人。或云七人傷者十八人。則可謂敵軍所失不鮮也。

二 烏拉地俄斯德港砲擊

俄國軍艦之守烏拉地俄斯德軍港者。有裝甲巡洋艦三隻。一曰固倫波號。一萬二千三百三十六噸一曰魯西亞號。一萬

百三十噸一曰盧利古號。一萬九百二十三噸二等巡洋艦一隻。曰波加的耳號。六千七百五十噸及

武裝義勇艦隊汽船二隻。共造式精新。駛力亦大。初俄國分一大艦隊自旅順口派烏港者。其計蓋若外交斷絕。兩艦隊期日起碇。欲一出沒北海以牽制我艦隊。一襲擊西海以挫折我軍氣。更東西合擊。扼朝鮮海峽。以制日本海黃海海權者。然我海軍方略恰適其宜。制其機先。敗之於仁川於旅順。夙得大捷。主客易地。使俄國計畫齟齬不得行。烏港敵艦蓋不知之。二月十一日。發烏港南下。抵我津輕海峽西邊。會我商船全勝號。三百九十噸奈古浦號。二千噸自酒田港航小樽港。途次到此。距青森縣艦作岬十海里。俄艦四隻圍之。同日正午開砲擊奈古浦號轟沈之。更擊全勝號三次。皆不中。全勝號船夫極力逃入福島港得免。翌十二




烏拉地俄斯德港之風景

日。俄艦去還烏港。

據一千八百八十二年我明治十五年 清國光緒八年萬國公法學會所議定海上捕獲規定第五十條。凡得使破壞若擊沈拿捕船舶者。一。船舶狀態不良。為海上險惡。不能航海者。二。駛力遲緩。不能隨伴軍艦者。三。有

敵國兵力強優被回
 復之虞者。四。軍艦
 拿捕船舶。監乘海
 員。而軍艦海員不
 足供之者。五。應回
 航拿捕船舶港灣。
 距離甚懸隔者。而
 破壞若擊沈之先。
 使船舶乘員移乘軍
 艦。今俄國之處我
 商船。莫一于此。以
 堂堂四大軍艦。無
 故包圍擊沈一小商
 船。其暴戾無狀。背
 反人道。蔑視公法。
 亦極矣。

烏拉地俄斯德市街之景



當時我國人憤慨。嗚
 其無道。欲使海軍掃
 蕩之。然彼根本既撥。
 枝葉無復能為。若分
 派我艦隊。偶陷彼術
 中耳。故姑寬假之。及
 二月二十四日。攻擊
 旅順。俄國艦隊敗竄
 港內。無復出戰之氣。
 於是分我艦隊一部。
 使偵察烏港。三月六
 日。上村司令長官。率
 第二艦隊。舳艫相銜。
 望韓山一帶於左舷。
 航日本海。是日朔風
 飄雪。寒威凜冽。怒濤

澎湃。飛沫拍舷。飄結爲水。午前八時。到距烏港五十海里。適淺間艦左舷後一放灰唧筒口蓋。凍著不能開。柔灰堆積。燒煤頗艱。汽罐部長命使開之。時水雪埋舷。風浪愈高。衆遂巡相顧。有一壯士奮然蹶起。欲當碎冰之任。是海軍一等機關兵曹濱崎慶三郎也。衆止之。不聽曰。日本軍士。畏此瑣事。豈得從事戰爭乎。直把保護。亟繫其身。一躍出舷外。將碎口蓋之冰。怒濤忽來。將坂中斷。身翻墜海。後上村長官。八代淺間艦長等。悼其悲壯之死。作文弔祭云。

既而我艦隊到烏港東口。阿斯固利士島南。不見敵艦。海上凝冰突兀。遠望之如崩濤。四山白雪皚皚。唯認阿斯固利士燈臺黑影耳。乃避波拉薩林岬及波斯和爾海峽礮臺射域。午後一時五十分。轉向烏蘇里灣。近北東岸礮臺開砲威嚇。岸上礮臺雖有敵兵。寂不敢應。唯見無線電信傳信於砲臺。七日期偵察亞米利加灣及蘇都勒羅古灣。正午再逼烏港東口。雖望敵艦煤烟於杏渺中。不敢近接。砲臺又不開砲。轉偵察波西灣。航俄屬沿岸而還。是役敵艦屏息不敢出戰。故止所謂威嚇偵察耳。

三 旅順口第四次攻擊

初俄國海軍中將蘇達爾古爲太平洋艦隊司令長官在旅順。及敗報頻至。俄帝召還之。以中將摩加羅夫代之。摩加羅夫者。夙以戰術有名。其操縱艦隊。計畫海戰。稱爲宇內無比。爲一世所推重。我國海軍間有欽慕之者。今至俄國海軍名望失墜殆不可救濟。俄帝特簡以授統帥之任。及其來旅順。號令精明。旗幟改色。士氣復振。然艦隊敗殘之餘。無復可施。某外國武官評其戰略曰。摩加羅夫所執者。唯固守旅順。不使日本艦隊侵入港內。以圖全自國艦隊。使礮臺專當應戰之任。務欲破毀日本艦隊。以

滅殺其勢力。若遭日本艦隊攻擊。不能保守旅順。則出港決戰。以圖與烏港艦隊合。且使烏港艦隊專牽制日本艦隊。蓋摩氏之策。無出於此之外。

我聯合艦隊分一部偵察烏港之後數日。二月十日。遣驅逐艇二隊搜索旅順港外。第一驅逐隊。海軍大佐淺井正次郎爲司令。第三驅逐隊。中佐土屋光金爲司令。驅逐艇連艦長少佐近藤常松。曙艦長少佐九津見雅雄。霞艦長少佐大島正毅。朝潮艦長少佐松永光敬。曉艦長大尉末次直次郎等屬之。午前零



將取順旅
官長令司隊艦洋平太前國俄
古爾達蘇將中

時。抵旅順口外。不見敵艦。泊至天明。第二艇隊沈置特種機械水雷於敵要塞下。午前四時三十分。第一艇隊霞。朝潮。曉。三艦。駛至老鐵山南。曉霧冥濛中忽遇敵驅逐艦六隻巡察港外歸來。敵艦見我艦少。直轉航路來逼。互開砲激戰二十分。兩艦接近。舷舷相摩。我砲所射。敵艦一隻破其汽罐。一隻失火遁走。餘艦見之陣形既亂。走入港內。我艦乘機奮進追之。敵兵悻懼有悲鳴者。午前七時。我第三艇隊曙艦。獨進近港口。搜索敵艦。敵砲臺照探海燈見之。劇發砲火。曙艦見敵艦不在。再入隊列。將去港口。望黃金山邊敵驅逐艦二隻自洋外來。即邀擊之。敵艦轉舳逃去。我曙艦在前。連艦在後。砲擊猛烈。屢中敵艦。敵塞見之開砲助戰。敵艦得援。返戰一時。敵將摩加羅夫。搭旗艦諾維古號。率巴揚艦。將擊我驅逐隊。先是我戰艦隊及巡洋艦隊。以午前八時到旅順洋。使巡洋艦進掩護驅逐艇。見摩加羅夫來援。蹴波逼之。摩加羅夫度其不敵。未交一彈。退入港內。於是我驅逐隊鼓勇愈進。敵艦敗走。逸其

一隻。時漣艦逼敵艦斯的列具西察號。一等水兵某躍乘敵艦。殲其艦長。我兵繼進。卒捕獲之於敵塞砲火之下。鈎絳曳去。奈船舷浸甚。且波高絳斷。乃收虜敵兵四人。放棄其艦。後至十時十五分沈沒。當我捕獲時。倒俄國艦旗。樹我旭旗。及其將沈。恐失我旗。送脚艇二次。遂收而返。

我戰艦隊到老鐵山下砲擊港口。破威遠蠻子營一礮墩。燒旅順新市。自午前十時至午後一時。敵塞亦開砲應戰。然無一中我艦者。又遣巡洋艦一隊到大連灣外。砲擊二山島敵營。遣高砂千早二艦搜索旅順西岸。不見敵艦。唯見前役我所轟沈敵艦烏斯西的里乃號。露檣頭及烟突沈沒鳩灣耳。午後二時。收戰。集合諸艦隊而還。

是役俄艦亦能激戰。我艦被損害不少。在第一驅逐隊。死者下士卒七人。傷者。霞艦大機關士南澤安雄以下八人。若曉艦。破毀補助機管。熱湯迸出。機關兵四人被傷死。在第三驅逐隊。死者卒二人。傷者少尉烏祐吉以下四人。至俄國死傷者。據亞歷塞夫及摩加羅夫報告。斯的列具西察艦水兵或溺死。或爲捕虜。其他死傷有二十四人云。斯的列具西察艦之敗。俄兵多自投水中。我兵將救之。適敵塞砲擊不止。且諾維古艦來援。是以不能救助云。

夫驅逐艇。不過排水量二百五十噸或三百五十噸。僅備輕砲三四門。常在大艦掩護之下。服特種任務耳。今彼我兩驅逐艇。以小艦獨角逐於怒濤狂浪間。決輸贏於敵塞砲火之下。至舩舷相摩。其舉勇壯。其氣激昂。可以想見。而我第一艇隊。以三隻與倍數敵艦戰。大敗之。第三艇隊。以二隻與二隻鬪。捕拿一隻。可謂其功偉大矣。十三日。我皇帝陛下賜勅褒之曰。聯合艦隊威嚇旅順口之敵。特第一驅逐

隊。第二驅逐隊。與優勢之敵驅逐艦。戰於敵塞砲火之下。得奏奇功。朕深嘉尙將校下士卒武勇。若傷者南澤安雄。出征以來從事第一次旅順襲擊及港口堵塞。今復奏殊功負重創。特叙功四級。授金鷄勳章。叙勳五等。賜雙光旭日章。

俄國每一敗。傳播虛報於新聞於外牒。以欲誣陷我國。至其甚者。若是役。俄國政府通牒列國云。三月十日海戰。俄國驅逐艦斯的列具察號將沈沒。水兵在下甲板尙生有九人。日本軍乘上甲板。閉鎖梯口。使盡溺死。此爲蠻行。又三月二十四日。駐日法國公使致書於我小村外務大臣曰。法國政府。據自俄國政府所接通信。三月十日。日本艦隊遊戈三山島東。砲擊同島檢疫所。凡五十彈。受大損害。而法國公使依彼得堡內閣囑托。以爲違反海牙條約附屬書第二十五條者。望我外務大臣注意。小村大臣答之曰。日本政府。關本件。未接艦隊司令長官報告。然所援引條項。爲陸上適用陸軍行動者。非與軍艦砲擊有何等關係。則日本政府所信而不疑也。夫三山島。未嘗有檢疫所。且混淆陸海戰規而不顧。其誣妄陋劣如此。

四 開戰後俄國與清國關係

俄國以滿洲東三省。爲在己主權下。就其與日本屢次交涉可知。而亞歷塞夫。二月十六日發一令。諭告東三省清國人民曰。俄羅斯皇帝所任極東總督余。向東三省一般人民宣言左事。今至日俄兩國交干戈。東三省人民。總不可不遵左記條款。

第一款 現今戰爭。關係清俄兩國。故兩國聯合。清國固應將其軍隊。與俄國合。攻擊敵兵。若有對

俄國挑戰。或事侵略者。不問何處。當處嚴罰。然清國今宣言局外中立。極東總督。向東三省凡官吏。命謹莫妨俄國行軍。且遮其旅行。止糧草徵發。人民應竭力助俄國軍隊。

第二款 俄國以平和與日本交涉間。日本突然攻擊我海軍。而俄國為保全清國壤土。莫使日本軍占據。且使莫日本軍侵略俄國壤土。不得已至執干戈以相見。

第三款 赤髻馬賊大害滿洲。俄人將殲滅之。故爾等告以賊巢。俄國官憲。應速討賊。若有隱匿馬賊所在者。又當處嚴罰。

第四款 東三省人民。應守護凡鐵路電線等。防其破壞截斷。與地方縉紳謀。能全守護。總督當嘉獎之。若有破壞截斷右等設備者。不獨犯人。其附近人民。亦當同任其責。

第五款 在東三省。從事農商製造業及文事者。其執業應不異平時。又俄國軍隊所過。不問何地。當好待遇。則其人民。亦應受俄軍特別保護。

第六款 總督固信凡人民表好意於俄國軍隊。然若有反抗俄國者。俄國官憲。當取剪枝撥根手段。又有時機。俄國官憲。當發布保護人民權利之法律。

尋復欲以遼河以西。為中立以外之地。請之清廷。且移牒於列國曰。在遼西。以沿山海關外鐵路。自營口。西至錦州。又北至新民廳。沿柳河遼河支流西北至蒙古界地域。當入戰局內。蓋俄國欲由此占有關外鐵路以謀已便。而其遺棄海岸至山海關長城一帶。仍為中立地者。防我軍侵入也。夫清國既舉除滿洲外全土。為中立地。則遼河以西。係光緒二十八年壬寅我明治三十五年西一千九百二年九月七日。我及西十月八日據滿洲撤兵條約

第一期。還付清國之地。在清國主權之下也。明矣。清廷之宣言中立。特所聲明。而列國皆承認之。俄

清國直隸總督袁世凱氏



國亦所贊同也。今俄國悍然欲破戰局制限之約。且掩海戰敗衄。令駐清俄人流言。俄國雖敗於海戰。今將舉五十餘萬陸軍。以殲滅日本軍。清廷畏怖趨趨。遽命停袁世凱軍隊到關外者。駐屯永平府。於是二月二十三日。我內田駐清公使訪慶親王。詰以俄國欲滅中立地域。日本當執抗議。清廷若懼俄國恫喝。不出兵於山海關外。則背宣言中立時所聲明於日本者。日本亦當別

有所圖。清廷乃因駐清俄國公使列撒。交諮之於亞歷塞夫。

俄國橫暴無所不至。不可律以正理。遂布戒嚴令於牛莊營口二地。三月二十七日。亞歷塞夫下令。以營口市為臨戰地域。定戰時禁制品。其規則第四條云。禁自營口輸出戰時禁制品於日本及韓國諸港。又屢侵遼西地方。頃日一俄將率哥薩克兵數十騎。突入田莊臺。民人恐悸。棄家奔竄。俄人肆行虜掠。或詰清國武官曰。盍依

清國將軍馬玉崑氏



中立條規拒之。彼答曰。速請教政府。翌日接電訓云。據理婉阻。勿遽開釁。時俄兵既去。袁世凱馬玉崑諸將。及奉天將軍增祺吉林將軍長順等憂之。電請清廷。謀拒俄人於遼西。俄國政府告清廷曰。俄國之不可棄滿洲。猶日本於韓國。日本已爲防衛自國權利。占據韓京。俄國亦倣其故智。應占據北京而已。北京中立地域。且爲列國所承認保護。雖固無此憂。威嚇至此。可謂極矣。亞歷塞夫。又要奉天

將軍增祺以四條。曰。一。滿洲既非中立地域。故地方政治。應奉俄國命令。二。俄國應有黜陟清國地方官之權利。三。一切租稅。俄國應徵收之。四。清國軍隊進退。應奉俄國命令。增祺拒絕之。

清國若嚴正持守中立。遣兵遼右。則不得不與俄拒戰。又從俄國要求。是放棄中立權利及義務也。事至于此。北清一帶。危機一發。直隸之地或爲俄兵所蹂躪。亦未可知。自日本觀之。遼右之中立不中立。雖未關甚利害。

清國吉林將軍長順氏



由是害清民之安。并失列國之信。不得不爲清廷深惜之也。雖滿洲屬交戰地在中立以外。其人民依然爲清國黔黎。豈有可奉俄國之理哉。但因其脅驅。有謀運輸便宜。從糧食供給者。亦可憫耳。先是。俄國砲艦滿洲號。自旅順來。泊在上海。以是破毀清國中立。二月二十日。美國巡洋艦羅禮號。赴上海以議其事。二十一日。我內田駐清公使訪慶親王。告以俄國砲艦滿洲號。宜準據局外中立例。

使速去上海。慶親王答曰。清國宣言中立以來。或對俄國公使列レ撤。或命駐俄清國公使胡惟德。屢交涉俄國政府。而未得要領。今以不可付之等閑。更要強辯。而或傳。清國海軍微弱。難以力使去滿洲號。故有與俄國協商。附以條件。依然許其繫泊上海之意。既而上海道臺。贈書在滬俄國總領事曰。據貴下所言。滿洲號開戰前來上海。不能從事戰鬥。而改艦體。塗開戰時色。且搭載石炭糧食等必需品。則余不能信貴下所言。我外務部并兩江總督魏光燾。既下電訓。令余嚴守中立條規。若貴下爲滿洲號不可從事戰爭。則余不可不求貴下撤去該艦機關要部。使戰爭中不能運行。惟是遇該艦。以爲最寬容處置。又與貴國公使列撤氏嘗所提議合。無敢破萬國公法。若滿洲號不肯依此處置。請速退去洋外。又傳。俄國公使脅迫清廷。使上海道臺撤回此書。果然。此可謂破毀清國中立者。西一千八百九十八年我明治三十一年清八月。萬國國際法學會海牙會議。明示中立國權限。中立國對遁入自國港灣軍艦。與以適宜救助。命二十四時內出港。此爲定例。今清國因循。許滿洲號數日碇繫。既不免違反中立例規。況至因俄國脅迫。撤回其書。俄國之罪。固不俟言。清國安得免其責乎。故清廷亦極力交涉。美國周旋於其間。俄國竟納其請。以三月十二日。決議解滿洲號武裝。繫置上海云。

五 旅順口第五六次攻擊及第一次堵塞

海軍中佐廣瀨武夫畧傳


三月二十一日夜。我聯合艦隊。遣驅逐艦兩隊到旅順港外。敵塞照探海燈。開放砲火。我艇隊遂行任務。未明而返。二十二日午前八時。本艦隊及巡洋艦隊。到旅順洋。遣一隊於鳩灣。令富士八島二艦射

擊港內。敵艦隊亞斯哥利特號在前頭。巡洋艦三隻。戰團艦五隻。驅逐艦十隻隨之。出港徘徊。若欲誘致我艦於礮臺下者。列多維替號。在老鐵山陰。間接射擊。午後二時。我艦隊去港外而還。是役。我軍使僅僅二艦嘗試敵狀。敵亦出港遊弋。未至激戰。故我軍無一損傷。據敵報。在陸俄卒有死者五人。傷者十人。或云死傷二十五人獨怪。敵艦若列多維替。追撒列維的。巴爾拉達三艦。既爲我水雷所破。其他諸艦。每戰多被損害。則其餘敵艦無幾。而今據公報。戰艦五隻。巡洋艦四隻出港者。思應急加修理。足以遊弋港外歟。蓋其戰艦。卑列斯維多。一萬二千六百七十噸波比也達。同上波得巴布羅斯克。一萬九百六十噸勃耳多達。同上西巴士多。同上五隻。巡洋艦。巴揚。七千七百噸亞拿。三千七百噸亞士哥利特。五千九百噸諾維古。十噸四隻也。若其列多維替。唯在港內。僅行間接射擊耳。

堵塞港口。其事最危險。故非萬不得已。未可以遽決行。我艦隊。素期與俄國艦隊相馳逐於黃海溟渤中。以試一大決戰。然敵艦蟄伏。未嘗出洋挑戰。於是不得不出堵塞之策。前回堵塞。未果成功。從役諸士。以爲遺憾。切誥再舉。司令長官。乃納其言。命將校及機關士。多從前役者任之。下士以下以新募者代之。裝堵塞船四隻。第一千代號。千七百四十噸海軍中佐有馬良橋爲指揮官。大機關士山賀代三等十人搭之。第二福井號。二千九百四十噸中佐廣瀨武夫。大機關士栗田富太郎等十八人搭之。第三米山號。二千九百噸大尉正木義太。中尉島田初藏等十五人搭之。第四彌彥號。噸數同上中尉森初次。大機關士小川英雄等十五人搭之。三月二十六日。聯合艦隊再向旅順。二十七日午前三時三十分。堵塞船隊先發。驅逐艦隊。白雲。雷。隴。電。薄雲。東雲。漣。曙。朝潮。霞。曉。十一隻護之。水雷艇隊。蒼鷹。雁。鳩。燕。鷗。真鶴。

六隻。任救收事。時月色已沈。夜霧冥濛。盡滅船燈。惟點船艙一燈。首尾聯絡。肅肅西航。到旅順港外。冒敵探海燈光。直進距港口約二海里。敵軍知之。自兩岸砲墩及哨艦。開砲交擊。我船不屈。四隻相屬。闖入港口水路。千代號距黃金山西

旅順口沈沒船隻



- ▲沈沒船位圖
- (五)仁川丸
- (六)經國丸
- (七)武揚丸
- (八)武揚丸
- (九)天津丸
- 、以上二月廿四日沈沒
- (一)千代丸
- (二)福井丸
- (三)福井丸
- (四)福井丸
- (五)福井丸
- (六)福井丸
- (七)福井丸
- (八)福井丸
- (九)福井丸
- 、以上三月廿七日沈沒

船內。船體漸沒。海水浸上甲板。不得已移乘脚艇。將離本船。巨彈飛來。擊中其頭。遺一片肉塊於

外。冒敵探海燈光。直進距港口約二海里。敵軍知之。自兩岸砲墩及哨艦。開砲交擊。我船不屈。四隻相屬。闖入港口水路。千代號距黃金山西海岸約半鐘。卸砲爆炸。福井號過千代號左側少前。將投砲。為敵艦魚形水雷所中。爆發沈沒。彌彥號。出福井號左側。亦自爆炸。米山號。少後到港口。突敵驅逐艦尾。過千代福井二船間。投砲水路中央。會受敵水雷爆裂。餘勢近西岸。左船首而沈沒。在敵砲猛烈中。勇敢沈靜。能各遂其所志。惟憾彌彥號與米山號中間。尚存虛隙。不得全塞航路耳。是役。中佐廣瀨武夫死之。其死最壯烈。福井號之下砲也。兵曹長杉野孫七。將點火爆藥。下船艙。適為水雷所中。廣瀨中佐。命移他員於脚艇。而不見杉野曹長。自三搜索

艇內。墜落海中以死。杉野曹長亦死之。其他死者下士卒二人。傷者正木大尉。島田少尉。栗田機關士以下六人。水雷驅逐艇隊。馳騖砲火中。專事收救。至天明。收千代彌彥乘員於燕艇。米山乘員於鵠雁二艇。福井乘員於霞艇。就中蒼鷹燕二艇。距港口約一海里。與敵驅逐艦西爾尼號戰。擊破其汽鐘。西爾尼噴出蒸汽而走。據敵報。此艦坐礁於黃金山下。其夜曳入港內。有死者七人。傷者十三人。敵報又



氏夫武瀨廣之申行旅亞利比西

曰。港口依然不礙通航。然據後報。雖若砲艦及驅逐艦等小艦。不礙通航。至戰艦及大巡洋艦。出入頗艱云。則亦可謂得達目的之幾分者。二十九日。我皇帝陛下賜優詔曰。聞聯合艦隊再塞旅順壯舉。朕益嘉從事將校下士卒忠勇。賜廣瀨中佐功三級。金鷄勳章。年金七百圓。及勳四等。旭日小綬章。賜杉野兵曹長。功六級。年金二百圓。及勳六等。旭日小綬章。以褒其功。

廣瀨武夫。豐後國直入郡竹田人。父曰重武。世仕岡藩中川氏。武夫幼好騎馬。家飼二馬。勉學餘暇。常騎遊山野。又善拳術。年十四五來東京。爲嘉納某高足。明治十八年。入海軍兵學校。二十四年卒業。爲少尉候補生。搭比叻艦。進少尉。航布哇。途遭颶風。檣折舵摧。水兵困憊束手。武夫獨操縱。得免覆沒。尋習水雷。轉乘海門筑波諸艦。二十七年。日清之役。搭扶桑艦從軍。自期必死。臨

發爲辭曰。生扶桑死扶桑。一死報國。七生護皇。翌年進大尉。以戰功叙勳六等。賜單光旭日章。補磐城艦航海長。三十年。留學俄國。尋爲駐俄公使館武官。進少佐。叙勳五等。賜瑞寶章。在彼得堡五年。善俄語及英法語。尤精究俄國事情。三十四年歸。途經西伯利滿洲。踏查地理。著西伯利橫斷日記。常疾俄國兇暴。欲懲伐之。嘗作俗謠以道其意。今佐世保軍港所唱是也。三十五年。補朝日艦



任中佐遂斃敵彈。年三十七。武夫性剛毅快闊。沈默寡言。軀幹壯大。品行方正。常曰軍士不可有室。遂不娶妻。與兄勝比古。友愛篤至。勝比古。今爲海軍中佐。補大島艦長。至其戰死。東鄉司令長官尤哀惜之。其上報文曰。武夫平生爲軍人模範。臨死亦留龜鑑。萬世不滅。至人呼爲軍神。可以代銘詞矣。

水雷長。兼分隊長。橫須賀鎮守府軍法會議判士長。皇帝皇后兩陛下。臨大阪第五回博覽會。武夫爲海軍委員。說明大礮使用。以達宸聽。日俄戰起。搭朝日艦。首衝旅順。敵所送哨艦無線電信。映我艦受信機。武夫解之。直告長官。堵塞議起。武夫首贊之。自請當任。搭報國號。臨發書絕命詞曰。丹心報國。一死何辭。與船癡骨。旅順之陣。而第一次畢事而還。及其再舉。復奮從之。進

六 陸軍開戰占有定州義州



韓 國 平 壤 我 第 一 軍 司 令 部

二月八日。我陸軍入韓國京城。初我商民在平壤者約三百人。聞俄兵南下報。惴惴日望我軍至。二十四日。我騎兵一中隊。自京城經開城入平壤。城中稍安。然兵極少。不足配守城門。乃盡鎖城門。唯開三門。編我壯丁。爲義勇隊守之。二十七日夜。有報曰。俄兵四十三騎在順安。距平壤五里四十騎在約二里處駐箭。二十八日午前八時三十分。後藤騎兵少尉。率兵七騎。出七星門。北進義州路斥候。半里到並覘。遇俄兵約百騎。俄兵見我斥候兵少。驀然來擊。我兵回轡退去。敵伏其大部於樹陰。遣數騎追之。我斥候兵走到七星門。敵追騎相距殆七百米突。我兵在壁上者。放銃齊射。敵騎散亂退走。與後部合。踰並覘去。是爲第一回小戰。尋我騎兵相繼到平壤。進入順安。後藤中尉。率兵十騎斥候。不見敵兵。入安州。在安州北與我斥候兵隔江

距順安十四里 俄兵知我軍據平壤北進。遠遁到義州。既復知我兵少。派一中隊來清川江。



相持。先是丸尾中尉。率兵五騎。自順安過安州。三月八日。見敵兵一中隊北退。尾到定州南約十二里。敵兵知我兵微弱。回馬來擊。我兵任在偵察。不敢好戰。退到博川。不圖遇敵支隊十六騎自寧邊歸。不得已將避入樹林中。會我一等卒田所清熊。為敵彈所中。馬倒。敵兵腹背來迫。彈丸雨注。清熊知事不可為。勸衆速去。徒步揮刀。奮鬪當敵。以護我兵退走。卒中敵彈而死。丸尾中尉等得間走回安州。既而我師團兵陸續北進。占據安州。


俄軍少將密斯臣克。大佐巴烏羅夫等。率後貝加爾哥薩克兵在定州。定州北依丘阜。環

以城壁。義州路自南門通北門。南門外有小流。曰燧川。自南進。足指漸仰。州城高聳。不利於攻。而利於守。三月二十七日。我前軍發安州。濟清川江。次嘉山。二十八日曉。出將校斥候二隊。涉燧川。到定州南門外。一隊偵察城中。一隊進義州及郭山路。午前十一時。敵兵開銃亂射。我斥候兵下馬徒戰。敵兵一據城壁。一自鷓山來占西南丘上。將置我於十字砲火線。我兵苦戰。中尉加納忠勇死之。大尉黑川敬藏負創。若中尉由上治三郎。僅率兵二十人。與敵兵七八十騎對戰。殆二時。乞援後隊。會後軍步兵聯隊。聞定州砲聲。急走赴援。午

順安兵站司令部



橋用軍江川清外城州安國韓
景之過通兵砲國帝



後一時。到定州東約二千米突。占據丘陵。射擊城中。於是敵勢失利。知琛斯克聯隊中佐安底連等。死傷頗多。敵步騎約百三十自東北來。迫我騎兵右翼。我步兵又擊却之。敵兵遂不能支。主隊由義州路支隊由郭山路潰走。遣步兵


追擊。一時我軍取定州。我斥候一隊向郭山者。聞定州之戰。迂路欲出其背。阻雪難通。夕還定州。是役。我騎兵死者。加納中尉外四人。傷者黑川

大尉外。中尉幸村銀六以下十人。敵兵巧運搬死傷者去。遺棄死屍於戰場者僅二。據克魯巴多金報告。將校負重創者五人。哥薩克兵死者二人。傷者十二人云。

我軍自克定州以來。逐雲山鐵山敵。四月四日。更進入義州。莫敵兵敢抗拒者。蓋俄軍自一敗後。匆忙棄韓土去。鴨綠江南。不復見俄軍隻影。

七 旅順口第七八次攻擊

俄艦彼得巴布羅斯克號沈沒




司令長官摩加羅夫戰死

海上作戰計略。雖固多端。巧布水雷。最爲要著。頃日俄艦屢出港外。且追驅我艦。必有一定方向陣勢。我聯合艦隊司令長官東鄉平八郎見之。蓋有所謀。四月十一日。率艦隊向旅順。十二日夜半。遣第四第五驅逐艇隊第十四水雷艇隊護汽船蛟龍號。二千七百七十噸近港口。是夜霧雨濛濛。不辨咫尺。敵塞探海燈光。爲之所鎖。甚缺分明。不能照知我艦之近。却使我艦便於知沈設要地。其間

俄艦彼得巴布羅克斯




摩加羅夫



我船艦靜肅。沈布機械水雷於港外各處畢。整然歸來。十三日黎明。雨收天霽。我第二驅逐艇隊帶特種任務。巡察港外鮮生角南東。時敵驅逐艦卑斯多拉的內號。三百五十噸自東方來。將入旅順港。我艦隊見之。遮其前路。開砲擊之。交戰約十分時轟沈之。又有敵驅逐艦。自西方老鐵山下來。我艦轉舵迎之。距離既遠。逸入港口。敵軍聞之。遣巡洋艦巴揚號擊我驅逐艦。我艦將救敵兵溺者。以巴揚既近不果。僅收其五人。我第三戰隊見之。護驅逐艦。與巴揚戰。擊却之。無幾。俄國司令長官海軍中將摩加羅夫。自搭旗艦彼得巴布羅斯克號。率戰艦波比也達。一萬二千六百噸勃耳多窪。噸數見上

二隻。巡洋艦諾維古。亞士哥利特的亞拿。共噸數二二隻。與巴揚合。見我第三戰隊陣勢單薄。欲一舉殲之。以雪連敗之恥。猛然突進。砲擊甚劇。我第三戰隊。且戰且退。誘致敵艦。約十五海里。我第一戰隊率驅逐水雷艇隊三十餘隻。在洋上約三十海里朝霧中。接第三戰隊無線電信報敵艦近來。排霧蔘進。逼敵艦隊。摩加羅夫見我全隊來擊。知陷其計中。急轉艦首。向港背進。衆艦從之。不

長艦霍多耳勃



長艦克斯羅布巴得彼

復能整陣形。爭先潰走。我艦隊乘之。與第三戰隊合。窮追壓之港口。忽見彼得巴布羅斯克艦。罹我前夜所沈機械水雷。轟然爆發。白煙冲空。水騰燄閃。須臾沈沒。時午前十時三十分也。敵殘艦見此慘澹光景。驚惶擾亂。浪射艦側水面。約一時。漸遁入港內。見一敵艦若亦負損傷。進退失便者。在敵艦混亂中。不能識其名。後據敵報。知是波比也達艦水雷也。我第三戰

俄 艦 勃 多 耳 霍 長

怪。但巴里報所稱。損害不少之勃耳多達出港。而卑列斯維多不出港者。何也。我艦隊所認爲勃耳多達者。實爲卑列斯維多歟。抑所撞突者卑列斯維多。而非勃耳多達歟。以前次攻擊之際。敵戰艦五隻出港。今止三隻見之。蓋必所損傷。有一隻若一隻也。今又失彼得巴布羅斯克。謂波比也達權水雷。則俄國戰艦勢力之衰弱可知耳。

第二編上卷

戰爭本記四


一 鴨綠江之戰

我第一軍先隊。既據義州。與俄兵隔鴨綠江相對。初我第一軍陸軍大將男爵黑木爲楨爲司令長官。第十二師團長陸軍中將井上光爲先鋒。第十二旅團長陸軍少將佐佐木直。第二十三旅團長陸軍少將木越安綱等屬焉。近衛師團長陸軍中將長谷川好道爲中軍。第一旅團長陸軍少將淺田信興。第二旅團長陸軍少將渡邊章等屬焉。第二師團長陸軍中將男爵西寬二郎次之。第三旅團長陸軍少將松永正敏。第十五旅團長岡崎生三等屬焉。陸續繼發。第十二師團上仁川入韓國京城。近衛師團上鎮南浦直進本道。敗俄軍於安州於定州。四月四日遂入義州。

七日。斥候將校十餘名。乘小舟二隻。渡第一江。鴨綠江水路分爲數派。故自東岸算之。稱曰第一江。第二江。第三江。斥候將校進由洲上潛入敵地偵察。留上等兵以下七名監視渡舟。俄軍狙擊隊約七十名。見有監舟兵襲來。我兵交戰數刻。衆寡不敵。皆投江逃。水流悍急。六人溺死。得能泳達岸者。上等兵一人耳。而將校進入敵地者。不爲敵兵所認。畢其任務。得監視所遺舟而還。海軍少將細谷資氏。率我第三艦隊在鴨綠江口。以應陸軍。令海軍中尉山口毅一。率兵五名。搭漁舟偵察江口。十日午後。遇俄

兵數名亦乘漁舟來斗
 流浦。會我騎兵中尉
 上原某在岸上斥候。
 因共擊之。少時俄兵
 數十名。乘大漁舟來
 援之而退。山口中尉
 追擊達岸。俄兵周章

陸軍大將黑木爲楨氏



陸軍中將井上光氏

上岸逃走。交戰約一時二
 十分。俄兵死者一。負傷者
 二。十一日夜。敵兵由於赤



陸軍少將木越安綱氏

島。經九里島。襲元化洞。松井大尉率步兵一隊警
 備義州江岸者。擊却之。十二日曉。俄軍西伯利狙
 擊步兵一小隊屬第十聯隊第七中隊者將自中江臺渡江入義州。
 我步兵一小隊逆擊却之。射殺俄軍中尉一卒一。

陸軍中將 男爵 西寬次郎氏



陸軍中將 男爵 長谷川好道氏



我第十二師團發京城取路山道。十五日至鴨綠江東岸。置司令部於松山洞。木越少將率第二十三旅團。駐屯其前。先是佐々木少將分率一隊。自安州迂回。以二十日抵昌城。第二師團亦自鎮南浦上。沿立石場海濱。抵白馬山北麓八谷駐屯。其地在義州及龍巖浦間。隔江斜對安東縣。尋黑木大將亦進至義州城外。置司令部於昌光洞。以近衛師團爲中軍。第二師團爲左翼。第十二師團爲右翼。佐佐木少將亦來會焉。

俄軍在鴨綠江北岸者。出沒洲中民家或楊林中。沿江一帶排置望哨。列重礮於九連城後邱。邱上軍馬晨夕下飲鬻河。兵卒時來中江臺。或奏軍樂。或唱軍謳。又時濫放小銃。若示有餘勇者。而不知其表暴軍數。以爲我所認識。二十一日。俄國高等司令部自遼陽來。蓋陸軍中將撤斯律知自來也。自此旗幟一變。集力自安東縣以至九連城。藏巨礮四十餘尊於高邱。築小堡於江上砂洲。以伏散兵。每見東岸人影。必行狙擊。算其兵力。約二萬五千也。



第一軍近衛師團衛生隊浦南陸上後休之體光景

於是我軍將占據九里島及黔定島。以架橋於江上。二十五日夜半下令。使第二師團工兵進義州西門外西胡洞丘後。近衛工兵進義州東北元化洞隘路。以從事第三江架橋。又

二十四日。我前哨選隊步兵少尉碓中三等四名。使探元化洞邊江水淺深。夜半徒涉第一江。浮泳第二江。上九里島。以畢偵察。第三江。闊約二百米突。深六尺以上。第二江。闊約四百米突。深十尺餘。第一江。闊約二百五十米突。可以徒涉。較平時水量。增三之一云。歸途遇敵哨射擊。上等兵一名負傷陷江死。

海軍少將細谷資氏



使近衛砲兵進義州北方高丘。及元化洞高丘。分近衛右翼前哨一隊。至元化洞隘路東北龍門峴。渡江以進九里島。一隊掩護之。近衛左翼前哨隊據義州城。及西胡洞高丘。以掩護第二師團兵渡江且架橋。是夜上弦。皎月照江。若便於我軍者。敵軍察我動靜。終夜發銃相警。我近衛及第二師團。待月西傾。暗中棹舟。第二師團前哨自弘化洞西渡。決定島占之。無敵兵抗拒者。乃築哨堡於汀渚。以備敵襲。掩護後隊工兵架橋。近衛兵自元化洞龍門峴。渡第三江。將進九里島。二十六日午前三時三十分。頭舟達岸。有一卒呼上陸。其聲驚醒敵兵宿島中民家者。向我急射。我兵爲所掩擊。死者七名。一舟傾覆於中流。步兵一名溺死。傷者二十五名。而據元化洞者。夜暗無由掩護。我將士鼓勇前進。陸續渡江。午前五時。遂擊破敵兵。占據九里島。敵兵狼狽。棄重傷者一名。乘小舟四隻。遁入於赤島。時天漸白。江上草樹人影隱見朝霧中。於是我軍據元化洞高丘者。瞰射俄兵。占九里島者。亦進至汀渚。射擊敵騎兵來援者於西岸山脚。共殺傷數名。午前七時。敵將若高等司令官者。跨白馬。從將校於前後。自九連城來渡駿河。匿虎山^{高約百五十米突}之陰。置巨礮二尊於虎山凹處。以攻擊元化洞高丘。及義州城。而其砲彈或墜江中。或穿山脚。不能損我軍。敵又轉方擊義州道上我第二師團工兵架橋者。又以距離隔遠。多不能達。我工兵大尉。小出某。拾其一彈檢之。知爲口徑四十七密理米突^{奇思速射礮也}。其不達固宜爾云。

午前八時三十五分。敵將跨白馬者。進至虎山之東於赤島通栗子園^{高約三百米突}。路右小丘。我砲兵排列元化洞者。發榴彈凡三十彈。其距離約二千米突。其第一彈稍不達。爆裂敵前數十米突。餘二十九彈。著

著的確。爆裂敵類上。彈子霰下。敵軍不能保其陣地散去。尋見衛生隊來收死傷者。俄國軍團長。及將校多負傷者。蓋在是時云。十一時。敵軍再集栗子園。我兵砲擊潰散之。

是日。我細谷艦隊在鴨綠江中。俄國騎兵約百名。向我小汽艇放銃。我第六十九號水雷艇應戰。敵遭死傷者數名。退匿山後。午後五時。敵復自安子山向我分遣艇隊發砲。我應戰少時。敵砲停響。

虎山及栗子園二處。登陟可以下瞰九連城。置砲可以轟擊對岸敵壘。實爲要害之地。而俄軍不甚重視。竟無守兵。二十七日。我將校斥候坂本中尉。除去衣帶。單身涉江。上虎山偵察。不見敵兵。乃遣第四聯隊第三中隊占領之。二十八日。小野特務曹長。偵察到栗子園。敵兵一小隊登山來戰。敵軍加三十騎。我軍亦加一小隊。交戰少時。敵軍遣死者三名。退向九連城。既敵軍遣步兵一大隊。巨砲三尊來擊。且自虎山後面及九連城砲擊。我兵且戰且退。有死者二名。傷者七名。遂失所占之地。二十九日。再偵察之。敵兵既去。不見隻影。乃遣第四聯隊一大隊占據栗子園。

我近衛師團。及第二師團架橋。既以二十六日始。而左翼第十二師團。在鴨綠江上流。至二十九日。始使工兵第十二大隊從事架橋。此地江流尤急駛。船橋非尋常小碇所能繫留。急造大碇。以繫船。砲兵隊在水口鎮丘上。三尊在南。一尊在北。以掩護之。三十日午前三時架橋完成。十一時。敵軍步兵約三百名。及砲兵一縱隊。自安祿河與福河口中谷來。將涉淺處至本流。我軍見之。開砲擊之。敵兵狼狽。顛轉淺州。遁去中谷。於是第二十四聯隊先渡水口鎮上流。午後二時三十分。樹日章旗於對岸福河口及安祿河西南山上。悉占據虎山北方一帶丘陵。至十一時。第十二師團全軍渡江。露營南江口。蓋俄

將料我軍必自義州路前進。集主力於此。不重視虎山方面。我軍亦料之。近衛及第二師團。專在義州路。牽制敵軍。使第十二師團乘敵不意。得容易渡江。衝其側面。勝敗之決全在於此也。

先是我第一軍司令長官黑木大將。示方略於各師團曰。

第一。第十二師團。二十九日在水口鎮。渡鴨綠江本流。翌三十日。占據虎山西北沿澗河一帶丘山。五月一日午前八時。涉澗河。攻擊對岸敵壘。應速扼守自九連城至鳳凰城敵軍逃路。

第二。近衛師團。三十日。涉元化洞軍橋。進至虎山西北。翌一日午前八時。徒涉鴨綠第一江。應速占據九連城西北一帶高丘。以追擊敵軍。


第三。第二師團。三十日。渡元化洞軍橋。集屯藺子島近地。翌一日午前八時。應齊涉鴨綠第三江。占據九連城前面櫛盆山。山名未詳蓋我軍假以形似名者近地。及安東縣一帶之地。以擊攘敵軍。

當是時。俄軍向我架橋地。及義州。砲擊日加猛烈。我軍乃進第二師團野砲聯隊於黔定島前岸。又排列重砲聯隊於其後岸。使近衛野砲聯隊列義州元化洞間。以應

我軍澗河徒涉



敵砲。三十日午前七時。我元化洞近地砲隊。開砲數彈。敵不應。既我貽定島第三十聯隊所派斥候。乘小舟三隻。渡江至中江臺。敵軍漸開砲。彈丸雨下於貽定島近地。於是我貽定島砲隊。一齊開火。轟擊九連城高丘。及楯盆山敵壘。其勢尤烈。僅十五分時。敵砲停響。敵軍砲四尊。步兵一大隊餘。在虎



駿河交戰圖


山後勘者。砲擊我架橋地。近衛砲隊與戰。使之亦潰散。我近衛一大隊。及十二師團一部隊。涉上流。踰高丘。更進擊敵軍步兵在虎山後者。敵軍火民家遁。午前十一時。虎山近地。敵軍全潰。駿河左岸不遺隻影。午後敵砲復開。擊我架橋地。我貽定島砲隊。二分其列。一向九連城北高丘。一向敵幕營及擊馬場。近衛砲隊。向馬溝近地。共行攻擊。一時前。敵軍復停砲擊。時若敵砲甚少者。發砲猛烈者。惟九連城北高丘耳。會我第二師團砲陣。在楊柳疎處。砲身所在。為敵所看取。更向此猛擊。故我軍被死傷者。此地較多。我工兵在此戰間。不少顧慮。架設船橋。至八時。近衛及第二師

團軍橋全成。全軍渡橋前進。悉就豫定陣地。

五月一日。全軍攻擊。近衛師團在中央。展開自粟子園至虎山山角間。第十二師團為左翼。展開粟子園豺浪子溝間。別遣一隊陣夾河口。第二師團為右翼。排陣虎山艾河尖間。其長約互二里餘。第二師

團野戰聯隊。在黔定島前岸者。進到中江臺。重砲聯隊繼之。近衛野砲聯隊。陣於虎山前面高丘。留豫備數隊。在九里島。午前六七時之交。敵兵逃走。殘軍極少之報類至。近衛第二小隊先進。敵未開砲銃。於是更進大隊。則敵軍忽一齊射擊。我各處砲隊應之。既我第十二師團一隊。及近衛一隊。先涉澗河前進。敵砲退在馬溝北者。忽開火應戰。步兵亦勇敢拒鬪。是時。我各師團隊形悉沿澗河爲一線。交戰最極激烈。敵軍頗鎮靜。據險地瞰射我軍。軍我死傷頗多。近衛及第二師團。有六十名以上。第十二師團差少。然我軍不少屈撓。見敵兵抗拒甚力。我勇益加。各團整陣徒涉澗河。遂逼敵壘。敵亦併力射擊。不敢去陣地。少時我軍攀險沿溪。猛然突擊。敵兵漸撤陣潰散。然猶據各所堡壘抗拒者不少。而大勢既傾。難復收拾。澗河右岸一帶敵陣。多遺棄死傷者。四分五裂。全軍潰走。我軍占據播盆山以下各處高丘。旗幟翻翻。歡呼聲湧。時方午前九時三十分也。自接戰後。以約二時。拔敵軍所恃以固守壘壁數十處。我軍占播盆山北高丘。尋取九連城。敵軍悉遁。我豫備步騎兩隊。在九里島者。直分三路。近衛師團梅澤聯隊。由九連城及小樓房二道。騎兵聯隊之爲先驅。第二師

我軍澗河追擊



團馬場聯隊。由轉山子進。追擊敵兵。第二師團騎兵聯隊。別向安東縣驅逐敵兵。我軍自二路進者。抵哈蟆塘。哈蟆塘者。距九連城西約一里。係鳳凰城公路。俄軍潰退者。皆集由此路。時我第二師團一隊。出鳳凰城路側。原田聯隊第二大隊之第五第十第十一中隊。扼寬甸路前面。午後二時。俄軍前後受敵。既陷死地。勢不得不奮戰。乃排野砲及機關砲數尊。先當前面。擊我第五第十一中隊。乘我無砲隊。盪擊激烈。勢不可當。夾路接戰者約三時。我中隊放銃。人各四百餘丸。彈丸既竭。敵兵又來衝。於是我第五中隊長陸軍大尉牧澤起夫。率衆決死奮進。會敵騎自傍丘來突。兩軍亂鬪。劍槍相殘。或有搏倒者。或有斬斃者。其慘不可名狀。牧澤大尉遂死於亂軍中。高石少尉以下士卒十九名。皆死之。第五中隊三分之一。皆被死傷。敵兵殘暴。見我傷卒。或以銃槍。或以拳銃。虐殺之。我第十第十一中隊。亦彈竭氣疲。然猶奮鬪不屈。藤室步兵聯隊第二中隊見之。疾馳來救。排砲轟擊。數彈忽裂敵上。敵勢頓沮。會近衛及第二師團一部自本路來者。在敵背後激射。著者命中。敵軍爲我所包圍。無復氣勢。潰散逃走。我三師團隊兵或突貫。或射擊。殲其過半。六時。敵殘兵自壞其砲機。揭白旗以降。

俄軍在沙河鎮_{東縣}者。約二千名。聞九連城之敗。倉惶燒一民家藏祕要文書者。向龍王廟潰走。我第二師團騎兵直占據之。

我細谷艦隊。二十九日。遣小艇隊泝江砲擊。敵不應。裝砲艇隊。在娘娘城北西約三里三道浪頭。見敵兵約五十名。開砲斃之。敵遺死傷者。復退山後。三十日午前。裝砲艇隊。進至安東縣下流。俄軍步騎約四百名。接近激戰。擊却之。五月一日午前九時。艦隊泝江。摩耶艦擊安子山。宇治艦擊六道溝。水

雷艇擊四道溝。以威嚇敵軍。將還。敵軍自安子山北東腹。急開砲激射。我軍應戰。約三十分時。敵砲停響。一日午前。至安東縣下流。擊却敵步砲兵。見安東縣。火起而還江口。

綜合敵軍戰報。五月三日。哈爾濱日報所載。克魯巴多金報告曰。本日接撒斯律知中將書云。所參與九連城之戰。我軍謂俄軍第十二第二十二

聯隊。及砲兵第六旅團。第二第三中隊也。是戰。以日本軍自義州所放攻城砲。自鴨綠江小島所發野戰砲。與我右翼軍激戰始。日軍向九連城

及波的多逸未詳蓋發河右岸丘山俄名也。猛擊。又涉發河前來。排巨煩二十尊。三方圍波的多逸。我砲兵沈勇善拒。遂使敵停砲。及我軍退發河岸。敵復以

生兵來逼。我軍逆擊之。日軍死傷甚多。死屍成山。日軍別襲九連城左翼。使我

豫備隊欲與本隊併力。距離懸隔不能合。遂棄砲壘退至九連城。後日軍又築


堡壘。逼我陣地。將包圍我陣後左翼軍。於是豫備隊。進第十二聯隊之二大隊。

及砲兵第三中隊於樓房溝。使收退我前衛傷者多數於後地。而日軍向第十二聯隊。自左右及後面激注砲彈。我軍突擊數回。最後奏軍樂。

氏光重川中 佐中軍海長繼耶摩




噸〇一六(艦砲等二)繼耶摩



滿洲東安縣清國守備兵歡迎我皇師光景

僧侶屬聯隊者二名。共負傷。猶捧十字架在前頭。吶喊抵敵。會第十一聯隊一大隊來救。得脫第十二聯隊於重圍中。是時二聯隊損傷頗多。未得其詳。第十一聯隊長大佐拉因明克。大隊長中佐特墨都底。同拉比夫斯奇。皆死之。在第十二聯隊。中隊長九名死傷。步兵第六旅團。第二第三中隊。失人馬大半。不能運搬大砲。遂破毀其機器。棄之戰場。砲兵第三旅團。亦委棄野砲二尊。機關砲八尊。蓋此地多山丘。巨砲非人力所能運。因致此也。初九連城所收傷兵八百名。內將校十餘名。搭之車馬。雇支那人運輸後方。輕傷者。戰友相扶。徒步以去。我軍損傷決不鮮少。而士氣益昂。既期再戰。日軍損傷蓋亦甚衆。在綏河渡津及九連城外高丘。敵屍累累。蓋應踰三千。又四日。俄將喀斯塔林斯奇報告曰。四月三十日。日軍既在九連城近地。壓我左翼。占據虎山一

帶。故予第二十二聯隊一大隊在虎山者。使退波的多逸葦。五月一日朝。日軍向九連城砲擊。約二千餘彈。尋將襲擊。予接撒斯律知將軍之命。云應在陣地開戰。乃率第二十二聯隊二大隊及砲兵第六旅團第三中隊。守波的多逸葦近津。午前五時。日軍步兵一師團。冒險涉澗河突進。嚮我左翼軍爲義州日軍所砲擊。及我第十二聯隊。爲砲兵第六旅團第二大隊及機關砲兵中隊所掩護占據背面陣地。以禦敵軍來襲。正午。日軍擊破我二十二隊一大隊。包圍我左翼。一時。第十一聯隊二大隊。及摸拉夫斯奇中佐所率砲兵一中隊來救。於是予命第十一聯隊。爲二列。占據後方陣地。命摸拉夫斯奇中佐爲豫備隊。命第十二聯隊砲兵第三中隊。及機關砲隊。爲第十一聯隊所掩護以退。是時我殿隊一部。既亡其指揮官。我參謀長代之。日軍向我砲兵退路。砲擊極烈。砲兵中隊不得已占地激戰。中隊長摸拉夫斯奇遂死。時機關砲隊。觀中佐苦戰之狀。亦排陣援戰。亦喪其過半。死屍累積。其乘馬兵將曳砲退去。沮死屍不果。復至戰線。護第十一聯隊。時機關砲隊所放約二萬五千




俄國負傷兵輸送車

彈。可想其激戰。第十二聯隊一部。突進敵中。求一條血路。擁大隊旗而退。第十一聯隊。固守陣地。約二時。死傷甚多。亦擁聯隊旗而退。我師團死傷。下士以下約二千名。將校十名。日軍死傷亦應多。我軍遂退至鳳凰城云。

據我所捕虜俄國將校言曰。五月一日之戰。俄軍整隊退去者。唯步兵五六大隊。及砲兵二中隊而已。其餘悉潰走。又曰哈蟆塘之戰。師團長喀斯塔林斯基。及狙擊步兵第十一第十二聯隊長。狙擊砲兵大隊長戰死。喀斯塔林斯基負傷蓋當時未知其詳以為戰死其高等將校多死傷者。而俄軍敗兵一隊。約五百名。一隊約三百名。前後向鳳凰城退走。距哈蟆塘約二里。時方夜陰。不辨人影。在前者。以後者爲日軍追擊。轉方背擊。在後者。亦以爲日軍既遮前路。交戰殆二時。後隊兵寡。敗殲垂盡。僅求別路逃走。前隊追北。見死傷者橫道。始知其爲同軍。大愕。遽收死傷者而去。係此誤戰。兩隊有死者百十名。傷者七十名云。其狼狽潰走之態。可笑也。

是役。彼我死傷者。據黑木司令長官報告曰。我軍死者。校五名。下士卒二百十八名。傷者。校三十三名。下士卒七百八十三名。合計一千零二十九名。我軍所收葬俄軍死者。合計一千三百六十三名。所捕虜俄軍及傷者。校十八名。下士卒五百九十五名。合計六百十三名。據敵將克魯巴多金公報。自四月三十日。至五月二日。死者。上長官六名。尉官二十名。卒五百六十四名。合計五百九十名。傷者。將官一名。喀斯塔林斯基傷頭部。上長官二名。尉官三十六名。卒一千零八十一名。合計一千一百二十二名。踪跡不明者。上長官一名。尉官五名。軍醫一名。卒六百七十九名。合計六百八十六名。總計二

九連城蛤蟆塘之役我軍獲敵砲圖



千三百九十八名云。

我軍所獲戰利品。三吋連射野砲二十一尊。同彈藥車十九輛。同彈丸一千四百十七發。連射機關砲八尊。同彈藥車八輛。同彈丸三萬七千四百發。小銃一千零二十一口。同彈藥車五十一輛。同彈藥三十五萬二千五百發。馬六十三頭。輜重車十輛。其他雜品殆二千點云。

我帝國海軍。殆堵塞旅順。黃渤制海之權。全歸我掌裡。彼俄國見海戰連敗。則曰。海軍非我所長。至陸戰。則我得必勝。此見不獨俄國。德法諸國大陸時論。概爲皆然。偶若法國碩儒波隆氏曰。雖陸戰。我亦未觀有可以敗日本之理由。而時論多反之。先是陸戰。不過定州南門外。及斥候衝突等小鬪。今我軍。自拂曉至日暮。激戰數

時。夫鴨綠江者。敵軍所恃以爲天塹。撒斯律知中將。擁大軍以守。其堅固可知。而我軍一旦擊破之。使敵軍退縮鳳凰城。可以知陸戰亦非我敵也。爾來每戰必克。遼陽距九連城。我五十九里餘。當時謂攻之猶應多費日子。而今亦歸我有。至使曩時大陸論者。一驚破膽。嘖嘖稱道我軍者。實未嘗不由此一戰開其端緒也。

二 俄國艦隊暴行

俄國太平洋艦隊者。不問其在旅順口。與在烏拉地俄斯德港。不能堂堂出大海與我艦隊試雌雄於一戰。若徒出沒於遠近。羅沈我商船未嘗爲武裝者。以爲快。其殘暴卑陋。有不可以人理國法論者。故今彙叙其暴行。如左。

我越中國人南島間作所有商船奈占浦號。一千八百一十四噸二月十日。解纜羽後國酒田港。將航小樽。屬北海道後志國十

一日午前十時。過陸奧國艦作岬洋。左舷遙望軍艦四隻。時東南風急。洪濤澎湃。不能認識爲何國艦。欲求避難地。則在十二海里之遠。乃招集船員於甲板上。盡力進航。及近。知其爲俄艦。莫可復奈何。稍近。俄艦一發空砲。示信號曰。應隨本艦來。我不許汝。又曰。應疾棄船。又曰。以十五分時間。棄船去。於是命卸脚艇。傳信號曰。切乞救助。俄艦轉艦首向我船。又示信號曰。我將救汝。而四艦圍我船。開砲轟擊。乃急卸左舷救命脚艇。乘船客及船員之半。使遁去。又將卸右舷之艇。時既敵彈數發。貫穿船腹。又一彈掠脚艇。擊斃船員二名於海。以事急。委棄祕要文書及携帶諸品於船中。載殘員於脚艇。欲向陸遁去。俄艦即魯西亞。及固倫波二隻。左右夾擊。彈丸飛散頭上。既無遁路。決意接俄艦。則自艦


上投纜及繩梯。因縋上俄艦。約一時後。奈古浦號沈沒。商船全勝號。亦自酒田港來。俄艦見之。復圍擊之。會大雨。海上霧昏。全勝號乘之遁去。俄兵奪掠奈古浦號船客携品。錮四名男二名女二名於一室。船員三十七名於三室。置番兵禁出入。巡航日本海。十四日午後還島港。十五日朝。與衣靴。給麵麩。仍監禁一室。船員皆憂懼不措。午後二時。一束來。招出船員。曰應托德意志國汽船斯德爾堡號。送還長崎。船員始有再生之想。十九日午前。起旋。還入長崎。船長江沼義吉等。告之官。

是事。在日俄兩國宣戰布告之明日。其爲暴舉。固不俟道。俄國艦隊之早已航行北海欲先事襲擊我瀕海者。亦可知耳。

大坂府人村上吉十郎所有小汽船繁榮號七十五噸四六。東京朝日新聞社。雇以爲芝罘通信船。二月二十六日。過黃海廟島列島中大欽島邊。俄艦在旅順者。來擊沈之。虜我國人十名。清國人七名而去。繁榮號船長。及水夫二名。搭清國小艇。得免。經寧海州。至芝罘。據俄將不拉威フラウ所報稱。所擊沈汽船。見載魚形水雷一箇。因虜水兵若干。雖其信僞未可知。蓋俄將。誤以爲我政府所雇船。然吵乎一小汽船。不能查檢捕獲。直擊沈之。不第殘暴可憎。其怯劣亦可憫耳。

韓國元山津。我守備步兵所駐屯也。四月二十五日午前十一時。俄國水雷艇二隻。突入港內。向所繫泊商船五洋號六百噸。示信號曰。今方擊沈。宜速上陸。即發水雷轟沈之。五洋號。係仁川壩商會所有。乘員。船長溝口時廣等三十餘名。以直搭脚艇上陸。僅得免爲捕虜。洋上見俄艦三隻云。尋金州號之事起矣。

是日。聞俄兵約二百五十名。自吉州向北去。午前六時。我步兵第三十七聯隊第九中隊。搭汽船金州號。三千八百五十三噸上村艦隊第十一艇隊護之。共發元山津。金州號。係日本郵船集股會社所有。政府徵發以供運搬者也。午後二時。至利源縣。步兵上岸偵察利源咸興地方。不見敵兵而還。午後六時。將其即歸途。會晴雨鍼急降。有天候險惡之兆。第十一艇隊。留泊遮湖浦。告金州號。以明朝俱發。而金州號遂進。十一時。至新浦洋。天候果惡。濃霧四塞。不辨咫尺。忽遇俄艦三隻。水雷艇二隻。放空砲。金州號監督海軍少佐溝口武五郎。大主計飯田某。船長八木政吉等。赴敵艦。尋敵艦示以期一時間收容船員。除陸兵外。役夫等多赴之。陸兵從上官命。潛在甲板下。二十六日午前一時。敵艦發射水雷。貫穿船室。且裝火藥。將使爆裂。於是我兵知事不可成。齊上甲板。整列急射。敵艦亦開砲攻擊。然我兵小銃。固不能當敵砲。死傷極多。特務曹長鷺康勝屠腹死。下士以下多自殺者。午前一時。敵復發水雷。中機關。金州號中斷沈沒。陸軍大尉權名三藏。櫻井久我治。中尉寺田龜之助。橫田信三。少尉檜垣正和。及士卒七十三名。通譯官二名。或自屠。或中砲。齊唱日本皇帝陛下萬歲。皆死之。其壯烈悲慘。有不忍言者。方其沈沒。兵士猶在甲板



白元山港埠頭望港內圖



上射擊者。一時悉陷海中。既有再浮出者。見有脚艇在。搭之斷索漂流。水屢浸艇將沈。乃拋棄重物。僅得划遁。是日午後五時後。下士以下三十七名。得達馬養島。亦負傷者。有十一名。乘他艇遁者。卒

八名。役夫六名。商人三名。二十七日。皆集新浦。遂還元山津。我第十一艇隊。駐在遮湖浦。二十六日午前七時。出港冒濃霧。以午後二時入元山津。知金州號未返。上村司令長官。命使搜索。再抵遮湖浦。不得消息。翌朝復出港。遇商船泰威號。始聞其轟沈之事。料猶有避遁者。至二十八日。搜索退潮浦附近各地。還元山津。

據上海俄國武官接總督亞歷塞夫電報稱。俄艦魯西亞號。在元山津。遇日本運船一隻。諭日本士官十七名。兵士二十名。乘員八十五名。軍夫六十五名降之。陸兵二百名。在船抗拒。因擊沈之。船中多有煤彈糧食等云。然到俄艦者。除溝口少佐以下四名外。概係役夫乘員。我國兵士。無一降者。

夫金州號。不過一運搬船。而軍艦三隻。水雷艇二隻。圍擊之。其不可救。固明矣。儻使水雷艇隊護送乎。俄艦蓋悚懼遁逃之不暇。不幸天候險惡。濃霧四塞。與護艇相失。罹此奇禍。可勝洪歎哉。然見其臨死之際。欲死後。猶使不認隊號。悉褫除肩章。破棄重

要圖書，齊唱陛下萬歲。若將校或自銃以死，或屠腹以死，至其最後，五十餘名，猶發銃，使敵兵不得迫，船沈而止。何其從容不迫，勇烈悲壯。如是哉，蓋我國民性成，視死如歸，陷此萬難之時，猶不肯降服，發揮所謂武士道者，非耶。固非若彼俄國民族淆雜，國人爲實利之念所驅，以降敵不介意之比。論者，或咎其輕生捨命，是豈知我國民真相者乎哉。

三 旅順口第三次堵塞

我第一軍，既渡鴨綠江，敗俄軍於九連城，則應取鳳凰城。長驅以試決戰於遼陽。於是不可不先發他軍上遼東半島，以一掃旅順口及其他俄兵。然旅順猶有敵艦數十隻，亦足以妨我陸兵上岸。雖有我多數艦隊，護衛運船，以試上陸於敵前，抑亦難矣。此我海軍所以冒進危險，有第三次堵塞之舉也。

鴨綠江大戰之翌，五月二日，汽船佐倉號二千九百噸海軍少佐白石葭江搭之。朝顏號二千四百噸少佐向菊次

郎搭之。小樽號二千五百噸少佐野村勉搭之。三河號千九百六噸大尉匝瑛胤次搭之。遠江號千九百四噸少佐本

田親民搭之。相模號千九百二噸少佐湯淺武次郎搭之。江戶號千七百二噸少佐高柳直夫搭之。愛國號千七

十一噸大尉犬塚太郎搭之。凡八隻。海軍中佐林三子雄爲總指揮官。赤城艦。中佐藤本秀四郎爲艦長。

鳥海艦。中佐岩村團次郎爲艦長。第二驅逐隊。中佐石田一郎爲司令。第三驅逐隊。中佐土屋光金爲

司令。第四驅逐隊。中佐長井群吉爲司令。第五驅逐隊。中佐眞野巖次郎爲司令。第九艇隊。中佐矢島

純吉爲司令。第一艇隊。少佐大瀧道助爲司令。第十四艇隊。除鷓鴣二號加第六十七號第七十號艇二隻少佐櫻井吉丸爲司

令。以掩護堵塞船隊。以夕時發。指旅順陸續相進。至午後十一時。南東風猛。波濤高掀。堵塞船隊離


散相失。於是總指揮官林三子雄。知無由集合。發信號。命停止堵塞。不幸信號不通。各船前後抵旅順洋。二日午前二時。敵壘知之。開礮擊我第十四艇隊。時三河號先進。以爲他船既入港口。直前突入。敵壘高照探海燈。水雷砲火。交發以拒之。三河號。進破港口防材。深入水道。下錨於中央。自爆以沈。佐倉號次之。近港口尖巖。亦自爆沈。遠江號。江戶號。小樽號。相摸號。愛國號。朝顏號。相次猛進。方是時。敵砲益烈。所沈設水雷。爆發於四面。我兵死傷頗多。遠江號衝突防材。轉船東首。橫塞港口以沈。江戶號至港口。將投錨。敵彈飛來。指揮官高柳直夫。洞胸而殞。中尉永田武次郎。代命下錨。亦自爆沈。小樽號。相摸號。亦入港口沈沒。愛國號。距港口約五鍾。罹水雷以沈。大尉內田弘。大機關士青木弘次以下八名。不知蹤跡。朝顏號。損舵機。未達港口。爆沈於黃金山下。我水雷艇隊。及驅逐隊。冒風濤。抗敵砲。盡力救援堵塞隊員。水雷艇隊最近港口。第六十七號艇。艇長中尉平兵衛。汽管爲敵彈所壞。兵卒三名負傷。進退殆窮。第七十號艇。艇長大尉森本義寬。來救。牽引以免。司令矢島純吉在蒼鷹號。敵彈損左舷機。一卒死之。單艇亦失下士一名。僅得救收堵塞隊員之半。若小樽相摸佐倉朝顏四隻隊員。一不能救收。其他我隊員死者十五名。重輕傷者十八名。不知蹤跡者九十名。生還者三十六名。而據敵報曰。救收士官以下三十名云。

司令官海軍少將出羽重遠。率第二艦隊。以三日午前六時發。司令長官海軍中將東鄉平八郎。司令官海軍少將梨羽時起。以九時發。抵旅順口外。集團驅逐隊及水雷艇隊。搜索堵塞隊員未收容者。以至午後四時。卒無所得。是日。霧氣濛濛。不能見敵狀。入夜整隊而還。


東鄉司令長官公報之來也。七日我皇帝陛下。下詔優賞之。海軍大臣山本權兵衛。及軍令部長伊東祐亨。亦發電。賀其成功。悼其死傷。東鄉長官即呈答電。

此舉。汽船八隻中五隻入港口爆沈。則雖不能全遂堵塞之功。亦足以妨碍敵國巡洋艦以上通航可知。但因天候急變。及敵防加嚴。比前二次。更極慘烈。死傷甚多。然據東鄉長官公報曰。若小樽等四隻堵塞隊員。一不能救收。其最後忠勇之狀。猶無由知之。雖爲遺憾之極。特信其忠烈事蹟。永垂帝國史乘。以傳不朽。噫嚅有第二次堵塞之舉。人皆嗟稱廣瀨中佐忠勇壯烈。今見此舉。無隊員皆非中佐其人者。何其壯哉。此事。一次既難。况及其二次三次決行之乎。眞爲未曾有事。敵國新聞。猶且稱之。路斯通信員。自旅順電報聖彼得堡曰。日本海軍。於此計畫。示異常勇敢。海軍史上所未嘗見其比也。又在旅順斯羅威新聞通信員曰。五月三日。日本兵。勇敢行爲。眞可驚歎。彼等決不肯降伏。若黃金山下閣岸一火船。蓋愛國號也俄國兵士勸之降伏。日本兵不肯。執拳銃直侵俄兵。又俄兵自水中救助者。圖以襟紐自縊死。日兵遁在小船內者。悉戰死。無復一人降伏。又近岸閣坐脚艇中。有日兵十二名。其十五名皆負傷。頭手。及將廢之。皆圖縊死。僅收水兵八名。又俄輕舟近將沈火船。欲救收其乘員。日兵拒絕之。反擬統救者。且臨堵塞隊員之發。答東鄉長官信號曰。不得成功不生還。偉功

圖 船 塞 堵 次 三 第 六 二 第



天嶺之圖



尉。更進出東門。遇敵騎擊之。少尉自放拳銃斃其二騎。野津中尉。亦自側面來。斃其一騎。敵兵見之。辟易指遼陽路摩天嶺而遁。我吉田中尉所率第三中隊將校斥候。見敵兵五名潛在城外丘陰。使須藤上等兵。井田一等卒。自後追之。中尉自立前頭。擊斃其三。他二名倉遑遁去。我步軍不費一丸。騎兵

小戰。以占據鳳凰城。蓋俄軍前日之戰。懲創殊甚。無復抗拒之力。扶擔死傷者。盡向摩天嶺退去。僅留守兵也。而敗殘士卒。潛匿林叢或村落。至是日。猶有相繼投降者云。

八日朝。長騎兵大尉。率第三中隊一部。指雪裡站。距鳳凰城約七里進。見敵兵約五百屯駐。以我兵不過四十名。引還。敵騎追躡來擊。至

四臺子。會我步兵一中隊前來。敵無意交戰。轉馬首退去。我兵

亦引還。九日。聞其報。我騎兵聯隊。進至四臺子宿。十日。更派

騎兵第一中隊。向雪裡站偵察敵狀。知有敵兵。駐二道堡子。是

夜。我步兵一中隊亦來宿。是日。別派騎兵第一中隊偵察高家

店。不見敵兵。宿其近地。十一日。我步兵一中隊。進據雪裡站北

高丘。射擊敵兵。敵兵乘馬步兵約二百五十。步兵二十。小戰敗走。我兵傷敵中尉一名卒二名虜之。自

高麗門。經鳳凰城。至雪裡站。悉掃蕩之。敵軍不復留隻影。

當俄軍之去鳳凰城。自燒其彈藥庫等。然我所獲戰利品。有六十二密米突半山砲彈丸三百五十七發。

小銃彈十八萬千發。其他有輜車雜穀等。

我第一軍。既占據鳳凰城。而是月十日。俄國哥薩克兵約六百騎。突然來襲韓國安州。安州在順安北十四里。屬我兵站線。古莊守備隊長。率寡兵守之。俄兵之來。占據城東北門外高丘。開展左右。猛加

陸軍大將伏見宮貞愛親王



射擊。古莊隊長。糾兵站部員。及騎兵。其他僅一百兵。守城東要地以拒之。裏傷力病者在焉。使酒保商賈役夫等。運搬彈藥糧食。時補充輸卒二人戰死。步兵四人負傷。午前九時。右翼敵兵。自林中射擊。尋突進來東南門外。我兵據城壁。一齊射擊。以却之。我一馬卒傷左腹。以木綿裹創。猶不去戰列。步兵伍長細川市之助。男爵細川潤次郎長子懼心臟病在舍。聞銃聲奮起。守東南門。當右翼敵。午後一時。我兵自平壤來援。遇俄兵於肅川路敗之。其一部來。自

仁義門入城。一部追擊俄兵。占據右翼高丘。又我兵自嘉山來援。遇敵兵將沿清川江侵玄武門者。擊破之。翌朝出斥候。探城外。俄兵遺棄馬五頭彈藥軍刀等遁走。途見敵屍二十九。據捕虜俄兵言。稱四月二十二日。俄軍至楚山。為我兵所破。退至江界掠其近邑。五月六日。襲江界韓國鎮衛兵。掠奪彈藥

糧食等。更侵龜城寧遠。經德川价川。來襲安州。蓋俄國敗殘餘兵。留在韓國東界者也。

五 金州半島占據

我第二軍司令官陸軍大將男爵奧保鞏。率第一第二第四師團。四月二十一日。搭汽船日本號香港號諸船。自宇品港及大坂港發。海軍少將片岡七郎所率第三艦隊護衛之。會旅順口第三次堵塞事畢。五月五日午前五時三十分。抵遼東鹽太澳。見俄兵數名在沿岸丘山。擊走之。海軍大佐野本某。率陸戰隊上岸。七時。不費一彈。占據一帶高丘。樹日章旗。使赤城大島鳥海諸艦。點檢陸地。赤城艦見俄兵百餘。擊走之。我第二軍盡上岸。聞普蘭店有俄兵三百餘。貔子窩有三百騎。乃分第六第七第八中隊。向普蘭店。距上登地約十里至姚家屯。見俄騎逐之。六日午前九時後。至普蘭店。有俄國鐵路守備隊。騎兵二百。步兵約三百。於是第六第七中隊爲右翼。占一孤丘。高百二十米突射擊俄軍。工兵一隊。將破壞鐵路。會俄國汽車。連三十由金州來。自車中發銃。我兵應戰。彼忽停車揭赤十字旗於車上。我軍停射。將進檢之。汽車發軔。迅疾北走。聞俄國總督亞歷塞夫。アレキセル嚮在旅順。見事日非。且接俄廷所發應與大將克魯巴多金會謀陸軍作戰之信。發旅順指奉天。偶在此車中云。夫日內瓦條約。日內瓦在瑞西國。西曆一千八百六十四年始結赤十字條約。俄國亦與其盟。而今濫揭其旗。以免乎難。其陋劣可憎。蓋亞歷塞夫總督在車中。命爲之。此戰之起。亞歷塞夫專任其責。而臨旅順之危。託俄帝之命。以遁去。又途遇我軍攻擊。詐揭赤十字旗。以免。其心事之卑怯。可以洞見。尋我軍破壞鐵路。截斷電線。七日。發陣家屯。憩徐家屯。八日午前八時。至龍口。有俄兵約八十餘騎。擊破之。斃敵兵四名。虜工兵伍長。截倒電柱無數。是役。我軍死者。步兵中尉

第 二 軍 司 令 官 陸 軍 大 將 男 爵 保 泉 氏



第 四 師 團 長 陸 軍 中 將 男 爵 川 又 次 氏

第 三 師 團 長 陸 軍 中 將 男 爵 島 義 昌 氏

招鈴田曹長曰。我死矣。汝宜指揮隊伍。言終而絕。我一隊向貔子窩者。敵騎約二百既去。不費一丸。占

桂勇喜。軍曹伊藤彌太郎。一等卒近藤伊太郎三名。桂中尉號令進軍之際。敵丸來貫口吻。中尉且倒。

其地。截斷電線。

我第二軍。既占魏子窩至普蘭店一帶。將攻金州。五月十五日。陸軍中將伏見貞愛親王。率第一師團先發。集兵於王家屯。使騎兵將校偵察五十里堡近地。牛島隊率騎兵工兵爲前衛。且警左側。小原隊及獨立騎兵隊爲右側枝隊。親王自率本隊。由魏子窩進。此地道路險惡。雖使工兵修理之。急遽不能開道。若野戰砲隊。馬斃車顛。其困苦不可言狀。

僅至衣家屯駐軍。斥候騎兵至五十里堡。遇敵騎數十。斃其大尉以下十餘。虜七名而還。

十六日。霧雨空濛。不辨遠邇。前衛隊先進。午前十時。其先鋒河西中隊。至關家屯北高丘。

霧雨未霽。遙見人影。不知其爲敵爲我。既敵兵放銃射擊。河西大尉散開部兵。與之交戰。

伏丘下以待砲兵來。午後。水谷砲兵大隊。及親王率參謀長等並至。親王踞石午餉。有敵砲

二二三彈過頭上者。我砲兵指揮官兵頭大佐。上高丘。占陣地。使水谷大隊排列野砲。而其地絕險。不能使馬曳砲。星野參謀長大聲令步兵來集砲車。戮力上丘。須藤中隊先開砲火。時濃霧未斂。難定照準。俄軍久在此地。熟知形勢。連放砲火。敵砲爲千九百年式連射砲。一分時間能發二十彈。水谷少佐負

海軍少將片岡七郎氏



傷。兵頭大佐。使小野大尉代指揮。中部伍長島田少尉。菊池中尉。久保田曹長。伊東伍長。皆負傷。若第四砲車。砲手六名中。傷其五名。而若須藤大尉受三彈。二彈破袖裳。一彈中腋下測時器。身不帶微傷。其苦戰之狀可想。我軍盡力當之。既霧霽。見敵陣既有潰退之狀。曳砲六尊退去。時河西中隊冒砲火進戰。上等兵佐藤熊吉。一等卒五十嵐龜次郎。二等卒瀨田佐太郎等死之。尋左翼隊來進。見敵勢漸挫。突進破之。占前頭高丘。右翼隊亦自側面進。遂擊破敵軍。占十三里堡。全軍集此。樹日章旗。若河西隊中一等卒野澤捨次郎。負傷不言。自結繯帶。猶鬪。戰終以告小隊長。小隊長曰。汝何不早告。捨次郎曰。平素承訓。若不幸負傷。非太重。自爲之計。勿唱負傷。以沮士氣。我傷不重。且戰方酣。故不告。小隊長聞之。感其忠實。至泣下。捨次郎者。武藏國埼玉郡柳瀨村人也。

六 金州城及南山之戰

占取大連灣青泥窪

南山。在距金州城南門之南約二千米矣。未詳本名。以在金州城之南。假稱南山。一曰扇山。以丘陵之狀似披摺扇名。亦我軍所假稱也。東控大連灣。西臨金州灣。東北自十三里臺。丘陵迤邐連老虎山。南則旅順路。據南關嶺之險。以通青泥窪。俄軍以爲第一險要。山麓東自閻家屯。經北麓繞西北。至劉家店東北。遍施鐵網。又伏地雷。鑿陷阱。山上設礮墩及堅壘數十處。層層繞以塹壕。排置大小砲約七十尊。及機砲八尊。其右翼和尚島。置重砲八尊。隔大連灣可以射擊馬家屯方面。大連灣。有砲艦一隻。擬衝我左翼。又九里莊南方後營。及左營洋砲營。揭探照燈。以照我陣地。蓋西歷一千八百七十七年。我明治十年。清國光緒三年。俄軍之犯突厥。突厥

名將阿斯曼巴沙。拒之於不列威那。以困俄軍。今襲其故智。做其陣形。然不列威那低窪而南山高峻。更有難攻之勢。俄軍所恃以爲要隘也。

我第二軍。將占取大連灣。則先不可不擊攘南山之敵。於是五月二十二日。集軍於九里莊陳家屯寨子河之東。遣將校偵察敵狀。二十四日。奧司令長官傳令諸軍曰。

敵兵依然保守南山。金州城內又有一部。以包圍東西北三面。又和尚島舊砲臺有砲若干。南關嶺亦若排置砲若干者。

我艦隊一部。明二十五日來金州灣。砲擊南山敵壘。

我軍。以二十五日將攻擊南山。


第四師團。以小部隊。期午前三時三十分。關聯第一師團右翼。應占取龍王廟附近地。

第一師團。由金城東邊至南山。及金州城東北端朝陽等處至南部八里莊地進。應攻擊南山。

第三師團。爲左翼。自馬家屯閻家屯等處。應攻擊南山。

二十五日夜半。第四師團爲右翼。陸軍中將小川又次率之。第一師團爲中部。陸軍中將貞愛親王率


金州城占領



之。第三師團爲左翼。陸軍中將大島義昌率之。先遣第四師團及第一師團一隊攻金州城。金州城繞以石壁。高約六十尺。厚約四五十尺。閉鎖三門。每門有鐵扉二重。填土沙於其間。俄軍一隊守之。第四師團進薄其城北。俄軍發機砲頗烈。午前四時。第一大隊長藤岡某戰死於正門外。副官水郡大尉亦創。乃圖夜襲。第三十八聯隊一大隊。第九聯隊中隊先進。敵兵猛放砲火。且搗探照燈。明如白晝。大妨我軍前進。我軍則遣工兵第四大隊破壞城門。時雷雨大作。火藥潮濕不能奏效。試之二回。遂壞城門。我兵乘之。吶喊入城。以二十六日午前五時。取金州城。

先是我第一師團。自五月十六日十三里堡之戰後。使步兵第一聯隊占據九里莊南丘。以對金州之敵。至是二十五日午前三時。進經山路。約一里餘。未明抵赤門子駐屯。午後七時。又進至肖金山西北。司令官下令第一聯隊。使以二十六日午前四時。占據金州城東南角至三叉子之地。會雷風大雨。道路泥滑。脚步屢顛。行軍頗艱。遣斥候於第四師團。探金州形勢。而絕無消息。午前四時。抵金州城北一村。敵兵發銃激射。頗有死傷。始知金州城未陷。以受敵於右方不利於戰。乃分一隊以備南山。使砲兵向城盪擊。步兵亦距城約三百米突。以開交戰。使砲兵中隊長今村大尉破壞東門。乘敵勢稍衰。使豫備二中隊突擊攀壁而入。分一隊至南門。遮敵退路。會第四師團既破北門。俄軍潰走。追蹙之于金州灣。俄兵既無遁路。皆走入海。潮水及肩。我兵追躡。亦至沒腰。遂殲之。俄兵死者殆踰六百。所虜止十餘名耳。爲第一師團第一聯隊所擊破者。概向南山遁走。於是金州城爲我所占據。

我軍既陷金州城。二十六日午前五時四十分。第四師團砲兵。陣於金州城外樹林。第一師團砲兵。陣



於金州城外圍中。第三師團砲兵。陣於老虎山西南。別有獨立砲兵旅團。共開砲攻擊南山敵壘。敵兵亦應之。我第四師團步兵。進涉金州北端沙河。敵軍轉砲擊之。蓋欲乘半渡以殲之也。敵彈爆發於前。後。我兵因砲兵掩護渡河。直占金州北端樹林。

方是時。我艦隊分遣西山艦隊援陸軍。二十五日。入金州灣。以風浪兇惡。避泊某地。二十六日午前六時。赤城烏海二艦。及第二艇隊。近岸開砲。以擊南山敵壘。會敵砲掠烏海艦甲板上。海軍大尉河野通雄以下卒二名負傷。下士以下二名死之。八時敵砲少衰。更使第一艇隊砲擊河邊鐵路。

先是第四師團陷金州城。沿金州灣前進。第七旅團大坂兵為右翼。第九旅團伏見兵為左翼。築掩堡以擊敵。以敵軍隱蔽無標準。不奏其功。而敵軍放機砲及小銃。應我進退。巧射擊之。我軍頗有損傷。若第八聯隊第一大隊某中隊。殊極悽慘。不遑收將卒負創者。為海潮所漂。不知其蹤跡。因暫停我進軍。時見有清人數十名在傍山上。把赤白旗。為俄兵示我進止。是所以我兵多死傷也。乃自第三十七聯隊中。擢敢死士數

名。上山捕縛清人誅之。

時我艦隊所發砲彈。墜肖金山前。爆發敵所伏地雷。尋又爆發一處。黑烟捲土。天地為昏。十時三十

分。金州城內。又爆發一大地雷。烟塵蔽天。雖我兵不爲其所傷。清人百五六十名爲死。我第八聯隊第二中隊前進之途。亦罹地雷。亡一分隊。身首飛散。其慘不可言。

我第一師團。當敵正面。午前八時三十分。砲兵先發。夾新道而進。新道者。自金州經南山至旅順。俄人所新闢也。次之第十五聯隊第二大隊。秀島少佐率之。爲中軍。第一聯隊第一大隊。枝吉少佐率之。爲左翼。第二聯隊某大隊。戶枝少佐率之爲右翼。距敵壘至約千米突或二千米突。敵不敢射擊。進至八百米突。敵兵據塹壕猛放銃火。我軍苦戰移時。蓋敵兵潛伏壕中。不敢出其頭。若我三澤中尉。在前頭約十六時間。未曾認敵面云。

第三師團。初可背後警備。在老虎山南嶺。尋接爲全軍左翼。應攻南山之令。二十六日午前三時。步兵第六聯隊爲右翼。先進東山之後。其第一大隊繞東山之左。出其南。逼敵軍左翼。第一第三兩中隊抵敵在前。第二第四兩中隊。豫備在後。此地空豁。無物可遮蓋。敵彈飛迸如霰。第一中隊長某。特務曹長唐渡某。先傷。第一小隊長今枝中尉。第二小隊長太田少尉。奮圖前進。野村少尉傷足猶進。而敵兵熟知地勢。豫定照準。彈無虛發。今枝中尉亦傷右腿。至是第一中隊將校皆創。獨有太田少尉指揮耳。併下士卒死傷至五十五名。有身受敵彈二三或四五者。第三中隊。與第一中隊並進。將校多死傷。併士卒至八十一名。寄田中尉。會把雙眼鏡望見敵狀。彈丸來中鏡郭。而力弱不能碎鏡。中尉奮圖指揮。僅支陣地。第二第四兩中隊。見前隊苦戰。損傷亦多。疾驅來援。第二第一大隊亦在其右。應戰尤激。先是敵連射砲兵約二中隊。退據南嶺嶺。又排九珊知砲四尊於南山之南大房身。砲艦一隻來和尚島

砲臺東。共圍擊我左軍。然砲艦所放以用有烟火藥。不達我軍。尋搭陸戰隊於小汽船四隻。將上紅土。我第三師團一部逆擊却之。

俄軍防戰甚力。至午後五時。我軍砲兵子藥漸盡。不能久支。乃使二軍並進肉薄突擊。第一師團鼓勇前進。距敵二百米突。爲鐵網所礙。不能復進。欲使工兵壞之。則砲銃如注。若第十五聯隊第一大隊。當敵機砲之前。第八中隊佐藤中尉先死。三澤。三浦。前田。松下。各中尉皆傷。下士以下死傷有九十餘名。第一聯隊長小原大佐。自率豫備兵。由新道。松村少將。亦率豫備隊。共試突擊。皆不奏效。師團長貞愛親王見之曰。攻擊入夜益艱。及日未沒。當速陷之。傳令全軍。舉衆猛進。


我西山艦隊。使一艇隊乘潮漲測航路。導筑紫平遠二艦。近岸開砲。以掩護我右翼第四師團徒涉海中。至蘇家屯者。且激射敵壘。會潮退。二艦以吃水深。漸出海表。使赤城鳥海二艦及水雷艇一部砲擊南關嶺近地。我砲兵第四聯隊。亦協力猛擊。我砲彈著著爆發敵堡。若敵砲手殆盡者。砲聲漸衰。稍有敗退之色。我第四師團乘之。自蘇家屯進薄南山。時敵兵有揭白旗三旒者。我兵見之。暫停射擊。敵兵乘間復發銃火。我兵怒。今井少尉率第三中隊前進。傷左肩。不願。遂占南山山嶺。獲機砲二尊。第一師團。及第三師團見之。勇奮突入。踰死屍破防具。亦齊上南山。追擊敵兵。樹旗幟於各壘上。時方午後八時也。初第四師團之薄南山。小林軍曹。金子上等兵。山崎松山木下等一等卒五名。爲斥候。由壘中進。小林木下二名遂死。餘三名亦負傷。我艦隊之擊南關嶺。敵彈中鳥海艦。艦長林三子雄死之。少尉佐藤巳之吉以下士卒三名負傷。艦體無少毀損。

二十七日。陸軍少將中村覺。率一枝隊。占據南關嶺。敵兵既盡指旅順潰退。又分一部隊。占據柳樹屯。遣斥候於營城子。午前十時。抵青泥窪北丘。望見煙焰摩空。知俄兵放火市中。既而遇俄騎二小隊及步兵後隊來。

擊殪其二騎。俄兵遁去。奧野騎兵大尉。遣橋本小隊長率部兵搜索青泥窪。橋本某驅馬急進。至市口。市民揭日本章旗來迎。進入市中。有敵騎扼後路。某以爲逡巡爲敵所擊。不如猛進突貫。

因疾驅向敵。敵騎見之。周章却去。乃上高丘。偵察而還。本隊又別遣上等兵大野某察敵情。某入市。我騎隊既去。見敵騎再徘徊。以爲身既陷敵中。與急求血路。不如潛匿脫去。直入一清人

島海長軍大佐林三子雄氏



六月十一日全大佐儀行通列之行景

家。戒家人禁出入。即探問市況。清人所言有可信者。乃命招望族數十人。諭以日本軍來意。使各戶揭日章旗。俄兵見之。驚以爲日軍既占據此地。倉皇悉去。某遂探知大連灣內水雷位置。及傍近俄兵多少等。又縱俄兵所虜我國男女十六人。以翌日還。於是大連灣青泥窪不費一兵。歸我軍占據。

戰捷之報至東京也。二十九日。我皇帝陛下。賜勅於奧大將曰。第二軍。與海軍枝隊協合。力攻敵所死守金州城及南山要害之地。遂陷之。以扼旅順咽喉。且固我野戰軍將來地步。朕深嘉汝等忠勇。望猶益奮勵。收終局勝利。及皇后陛下。皇太子殿下。亦令旨褒之。

據哈爾濱日報所載。俄國旅順要塞司令官斯迭舍爾戰報曰。激戰五二日。五月二十六日夕。予令諸軍退金州。敵軍有二師團以上。砲百二十尊。敵砲及砲艦四隻。驅逐艇六隻。所發砲彈。大壞我金州要塞。我第五聯隊。不怕敵砲。勇敢能戰。終猶保陣地。日本軍爲我聯隊要塞及砲艦所轟擊。損傷極多。我軍死傷士官約二十名。卒約八百名。所遺棄砲門。盡行破毀。唯巨砲在要塞者。不能卸運。此戰自二十六日朝五時起。至午後八時止。予命退却。正在八時。地雷火中一部。未及爆發。何者以敵兵徒涉淺海潮水及腰也。

據我奧大將公報稱。二十六日對戰。敵數若步兵第三第四第五第十二第十三第十四第十六聯隊。關東要塞砲兵。鐵路護衛兵五中隊。及海軍兵若干。而敵軍方略。若在固據南山。擁護旅順及大連灣以防我兵前進。其防禦工事更有增加之跡云。

是役。始于午前四時。終于午後八時。我軍激戰。實五十八時間。故死傷亦甚衆。死者。將校三十三人。



特務曹長三人。下士以下七百十三人。傷者。將校百三人。特務曹長十二人。下士以下三千二百四十三人。總計四千二百七人。而俄軍死傷。雖未詳其數。我軍所收埋敵屍。有將校十。下士卒六百六十四。其傷退者。蓋有數千。我戰利品。所獲於南山者。砲約六十八尊。機砲十尊。發電汽機一。電燈二。地雷管十。南滿州地圖數十部。其他小銃彈藥等不可勝計。所獲於柳樹屯者。砲四尊。彈藥若干。鐵路貨車約四十六輛。俄兵臨退。自爆發大房身火藥庫。

是役也。我軍之不利。在攻城砲未到。惟以野砲對敵重砲及機砲。是所以損傷甚多也。解之者曰。蓋俄軍來普蘭店以北者。日加增大。而其據南山者。固守要塞。有將來擊我軍之勢。是我軍所以不待攻城砲之來。冒險擊繞南山之敵也。然我軍冒不利。猶且拔堅壘破強敵。一戰扼旅順咽喉。其忠勇之概。可以想見也。又我一將論俄軍曰。南山之為地。雖險峻足以防禦。而在隘地之前。為大軍所包圍環攻。若據南關嶺。則以隘地在前。雖我軍欲用大兵。無復餘地。進軍不免混亂。敵兵乘之。亦可以得利。夫以寡敵衆。使敵軍不能用其衆。此兵法通則也。俄將不知大局。唯惑於其利射擊。據南山以當我。是其所以招敗也。

七 大窰口掃海

吉野初瀨二艦等遭難

俄國布設水雷於公海


蓋平角砲擊

先是五月五日我第二軍上遼東半島之後。不可不擇軍需各品轉漕之地。然未能占取大連灣。於是我海軍司令長官。使片岡海軍少將所率第三艦隊。從事於大窰口掃海。掃海者。掃除敵軍所設水雷及妨礙物也。大窰口。連大連灣之東。亦為小灣。十一日午前七時四十五分。第三艦隊抵大窰口。先使嚴島日進宮古三艦。砲擊陸上俄兵以威嚇之。使第二第六第二十第二十一水雷艇四隻掃除海面。第十二水雷艇亦來會。直測量海面。時敵步兵約十中隊。騎兵約五十。出煤窰近地。我擊却之。敵兵不敢抗。我兵以午後三時。盡測量海上。

第四十七號第四十四號水雷艇沿大窰口西岸。偵察敵狀。

掃除海上。見敵電線通大沽山八二零尺山。山名未詳。我軍測量海水平面高度。以為記號。

我某艦連灣掃海圖



以下北西麓者。海軍少尉堀田文雄。率下士卒四名。乘脚艇上岸。毀電柱五枝。奪電線以歸。聞大沽山麓。有敵兵九十五名。徐家山有一百名。其後方有約一千。乃進至煤窰之東。約千五百米突砲擊陸上。見敵兵約二百。自徐家山來。將待其近而擊之。敵兵隱於岸上數百米突之地。不敢前進。又見敵兵十一騎來煤窰南西。擊走之。

官古艦深入灣內。見盧窰^{ルウコウ}孫角北西有敵哨堡。砲擊壞之。有敵兵約十小隊伏後方者。共狼狽遁走。

第四十八號第四十九號水雷艇。沿大窰口東岸。掃除海上。是日天晴波恬。午前八時。認敵所沈設機械水雷於黑嘴子南西。欲爆沈之。百方無效。更欲却艇擊壞之。午後一時三十七分。水雷爆發於第四十八號艇機關室下。會艇長海軍中尉細井某與部下。共在後甲板上。震蕩翻墜海中。沈而復浮。遇傍近諸艇來救得免。艇體後部兩斷。約七分時間沈沒。艇員猶在艇上欲救火。不及。皆投海。爲救艇所助。唯蔭山少尉以下七名死之。七名負傷。此艇。德意志國所造。鋼質二等水雷艇。長百二十八尺。闊十五尺九寸。排水量八十三噸也。

十四日。再遣第五戰隊及第二水雷艇隊掃海。拂曉至大窰口外。俄軍急築砲墩於大沽山北東山上。排野砲六尊。又設堡壘於山側。以射擊之。我艇隊冒砲火。擊沈水雷五箇。與敵應戰。至午後四時。將集合艇隊而還。官古艦方在距岸約千五百米突前日第四十八號沈沒之傍。下錨將吊起脚船。時轟然一響。自艦尾來。艦員在甲板上者皆翻倒。以爲機關破裂。忽見黑烟沖起。鐵木紛飛。手足斷散。始知爲敵機械水雷所觸。檢視則艦尾左舷穿爲巨孔。潮水奔入。於是艦長柁內某命使卸脚艇護艦中所奉皇

帝陛下眞影。收拾緊要文書。盡移脚艇以至他艦。約二十三時分。艦體沈沒。惟剩檣頭耳。艇員約二百

三十四人。內下士卒二名死之。二十五名負傷。宮古艦。明治三

十年我吳軍港在安藝國所造。三等巡洋艦。排水量一千七百七十二

噸也。

十五日。復遣第五戰隊及第六水雷艇隊。第五十六號艇闕至大密口掃除

海上。敵兵亦增野砲二三尊。欲以礙我掃海。而無一損我艦艇。

我戰隊轟壞水雷八箇。據敵所設水雷位置察之。若自盧賓孫角

至砂蛇。三線不齊布設水雷者。我艦艇隊遂盡掃敵所設水雷。開

大密口交通。以供第二軍軍需諸品運輸。

自五月三日我艦隊第二次堵塞旅順口。雖礙敵艦巡洋以上大艦

通航。若砲艦驅逐艦及水雷艇。猶得自由出入。我第二軍既上遼


東半島。運船陸續航行黃海。有敵驅逐水雷等艦來襲之虞。於是

我艦隊交互到旅順口洋監視之。十一日。吉野春日千歲等五艦到


旅順洋。十五日。就歸途。會濃霧晦濛。午前一時四十分。到山東

角洋。轉舵之際。春日艦誤衝吉野艦艦尾左舷機關室。艦長海軍

大佐佐伯闇。急命防水。全員極力防備。奈潮水迅疾。早浸甲板。



巡洋艦吉野



艦體右傾。艦長又命全員乘艇退去。先唱萬歲。衆和之三聲。電燈既滅。暗黑慘憺不可名狀。約二十分時

吉。指揮部下。填塞孔穴。以止浸水。報之司令官海軍少將梨羽時起。艦長大佐中尾某。直使某艦絳



第一艦隊參謀海軍少佐功四級
塚本善五郎氏

初瀨副長海軍中佐功四級
有森元吉氏

初瀨乘組海軍少機士
永原和衛氏

遂沈沒。脚艇五隻在右側者。亦爲艦體所壓復沈。其由左舷遁者。搭第二脚艇。又爲春日艦脚艇所救者。分隊長機關長等約四百名。艦長佐伯間。副長海軍少佐廣渡顯一。航海長大尉竹內兼藏以下死者約三百餘名。吉野艦者。二等巡洋艦。排水量四千二百噸。明治二十五年西一千八百九十二年英國所造也。

是日此何等凶日。又接一耗。午前十時五十分。初瀨敷島八島笠置龍田五艦。在旅順口外約十海里老鐵山南東洋上。監視敵艦。初瀨艦左舷忽觸水雷。艦體左傾。副長海軍中佐有森元


曳。時風濤險急。截斷緯索。會梨羽司令官等檢視損處。時午後零時三十分。左舷復罹水雷。以中火藥庫下。爆發之音。如萬雷齊落。火焰噴起。黑烟冲天。桅檣折。烟突倒。一分時忽沈於濤中。有森副長先死。其他死者約五百名。敷島等諸艦見之。急卸脚艇。救梨羽司令官中尾艦長以下三百餘名。初瀨艦者。一等戰團艦。排水量一萬五千噸。明治三十一年西一千八百九十八年英國所製造也。俄軍見我艦罹禍。使驅逐艦十六隻自旅順出來迫我艦。會我明石千代田秋津洲大島赤城宇治高砂諸艦來。與敷島等協力擊却之。初瀨吉野二艦。自出征之初。數經戰鬪。其乘員固多功勞。而一旦共罹慘禍。爲蛟窟之鬼。何可勝哀惜哉。朝廷聞之。佐伯有森以下數十人叙功勳。下士卒叙位有差。

二十六日。我軍第六臨檢清船自旅順逸出者。獲其所携俄國軍士書。書中有曰。日本初瀨艦。罹昨夜某海軍大尉率驅逐艦所布設機械水雷以沒。知其日俄國驅逐艦襲來尾我者。有所豫期也。於是不得不問屬海之區域。公海之自由。及機械水雷布設法如何。夫屬海區域。今日未有定論。國際法學會。議決在平時距海岸六海里。在戰時六海里以外。自陸地砲臺所放砲彈所及。以爲中立區域。而各國所定。英國以爲三海里。德國以爲五海里。日本以爲二里。雖在戰時。未嘗有許超十海里者。今初瀨艦所沈沒。即俄國水雷所布設。在老鐵山南東海上約十海里。則其爲自由海。爲世界公道也。明矣。公海自由之原則者。國際上悉所認識。當交戰之時。運兵略制活機。雖未必有屬海與公海之區域。今故意布設危害物於公海。則毀損國家之權利。併杜海上之交通。妨商業之發達。俄國所爲。不得不見做世界公敵暴戾行爲。此非特予輩私言。日本米爾新聞曰。初瀨船沈沒之地。在距老鐵

山十海里。此地海峽。闊不過七十海里。俄國布設水雷於此地。而能保各國商船得免接觸破壞乎否。又曰。俄國布設水雷於世界商業公道。是野蠻戰法也。可以見各國所不與許也。機械水雷者。從來各國交戰之際。以不濫用爲常規。設令戰時屬海範圍。爲在彈丸到著以外。猶自有屬海與公海之區域。今至濫用此危害物。則非獨交戰之國彼我危險。其危殆及中立各國。不亦大乎。今俄國之布設水雷於公海。其事既明。各國宜速提抗議以責俄國。此當前之急務也。人或謂。公法上未有機械水雷明文。故今之行爲非違反公法者。但應議之將來。然危害公海自由之爲罪惡重大。不復容疑。俄國之當任其責。不待贅言。若五月二十五日路透電報曰。俄人恣敷設水雷於公海之證益著。英國新聞抗議日盛。不獨新聞。各國政府宜速抗議以問俄國。若中立諸國。無所抗議。則公海自由。有名無實。後來慘禍有不可測者。其侵害交通商業之權利。不已大乎。

我第三艦隊明石秋津洲千代田須磨大島赤城宇治七艦。及第十四水雷艇隊。亦以是日發。午時至旅順洋。方遇初瀨遭難。遣大島宇治二艦及水雷艇隊前進。其他諸艦與敷島八島笠置等。擊俄國驅逐艦來襲者走之。且救初瀨艦乘員。夕時進入渤海灣。十六日午時。近塔山。偵察蓋州角一帶沿岸。見有敵兵擊走之。十七日午後。掃除海上。進入金州灣。砲擊鐵路架橋營屯。及方所通過運兵汽車而還。

圖之設沈雷水



第二編下卷


戰爭本記五

一 遼東半島封鎖

旅順口艦隊偵察


我艦隊自初瀨艦遭難以來。警戒益嚴。遣砲艦水雷艇續續至旅順口強行偵察。五月二十日。遣砲艦一隊及驅逐艦水雷艇數隊。午前一時。冒敵寨砲火。偵察事畢。至天明還。是役。敵丸中驅逐艦曉號破裂。海軍大尉末次直次郎以下二十四名死之。他艦無損傷。尋朝廷陞末次官爲少佐。餘數人晉職授功勳有差。

軍艦朝日




一五、四四三噸

軍艦敷島



一五、〇八八噸

軍艦初瀨




一五、貳四〇噸

軍艦富士



一二、六四九噸

軍艦八島



一二、五一七噸


巡洋艦笠置




四、九七八噸

我第二陸軍既占據金州城。拔南山敵壘。南關嶺。柳樹屯。青泥窪。皆為我有。於是二十六日。我聯合


巡洋艦吉野




巡洋艦高砂



巡洋艦淺間




通報艦龍田



巡洋艦八雲



巡洋艦常磐



四、二二五噸

四、二二七噸


九、八五五噸

八六〇噸

九、八〇〇噸

九、八五五噸


巡洋艦明石




巡洋艦浪速




巡洋艦吾妻




通報艦宮古



巡洋艦松島



巡洋艦千代田



二、八〇七噸

三、七〇九噸

九、四五六噸

一、八〇〇噸

四、二七八噸

二、四三九噸

艦隊司令長官東鄉平八郎。封鎖金州半島。宣言曰。本官承日本帝國政府之命。明治三十七年五月二

十六日。清國盛京省遼東半島南部。即自貔子窩至普蘭店一線以南沿岸。以帝國軍艦兵力封鎖之。且維持之。若有欲破封鎖船舶。應於國際法。及帝國與中立諸國締結條約所許容者。用一切強制手段。玆宣言之。翌二十七日。我海軍大臣山本權兵衛。告示之於國內及各國。於是黃海之權全歸於我。

蓋海岸封鎖。唯有為挫敵國戰力行之者。是謂兵事封鎖。若我明治二十七年與清國戰。封鎖威海衛者是也。有為妨害一切商權。遮斷通交。封鎖沿岸一部者。是謂商事封鎖。此同是也。據我海上捕獲規程。說明封鎖性質如左。

凡封鎖。以實力閉鎖敵港灣若海岸。使出入及到著船艦足明加危險。斯為有效。艦隊或軍艦。為天候不良。若欲達封鎖目的。一時離封鎖區域。亦不失其效力。而封鎖既成之後。艦隊或軍艦司令官。依一定書式。記封鎖區域及施行期日。以為宣言。若東鄉司令長官宣言即是也。又一且停封鎖效力。後再施行之。或變易其區域。則更要宣言。艦隊或軍艦司令官。為封鎖宣言時。直不順叙名號如左。

- 一 封鎖宣言。報告海軍大臣。
- 二 封鎖宣言。移牒封鎖附近外國駐在我帝國公使。託以通知封鎖成立於其國政府。及其國駐節各國公使及領事。
- 三 通知封鎖。宣言於附近中立地駐節各國領事。且要使封鎖事實周知。
- 四 用軍使旗。通知封鎖宣言於封鎖區域內他國官憲及各國領事官。

各國船長。承帝國軍艦直接警告。又不問公私通信其他何等方法。明知封鎖既成之時。即爲承封鎖宣告者。又如左記者。則爲認知封鎖及承告知者。

一 通知封鎖既成於船艦所屬國官憲。且自其官憲告示自國住民。既經過其期間。則不問現實告知與否。爲既承告知者。

二 封鎖事實。爲衆所知悉。則認爲船長既承告知者。

違反封鎖規則。亦有出港入港之別。如左記者。爲背出港封鎖。

一 船舶逃出封鎖區域。及圖逸出者。

二 他船在封鎖區域外。轉載運出港封鎖船舶貨物者。及圖轉載者。

然若其船舶。有當左記各項之一。應不的用前記規定。

一 船舶承日本帝國政府封鎖艦隊或軍艦指揮官特許出航者。

二 船舶不承封鎖告知。而封鎖中入港。無載貨出港者。

三 船舶封鎖既成之時。在封鎖區域內。無載貨出港者。

四 船舶封鎖成立之前。在封鎖區域內。搭載貨物出港者。

又船舶既承封鎖告知。該當左記各項之一者。爲背入港封鎖。

一 船舶通過封鎖線。侵入其區域內。又圖侵入者。

二 船舶不關文書所示著到地如何。在封鎖區域附近。明認該區域內進航者。

三 船舶在封鎖區域外，使轉載其貨物於他船舶，以圖過封鎖線，輸送之於封鎖區域內者。

雖然，船舶若有該當左記各項之一者，未必適用前記規定。

一 承日本帝國政府封鎖艦隊或軍艦指揮官特許者。

二 船舶船長以或冀封鎖解除，若無解除，則更到他港意，發錨遠隔之地到此，而確認應有想事由者。

三 船長既拋棄船舶到封鎖港之意思，其事都屬明確者。

四 船舶有天候不良，或糧食缺乏，其他事情無他港灣可以入，不得已入航封鎖區域者。

其他國船舶破封鎖規例者，皆沒收其船舶及貨物，但貨物主，證明不知其情者，得解放其貨，而解除封鎖之時，艦隊長官，或軍艦指揮官，直報之海軍大臣，且使遍告知之。

此我日本帝國現行規例也。我國以實力封鎖敵國海岸，蓋此爲始，若日清戰役封鎖威海衛者，是當爲兵事封鎖也。

同月三十日，我艦隊復遣砲艦四隻驅逐隊，二水雷艇隊二偵察旅順口，午前一時抵港口，敵壘頻發砲火，我艦隊冒之，進見老鐵山新置一探照燈，山腹新築一二砲臺而還，此行第三號艦受敵彈，下士一名死之，下士卒三名負傷。

六月四日，司令官長井群吉，率第四驅逐艇，進至鮮生角，俄兵自勞律嘴砲壘，砲擊之，因避之南方海上，午後七時四十分，敵國砲艦克利米也斯的，前進來近，至城頭山南約一海里，忽然爆發，沈沒於海。

中。又敵國水雷砲艦該朶瑪克亦失其艦影。蓋羅我布設水雷也。敵艦在城頭山及老鐵山下。掃除海面者。見之倉皇遁入港內。克利米也斯的。排水量一千四百九十二噸。西一千八百九十三年我明治二十六年所製造裝甲砲艦也。該朶瑪克。排水量四百噸。西一千八百九十四年我明治二十七年所製造水雷砲艦也。自七日至八日曉。復遣砲艦四隻及艦載水雷艇八隻。至旅順口外偵察。敵壘防禦甚力。第四號砲艦。卒一名戰死。二名負微傷。八雲艦載水雷艇。下士卒二名戰死。

二 大孤山軍上陸竝第一軍駿陽邊門賽馬集及岫巖占據

我第二軍既入遼東半島。尋遣陸軍大將野津道貫率別軍一隊抵大孤山。大孤山港在大洋河口。經岫巖析木城至海城。為重要之地。五月十九日。海軍少將細谷資氏。率第三艦隊。護送運船。午前六時。先遣警城艦砲擊陸上。尋使海軍大尉武光某率陸戰隊上岸。不見敵軍。八時占據大孤山。使陸軍陸續上岸。是日天晴。無些障礙。全得畢事。

二十日。大孤山軍。以下稱此軍進至王家屯。在大孤山西遇俄軍一中隊圍攻之。俄軍潰敗。向岫巖及沙里

寨而走。此俄軍。蓋後貝加爾哥薩克獨立旅團中維爾布紐廷斯奇聯隊第三中隊也。我軍所虜。將校大

尉一名。中尉一名。下士以下四名。馬九頭。敵所委棄死屍。大尉中隊長一名。下士以下九名。死馬二十

二頭。二十一日。遣步兵將校斥候於大石橋子。自土城子至沙里寨路午後五時。至大石橋子南高家屯。遇敵敗竄

兵十騎擊殲之。又斥候土城子東南五道溝者。至張家屯。虜敵二騎及馬七頭。蓋俄軍敗於王家屯。其將校或死。或見虜。部兵全失首領。無所統一。亂次奔竄。以至於此。據土人言。見騎兵失馬。蓬頭敝衣。殆

陸軍大將伯爵野津道貫氏



不爲軍士態。匆卒逃走云。六月五日。我一小部隊在金州路范家屯者。掩擊俄軍約三十騎於大孤山西北千家屯敗之。虜兵卒二。馬十三頭。此俄軍。屬西伯利哥薩克第五聯隊第二中隊者也。

我第一軍既占據鳳凰城。乃使右翼師團派兵至通遠舖及靉陽邊門賽馬集。蹈查地理。偵察敵狀。於是

陸軍少將佐佐木直。率一枝隊。五月二十七日。發營。向靉陽邊門。將校斥候至石家堡子。夜襲敵營敗走之。又別分一隊。令吉田某率之。經寬甸至靉陽邊門。令少佐稻村某率一隊。與中尉野崎某所率騎兵合。自枝隊左。經三股流黃溝嶺至靉陽邊門。更令鯉登某率一隊。自鐵佛寺三道溝間山路。進以連絡佐佐木枝隊及稻枝分隊。二十八日午後二時。佐佐木枝隊疾驅抵靉陽邊門。蓋此地距營地約十七里。而先是吉田分隊既到。與

俄軍騎兵二千餘戰。擊破之。俄軍西走。佐佐木枝隊見之。急追復大破之。占據靉陽邊門。枝隊前衛騎兵。與吉田分隊。共占據王家堡子高丘。擊腰嶺敵軍右側。扼其退路。敵軍死傷若干。我吉田分隊死者步兵二名。傷者二十四名耳。

稻村分隊。將至三股流。令騎兵偵察小南溝金花嶺敵狀。而不見隻影。至貢河嶺。遇敵騎二十擊却之。聞敵騎兵一千在小黑山下。步兵一千餘屯樊家臺。稻村隊進至松樹溝。會佐佐木枝隊左衛。

二十九日。佐佐木枝隊。使將校斥候鬩陽邊門賽馬集中間新開嶺。見敵軍擊却之。鯉登隊至三股流。知枝隊既占鬩陽邊門引還。三十日。大尉二兒石某。率一隊。進占賽馬集。而以其地勢難守。翌日還與枝隊本部合。手島某。亦率一中隊。急襲擊俄軍四百餘據鬩陽西北分水嶺者。敗之。敵軍向城廠而走。六月一日。俄軍約三千餘名。聚於城廠及賽馬集。六百餘騎進至新開嶺。我軍迎戰復破之。敵兵死傷百餘名云。

俄軍屯聚鬩陽邊門賽馬集邊。哥薩克騎兵既至五六千。土人稱號一萬。又在連山關草河口通遠堡邊者。步騎數千。其斥候遠至雪裡站北單家堡子。與我哨兵接。又別自岫巖至砂子岡二道洋梢子河等大洋河上流。若將三面圍攻鳳凰城者。我軍追即遁。去即來。擾擾如夏蠅之集羶。於是司令長官。使分數軍當三面。以偵察敵狀。自鬩陽邊門拔賽馬集者。佐佐木枝隊是也。自松樹背至石門子。助佐佐木枝隊至賽馬集。左隊踰草河嶺搜草河口敵狀者。稻村分隊是也。自遼陽路。進至張家石。激戰却敵者。板橋隊是也。自四臺子經高家店。過樵蹊鳥道。搜谿谷深處四門子敵狀者。高松隊是也。護高松隊。扼新開嶺。此嶺與鬩陽邊門西新開嶺同名異地也。之險。以破老爺廟之敵者。宮川隊是也。自沙里寨涉大虎嶺之險。與大孤山軍相待。遂占岫巖者。淺田隊是也。今分叙如左。

六月六日。陸軍步兵少佐板橋某。率步兵若干。騎兵大尉工藤某屬之。朝發。午前十一時。到雪裡站。

命佐藤二宮兩少尉。爲斥候隊長。佐藤少尉。由右。二宮少尉由左。使其跋涉山岳。出敵軍兩側。工藤大尉率騎兵。佐治大尉率步兵前衛。自遼陽正路進。經長岑子。至單家堡子。遙見敵騎約五十在金家堡子黃家堡子邊。步兵跟隨。尋板橋少佐亦至。上高丘望見。察前谷漸開。有我兵暴露之虞。先令佐治大尉一隊。尾二宮斥候隊。迂回至土門子出敵右背。令村上中隊尾佐藤斥候隊。至金家堡子。出敵左側。少佐不敢輕進。與敵相持。約五時。至午後五時。村上中隊衝敵軍左側。先開銃火。於是全軍共進。急逐敵騎。黃昏抵土門子。虜敵騎一名馬一頭。據虜兵言。知此敵軍爲狙擊步兵第十一聯隊第六中隊。而其將校以下十七名負傷。板橋少佐。虞敵夜襲。退屯於金家堡子。七日黎明。騎兵先進。中村中隊爲前衛。至林家臺。令飯高少尉爲斥候隊長。經右丘搜索敵狀。本軍進至樊家臺。先隊騎兵。見敵騎三十步兵約五十出沒張家石南丘。此地山谿漸蹙。溪水彎環。與路相糾。雖山上無喬木。柞櫟叢生。新綠鬱然。難審敵形。板橋少佐。令中村中隊由右丘進敵軍左側。別令佐藤少尉爲斥候。由左丘搜索敵右。欲左右相待。以逼敵軍。停軍觀望。先是前衛中隊。捕俄兵一人來。是猶太人自投降者也。年僅二十四五。其言曰。通遠堡有俄軍四中隊駐紮。設伏於其南路左右。且狙擊步兵約一師團。將自草河口來援。少佐偶把雙眼鏡。四顧。遙見敵軍營幕點在處處。按其方位。正在通遠堡及烟臺底下。少時敵軍忽撤營幕。若將進行者。於是始信猶太人之言不虛。謂以寡當衆。非偵察本務。因欲退歸。遣一騎兵傳命。中村中隊。騎兵失路不能達。中村中隊不知之。見北丘敵兵退去。與工藤大尉所率騎兵共突入樺林中。何料敵兵豫伏四中隊於此。左右夾擊。喊聲撼天。一士官攀櫟樹上舉帽指揮。我櫻井少尉。率小隊

在前頭。阿部軍曹渡邊伍長先進。距敵僅二十米矣。激戰移時。敵軍左衛又橫擊之。我兵多死傷者。板橋少佐望之。事既至此。不可復退。率全軍猛進。冒敵彈。救中村中隊。共薄敵陣。於是敵軍趨退。士官在樑樹上指揮者。亦棄帽簷倉皇遁去。午後六時。俄軍整隊退去。我軍亦以敵衆近在草河口。黃昏收死傷者。令村山中隊爲後衛。退屯林家臺。報之司令長官。據土人言。敵兵有死傷百五十餘名云。是遼陽正路之戰也。

陸軍少佐高松某。率步兵一隊。亦以六日至王家堡子。七日午前至申嶺東北。遇敵騎擊走之。追北前進。午後四時。我斥候騎兵陷敵伏兵。二名戰死。是夕。敵兵步騎約三十。侵我前哨。哨兵擊殛其一騎。我軍見敵一小部隊駐北方高丘。欲夜襲。八日午前二時。進至敵營。敵軍既去。唯有空營。天明。進占四門子南丘。敵軍約一中隊據高家堡子南丘射擊。八時。敵兵增至步兵一大隊半騎兵二中隊。展開西方。若將圍我者。高松少佐。既偵知敵兵力多少。不敢好戰。以一中隊爲後衛。以九日還。

陸軍少佐宮川某。承偵察海城路老爺廟邊敵狀。且扼新開嶺以護高松隊之命。率一隊先至新開嶺。設哨線以警不虞。七日。知敵軍放火高家堡子西退。八日。令斥候小部搜索山谷。至敵哨前。敵兵開銃射擊。傷我一兵。我軍聞銃聲。遣騎兵一小隊。步兵二小隊進當之。少戰破敵兵約百五十騎。追至楊隈子。敵騎保老爺廟東丘。捨馬步戰。我步兵急擊復破之。午後二時。敵騎向黃花甸而走。騎兵進占老爺廟。待高松隊過高家堡。撤新開嶺哨線而還。我兵傷者二名。敵兵死者四名。傷者十餘名云。是我左側支隊之戰也。佐佐木少將。駐窪田小佐所率一隊守靈陽邊門。七日曉。經新開嶺向養馬集。午後前頭

騎兵中隊。見敵軍東部西伯利狙擊步兵第二十二聯隊之一大隊率砲二尊。據賽馬集東楊木子。前衛步兵代騎兵開銃接戰。約二時。遂陷之。長驅逼賽馬集。稻村分隊亦來會。共擊入賽馬集。敵軍敗退。一部向連山關。一部向城廠。全隊經四方砬子。宿四道溝。翌朝。步兵二千率砲八尊。退向北分水嶺。騎兵一千退至王家砬子北。八日。佐佐木少將。遣平城大尉率騎兵搜索四道溝。駐屯賽馬集二夜。亦以不過偵察之任。九日。撤賽馬集。還至發陽邊門。歸途虜俄軍第二厄布楚二等大尉一名。第二阿爾珲斯奇聯隊中尉一名。及上等兵二名。卒二名。俄軍在此地者。狙擊步兵第二十三聯隊。及第十八聯隊四中隊。哥薩克騎兵第三聯隊。山砲十二尊。工兵一大隊。而狙擊步兵第二十聯隊在連山關。步兵二聯隊野砲八尊屯北分水嶺。陸軍中將哥禮固夫總統之。是役俄軍將校二名負傷。死者二十三名。傷者七十餘名。我軍死者卒三名。傷者下士三名。兵士二十一名云。

稻村少佐所率分隊。亦發松樹嶺子。分一中隊駐金家嶺當草河嶺之敵。其夜宿石門子。八日。令佐藤中隊遠派草河口。以警左側。又遣將校斥候三道嶺紅玉溝崔家房等通北分水嶺歧路。本部進向賽馬集。與佐佐木枝隊合。九日。共還發陽邊門。其駐金家嶺者。進向草河嶺。午前十一時。敵步兵二百騎兵五十。據草河嶺。一齊開銃擊我。我兵冒進破之。佐藤中隊至沙窩子。遭敵斥候兵擊殪一名。傷一名。進抵草河口。不見敵兵而還。佐藤中隊之至草河口。正在板橋隊戰於張家石之明日。蓋俄軍懲前日之激戰。退向連山關方面而去。是我軍右側支隊之戰也。

陸軍少佐淺田某。率一軍向岫巖。岫巖城係大孤山至海城路。人口稠密。有清國知州官廳。城地低卑。

東北有丘陵。可以瞰制。故雖不可稱爲要地。俄軍守海城者。以爲控制我軍第一關。我軍亦進入遼東平野。不得不由此路。尤爲要害之處。八日。淺田某令獨立騎兵。自頭道子溝。經紅旗營。向刁家堡子進。又令吉原大隊駐經花嶺。以護枝隊側背。經花嶺。在二道洋河西北一里半。別令石澤大隊發二道洋河。經紅道子溝。二道虎嶺溝。二道虎嶺。紅旗營進。至冷家隈子。以扼敵退路。冷家隈子。在岫巖北約一里。又令右縱隊發張家堡子。在紅家嶺西經二道虎嶺。二道虎嶺。黃旗溝。向城東溝。淺田少佐自率左縱隊。午前六時。發二道洋河。西砲臺地下。經趙家堡子上營子。指岫巖而進。午後一時。至上營子西北。會敵騎五六百。據太虎嶺西南凹部。與我獨立騎兵及步中隊接戰。頗激。因使步兵中隊援之。進圍敵軍兩翼。二時五十分。遂破之。敵軍向西退走。其據岫巖西高丘者。復射擊我軍。時大孤山軍丸井枝隊來助。其砲兵在廣溝高丘射擊敵軍。以其距離隔遠。未能奏效。

石澤大隊。至岫巖東北約一里興隆勾。敵騎數阻遏之。皆擊破之。午後四時。占冷家隈子。尋進至石家堡子。敵軍稍動。於是左縱隊向岫巖之南。右縱隊自南北城東溝間向岫巖之北。前進砲擊。石澤大隊益進。逼敵退路。時敵軍在西北營子北河嶺。與我接戰。排列砲兵于西北營子西丘。猛擊我兵自城東溝谷出者。以護其軍退去。我軍冒之漸進。敵軍急撤陣地悉退。我軍遂占據岫巖城。俄軍。岫巖及其他騎兵等約四千。砲十尊。而其全軍及砲兵。初退向蓋平路。後轉自趙家堡子經卜家堡子。向析木城。其在大虎嶺者。及石澤大隊到冷家隈子。既遁走析木城。自燒白家堡子糧草倉。是役。我死者下士一名。傷者。池端中尉等共二十三名。據土人言。敵兵在分水嶺。傷者五十餘。以車運死屍若干去云。

三 得利寺之戰

我第二軍。陷金州城。破南山南關嶺之險。占據青泥窪及大連灣。將逼旅順口。於是俄國總督亞歷塞夫。以謂旅順爲海軍根據之地。若失之。關係俄國名望不少。宜急赴援之。陸軍大將克魯巴圖金。以謂今日日本黑木大將所率第一軍。及大孤山別軍。既逼其左翼。若措我所據以爲根基之遼陽。去赴金州地方。不可不虞後顧之憂。宜委旅順於要塞防禦軍。固守遼陽。待兵至四十萬。以圖後舉。設令旅順陷落。亦戰略上無大關係。議遂不合。稟之俄帝請其裁決。俄帝急召陸海軍大臣。會議數時。以詢可否。海軍大臣等曰。旅順爲海軍根據之地。宜固守之。以使波爾的艦隊派到之日有所據者。一也。若旅順陷落。俄國之於清國。忽失名聲。政略上大有所害。二也。俄帝遂納其議。命克魯巴圖金。以前進急救旅順。然亦警不可輕進。於是克魯巴圖金。使其陸軍中將斯答給爾比耳克。率大兵發遼陽南下。我第二軍司令官陸軍大將奧保鞏。聞俄軍南下之報。六月十三日。令諸軍發普蘭店及大沙河。右縱隊沿大沙河。中央縱隊沿鐵路。左縱隊沿復州路吳家屯四川溝大河崖。騎兵隊由皮子窩熊岳路前進。左縱隊與中村聯隊共進。由復州路向得利寺。遇俄國騎兵二次。擊走之。其夜以生駒中隊爲前哨。宿村

俄國陸軍中將斯答給爾比耳克



林中。右縱隊亦發大沙河營。擊却敵騎兵。宿某處。夜半承師團長之命曰。某處敵步兵若干。有宜乘曉襲擊之。中央縱隊第三師團。亦以是日沿鐵路而發。十四日。自大沙河左岸。進至南瓦房店東北。午前十一時。與俄國前軍步兵第一聯隊砲兵一中隊遇。接戰約一時。擊破之。俄國步兵聯隊長戰死。其他死者數十名。午後一時三十分。至得利寺南王家店。龍家屯。虞家屯。俄兵據大房身及龍王廟丘。排速射砲二十四尊。以擊我前衛步兵。既我砲兵本隊來。占陣地對戰數時。西縱隊騎兵進出敵側龍王廟東。相持徹夜。後據捕虜敵兵言。是夜。敵軍步兵旅團。將夜襲我右縱隊。而唯一聯隊來會。他皆失途誤期。遂至天明。不果云。

右縱隊將行曉襲。午前三時發營。五時至敵營。敵軍既退。僅留騎兵若干。擊走之。以步兵二中队爲前衛。步砲工兵相踵沿大沙河北上。遙聞左方砲聲。蓋我中央縱隊與俄兵戰也。經高家屯至東家溝子。見敵兵十六騎在西北高丘。我斥候兵擊走之。午餉鄧家溝子。午後四時三十分。前衛至宗家屯。知敵兵據前丘。我軍尋至。展開宗家屯北丘以開戰。我砲兵以道阻未到。而俄軍步兵。據瓦房溝北丘。龐家屯。前高里溝。幹家屯等處。砲兵排列劉家屯。陳家屯北丘。點放激烈。我兵冒進。五時。占取瓦房溝旁丘一角。時砲兵亦來。排陣其後。然寡不敵衆。應戰甚苦。我軍市原少尉先死。北島中尉。川崎少尉負傷。其他死傷者下十七名。卒四十名。又若某隊。中山高橋二少尉。負傷。下士以下五十餘名死傷。會鈴木少佐。率一隊來陣左翼。別有一隊陣右翼。以援我軍。而敵兵強猛不少衰。有斥候在城子山者來報曰。見敵兵數隊前進來加。會日既沒停戰。兩軍張前哨露營。我師團又有命曰。敵軍漸增兵力以當我右軍。宜固守

其地。因乘夜。築堡壘以守焉。獨立騎兵某隊。屬右縱隊。在右翼。以吾制敵勢。是日。往來敵地前後。或近敵營。或變服裝。出沒敵中。以伺察形狀。

近時戰爭。以砲戰始。彼我砲兵互相轟擊。及一方力衰。步兵接之。以爲常。我野戰砲兵隊。十三日拂曉發營前進。途次屢被敵砲擊。猶進至某地布陣。日沒又被敵砲擊。我不敢應。露營達旦。不暇糧食。十四日。北進。我第二砲聯隊至龍王廟。砲戰數時。日將沒。停戰露營。

得利寺。在復州之東普蘭店之北數里。山丘起伏。頗稱險要。俄國陸軍中將男爵斯答給爾比耳克。率步兵二十五大隊騎兵十七中隊砲九十八尊。築堡壘以守之。後增加兵力。未詳其多少。龍王廟在其南。俄軍排列砲兵於此。十五日天將明。我砲兵本隊先向龍王廟開戰。俄軍以新式巨砲激射。我軍以榴散彈砲當之。苦戰移時。時我右縱隊守宗家屯至溫家屯北丘之地。砲兵據壘開砲。午前八時。敵砲兵及步兵一隊。自城子山東谷南進。逼我右翼。乃分兵一隊。及秋山騎兵隊一部。以拒之。中央縱隊山砲亦來接。遂擊却之。右縱砲隊。又擊劉家屯北丘敵砲兵。殲其一部。中央縱隊亦與右縱隊連絡激戰。十時。敵步兵一大隊前夜圖夜襲聚伏前村者。突然來侵。我兵銃劍邀擊。接戰奮圍。若我將校某。馬上揮劍。與敵騎接。斬落其一腕。某亦負傷。既而我軍乘勝。敵兵稍却。俄國一將。揮刀斫其逡巡不前者二三名。以勵士氣。然兵氣沮喪。不復能突擊。俄將見其軍將殲。不欲部下傷兵爲我虜斬之。自屠死。其壯烈在敵將亦可嘉尙。後檢其屍。傍有名刺。知其爲俄國東部西伯亞祖擊步兵第二聯隊少尉亞歷山得巴夫羅諾威的也。

當此時。敵兵在瓦房溝北丘者。進來逼我右縱隊。相距僅三百米突。我兵鎮靜拒戰。多殪敵兵。砲兵亦擊踵來者。斷其中間。於是敵兵棄其死傷。退回陣地。

先是右縱隊右翼騎兵一部。天明前進。搜索敵狀。丸山少尉報曰。敵騎兵一中隊在西南丘上。射擊前進。時本隊未集。不得連絡。若我兵退。則敵兵直衝我右軍側面。其不利尤甚。乃決死下馬徒步。伏丘背以待。午前七時。敵兵進來前林中。我兵齊射擊之。殪其十五六人。敵兵大驚潰散。既再增兵力。步騎並進。我兵見之。展開激射。敵兵亦應戰甚烈。我兵有死傷者八名。敵亦死傷不少。然彼騎我步。兵寡事急。彈丸且盡。加之敵兵開砲。榴彈散下。我兵束手俟死。會澤井步兵大隊部下一小隊來援。據北丘射擊。敵兵少怖。不敢前進。尋得本隊報。步兵一大隊復來援。展開左翼。敵軍亦增兵力。上城兒山之險拒戰。我軍士氣大振。步騎相應。步兵前隊占西丘。射擊銳甚。敵軍死傷益多。遂蔽匿林中。

我砲兵本隊。與龍王廟敵砲兵交戰頗激。爆烟冲天。轟聲撼山。約二時。敵砲力衰。午後有將撤退之狀。我中央縱隊乘之前進。一時。遂悉逐敵兵。占據龍王廟高丘。

我左縱隊。陸軍少將內藤某率之。午前前進。有掩護中央縱隊。應參其攻擊之命。十時三十分。近得利寺汽車驛站。遭斥候偵察敵狀。知敵軍據險築壘。堅守拒我。與中村聯隊。俱取山路進。蜿蜒崎嶇。行軍頗難。若砲兵運搬不如意。且不能得布陣之地。敵軍乘之。砲擊甚急。我軍冒進。漸近敵前。四百米突或一千米突。始開銃戰。此地無物可支障。我下士卒有死傷者四十六名。會傍近孤山上。見清國人數名。揮旗爲號。蓋爲俄軍所賂。以告我軍聚散進退之狀。及砲彈距離。故俄軍砲銃著著的確。因傷損

而走。有機車既舉烟以待者。故驛站混亂。皆爭車而遁。七時。我軍全勝。占取得利寺。再還陣地。先是我右縱隊。知中央本隊追敵前進。砲聲漸北。使砲兵射擊前敵。步兵一隊占城子山。高揭旭旗。爭唱萬歲。軍氣大振。三時。敵兵悉敗走。死傷甚多。時會驟雨。乃停砲火。及天晴。宇都宮少尉所率小隊。見前方周家溝山腹。有敵兵二百許竄匿。急擊之。然敵潛凹處。銃擊無效。因互投大石相鬪。伍長菊池靜雄中石死。其他傷者有數名。敵兵亦多死傷。既我一小隊。出側面銃射。於是敵兵累累自山頂墜谷間。恰如熟果脫枝。遂殲之。戰畢。是夜露營鹿家屯。右翼騎兵。亦徒戰互六時。悉破敵兵。使敵軍不得衝我軍右翼者。其力尤多云。

俄將斯答給爾比耳克戰報曰。十四日。日本軍攻瓦房店南俄營。兩軍會戰。我左翼第一聯隊損傷頗大。聯隊長大佐。喀和斯察諾夫。副官中尉士拉哥斯拉夫。及諾士琛斯奇死之。少將給爾古羅斯傷額骨。又曰。十五日。本職^{斯答給爾比耳克自言也}圖擊敵軍右翼。部署軍隊。將繞圍之。敵軍却將大兵攻我左側。不得已經三條道路北退。我軍損傷頗大。未詳其數。若砲兵第一旅團第三第四兩大隊。爲敵軍砲彈所粉碎。大砲十六尊中。十三尊全不爲用。因壞棄之。我軍隊動作無所間然。其大部雖數命退軍。不肯云。是役死傷。我軍死者。將校^{並特務曹長}七人。下士卒二百十人。傷者將校四十三人。下士卒九百零三人。總一千百六十二人。而俄軍死傷雖未詳。據奧大將報告曰。敵屍爲我軍所收埋者。約一千八百五十四人。後爲委員所收埋者。未接詳報。其他據敵報等可概知者。死者將校四十二人。下士卒八百四十八人。傷者將校六十九人。下士卒一千七百六十七人。蹤跡不明者。將校十二人。下士卒六百七十五人。

總三千四百十三人。爲我軍所虜者。第四聯隊長以下將校六人。下士卒約三百人。據俘虜言曰。此戰第一軍團長微傷。第一師團長重傷。第一聯隊長戰死。第二第三聯隊長負傷云。

我軍所獲諸品。軍旗一旒。速射砲十六尊。彈藥車四十六輛。小銃九百五十八口。小銃彈三萬七千二百三十三發。砲彈一千二百二十一發。土工具二百八十二件。其他兵器陣具數百件也。

十七日。捷報到東京。我皇帝陛下下勅賞之曰。

第二軍。先拔南山之堅壘。未久今又聞擊得利寺附近之敵。激戰數時。遂得大捷。奪其軍旗。擒聯隊長以下數百名。朕深嘉爾等忠勇能挫折敵軍勢力。

皇后陛下亦傳令旨賞之。奧大將即電奏奉答。

夫攻擊之與防禦。雖固有一得一失。防禦易。攻擊爲難。然攻擊軍常勝。防禦軍常敗者。蓋由士氣旺盛。排百艱以博一捷也。古來見金城湯池。皆爲陷落者。可知矣。今日俄交戰。俄軍之於鴨綠江。於南山。據絕險築堅壘。以待我軍。而共一日拔之。雖曰攻擊之利。抑亦不爲不由我軍之精銳也。而俄軍常強辨曰。鴨綠之軍。阻日軍進入而已。固無意於決勝敗也。南山之役。又不過欲挫折日軍衝旅順之勢力。以永保旅順而已。至是役之敗。無復措遁辭之地。是役。俄軍因旅順將帥之請。得俄帝議決之允。南下以救旅順者也。而我軍逆擊之於得利寺近旁。是西史所謂遭遇戰者也。俄軍常築堅壘。以固防禦之備。且將屢進攻我軍。此防禦與攻擊並行者也。則其優劣勝敗未可知矣。觀其將帥死傷或爲俘虜。其奮戰之狀可想。而終爲我軍所三面包圍。一敗塗地。匆忙奔竄。雖由其作戰之拙。抑亦

可以證其怯情竟非我軍之敵也。

四 烏拉地俄斯港俄國艦隊及義勇艦隊暴行

俄國海軍中將蘇克利特羅夫之代摩加羅夫。為太平洋艦隊司令長官也。我軍既占據金州南山等地。不能到旅順口。因與司令官海軍中將別索布拉索夫。俱來烏拉地俄斯德。即下令諭告部下曰。

- 一 烏港為俄國極東咽喉。應各自鞏固剛強沈勇之念。
- 一 協心戮力防守之。
- 一 我波爾的艦隊。將回航東方。則應驅逐敵國艦隊。以再握東方制海之權。卿等忍耐。決不為無期。
- 一 旅順口。今方為敵軍所包圍。將軍斯迭舍爾。能以死守之。烏港之地。既為堅牢不拔之軍港。卿等能為祖國防戰。宜垂名千載。
- 一 卿等應常遵長官命令。以忠實守職。予與卿等。期共死生以當強敵。

夫索拉布索別將中軍海官令司國俄



於是編兵一萬人為守備軍。又增加魚雷艇若干。魚雷艇解裝載之汽車。經西伯利鐵路。且隨職工若干人。到烏港而裝成之云。欲使烏港艦隊。襲我北海。牽制我黃海艦隊。以分其勢力。遂以六月中旬。別索布拉索夫。自率其裝甲巡洋艦固倫波。一萬二千三百三十六噸。速力二十海里。西一千八百九十九年造。魯西亞。一萬一千三百二十噸。速力二十海里。西一千八百九十六年造。盧利古。一萬零九百三十噸。速力十八海里。西一千八百九十二年造。三隻。侵我玄海洋。

六月十五日。我運船和泉號。三千二百二十九噸。明治二十六年造於英國。自戰地歸。

途過玄海洋。為俄艦所轟沈。其乘員船長以下十四名。水

火夫等七十名。無一人免難歸來者。故不能詳其狀。僅據

俄國公報。得知其消息。稱。會和泉號搭載陸兵。和泉號係自戰地歸來者。

無搭載陸兵之理。俄國公報蓋誣言之也。水天鬍鬚間。向日本海岸自南航進。因命

乘員卸脚艇去本船。與以猶豫時間。若船員一部乘之逃去

者。及過時期。即擊沈之。此係敵國公報。雖未可遽信。其

為所轟沈也確矣。

是日。我運船常陸號。六千七百七十五噸。明治三十一年長崎三菱造船所所造。佐渡號。六千二百二十六噸。西一

治三十年。英國愛蘭士所造。等。午前六時三十分。過馬關海峽。相並航進。九時五十分

雨中忽見俄艦三隻來逼。轉舵急欲回避。俄艦魯西亞。固倫波。共開砲

轟擊。約五六十彈。以距離稍遠。無一中者。既魯西亞艦近逼常陸號。

發射巨彈。悉中船體。最後一彈。破壞機關。將沈沒。輸送指揮官聯隊

長陸軍中佐須知某。使兵士盡上甲板。令曰。事既至此。莫復可奈何。宜


各自行其意。又指顧曰。我等本國在彼。言畢。入聯隊長室。室中有中

隊長長尾大尉。橋本大尉等。將校十八人。兵士十二人。旗手步兵少尉大

俄國軍艦西亞副長比蘭孫




俄國巡洋艦西亞號圖（一、二、九、五噸）



久保正。捧聯隊旗前曰。我運命既定。小官當寸斷此旗。嗚呼。中佐徐止之曰。我當善處。暫待之。言未終。巨彈穿室。在座死者十二名。大久保少尉亦死焉。長尾大尉負傷。憤然拔劍自屠而死。橋本大尉。把

拳銃自貫喉而死。其他將士六名皆負重創。得全者。唯須知中佐及兵士一名耳。中佐乃從容自燒聯隊旗及旗竿。及其半燼。巨彈復來壞室。彈片洞腹。中佐遂斃。時兵士出室上甲板。死屍狼籍。流血淋漓。難復容足。時兵士在甲板上者約二百名。悉投海中。或沈或漂。為漁舟所救者三十七人。而俄艦傍觀。莫一救濟之者。蓋搭常陸號者。將卒一千九十五人。船員百二十人。馬三百二十頭。悉死之。外國人為船長運轉手者。亦殉難。其僅得免者四五十人耳。其淒慘之狀。實有不忍道者也。

佐渡號。亦為俄艦所圍擊。乃停航進。監督將校小倉某。乘脚艇到俄艦。請期四十分時退去乘員。且除戰員之外投俄艦。俄將諾之。因送之於俄艦。則唯許英人為一等運轉手者一名乘艦。其他不肯上艦。未經四十分時。魯西亞艦放砲轟擊。又發魚雷破壞機關。海水浸入尤甚。工兵大佐田村某等將校以下。三唱日本皇帝陛下萬歲。



（順九五三、二一）波倫國艦洋巡等一國俄

各把軍刀或拳銃。決死以俟。

既俄艦再發魚雷。見其中機關部。急向北駛去。於是眾翻意。欲竭力避

難。或急結樁筏。或防遏浸水。漂泊海上。約三十餘時。遇下士以下五十二名搭帶陸號者。乘脚艇避難。收之。十六日午後一時。會帆船來。使移收全員。航向馬關。十七日朝。遇救護船伊勢號及日丸號。復移乘之。午時到門司。殆得免難。其戰員外嚮搭脚船者。主計官今川某。西岡某。軍醫宮澤某。事務官小林某。矢野某。中村某。技師小城某。酒井某。村田某等以下。船員約六百名。或到馬關。或到長崎。或有不詳蹤跡者。或有自殺者。計常陸佐渡二船。得生者。僅于百二十九人。猶多負創者。與一船相前後過馬關者。日丸號。羽後號等數船。皆回避得不罹奇禍云。

我司令長官海軍中將上村彥之丞。率第二艦隊。扼守對馬海峽。十五日午前八時。接哨艦對馬號報稱。敵艦隊在沖島。屬筑前國。在大島西北約十島里。附近南航。即發魚雷艇隊。警守對馬壹岐間水程。急傳電信。集合諸艦。上村中將自率艦隊。經對馬南端至神崎。對馬國南端。合一艇隊。取鉞於沖島北方。以欲壓迫敵艦。使對馬艦隊常以無線電信報敵艦動靜。正午報云。敵艦隊在沖島南約十五海里。向北西航進。尋報云。霧雨濛濛。失敵艦形。午後一時三十分又報云。在沖島南約五海里。再見敵艦。仍爲霧雨遮。又失之。即轉針路向沖島南。時雨益濃。眼界太狹。則警戒諸艦前進搜索。蓋敵艦乘霧雨濃密。既指北退去。乃亦北轉。期明朝扼敵退路與之交戰。增加駛力。冒霧追尾。遂不得見。十六日黎明。天霽氣澄。眼界廣闊。猶不見敵影。更轉針路。百方搜索。十七日。以若敵艦猶在本邦沿岸。整艦隊南下。午後到距對馬北端東北約百海里之地。接敵艦去至北海道方面之報。搜索四晝夜。無効而還。

俄將蘇克利特羅夫。又別派魚雷驅逐艇隊。侵我北海道。十六日午時。我商船安靜號。係福井縣人中村三之丞所有。在

大島即奧虎島屬北海道後志國在海上約七里洋約百一十一海里，午後六時八幡號在大島洋約五十三海里，共為俄國魚雷艦三隻所擊沈，安靜號乘員生存者一名耳，其他不詳生死，八幡號乘員船長以下二十名，為報德號所救。

得避入江刺港。屬北海道渡島國十八日，俄艦又圍我商船新湊號於小島洋。屬北海道渡島國在松前西南海上七里將檢査貨物，見他汽

船巴港號過，轉舵追之。檢査貨物，掠奪金貨而去。新湊號得間避入福山。亦屬渡島國巴港號之遭臨檢，會

佐渡號乘員武藤源吉者，被虜在俄艦，因救還之。夫擊破商船，沈溺無辜，俄人亦有不忍於心者，俄艦

司令官，托船員寄書於我函館要塞司令官曰：方轟沈貴國船，不能救助其人命，本官以為遺憾，該件

總請貴官擔保云。

俄將別索布拉索夫，率巡洋艦二隻，海軍大佐拉典，率水雷艇九隻驅逐艦一隻，三十日，又來襲韓國

元山津，午前六時，水雷艇突入港內，轟沈所擊泊我商船幸運號。仁川港城久所有及帆船清洲號，以船員皆上

陸，不被傷害。尋砲擊租界，約二百彈，指南而去。七月一日午後六時，到對馬東，將過海峽，上村中將

聞之，直率艦隊扼對馬壹岐間航路以迫之。俄艦見之，急轉舵向北東而走，我艦追之，相距約十二海

里，時方薄暮，將失敵影，乃使水雷艇隊一部急追，既及二三海里，敵艦揭探海燈，開砲猛射，我艇益

迫之，而未至著彈距離。午後八時，敵艦忽滅燈乘暗逸去，我艦搜索，遂不得見而返。俄國公報稱，俄艦

去過日本海，遇英國汽船毛爾典翰號，搭鐵路木材，自小樽港。屬我北海至釜山。韓者捕之，以七月五日

還島港云。

其二十日，俄國魯西亞號，固倫波號，盧利古號，三艦，突然過津輕海峽東駛，遂次擊沈我商船高島

號。又擊沈自在號。福就號。喜寶陽號。北生號數隻。遂出太平洋面。二十四日午前七時三十分。至我伊豆洋。會英國商船乃圖昆曼太號來。俄艦命之停船。卸脚艇來。拉船長去搭其艦。尋使臨檢貨物目錄。且命船員期十分時間去船來俄艦。於是船員水夫。或乘脚艇。或投海中。爭至俄艦。其間俄艦頻鳴汽笛。促其急去。遂開砲轟沈其船。遂航行西北。途見日本小帆船約四五十噸乘員七人或五人一隻。擊沈之。午後三時。又遇英國商船丟南號。俄艦直使士官一名信號兵二名來。臨檢其貨物目錄。以有米一千四百噸。信問其處置于司令官。司令官便釋放該船。且託搭載乃圖昆曼太號乘員於其船。丟南號諾之。乃皆遂搭之。且命曰。暫停其汽。俟俄艦遠去失其帆影。宜舉汽即去。七時。俄艦向東北去。丟南號直向東京灣。俄艦遊弋我東海者。約一週日。至二十日。遂復過津輕海峽。而還烏拉地俄斯德港云。

俄國義勇艦隊在黑海者。彼得堡號。斯模連斯克號。俄列爾號三隻。揭商船旗過波斯波爾及他大尼里海峽。出地中海。忽揭軍艦旗。至紅海。七月十一日。遇英國汽船綿勞斯號及克爾保兒號特拉牙曼號。命其停船。查檢乘員。又斯模連斯克號。遇德國汽船顯理號臨檢。押收日本信書三十一囊。小包二十四囊。尋又遇英國彼亞公司汽船麻刺加號往日本橫濱者。彼得堡號捕拿之。移乘客於郵船麻爾模拉號。虜船長及船員。曳到蘇士。

俄國艦隊之橫暴。不可律以國際法。嚮擊沈我汽船奈古浦號金州號等。今又襲擊常陸號和泉號佐渡號等。損害其人命數千人。夫西一千八百八十二年。我明治十五年 清國光緒八年萬國國際法學會所議決。海上捕

獲規程第五十條曰。

船舶狀態不良。爲海上險惡。不能航海者。

船舶駛力遲緩。不能伴隨軍艦。且有爲敵所回復之虞者。

敵國兵力優強襲來。有回復所捕獲船舶之虞者。

欲乘軍艦兵員於拿捕船舶以監護之。而軍艦兵員缺乏。不足供其用者。

可回航拿捕船舶之港灣。距離甚遠隔者。

於該當右五項條件之時。得破壞若擊沈拿捕船舶。但其前使移乘船內諸人於軍艦。竭力卸收載貨。且宜許船舶指揮官。爲他日審判。保存重要文書。且納貨主及關係者祈願。保存重要物件。

俄國海上捕獲規程第二十一條亦曰。

所拿捕船舶。或形狀不良。或無拿捕之價。或港灣遠隔。或爲敵所封鎖。有再爲回復之虞者。又我軍艦危險之時。若軍艦作戰之不利之時。不能的確保存船舶。則艦長自任其責。當破壞或擊沈拿捕船舶。方是時。豫救助乘員。移載貨物。且爲供他日證明。蒐集船內記錄證書。而後宜沈沒云云。今視俄艦所行。有該當以上條件者乎否。其臨檢者。唯在佐渡號。開砲後行之耳。若常陸號。未嘗臨檢。直擊沈之。又雖砲擊佐渡號之後。許猶豫時期。及我請爲非戰員退船。再得四十分時猶豫。若難得之。搭載我船員於彼艦。俄國將校。甚以今艦隊方瀕危險。故難更展時期。以爲仁慈之行。而直發魚雷。擊佐渡號。至常陸號。不復遣一兵。悉罹慘禍。且若北海所行。掠奪金品。殆與海賊同。又若謂常陸諸船以輸送我陸軍。擊沈亦不妨。俄國捕獲規程第六條云。當海上戰鬥之時。對商船

謂不屬軍艦
制各種船舶

云云。第十五條云。有敵國船舶及貨物。若船舶及貨物可疑者。停其進航。臨檢拿捕之權理。帝國自謂軍艦保有之云云。而今輸送船。既非軍艦制。則其直擊沈之。未見一有當理者。若俄國艦隊。非獨蔑視萬國國際法規程。併違犯自國規程而不顧者也。其橫暴爲奈何哉。

烏港艦隊擊沈英國汽船乃圖昆曼太號之報。到英都倫敦。七月二十八日。英國首相巴爾福演述於下院曰。俄國行爲。全背國際間所承認慣例。英國政府。述其見解。以迫俄國政府。而經俄國政府商量。則必信同國政府防再行如此不幸。直發命令。外務大臣蘭斯坦亦演述於上院曰。俄艦擊沈乃圖昆曼太號。是爲違犯公法之至大暴舉。英國抗議於俄國。嚴求釋放同號船員。且發命令禁再行暴舉。而信俄國必出於適當措置。既而八月二日。俄國烏港司令長官蘇克利特羅夫。電報俄帝曰。七月二十三日。遇英船乃圖昆曼太號。我艦隊發砲四回之後。始停航進。據該船長所有證書及陳述。該船主搭鐵路材料。約三千五百噸乃至四百噸。皆係向日本輸送者。我艦隊確認其禁制品輸送。且以該船載炭既乏。不能致之於最近俄港。收容乘員及文書而轟沈之。而烏港捕獲審檢所。以鐵路材料經日本向仁川者。在乃圖昆曼太號內。判以擊沈爲至當。以搭載貨物爲捕獲品。英國政府。令其駐俄大使巴靜。屢抗議於俄國。八日。首相巴爾福答下院問曰。英國政府。不關俄國艦隊不能送致昆曼太號於俄國近港。及該船搭載戰時禁制品真僞如何。固執不能以其事爲擊沈該船理由之見解者也。十一日。蘭斯坦。又答上院問曰。俄京高等捕獲審檢所。若破棄烏港審檢所判決。則猶可。然英國政府。不關其破棄與否。不能以擊沈該船認爲正當。又不能以各審檢所判決認爲有效。又曰。確守英國之中立權利。及占有極東

商業上最大利益。比他國更宜防衛之權利。固信爲英國政府之義務。蓋是事雖未了。英國決不屈從。究之知擊沈理由如何。必以覈俄國不能致最近港事情。及戰時禁制品解釋爲要。

俄國義勇艦隊彼得堡號之拿捕英國汽船麻刺加號。駐俄英國大使巴靜。詰責俄國政府曰。彼得堡號資格不遵規則。且彼亞公司定期船麻刺加號。所搭載彈藥。係英國政府所有。以供在東艦隊之用者也。宜速解放該船。七月二十二日。俄國政府答之曰。俄國承認不附麻刺加號於捕獲審檢。且約將來不行如此事件。但麻刺加號載貨。形式上應在地中海某港會英國領事檢查之。因該船航海遲緩所生損害賠償。應經英國大使提出。

德意志國政府。亦抗議於俄國。以押收郵信爲違犯國際公法者。俄國外務大臣蘭斯特夫謝之。送還郵信。承認賠償。令海軍大臣。傳命部下。勿行暴舉。而德國遂不甚責之。既又德國漢堡汽船公司斯堪西亞號。到紅海。又爲俄國義勇艦所拿捕。尋解放之。還付麻刺加號於駐在法屬亞爾日爾英國領事。蘭斯特夫及海軍將官開會議。以太公亞力山大維的爲議長。議英國所問義勇艦隊資格。雖其資格未定。認以爲不可行臨檢及拿捕。命撤回其權限。且告英德諸國。以使義勇艦隊退去紅海。突厥政府。亦從英國政府之議。告俄國以不許義勇艦隊過他大尼爾海峽云。

五 旅順口海戰

六月六日。我聯合艦隊。分遣第六戰隊赤城艦宇治艦及第十水雷艇隊北上向遼東灣偵察威嚇。七日。至蓋平洋。砲擊陸上。俄軍步騎兵約三千在蓋平沿岸。散置監哨。以備我軍上陸。赤城宇治二艦。近岸

轟擊。敵兵潰散。遁入內地。會有汽車載俄兵南下到熊岳城北約三里。爲我艦所砲擊。大駭北遁。八日。又擊蓋平角。俄軍步兵約一中隊。騎兵約一中隊。多被殺傷。是日。第十水雷艇隊在復州灣。虜俄兵二名。是係俄軍第四旅團第一聯隊騎兵。携公信。發與德縣萬家嶺。自復州灣乘舟。將到旅順口者。據其言。俄軍步兵二聯隊。騎兵一聯隊半。砲八尊。指揮官少將。撤模遜率之。在萬家嶺瓦房溝瓦房店等處。南行汽車。一日三四次至萬家嶺。其以南。時徐行至瓦房溝云。又遇外國汽船自營口來者。據其船長言。俄軍三千。砲二十尊。守營口。恐我艦砲擊。皆撤陣北去。


十日。我第四驅逐隊任旅順港口封鎖者。午前十一時。砲擊營城子雙臺溝近旁敵兵。又第二驅逐隊巡視大連灣近旁。午時至小平島。遇敵驅逐艦四隻擊之。追至鮮生角。敵遁入旅順口。其他從事掃海者。爆沈機械水雷七十箇。俄軍所布置機械水雷。漂蕩於公海。我軍所擊沈者。既至三十箇。或從風潮流入渤海灣。我第四驅逐隊擊沈一箇於鐵島北。又見三箇於董家口云。

十三日。午後十一時。我海軍大尉山本某所率艦載水雷艇隊。至旅順口。沈置機械水雷。屬船臺北號。誤爆發水雷一箇於船中。海軍少佐眞崎安一以下十九名死之。中佐小田喜代藏以下九名負傷。船體幸無毀傷。敵軍所布設水雷。漂蕩浮流。既極危險。而往往又誤罹奇禍。封鎖掃海之艱難可想。

十四日。我第三驅逐隊。及第一。第十四。第十六水雷艇隊。幫助陸軍。砲擊小平島西岸敵兵及哨營。午後。敵巡洋艦諾維克號。率驅逐艦十隻。自旅順突出來戰。我隊應戰。少退以誘致於洋上。三時。敵艦引還。四時。我千歲艦自帽島來。報云。聞旅順港口砲聲及爆發之響。蓋我第三次堵塞以來。港口狹


險。難通巨艦。故敵軍砲擊爆發我所沈置船舶。以開水路。諾維克艦等。得由以出也。
 二十二日朝。俄國艦隊。戰鬪艦卑列新維多。勃爾太達。西巴斯多卜。裝甲巡洋艦巴揚。巡洋艦巴爾拉

(噸〇六九、〇一各) 霍太爾勃、卜多斯巴西艦戰等一國俄



太。的亞拿。亞斯哥利特。諾維克。八隻。率驅逐艦十四隻。以掃海船數隻為先頭。大舉出旅順港外。尋戰鬪艦。追撒列維的。列士維贊。波比也達三隻。又來入列。我哨艦以無線電信報之艦隊。於是司令長官東鄉大將。部署各艦。急向旅順。先是我第一驅逐隊。司令海軍大佐淺井正次郎率之。及第四驅逐隊。第十四艇隊。在港外伺敵動靜。見敵掃海船掃除


(噸六二七、七) 號揚巴艦洋巡國俄



我所布設水雷。漸開航路。屢擊攘之。午後二時。我第四驅逐隊。第十四艇隊。與敵驅逐艦七隻戰。擊


却之。其一隻被火走入口內。敵艦諾維克來援。我艇退合戰隊。尋敵艦隊。仍以掃海船爲先。諾維克居首。駛出洋上。我第三戰隊。集團部下。與敵相接。漸誘之南方。敵艦始取鉞南東。尋向正南。時我第一戰隊。屯遇岩南。在敵視線外。集合驅逐隊水雷艇隊。準備襲擊。除待敵出洋中。六時十五分。敵艦隊至遇岩北西約八海里。以追撒列維的爲首。戰團艦居前。巡洋艦隨後。以十隻爲單縱陣。諾維克及驅逐艦七隻爲右翼。指南航進。於是我艦隊揭戰團旗。以待戰機之熟。七時三十分。相距約一萬四千米突。我艦隊逆敵艦。爲人字形。敵艦漸轉鉞路於右。與我艦並行。我艦亦右轉。每壓敵艦首。使之不得逞。至八時。敵艦終回鉞向北。若將走還旅順者。我艦隊變爲橫陣追之。時方近日沒。以水雷攻擊之機至。命驅逐隊水雷艇隊追擊。艦隊復爲單縱陣。各艇隊疾驅尾擊。九時三十分。至口外約五海里。第十四艇隊先發。襲擊敵艦後。第五驅逐隊次之。敵艦亂次走潰。不能入口內。皆投錨港外。自蠻子營砲墩前面。至城頭山下。一列停泊。我

俄國戰艦列維士維贊一、二、九〇二號




艇隊連續射擊。敵艦亦開砲劇射。十一時三十分。我第十六艇隊。自鮮生角迂回猛進。岩林少佐所率白鷹號。對敵艦卑列斯維多。連發二水雷。見該艦舉烟轟沈。我艇隊冒敵艦及要塞所照探海燈及激砲。襲擊八次。至天明而還。是夜月明。不便襲擊。且敵艦駢首列泊。標準狹少。不得大有奏效。明日。我第四第五驅逐隊。及哨艦偵察港外。不見卑列斯維多一隻。其他西巴斯多卜。的亞拿二隻。受大損傷。不能自運。行。挽入口內。一艦擱在城頭山下。二十四日。皆去入口內。港外不復留一艦。我艦隊整陣而還。我艦隊損傷甚少。第一驅逐隊白雲號。機關室及舵機。為敵彈所破。下士卒三名死之。宮川少軍醫及

(噸四七六、二一)號達也比波艦國俄



(噸四七六、二一)號多維斯例卑艦國俄



下士卒二名負傷。第十四艇隊于島號。後部機關室。為敵彈中。而不炸發。其他第六十四號艇。屬第二
第六十六號艇。屬第十受微傷。第五十三號艇。屬第十準士官一名負傷耳。十艇隊

此役。俄國艦隊。少將維特塞得所司令云。觀其所率諸艦。係前日之戰多為我所損傷者。蓋急修補以供戰役也。但其舉全艦隊出港之意。不知何在。或以為圖逸中立國港。或以為圖合島港艦隊。蓋皆不然。我吉野初瀨二艦罹禍後。彼謂我艦隊勢力大減。因出港試一戰於洋上。欲僥倖萬一。以得一部制海權耳。及觀我艦隊堂堂整列遶之。知修損補漏之數艦。遂非所能敵。故匆匆遁去。其不能遽入口內者。足以知我沈塞船舶未全破毀也。

二十七日夜。我海軍少佐山田亨。率第十二水雷艇隊。進至旅順口外為敵所認識。盛照探海燈。砲墩軍艦齊開砲火。猛烈射擊。我艇隊冒之。至黃金山下。襲擊敵哨艦二艘。三烟突者。轟沈之。敵驅逐隊來援。我艇隊交戰。擊其一隻覆沒之。我海軍大尉權藤薰義以下十三名死之。中尉矢野祐太郎以下二名負傷。

敵艦二艘三烟突者。蓋波比達歐。前役三。卑列斯維多艦。共報為轟沈。然八月十日黃海之役。二艦皆出戰。則知雖受大損傷。未至轟沈。後施修繕。得再供戰役也。

七月五日。我艦隊復罹奇禍。可勝痛哉。是日。海門艦。帶特別任務至大連灣外。會濃霧。觸敵所布設機械水雷。破壞極大。艦長高橋守道。三發空砲。以傳警報。命總員悉上甲板。及艦體漸沈。不浸舷僅六尺。衆皆携具投海。艦長立艦橋上。呼衆曰。左方有島宜避難。有一信號兵。執救命囊捧艦長。以勸逃

避，艦長辭而不受。至甲板上無復一人。海水浸板。俄然沈沒。艦長亦入渦中而死。他艦在近者。聞警報來。投巨絙於海中。或卸脚艇。以救艦員浮游者。多得免。惟艦長高橋守道。外主計長塚原喜八。掌砲長松下喜之丞。以下士卒十九名。不詳其生死。蓋亦沈溺以死焉。

七日夜。我海軍少佐內田良隆。率第六艇隊。冒霧雨近旅順港口搜索。不見敵艦。八日天明。海軍中尉中牟田武正所乘第五十八號艇。見敵艦亞斯哥利特泊於黃金山下。發水雷擊之。霧雨空濛。未知其效果如何。該艇及第五十九號艇下士各一名。爲敵彈所傷。

俄國艦隊不懲前敗。七日午後。復出港外。戰鬪艦勃爾太窪。巡洋艦巴揚的亞拿。巴爾拉太。諾維克五隻。率砲艦二隻驅逐艦七隻。以掃海船數隻爲先頭。自鮮生角至龍王壇邊。我驅逐隊屢擊其掃海船。第三戰隊一部在小平島旁。與巴揚交戰數時。至四時。敵艦退入港內。

十一日曉。內田少佐。復率第六艇隊。進至旅順口外。海軍大尉三田村誠造所乘第五十七號艇。中尉大寺量吉所乘第五十九號艇。向敵哨艦的亞拿發射水雷。二十四日。海軍大尉桑島省三所率第十四艇隊。及附屬第十。第十一砲艦二隻。三笠富士二艦載水雷艇。共攻敵驅逐艦潛伏於鮮生角東灣者。砲艦逼擊之。艦載艇所放魚雷三個。確認爆發。然煙霧中不能明其結果。後據所偵察云。見敵驅逐艦一隻。露烟突梢上沈沒。他一隻若亦覆沈者。

二十六日。海軍中佐廣瀨順太郎。率掃海船隊。掃除龍王島邊。一砲艦將東敵所布設水雷除去之。會掃海索絙推進器。失進航自由。乘潮流向鮮生角。敵塞及砲艦見之。猛加射擊。廣瀨中佐指揮他艦。冒敵

砲救之。將掩去。敵驅逐艦來發水雷而不中。苦戰約一時。退至小平島以得免。我砲艦受敵彈。中佐及荷村少尉以下士卒九名負傷。卒二名死之。

八月五日午後四時。我驅逐艦曙號。艦長海軍少佐九津見雅雄搭之。朧號。艦長少佐竹村伴吾搭之。至旅順口外。偵察敵狀。敵驅逐艦十四隻。突然進來。其四隻向南西。七隻向正南。三隻取針路於北東向鮮生角。將圍攻我艦。我艦相距五千米突。開砲交戰。先壓向鮮生角者而猛擊之。敵艦三隻轉舵遁走港口。我艦追擊。時我少佐篠原利七所搭電艦來會。三艦合爲一隊。南轉逼敵艦十一隻砲擊之。敵艦又轉舵遁走。我艦乃停戰而還。無一損傷。以我三艦。壓擊敵艦十四隻。遂走之。其勇壯之舉。全軍嘆賞弗措。

六 旅順口陸戰

始我第二軍。將入金州半島。俄國旅順司令官斯迭舍爾。下令軍中曰。各軍官。自非予有特許。不得濫放棄其職務。以有避難之事。若鴉子窩區長及其官吏。若有敵未上陸。恣去任地。撤電信器械等事。問之軍律。應處嚴刑。無少寬假。又下令青泥窪市長曰。青泥窪及大連灣居民。應無懷恐懼之念。各安其處。敵兵決非加危害於市民者。又令市中曰。嚮嚴禁販賣酒類。無幾懈弛。今要塞中。日見兵士若役夫爛醉如泥。故更令閉鎖酒塵若販賣酒精飲料商塵。且一般人民亦不可爲酒類供給。既而我艦隊封鎖南部沿岸一帶。第二軍又占據金州南山青泥窪大連灣等處。俄軍於是嚴設守禦。築砲墩於四周。施陷窌。張鐵網。樹矛戟。伏地雷。防備之術。無所不至。

五月二十七日。我第二軍中村少將所率一支隊。占取南關嶺青泥窪大連灣。二十八日。占取柳樹屯。二十九日。全軍至三十里堡西約一里。三十日。占據安子山至臺子山一帶。敵兵據守雙臺溝安子嶺。

攻圍軍司令官陸軍大將乃木希典氏



俄軍之救旅順南下也。我第二軍分爲二部。陸軍大將奧保鞏率一部北上。迎俄軍敗之得利寺。見陸軍大將乃木希典。率一部向旅順。以下謂之旅順攻圍軍。六月二十六日。攻圍軍右縱隊左翼。攻擊盤道西丘及南丘取之。左縱隊分爲三隊。右翼隊攻占亂泥橋東丘。中央隊向亂泥橋南三六八丘。三六八即三百六十八米突。指水平標高。謂之也。此邊丘陵透迤。固無名目。故我軍測量標高以名之也。以下皆倣之。及黃泥川大上屯北

兩軍對峙山嶺
 難於攻取
 乃木希典
 率部攻取
 安子山
 形勢
 大變
 乃木希典
 率部攻取
 安子山
 形勢
 大變
 乃木希典
 率部攻取
 安子山
 形勢
 大變

丘。遂次驅逐敵兵。午後一時。至三六八高丘。敵步兵約一大隊。機關砲等若干據之。防禦甚力。五時。擊破之。占據其地。左翼隊亦破敵兵。占據雙頂山。於是我攻圍軍。占取安子山。經盤道西丘。亂泥橋東丘。及南丘。小平島。至雙頂山一線。以得擁護。大連灣。且知敵軍背後狀態。我軍稱三六八高丘曰劍山。以山形似我阿波國劍山。且占據之者。係其地方軍隊也。以下稱劍山。是役我軍獲六珊米突速射砲二尊。砲彈約二百發。七月三日。俄國斥候兵。出沒於我右縱隊。右翼隊及左縱隊右翼隊前。午後一時。步兵約二中隊。率砲八尊。來王家店南。攻擊我中央隊劍山陣地。我兵應戰。至四時三十分。敵兵增加。我第一線步砲兵擊却之。五時二十分。敵砲四尊來陣大石洞西丘。又擊我中央隊。彈丸雨下。七時。敵步兵退大白山。砲兵仍守陣地。八時三十分。敵兵約一大隊。奏軍樂。自大白山進擊我第一線。我軍以兩翼守備兵守陣地。餘悉進逆擊之。敵兵聞我喊聲。大駭退走。是日。來襲敵兵。爲步兵約二大隊。砲十二尊。機關砲約二三尊。夜駐屯大白山一帶東丘及王家店東北丘。

是日午前六時。敵兵約二小隊。來一九五高丘。一中隊來一二七高丘。與老坐山北方一帶高丘。我前哨戰。午後二時。敵兵漸增。我前哨隊退還陣地。三時五十分。敵兵約二中隊。自老坐山北勦進。我砲兵中隊在三二二高丘。擊却之。六時。敵兵約一大隊。展開老坐山南丘射擊。砲四尊在老坐山北。猛擊我左翼大隊。我砲兵應戰。敵砲停響。是夜相持於陣地。

四日午前五時。敵步兵約一中隊。來岔溝北丘。攻擊我左縱隊監視部隊在五岔營子及其北者。九時。敵兵約二中隊。自岔溝村進。占其南丘。攻我左翼。約一中隊在岔溝村北丘者。亦攻我盤道西丘。我兵

應戰尤劇。九時四十分。我左縱隊右翼隊砲兵。轟擊敵兵在岔溝南丘者。敵兵隱匿丘後。不敢進。交戰數時。卒至日沒。午後十一時。敵兵一小部隊。自牧城驛南溝。乘夜襲我盤道西陣。我兵擊却之。

在我左縱隊右翼隊。午前七時三十分。敵步兵一中隊。來南岔溝東丘。一中隊來其東南丘。經始營濠。我砲兵大隊急擊之。敵兵隱匿山稜。乃向敵砲在安子嶺邊者轟擊。且擊其步兵。以至日沒。蓋敵軍步兵約一大隊。新式速射砲四尊。舊式砲六尊也。

在我左縱隊中央隊。戰鬪尤激。午前一時。敵兵約二中隊來劍山。突擊二次。我兵皆擊却之。六時。敵步兵一大隊半。向劍山及我左翼隊所陣劍山東南丘進攻。我第一線隊擊沮之。既敵砲兵約八尊在王家店西凹者。向我轟擊。且增步兵三大隊。散開我防禦線前八百米突或一公里突交戰。砲兵亦猛射劍山及我砲陣。步兵約二中隊。自大石洞進來。八時。我豫備隊向豬圈子溝進。拒戰至十一時。遂阻敵兵前進。正午。敵兵愈增至七大隊半。劍山之西又有一聯隊。午後一時二十分。我砲兵一中隊在劍山東麓者。移陣於豬圈子溝西南丘。以避敵鋒。三時五十分。敵砲兵再轟擊劍山。步兵亦來逼。我守備隊劇戰却之。而敵砲兵在王家店西南。及毛道溝東丘。安子嶺南者。相距六千米突。射力最猛烈。又敵步兵在我中央隊面者。增至十大隊。加之敵艦來援。擊我左翼。於是我砲兵及散兵在高丘者。苦戰甚力。始不能保障地。乃進豫備步兵於鍾家屯。屬左縱隊。又進重砲三中隊於盤道。二中隊於黃泥川大上屯東。各占陣地。以援中央隊。使海軍陸戰重砲隊占南沙河口。以張戰勢。是夜。敵兵固守戰線。銃聲不止。十一時。敵兵數隊來襲劍山。我兵又擊却之。

在左翼隊。午前六時。我砲兵開火轟擊敵砲在老坐山北坳者。敵砲應戰。少時停響。而其步兵展開老坐山北丘一帶。以猛射我第一線。十一時。約一大隊自西進來向老坐山。於是加我豫備隊於第一線以拒之。午後三時。敵兵漸增至約三大隊。戰勢轉劇。五時。敵砲在老坐山北坳者。復開砲射擊。彼我砲銃聲響甚殷。六時。敵艦數隻來海上。砲擊我陣。我兵三面受敵。苦戰互數時。而敵步兵不敢下丘前來。

五日午前二時。敵步兵自谷溝村方面進。薄我右縱隊盤道西丘陣地。殆五十米突。我兵擊却之。天明。敵復來擊。而不能得志。銃火漸緩。退出沒於偏石棚子。及溝口東丘。至午後一時。終失其影。

在我中央隊。午前二時。敵步兵一部。自正面及側面來突我劍山守備隊。我步兵二中隊格鬪却之。六時。敵兵漸退。一隊駐太白山一帶高丘。以築堡壘。其他大半向西退去。十時。我步兵一小隊前進。欲復劍山西南稜舊小哨地。陷敵十字火中。小隊長負傷。不得志而還。敵砲在王家店南丘者。射擊我第一線。特擊劍山尤劇。約一時。砲聲漸緩。

我左縱隊右翼隊無事可記。在其左翼隊。朝來敵兵在老坐山近傍者。唯留監視兵於丘上。退至大白山東丘。連築壘壘。午前十一時。敵艦艇五六隻來龍王塘洋。砲擊我雙頂山及黃泥川大上屯陣地。至午後六時。我不敢應。

我軍依然占守陣地。右縱隊。以右翼。自安子山互王家屯南丘。以左翼。占王家屯南麓至盤道一線。中央縱隊。自盤道東南丘至亂泥橋東南。左縱隊。占亂泥橋南丘經劍山黃泥川大上屯。以至雙頂山一

滿洲軍總司令官元帥侯爵大山巖氏



線。俄軍占據自雙臺溝旁經圍屏溝東北丘安子嶺毛道溝東丘至大白山一帶。兩軍相對持。

三日間之戰。雖未能詳敵死傷。不下約三四百。其兵力。若步兵約十三四大隊。砲約二十四尊。內八尊新式速射砲者。是役。察敵軍舉動。不止偵察及威嚇。其意。蓋在欲回復我軍所占劍山。以鞏固旅順防

禦。且若得利。進逼青沉窪。以阻害我施設。故竭力猛進。或逞逆擊。或試夜襲。而皆爲我軍所敗。徒守舊地。以延旦夕耳。我軍。得知敵軍砲力射法。攻擊部署。乃夜襲方法等。其所益不鮮少云。

自是以後。俄軍據雙臺溝安子嶺及大白山等之險。盛築堅壘。舉全力以據守之。排砲約六十尊。自七日至十八日。時開機砲轟擊。或縱小隊挑戰。我軍排

南山所獲砲十二尊於亂泥橋東丘。海軍重砲六尊於豬圈子溝西。以拒戰。每擊却之。

兩軍相持彌日。於是我軍決策進擊。二十二日。下命各隊。以定部署。增置一兵團於左右縱隊間。二十六日午前七時。前進攻擊。敵亦開火應之。砲戰至午時。我步兵前進。僅占取營城子偏石棚子及大白

山近傍。以至日沒。二十七日午前六時。再行攻擊。我砲兵先發。敵砲不應。及我右縱隊及中央縱隊向溝口北丘進。敵砲劇發。且坂路急峻。我兵奮鬪攀躋。屢不得志。午後三時。我砲兵援之。步兵一部僅得占丘巔。而敵兵猶堅守。且自側射擊。至日沒遂不得占取全部。我左縱隊。專攻大白山東一九五高丘。午後二時。敵艦艇數隻來龍王塘洋。

砲擊我左翼。阻礙前進。五時。再試進攻。亦不得志而止。於是決夜襲之策。二十八日午前一時。三面合擊。遂陷之。各縱隊亦奮進攻擊。九時。敵兵不能支。漸潰退。午時。盡陷敵壘。追擊至午後四時。占據長嶺子英各石等一帶。敵兵大部退保旅順防禦線內。據諸信報。是役。敵軍死傷約一千餘名。我所獲戰利品。重砲二尊。速射砲三尊。機關砲三尊。其他若干件。

二十九日。我軍駐占據線上。整理隊伍。補充彈藥。且偵察敵狀。三十日味爽。我軍乘暗前薄敵陣。天明開火攻擊。右縱隊由旅順路西。中央縱隊由于大山。左縱隊由王家甸南並進。午前十一時。占據土城子南一帶高丘。至大孤山東丘之地。敵軍遺棄死屍百餘。悉遁入旅順要塞。於是我軍直為攻圍之

滿洲總參謀長陸軍大將男爵兒玉源太郎氏



備。距旅順市街一里或二里。自五月下旬南山之戰。至此始逼旅順要塞。八月二日。我皇帝陛下。下勅褒之曰。攻圍軍。對旅順要塞前進陣地。屢冒險要。劇戰數日。遂擊退敵軍於其防禦線內。朕深嘉其武勇。皇后陛下亦傳令旨賞之。

七 陸海軍大將親任。及滿洲軍總司令官出發

陸軍少將福島安正氏



先是六月六日。我皇帝陛下親臨。陞陸軍中將男爵岡澤精。乃木希典。長谷川好道。西寬二郎。兒玉源太郎任陸軍大將。海軍中將東鄉平八郎。同男爵山本權兵衛任海軍大將。海軍少將出羽重遠。齋藤實。瓜生外吉任海軍中將。海軍大佐小倉鎮一郎。山田彥八。島村速雄任海軍少將。尋二十日。以陸軍大將侯爵大山巖。補滿洲軍總司令官。以兒玉源太郎補滿洲

軍總參謀長。以陸軍大將侯爵山縣有朋補參謀總長兼兵站總監。陸軍少將長岡外史補參謀次長。七月六日。大山滿洲軍總司令官。兒玉總參謀長率其幕僚。發東京向滿洲。蓋遼陽之戰漸酣。第一軍自鳳凰城衝其東南。第二軍北上攻其西南。攻圍軍壓迫旅順。於是不可不置一大帥以統轄之。此所以有此選也歟。雖廟謨深遠。難可窺測。其措置從容。著著循序。毫無遺算。竊所欣仰也。

第三編上卷

戰爭本記六

一 日本第一軍前進

摩天嶺之戰

細河沿占據


榆樹林子樣子嶺之戰俄將企爾列兒戰死

六月上旬。我第一軍。再取賽馬集。更分一軍占據岫巖之後。霖雨彌旬。爲止進軍。暫從休養。至下旬。再圖北進。俄軍屯賽馬集附近者。聞之大駭。倉皇自四方碰子向西北退。我前衛隊追躡。擊敵騎少許於六道溝邊破之。二十七日。他隊自遼陽路進。俄軍守分水嶺者。棄其所設備肩牆塹濠鹿柴鐵網等。前夜退去。我軍不血鋒刃。悉占據其地。敵步騎兵猶出沒連山關附近。及我將校斥候入關。旣燒糧廩。又我一隊自四臺子繞雞冠山麓出四門子路者。取東萬流河旁敵營。是地敵軍似圖阻河拒我者。遂亦遁去。是日我軍死傷二十四名。敵軍死傷不下七十名。所俘將校三名。士卒十五六名。

仁平大隊。護我北進軍左側。自海城路西進。二十六日。騎兵小戰。占據新開嶺險要。又岫巖占據後。丸井支隊由蓋平路進。至七般嶺。監視蓋平敵軍。淺田支隊由海城路進指析木城。二十七日擊敗俄兵守

分水嶺 與前分水嶺異 者取之。

我軍進一步則俄軍却一步。以為常。若大小摩天嶺。固以天險稱。而俄軍不守。我斥候進占據之。既而俄軍以為我守嶺兵寡弱。七月三日午後。東部西伯利狙擊步兵二十四聯隊之第二大隊。第十聯隊之



第二大隊新自遼陽來者。自樣子嶺進集塔灣。夜半再發塔灣。一隊向大摩天嶺。亦曰大高嶺 一隊向小摩天嶺。亦曰小高嶺 別遣狙擊步兵第二十二聯隊之一中隊向新開嶺。四日午前四時。我第一複哨二等卒近藤新治。渡邊儀平。在遼陽路李家堡子東端。曉霧冥濛中。認人影五六在數步外。大喝誰何。敵兵驚走。二人急裝銃擊之。忽見敵兵二百餘四面來圍。二人回告之小哨長步兵少尉吉田靜吉。又第二複哨一等卒福崎龍松。二等卒加茂川德平。在路左丘上。敵兵來圍將擒之。福崎僅以身免。加茂川為敵所圍。不得已從敵指示。投銃就虜。時天未明。曉霧尙深。加茂川得

間脫。潛匿窪地。以窺戰況。至天明。見敵兵失利退走。取嚮所投銃。側射敵兵。殪其三人而還。小哨長吉田少尉。接警報。將集部下。敵兵約一大隊既來迫。即迎敵混戰。若上等兵岩崎吾吉。未及裝劍於銃。早已為敵所奪。拔劍接戰。殪一人。傷數人。力盡勢窮不忍受俘虜之辱。自把劍尖刺其心窩而

倒。伍長山田信吉亦殲敵兵三人。身亦負重創。倒於林叢中。後二人爲我所收救。軍曹桑名耕作。斫三人。傷數人。身被十六創而死。一等卒山本佐太郎。爲右翼斥候。暗中誤陷敵中。縱橫奮鬪。開血路而免。田邊長吉。同爲斥候。傷數人而死。後檢其屍。有敵兵刎腹出腸之狀。吉田少尉亦力戰斫敵兵四人。傷十數人。後觀其刀。鈍折。鋒刃如鋸。苦戰數時。欲與前哨中隊合。且戰且退。纔到前哨線。何料敵已據我塹濠逆擊。於是少尉決死糾殘卒爲一團。疾驅貫敵圍中。得入前哨中隊所據楊林中。

今村大尉率前哨中隊在後。以敵兵慣曉襲。欲探其消息。命水野中尉斥候。率士卒二十三名。將發。忽接急報。直遣中尉前進。尋令中尉河野治一率小隊往。又令特務曹長吉原仲次率水野小隊餘兵守前線左側。時敵旣破小哨。據我前線。迎擊我軍。水野中尉等地形不便。且衆寡異勢。不能復前線。將少退據榆樹林。敵兵乘勢三面來圍。吉原仲次。勇戰敵敵一人。斫數人。敵兵叢刺。身被五創遂斃。後檢其劍。刃如鋸齒。血痕斑斑。流染蒙鏢。其他軍曹仲野和久治。伍長池田一平。上等兵金子芳三郎。一等卒高橋國松。菊池富藏。和田伊之七。荒木治郎吉等。各斫敵兩三名。皆死之。若一等卒勝彥市。負重傷。自知不免。與敵耦刺而死。河野中尉。揮刀斫數人。身亦負六創。一等卒和栗喜八。關本運次。品田億松。大島龍太郎。岩淵竹次郎。田原松太郎等。皆負傷奮鬪。無不一當十。敵兵披靡。遂開一路。退據林端。當是時高草木少佐。統前哨大隊。嚮使今村中隊爲前哨。使鈴木中隊爲摩天嶺前哨。親率二中队。及接警報。使中村中隊援前哨右翼。太田中隊爲後勁以進救。四時四十分。敵兵向小摩天嶺者。鈴木中隊擊却之。天漸明。今村中村兩中隊。左右並進。出敵右翼。側射之。敵軍以爲我兵新加。棄我前

哨線潰走。我兵復據之。高草木少佐。使太田中隊追擊。

先是。警騎報急於後營。前衛司令官陸軍少將岡崎生三。使馬場大佐率高松大隊赴援。宮川大隊屯嶺東麓。午前六時高松大隊到嶺上。時既我兵敗敵軍。於是高松少佐。率其兵進擊。篠田中尉亦自小摩天嶺來追擊。七時至金家堡子西丘。敵軍一隊據路左右拒戰以護敗兵。交戰約二十分時。敵兵不支。退向塔灣。我兵更進占塔灣東丘。與敵塔灣西北陣相持。

是日我左翼前哨隊在新開嶺者。使上等兵攝伍長鈴木與次郎。率下士九名斥候。探馬苦門查此地在此山開小村今敵狀。午前五時後。抵其東南河流。伏兵數十名來圍。上等兵齋藤與吉先進戰。身被一彈。又譯音以此字。敵狀。午前五時後。抵其東南河流。伏兵數十名來圍。上等兵齋藤與吉先進戰。身被一彈。又

負劍創四所。爲衆敵所搏伏。適我一等卒小池清作來。敵兵又與之鬪。齋藤上等兵。得間忍痛脫歸。小池一等卒。終爲衆所殺。高橋文次郎。山口松右衛門。亦負傷。小哨長岩井少尉。在新開嶺。聞銃聲。率一小隊來援。擊却敵兵。掩護斥候兵而還。此隊中。寺島喜一。小島雄之助。二卒負傷。合計死者一。傷者五名。前哨中隊長。更使莊司小隊進擊。午前十時到塔灣東丘。恰與敵兵一大隊潰走爲高松少佐所追擊者遇。急擊之。以助本路軍。敵屍亂算約百餘云。

是役我摩天嶺前哨隊所掩埋敵屍。約五十八。所俘虜約四十名。內負傷者三十八名。獲小銃九十三。五日午後。俄國烏廷斯克第一聯隊千三百騎。在北分水嶺。來襲。我兵擊破之。六日夜。我一支隊擊占城廠。

我第一軍右翼縱隊。久駐崔家房。使其一部至城廠。徵發物品。轉移賽馬集。遣少將木越安綱所率支

隊向細河沿。細河沿。一名橋頭。不過溪間一孤村。而東經北分水嶺達賽馬集寬甸。西經大安平達遼陽十餘里。南自連山關通鳳凰城。北由本溪湖至奉天遼陽。實爲四通之地。俄軍夙修防守。自細河沿東約三百米突之地。北沿坂路。阻太子河奔流。據崖壁築壘濠。以鉗制我進路。十二日。木越少將。進司令部於頭道溝。令野崎騎兵中隊。佐藤步兵中隊。至通子峪搜索敵狀。二隊進至通子峪。聞俄軍二萬率砲八尊自安平至細河沿。明日大舉來襲之信。報之司令部。十四日。少將令右縱隊前衛橋大隊。至通子峪。駐佐藤中隊守通子峪。野崎中隊前進。既聞野崎中隊與敵接。更使梶原中隊自左。松江中隊自右進戰。敵兵見我軍接戰退去。橋大隊進占山阻子。又使岩田中隊取捷徑向楊木溝。與敵步兵五百騎兵二百遇。敵兵望風奔竄。敵砲守思山嶺者。亦僅放二彈而退。是夜橋大隊屯山阻子。分小泉中隊進至本溪湖上老母嶺露營。十五日進入楊木溝。午前九時。使野崎中隊進向紅廟子。橋少佐自率一小隊偵察地形。是日平井大佐率前衛一隊。發頭道溝至山阻子。十六日。木越少將率玉置砲兵大隊相浦騎兵隊。小出工兵中隊及衛生隊等。發草河長嶺至山阻子通子峪附近。橋少佐遣古河小隊至細河沿方面探敵動靜。田代小隊遠至下馬塘。與谷山聯隊連絡。自率大隊。夜至思山嶺。

當是時。俄國第二軍團長陸軍中將企爾列兒。及少將喀斯塔林斯克。自率狙擊兵第十第二十四聯隊。自歐俄新來第三十二第三十四聯隊。及哥薩克兵若干來。將欲收復摩天嶺。十七日午前零時。出兵約一中隊來襲我新開嶺前哨線。我某大佐率前哨部隊守新開嶺。先傳警報於各處。使前哨中隊迎敵。無幾敵兵遠退馬苔門查北。

我今村大尉率前哨中隊守摩天嶺。少尉吉井靜吉爲小哨長在前頭。接新開嶺之報。某大佐命不敢交戰。退與本隊合。午前二時。敵兵乘曉霧來襲小哨線。我兵既退。敵銳少挫。高草木少佐。既合前哨中隊。率其大隊占陣地於摩天嶺頂路左右。高松大隊爲右翼。姬田大尉布砲陣於頂界右翼。宮川大隊爲豫備陣東坂。五時。敵軍據北嶺頂界。高草木大隊隔谷交戰。相距約一公里突。我陣左降最高峻。即摩天嶺第一峰也。若爲敵所占取。大不利於我軍。某大佐。即使宮川大隊自率川瀨小澤二中隊進據其地。分一中隊援中央戰線。駐一中隊爲豫備。山霧漸散。遙望敵軍兵力增至二聯隊。其右翼與我川瀨小澤對。將爭奪高隆。左翼延至小摩天嶺北約二公里突。爲包圍我軍之勢。我軍某隊。置前哨中隊於小摩天嶺東金家堡子高丘。置小哨於其西端。出下士哨於嶺上。而與我本隊隔谷。不得相授助。敵砲排小摩天嶺者。側射我大摩天嶺軍。將逼我右翼。於是我砲兵開砲對戰以牽制之。八時。敵軍又增至四聯隊。逼我左翼。新自加^カ區^キ基^キ輔^フ來者。精銳特甚。欲奪高隆以博奇勝。更使步兵二中隊迂回出我左側以圍擊之。若我川瀨中隊。少尉松繩良太。味岡玉喜。菅原良吉。三名負傷。悉失小隊長。宮川大隊副長中尉出羽重三。流丸來抹其髭。全軍激戰至九時。敵左翼軍漸退。我軍見之。高草木大隊自左。高松大隊自右。林大隊自中央追擊。砲兵中隊亦猛射急擊。費彈實三百五十餘。十時。敵左翼軍及中央軍悉退。唯加區基輔兵二中隊。猶守戰線。我宮川大隊當之。時某中佐率一大隊自連山關來援高草木高松大隊追擊。騎兵聯隊亦加焉。敵軍一部自甜水店指塔灣退。一部約七大隊。據金家堡子西丘。午後二時。敵砲四尊據塔灣附近。開砲射擊我軍。以掩掩敗兵。方我追擊之急。敵兵不得奔竄者。或潛伏

畿中。狙擊我將校。若某大佐。三遭狙擊。一丸傷書記大崎軍曹立大佐傍者。毀其銃牀。貫其手掌。一丸洞其左傍高松少佐胸。負重創。又俄軍約一小隊。揮白旗書俄文者。裝投降來。近見大佐。執銃狙擊。其彈掠大佐衣縫。傷旁一士官。其他柳澤中尉。佐藤少尉。小林中尉。高橋少尉。稻葉特務曹長以下士卒數十名負傷。我軍追至李家堡子。薄暮停銃。收我死傷者。尋收敵兵俘虜及傷者。翌曉蒐集敵所委棄武器彈藥。埋瘞其屍體。是戰。我兵戰死者十九名。傷者百六十五名。敵兵死傷雖未詳其數。即我所獲諸品。小銃百三十三口。彈藥盈牛車二輛有餘。

我新開嶺軍既逐敵後。熊大尉率中隊向馬苦門查。偵察敵狀。午前六時。至其東。與敵步兵約一中隊接戰。破占其高丘。時大摩天嶺戰方酣。敵步兵約一大隊在李家堡子邊者。來援出熊中隊右。敵豫備兵一隊自塔灣來逼其左。中央敵軍亦返戰。三面合擊。熊大尉見衆寡不敵。地勢無利。且戰且退。下士以下五名戰死。十七名負傷。會武田中村二中隊來援。敵見我軍增加。不敢追擊。大摩天嶺戰愈烈。敵軍右翼與宮川大隊戰。未決輸贏。熊大尉將赴援之際。土岐松井村山三中隊來。某大佐指揮之。以摩天嶺敵軍漸退。諸隊更進馬苦門查東丘。追擊敗殘敵兵。敵兵蓋三大隊向楊木林子而退。我軍除熊中隊外。唯有負傷一名耳。

下馬塘。有道路三條。一由徐家堡子細河沿至本溪湖。爲右道。經三道溝王家堡子黃泥溝至安平。爲中道。經金家堡子至小摩天嶺。爲左道。我谷山大佐率一隊守之。梅津中隊爲右翼前哨出右道。末松

中隊爲中央前哨出中道。吉田中隊爲左翼前哨出左道。是日谷山大佐接警報。即使加藤少佐率齋藤河窪二中隊。赴援小摩天嶺前哨中隊。緩急爲馬場隊右翼。當摩天嶺之敵。

先是吉田中隊。使小野崎中尉率小隊爲小哨。出金家堡子西端。小哨隊又使高野伍長一分隊爲下士哨。進小摩天嶺。遣斥候警戒塔灣方向。十六日夜半。一等卒永井作平爲斥候長。與兵卒二名。踰小摩天嶺進。忽遇敵兵大隊來。事既急。無由退却。即使二兵伏林叢中。自入路傍民家。被清服裝清人。逸敵中歸報。吉田大尉既聞銃聲。知敵兵來襲。急進部下於右丘前線。以使收容小哨及下士哨。小哨兵以在近退來。唯下士哨兵。以敵兵既占嶺頂。不得取正路。由右丘退去。敵兵見之。自側面射擊。上等兵橫田久平傷腿不能步。友卒扶之僅得免歸。而二斥候兵未還。吉田大尉憂之。十七日。及摩天嶺戰起。敵兵據小摩天嶺頂者。爲我姬田砲兵所擊退。與本道上高松大隊相並。自右丘前進。索二兵於叢中救之還。故是隊唯有橫田上等兵負傷耳。

末松大尉爲中央前哨在三道溝。置小哨於王家堡子。出下士哨於右翼。是日午前三時。敵軍步兵約一大隊。騎兵一中隊。冒曉霧來逼。占高丘攻我右翼下士哨。末松大尉聞之。自率部下往援。敵兵據高瞰射甚猛。我中尉後藤鶴治。少尉浦野幸次耶死之。少尉佐藤梯造負傷。分隊長五名前後死傷。隊中無復指揮者。中隊長末松四郎亦洞上腿。特務曹長熊倉又吉傷足指。共恐兵氣沮喪。忍創不去。士卒見隊長奮鬪。皆一心決死隨處成群。以拒戰。敵兵漸增至三大隊。我兵支十倍之敵。約四時間。子藥且盡。所餘唯五六彈耳。乃不濫射。徐待其機。敵兵侮我寡弱。下丘輕進。我兵見之一齊射擊。殆無虛發。敵

兵墜落谷底數十名。蹣跚不前。谷山大佐接急警。自率牛圓田村二中隊來援。左右當敵。殊死防戰。然敵衆我寡。大尉田村亥佐美。中尉品田茂平死之。大尉牛圓重三郎。特務曹長多田誠三郎負傷。至是末松中隊死傷七十六名。田村中隊四十一名。午後一時。敵兵將分步兵一大隊餘突入我陣。加藤少佐嚮赴援小高嶺。途聞三道溝戰甚急。率齋藤河窪二中隊來援。一中隊駐在下馬塘者亦來會。於是我軍大振。猛擊敵軍。四時。敵軍遂敗。向王家堡子而退。隨退。敵軍大隊長中佐亞爾寄斯波耳多。書英文於一紙曰。請勇敢日本軍。托以懇切遇死傷者。揮之死屍而去。谷山大佐見而憫之。命搜索傷者。唯有俄兵一名傷足耳。餘既悉死。乃收死屍八九十厚斂之。中有歐俄新來兵穿鮮衣者。是戰。我戰死將校四名。下士卒三十名。負傷將校四名。下士卒九十二名。據清國武官自安平來者言。俄國死傷多至五百餘名云。

梅津中隊。在徐家堡子。午時前後。敵步兵約六中隊率輕砲二尊騎兵二十餘先進。侵我前哨。我兵擊殪其七八騎。敵兵輒退走。我工兵一中隊及島田中佐所率一部隊。聞警來援。不及。蓋敵軍聞我木越支隊自賽馬集進迫橋頭。恐斷其後。未戰先走也。

木越支隊前衛橋大隊。是日午前十時。發思山嶺到小河峪。部署各隊。使岩田中隊占據紅廟子北丘。松江中隊進其南丘。小泉中隊展開谷底公道。梶原中隊爲豫備隊。午後三時敵步兵約二中隊。來松江中隊前面。二中隊迂回我左側。開銃接戰。橘少佐。使梶原中隊援左翼。今村小隊援松江隊左。今村隊攀躋高丘。俯瞰敵軍。狙擊四五十名。敵軍前有松江梶原二中隊。側有今村小隊。進退維谷。伏地上以

避彈雨。乘夜遁去。此間我支隊前衛。自通子峪山阻子進至楊木溝。以爲橋大隊後援。

十八日午前五時。岩田中隊報云。敵步兵約一中隊。進代家堡子南丘。梶原中隊又報云。前丘有敵監視兵十名。其後有步兵一小隊。又其後有二中隊及騎兵四十餘。既松江岩田二中隊開戰射擊。未幾敵兵一部向細河沿而退。一部猶留抗戰。岡村大隊出敵不意。突擊其南丘。敵兵狼狽敗走。梶原中隊奮進追擊之。午後三時。我將校在高丘探望。報云。敵軍在細河沿者。縱火金家堡子倉庫。向本溪湖而退。武藤騎兵少尉亦報敵軍退去。橋少佐欲乘機取細河沿。以岩田中隊爲先鋒。疾驅約五百米突。有敵砲八尊。忽開火轟擊。步兵據細河左岸丘上者。亦猛烈射擊。陷我於十字火中。我軍苦戰當之。中隊長岩田五郎。中尉今村渡。古賀徹治。少尉佐藤晨一。前後負創。戰死十三名。負傷七十五名。松江中隊戰死七名。負傷四十六名。全隊殆陷死地。適平井大佐率二大隊。自思山嶺來援。敵軍侮我無砲兵。激烈交戰。至是又有死傷二百餘名。聯隊副官西久保大尉。羽生大隊副官青柳中尉。及少尉中島知能。下田島三。特務曹長松本幸次郎。亦負傷。入夜停戰。兩軍露營相距數百米矣。敵兵兩次夜襲。擊却之。

木越少將在楊木溝。從岡村步兵少佐。玉置砲兵少佐。小出工兵大尉。來登代家堡子南丘。偵察陣地。使大島步兵大隊進紅廟子。分其一部。到千金嶺。以拒本溪湖敵。木下中隊援橋大隊補給彈藥。

十九日。右縱隊白山阻子進。岡村大隊爲左翼。玉置少佐率前衛砲兵二中隊。據代家堡子南丘。排砲十二尊。以待戰機。天漸白。敵陣歷々可睹。於是前衛砲兵日野中隊。先開火轟擊。敵以速射砲二十四

尊砲四尊應戰。敵軍兵器精良且多。我軍頗陷苦境。小隊長河野武三郎死之。大尉日野松之助。小隊長末松卯市。少尉小野於菟彥。曹長伊地知三之丞等負傷。其他戰死十名。負傷四十八名。藤室大佐率本隊砲兵。布陣紅廟子西端來援。敵軍不能認我陣地。頻向右丘無人之地砲擊。約一時。敵砲停響。我乃轉擊細河沿西南敵軍砲兵。午前七時。被我停砲戰。

砲戰方酣。平田少佐率步兵二中隊。自紅廟子右折。北向千金嶺。午前八時。遇敵左翼步兵。使羽生大隊擊之。今村大佐率一隊。迂回山路出敵軍右側。大島少佐亦率二中隊。自平井聯隊岡村大隊間。巧回出敵右翼。午後。騎兵斥候報敵步兵約六百騎兵十餘。在千金嶺路上。原田大佐。率平田大隊所餘二中隊赴援。既至。不見敵影。先是平田少佐至千金嶺。聞細河沿戰聲起。不欲駐無敵之地。轉向細河沿東北。隔細河猛擊敵軍左側。於是敵兵大怯。砲兵一部將退走。我軍將大舉進擊。而以今村聯隊回敵右者未到。暫踟躕待時。午後三時。木越少將見戰機既熟。命全軍進擊。原田大佐亦自千金嶺還列左翼。藤室大佐率砲兵進陣代家堡子北端。轟擊。敵砲既退。不復應戰。唯步兵殊死拒戰。適今村聯隊。經鳥道獸徑無人之地約四里。與谷山大佐先鋒二中隊合。自張家堡子西南突進敵右側。戰頗烈。少佐平岡八郎。曹長川島孫藏。以下士卒四名死之。少尉岸田清以下二十三名負傷。我軍猶進。遂遮斷敵軍退路。

平井大佐當正面。見之鼓勇。率聯隊亂細河。登右岸吶喊進擊。原田大佐亦涉水突入西南高丘。占領敵陣。連呼萬歲。中國砲兵中隊。排砲細河沿高丘轟擊。一榴霰彈能殲敵四十餘名。相浦大佐率騎兵

進擊潰兵。夕時。悉占取細河沿附近敵營。敵軍死傷蓋千餘人。我所埋瘞死屍百三十一。俘虜九十餘名。所獲小銃三百口。我戰死將校三名。下士卒七十名。負傷將校十六名。下士卒四百三十六名。

我軍既占取細河沿。其警戒線。東北自細河沿。西南至八盤嶺麓。亘十數里。左右中三縱隊。各出哨隊於前丘。以與敵接觸。俄軍第十軍團長將軍絲兒朱士斯克^{Сидоркин}所率步兵第九師團之一旅團。第三十一第三十五師團及砲兵約四中隊。在榆樹林子方面。西伯利第二軍團長中將企爾列兒^{Эрлер}所率狙擊第三第六師團全部。步兵第九師團之一旅團。及砲兵約四中隊。在樣子嶺方面。榆樹林子。在細河沿西約一里半。樣子嶺在摩天嶺西約二里半。均距遼陽約十里。我右縱隊側面本溪湖。又有若干部隊。大將克魯巴多金^{Крупакин}。嘗在海城大石橋方面。以七月二十二日來移安平。以統制之。是月中旬以來。兵力漸次增加。至下旬已有四師團之多。後尙陸續增加。二十八日以來。在我右縱隊前面榆樹林子。敵前進部隊既占據高丘。將取攻勢。是以我第一軍。決然先取攻畧。乘其防備未成之際而急擊之。遂以三十日夜起行。三十一日拂曉。右縱隊攻擊榆樹林子方面敵軍。左縱隊攻擊樣子嶺附近敵軍。別由左縱隊派一枝隊。逼榆樹林子敵軍右側。以助右縱隊。兩地地勢峻險。山深谷錯。我軍攻擊頗費周章。而敵軍又巧於利用地形。所在皆設壁立壘。亦甚堅固。並於樞要之地。築閉塞堡壘。隱蔽陣形。以便射擊。

我右縱隊。遣步兵三大隊屯老母嶺。以控制本溪湖敵軍。本隊分爲左右二縱隊。右翼隊進與敵前進部隊在榆樹林子前丘者。炮火相交。激戰之後。遂於午前八時五十分。占領敵軍陣地。後復進至榆樹林子西丘敵軍本陣之地。相續戰鬥。以俟我左翼隊之來。雖敵軍亦屢逆襲我軍。然均爲我軍擊退。我左

翼隊在偏嶺。榆樹林子之南張家堡子之西南約二里摩天嶺之北北東約五里。

適逢敵砲兵約二聯隊。於午前六時三十五分。開始砲擊。激戰

之下。即將敵兵擊退。我左縱隊增援之一枝隊。於午前一時發下馬塘。八時擊破敵軍步兵約一大隊。

敵軍敗走。我軍進向偏嶺。適與從偏嶺方面敗退之敵軍一縱隊有步兵三聯隊砲四尊相遇。出其側面。在與該縱隊

行陣全線相距二百米突至米突之遙。猛烈射擊。敵軍大受損傷。紛紛潰走。雖後欲逼榆樹林子敵軍右

翼。因地勢險難。遂不能逼。榆樹林子之敵軍。遂於八月一日敗走。我右翼隊進擊追之。午前九時占領

老鶴嶺。榆樹林子西約一里左翼隊雖見敵軍退走。為地形所阻。不得逼之。進取老鶴嶺南地。增援枝隊亦占領利

比音南丘。敵軍向安平而退。

我左縱隊一部。於三十一日午前二時三十分。將在塔灣東丘敵軍步兵約二中隊擊退。占領該地。其他

軍。亦均各占據豫定位地。唯我砲兵團。因進入通路修築不能成工。加以地勢峻險。直至午前十一時。

始得漸就陣地。但其二中隊。則於拂曉以前。進至金家堡子附近占領陣地。左縱隊左翼隊。以是日拂

曉。由馬苦門查方面。開始攻擊。其所分遣之團隊。則迂回遠道。更分數縱隊。由峻山山路前進。將出

於敵軍右側。敵軍砲兵約四中隊。在樣子嶺及附近高丘。巧射我軍步兵。屬我左翼隊之砲兵隊。因地

勢不便之故。僅能以砲二十尊還擊敵軍。且其距離太遠。不能十分暢發威力。故我軍正面攻擊。直至

正午。不見進步。而迂回前進之一隊。歷盡艱險。跋山涉谷。始於午前十一時。得達豫定之高丘。屬我

右翼隊之砲兵隊。則於午後二時。開向塔灣及其北方各地射擊。於是潛伏塔灣西北約三千米突高丘

線上之敵砲。忽向我軍砲兵開始猛射。爾後我兩翼方面。再猛烈砲戰。四時。我右翼隊步兵。由塔灣附

近。左翼隊步兵由馬苦門查附近。直冒敵軍步砲兩兵砲火。漸次攻入樣子嶺。彼我銃火起於各處方面。而我砲兵雖以全力援助步兵前進。奈因地勢險峻。步兵行動殊難。而敵又頑強抵抗。戰至日沒。我軍猶列陣以待。徹夜不懈。八月一日拂曉。我軍左右翼隊。復行攻擊。戰至午前八時。樣子嶺附近一帶之高丘。遂歸我所有。敵軍向湯河方面而退。是戰。地勢險峻。動作不便。且無砲兵合宜陣地。而天氣酷熱。寒暑表已逾百度。以致軍隊殊為勞苦。

據俄將克魯巴多金公報稱。樣子嶺司令官中將企爾列兒。八月一日。在一砲臺。立於砲火猛烈中。指揮戰鬪。午後三時。

負重傷。無幾遂死云。鴨綠江之敗。克魯巴多金。特奏請招企爾列兒。以代敗將撒斯律知。據清人言。是戰。始俄國將校在各方面者。自斬其兵退走者。鼓勵士氣。以期一快戰。及企爾列兒死。一時沮喪。至將校亦自潰走。遂招大敗云。

兒列爾企將中軍陸官令司國俄



是役。我軍死傷將校四十名。下士以下九百六名。俄軍死傷雖未詳知。然合各方面計之。至少有二千人以上。由我軍掩埋之死屍。計將校六員下士五百六名。為我俘獲者。有無傷將校五員。內中佐一員下士卒百四十八名。負傷將校三員。下士卒百十二名。合計二百六十八人。我軍所獲戰利品。計有大砲二尊。小銃五六百口。布幕三四百張。兵士隨帶戰具六七百件。其他砲銃彈藥等。

二 日本第二軍前進

熊岳城蓋平城占據

大石橋之戰

營口牛莊海城占據

我第二軍。大敗俄軍於得利寺。俄軍棄熊岳城。直向蓋平而退。六月二十一日。我軍至熊岳城。不費一彈。占取其地。七月六日。驅逐敵軍。進經金家勾小藍旗。抵二道河。左翼一部占據崔家屯高丘。敵軍約一千六百名。據四方臺東北及北丘。遣右翼一部隊擊敗之。敵軍悉向蓋平附近而走。七日。我軍進逐敵軍在砂崗臺者。正午。占答子溝至大望海塞東丘一線。敵軍步騎砲兵若干。屢扼隘路。以拒戰且退。據土人言。敵軍約二萬在蓋平附近。約二千在海山塞。約一萬在其附近。砲兵屯蓋平北丘及西臺北丘。又大石橋邊敵軍依然駐屯。有漸次增加之狀。因鐵路之便。送兵於海山塞附近。湯池南約二里花紅溝。若亦有敵兵者。九日午前五時三十分。我軍聞砲擊蓋平附近。八時。驅逐敵軍。占取太平屯蔡家屯東雙頂山等。蓋平附近一帶歸我所有。敵軍再據石門海山塞高家屯險要。抗拒我軍。復擊破之。敵軍砲兵在紅旗廠腰嶺子石佛寺高丘射擊。至午後二時。退集合於太平庄。遂向大石橋而去。一部駐五臺山。是日。我陸軍少將小泉某在西雙頂山。指揮部下。流丸飛來。貫其左大腿。然其創甚微。數日而癒。其他我死傷約百五十名。此敵軍爲狙擊步兵第一第九師團之部屬。及騎兵約二十中隊砲兵約六中隊。

大石橋。為鐵路分岐之處。西通營口。南至蓋平。自蓋平北四里至楊家屯。又三里餘即為大石橋。其東有定石屯。青石山脉自是地起。北接白虎山。兩山間有道路一條。自蓋平可抵析木城。此路至白虎山



圖 柴 砲

麓。有孤村曰新民屯。楊柳隱翳。宛然一幅畫圖。敵軍陣地以牛心山為右翼。東南經青石山至太平嶺附近。丘陵一帶連綿。可以俯瞰平原。敵軍據之。設壘濠數層。穿銃眼造掩蓋。且布置鹿柴鐵網地雷於各處。防禦工事頗稱堅固。若其砲兵。巧於利用地形。隱蔽陣地。使我不能窺其所在。守之者為第一第二第九第三十五師團及西伯利亞豫備師團之部隊。砲數約百二十尊。俄國陸軍中將斯泰克勒指揮之。大將克魯巴多金亦來監視云。而我軍為第三第四第五第六四大部隊。以鐵路西方對渤海灣之地。一望平原。無遮蔽之物。不便利行軍。除此方面。第三大部隊向敵軍左翼。青石山。第六大部隊向中央白虎山。第四大部隊向右翼牛心山。第五大部隊獨自定石屯迂回。出青石山背後。以牽制敵軍。

七月二十三日午前四時。我軍發蓋平。各縱隊共擊退敵兵。占取流家溝經花兒山至五臺山附近一線。敵軍步兵若干部隊。率騎砲兵一中隊。屢侵我左翼。皆擊却之。是夜各據占取陣地。嚴戰備以待明日大舉攻擊。二十四





圖 網 條 鐵

日未明。我右翼團隊即第三大部隊進向太平嶺及其西百八十高地等。午前八時。占領羊草勾北丘經百八十高地至孫家屯北丘東側一線。敵軍砲兵在太平嶺邊汗溝鄭家溝等高丘。猛烈轟擊。我砲兵因地勢不便。未能占陣以應戰。是以步兵掩避以待時機。中央團隊即第六大部隊與右翼團隊共進。砲兵在花兒山附近援助之。午前十時。占孫家屯北丘。敵砲自青石山望馬臺間亦猛擊之。故不敢前進。以擬右翼團隊及砲兵相待而進。

我左翼團隊即第四大部隊在五臺山附近。見右翼及中央團隊進戰。午前九時。占牛家屯劉白塔寺一線。其砲兵團在太平莊附近。與敵軍砲兵交戰。但我砲兵陣地不利。暴露敵前。苦戰甚力。以援助步兵攻擊。若其福永砲兵甲部隊。午前二時。發朱家屯。占陣於五臺山北端烽燧臺。要知敵砲所在。姑不開放。以待敵火。既敵軍砲兵排於望馬臺山附近。前設塹壕。連續激放。我軍見之。直開始射擊。然彼我距離太遠。並不得着發。午後一時。甲部隊放膽前進。與步兵散兵第一線錯互。布砲列於博洛舖東南至北端之間。先向望馬臺敵軍猛射。是時福永乙部隊及砲兵大團在其左後約一千米突破臺子。與敵砲猛戰。敵軍見甲部隊獨前出占陣。向其方面攢注砲火。其騎砲兵亦自牛心山側射。相持愈久。射擊愈急。是以損害甚多。第一中隊小隊長二名下士卒約十二名。第二中隊將校全員下士卒十八名。第三中隊將校二名下士卒十名死傷。全隊中殆失其半。我軍面對夕陽。且前有叢菁。不能認識敵陣地。因恐徒費彈藥。暫停射擊。對坐砲側。伺敵動靜。在敵彈雨下中。無少恐怖之狀。或手扇。或假睡。以待時機。及日將沒。轟然奮起。一齊猛射。彈丸如急霰。墜下敵頭上。激戰一番。將終。武內少佐負傷。川北大尉代

之。指揮。遂停戰。

軍司令官。見不能遂行攻擊。命右翼團隊。使不顧死生前進突擊。於是右翼團隊。冒敵軍砲火猛進攻



掩護我軍側背。敵軍主力由大石橋路而退。其一部東向海城而走。我軍使各縱隊前軍追擊。又命福永


擊。然因地形不利。遂不能拔一壘。以至日沒。若其一部。鼓勇突入。敵陣甚堅。且爲敵衆所逆擊。退還陣地。日既暮。被我砲聲纒息。右翼團隊司令官某。決策夜襲。是夜大雨傾盆。潦水汎濫於田野。午後十時。第三大部隊之二大隊。冒雨乘暗。自青石山麓攀躋。突擊太平嶺附近第二壘。何料壘壁肅然。聞無人影。我兵驚其意外。不覺歡呼。敵軍守第二壘者。聞其呼聲。俄然開砲。彈丸紛々墜下。我兵在黑暗中。進退失據。將殆殲滅。恰好我第五大部隊。迂回從背後。襲擊青石山。驅逐敵兵。占取其一角。遂拔第二壘。中央團隊亦進占取山西頭附近高丘。二十五日天明。我砲兵在臥龍岡。開始砲擊。然敵狀不似前日。蓋敵軍欲據青石山諸壘以試決戰。及其陷。爭先退走。即進占領青石山。左翼團隊亦直進占牛心山橋臺舖白虎山。我騎兵在軍左側。追擊敵騎。以

砲兵甲部隊踵之。正午。敵軍騎步大團。在大石橋附近。騎砲兵亦駐東夏屯。盡力拒戰。我軍不能進。

砲兵乃排列蠻河屯。轟擊三十餘彈。敵軍向北敗走。宮崎騎兵隊先入大石橋。遂占取其地。聞俄軍既敗。士氣沮喪。其大部隊深夜退往大石橋。至翌日正午。尙未退盡。該兵既至大石橋。驚魂未定。不敢附乘汽車。多有徒步向海城大道而逃。又由大石橋將次退盡。正在放火趁烟遮掩逃走之恥之際。忽我軍追踵而至。突入大石橋境內。開砲五發。俄兵驚惶逃散。其狼狽之狀可想。


是役。我軍將校十二名下士以下百三十六名戰死。將校四十七名。下士以下八百四十八名負傷。合計一千七十七名。俄軍死傷蓋不下一千。由諸家屯以鐵制軍用馬車三百餘輛。運載死傷之兵。前往遼陽。車上蒙以白布云。

大石橋既歸我有。營口路絕。俄人駐營口者。倉皇燒燬兵營。並將各處民房破壞而去。其官吏由俄兵護送。到河北汽車站。早乘汽車。經過溝帮子至新民屯。即遼西新民屯。與前孤村新民屯異。或云。自溝帮子棹艇赴新民屯。二十六日午後一時。某大



大石橋附近全景


部隊之堤大隊。發大石橋。自老爺廟。別派第十一中隊藤田中尉沿鐵路。七時抵牛家屯車站。即營口占車站也



滿洲大石橋附近我軍糧食運搬光景

領之。樹日本國旗於屋上。時英美人五騎馳來。喜色溢面。揮巾歡迎。牛家屯站內有倉庫一所。積存大麥秣草。俄兵臨去。縱火焚毀。火勢猶熾。唯未殃及車站。本隊自老爺廟進。先是遣岡村騎兵隊偵察營口。知敵既遁逃不復止隻影。九時進入營口占領之。清國公議會董事等。皆衣冠。率同保局巡勇四十餘名。迓於途。旋導我兵閱看俄國各署。又導至砲臺閱視一周。我兵囑令公議會董事。務須遣派保甲練勇。嚴守市街。出示安民。

八月一日午前四時。我軍發大石橋。第二縱隊不受敵軍抵抗。占領南尖山附近陣地。第一縱隊攻擊應戰敵軍。占領梁家堡子高丘。第二縱隊占領金山領高丘。砲擊前日來敵軍所據土臺子東丘。敵軍既退去。直進占領他山浦西北高丘。敵軍砲兵約二中隊在葫蘆峪東北高丘。開砲擊我第二第三縱隊步兵。第二縱隊砲兵據董家溝東北高丘。第三縱隊砲兵排布溫家溝附近。以應戰。敵軍



營口卓頭之光景

砲兵一中隊別在下夾河南端。射擊我第三縱隊。我第四縱隊途次擊散多少敵兵。前進至第三縱隊左翼瓦趙家屯之地。敵軍騎兵五六中隊。率騎砲兵約一中隊。在缸瓦塞附近。射擊我軍。我第五縱隊擊散敵軍步騎兵在劉家經子連三屯者占領之。敵軍主力。午前保唐王山西麓。向海城而退。其他皆至正午前。向海城方面而去。是日應戰敵軍。總計約一師團。傷失共有二千。二日。我軍進至八里河。三日。自海城互牛莊一帶之地。均爲我軍占領。敵軍自海城向東北退去者。約二師團。蓋俄軍近以我大石橋之軍業與析木城之軍聯合。其兵之多足以圍攻海城。恐怖異常。故由海城退却。牛莊俄兵。一聞大石橋敗耗。遂紛紛撤退。時鐵路業經沮塞。俄兵均取道田莊台。前往新民廳。爭乘汽車。直向奉天進發。俄兵離去牛莊。該處紳士再三懇求勿毀產物。而俄兵臨行時。仍將車站及各處房屋盡行焚毀。居民逃難擁擠於途。俄兵退去之後。我軍逕入該埠。高懸日旗。牛莊中外商民。時警烽火之虞。今我軍未放一槍。竟爾占領。皆喜出望外。相率歡迎。我軍駐俄軍之舊營。各領事已出示。曉諭各該國居民。謂

日軍此來，係保護各人生命財產。以安人必。

駐紮田莊台之俄兵。向本無多。聞我軍所至戰捷。不敢輕攖其鋒。悉數逃往田莊臺北某地。不見隻影。俄國砲艦西佛號。繫泊遼河。在田莊臺上流。知其不能免。二日自行炸沈。艦員上陸遁走。

三 日本大孤山軍占據析木城

我大孤山軍。陸軍中將川村景明。率第十師團。敗俄軍於分水嶺。七月二十二日進指析木城。北方有山。峨峨崔嵬。敵軍二三大隊守之。隨我軍前進。敵軍退據盤嶺。我軍攀峻坂。三道並進。圍攻敵陣。銃火相交。一進一退。午後七時五十分。見機勢正熟。號令一發。吶喊猛擊。遂走敵軍。占據盤嶺。敵軍或西走析木城。或北走吉洞峪。是戰我軍豫備少尉侯野延次郎以下士卒八名戰死。下士以下二十二名負傷。俄軍將校三員。下士以下七十一名戰死。俘虜三名。所獲。銃砲彈藥等頗多。二十三日。復進取某地。敵軍遺棄死屍二員傷一而



海城兵站司令部

走。

俄軍於析木城外。在紅窩嶺北丘

析木城西北約一里半

經章二峪

析木城西約一里

及三角山東兵

析木城西約一里

戰線一帶。均設堅

固防禦工事。排砲兵於紅窰嶺南丘。又先達子附近有約三大隊。敵數約一師團。砲兵約七中隊。步兵第五師團長俄國陸軍中將阿勒基西夫統率之。我軍使門司枝隊爲右翼。以當析木城方面。主力欲由



牛莊市街之光景

左側進以劫敵軍右翼。東條支隊由中央進。鎌田支隊爲左翼。丸井支隊迂回其左。以抗敵軍主力。三十日。鎌田支隊進下八岔溝。對太平嶺敵軍。敵軍置監視線於太平嶺與大石橋前二千米突高丘。以阻我軍進路。午後。我山縣大隊及堀尾大隊進攻之。五時。擊攘敵兵。占取其地。於是自大房身西丘至下八岔溝北丘一線。自賈家堡子南丘至英落山西南一線。皆歸我有。三十一日拂曉。我軍主力向三角山東丘敵軍。左翼隊向東西楊樹溝北丘敵軍。開始砲擊。鎌田支隊進向太平嶺。山前谿谷盤錯。無地物可據。堀尾大隊留一中隊爲豫備。率二中隊。不顧危險。散開谿谷射擊。山縣大隊亦倣之。然谿間狹隘。不能展開二大隊。山縣大隊徒在背後耳。而敵軍砲兵。自三角山小房身章二峪猛烈砲擊。步兵亦潛在塹壕內。突擊奪一塹壕。而敵軍砲銃二面叢射。我兵死傷者忽至二

頑強射擊。堀尾隊損害太多。午前八時半。

突擊奪一塹壕。而敵軍砲銃二面叢射。我兵死傷者忽至二

十餘名。不得已棄還。堀尾山縣兩隊長相議。決死奮進。山縣大隊直入谷間迫敵壘下。故損傷差少。堀尾大隊爲谿谷所遮。行動不便。孤出於敵彈攢射中。奮戰甚苦。時東條支隊來援。協力突擊。遂敗敵軍。十時三十分。占取太平嶺。而臺三隘及小房身東丘敵軍砲兵。極力抵禦。射擊甚爲猛烈。致使我軍不能前進。其後敵且漸次增加新銳兵力。直至午後五時半。敵軍陣勢一轉。將取攻勢。我軍步砲兵。乃乘勢逕向敵兵猛擊却之。敵軍損害甚大。然敵之砲火猶甚猛激。我軍不能追擊。敵軍屢逆襲我左翼鎌田支隊之大橋大隊。及右翼小野寺隊之和田大隊。若大橋大隊之藤原中隊。其慘害尤大。中隊長及二少隊長戰死。特務曹長負傷。唯少尉石橋寅雄。負微創。拒戰能力。遂擊逆襲之敵殲之。迨至日暮。彼我漸漸逼近。互相對峙。初敵軍在二道溝方面者。增加兵力。砲約二十一尊。攻擊我左翼隊。左翼隊與一支隊自大石橋方面來者合。激戰數時。至午後三時。擊却之北方。又擊三角山敵軍。使敵砲停止。遂乘隙迫敵退路。故敵趁夜漸向海城方面而退。我軍占據析木城。敵軍在彼經營數月。防禦陣地甚爲堅固。特備速射野砲。猛烈射擊。故我兵防戰甚苦。且是日。天氣極熱。正午時。寒暑表升至百二十度云。是役。敵軍遺棄析木城附近之屍約七百具。內有將校屍首。據我軍捕虜之敵兵及土人言。三十一日交戰之頃。敵軍之由陣後運去死傷兵士頗多。敵之死傷蓋不下二千人。我軍陣亡者將校八員。下士以下百八十六名。負傷者將校二十四員。下士以下六百四十二名。合計八百六十六人。所獲戰利品。有野砲六尊。麥粉八百九十石。大麥五百石。及砲銃彈藥土工器具等。爲我軍捕獲者。下士三十三名。以後尙有增加。

四 俄軍暴行

從來文明國之興兵行師。不可不規律嚴正措置公明。而俄國自開戰以來。其爲野蠻之行。不遑枚舉。今綜合其所爲。以公之於世。則若我國人退去滿洲之際。掠奪其財產。抑留其貨物。至其甚者。特拘引婦人且辱之。其他濫用赤十字旗。及布設機械水雷於公海等。不一而足。其於韓國。我在平壤帝國領事館分館。特派掘場警部。使視察俄兵通過處。其報告曰。

襲來安州之俄兵。約六七百。悉爲騎兵。蓋哥薩克兵也。其他有清人九名韓人四名。內清人八名武裝。韓人二名。自江界捕來者云。他韓人二名。即爲譯官。該俄兵不儲輜重秣糧。常悉自民家掠奪。不問其何地。分兵亂入民家廚房。掠取一切食料器具。未嘗賠償。五月七日。俄兵南下德川。九日到介川。十日拂曉襲擊安州。爲我軍所拒擊。十一日經德川寧遠。踰劍山嶺。向咸興。宿上津郡韓上里。其後不知向何處去。其來侵也。除擄奪糧秣外。無他暴行。但有韓人拒徵發者。不過亂撲收縛。及其歸也。暴虐殘忍不可名狀。其蠻行之甚。殆不可以人類目之。俄兵之敗於安州。其夜駐城外約一里之地。收埋戰死者。鷄鳴發程。突入沿道民家。男子則不問老幼。直脅迫使擔荷負傷者。殆百八十餘名。距安州約一里。至水晶村。俄兵入民家。奪穀物。破厨櫃。裂衣服以爲傷者綑帶。奪衾褥以藉擔架。至安州合灘里。執韓人一名。命爲病者汲水。韓人伺隙逃逸。立捕斬殺之。到介川縣松亭。其他唯有六戶。俄兵搜索。執婦女姦之。其家老爺歲七十餘。命之擔架。不肯。輒撲殺之。放火其家。其他五戶。悉縱火焚之。入价川縣也。驅馬蹂躪山野。斬殺一韓人。白晝強姦婦女。約二十餘名。若其一人。

以裳衣緊牢難遽披開。把劍裂之。創其腮而辱之。又有一老媪。年八十餘。步行艱難。不能避難。潛匿一所。俄兵二名又辱之。土人云。俄兵唯知有婦女。不問其老幼。途上燒燬橋梁。及至德川。狂暴尤甚。亂入民家。掠奪其糧食。破毀其家具。奪牛十餘頭。到處見婦女必姦之。有白與老者。其妻歲二十餘。共避難山陰。俄兵見之。殺與老辱其妻。若全城坊。俄兵數名。辱十五歲少女。翌日遂死。到寧遠。無故放火燬十四戶。辱婦女不可勝數。姦十歲女兒。使之至死。俄兵之污辱婦女。自庚子歲北清之役既然。今復於韓國如此。其醜虐實不可堪言矣。或云。此行中有日本人三名。爲俄兵所監視而去。蓋我行商爲俄人所虜者也。

是月。俄兵復犯韓國咸鏡道咸興。爲韓兵所擊退。方其退也。脅掠村里。破壞韓朝太祖之叔父母二陵。碎其石碑。燬其寢廟云。夫祖先寢陵。古來以爲神聖不可犯。而俄人暴橫如此。

是月二十六日。南山之役。我軍置第一野戰病院於徐家屯。收療傷者。午前十時。俄國砲艦進入大連灣。砲擊病院所在。我軍以爲敵艦不能認赤十字旗。更高揭之。而俄艦益逞砲擊。約數十發。砲彈掠赤十字旗者數回。又墜下手術室前及病室。於是不得已。扶傷者向魏家屯而退。夫西二千八百六十四年。我元治元年清。日內瓦。瑞西。國同治三年。條約第一條云。戰地假設病院。及陸軍病院。見做局外中立。病者若負傷者在該病院。交戰者保護之。勿敢有犯。今俄人違反條約。明知赤十字旗所在。却砲擊之不已。亦可謂野蠻之極矣。

五月十五日。我騎兵某聯隊上等兵後藤某。爲斥候尖兵。搜索瓦房店敵狀。進至楊家屯。爲俄騎所襲擊。

傷右脾墮馬。知事不可爲。自拔佩刀。貫喉而倒。未殊。敵兵來奪刀斬之。自鼻及腦。遂死。

六月十五日。得利寺之役。我步兵某隊之下士一名。兵卒十六名。內二名以爲斥候在坡子嶺。午前十時。

俄兵約十五名來襲。我兵格鬪。衆寡不敵。終皆戰死。敵兵以銃劍刺死者眼口。且抉背部。奪其財囊及認讓票而去。後及我軍虜俄兵。再得認讓票及小銃。

是日。俄軍既爲我軍所敗。其集團騎兵在大房身西北劉家爐附近者。爲我中央部隊所迫。卒失逃路。遽揭日本國旗。緩我砲火而走。其在瓦房窩舖花紅溝附近者。挂白旗於銃劍。我軍以爲投降。暫停射擊。敵兵乘間入上岩子溝谷中而西北走。

二十七日。我騎兵某聯隊一等卒小林某。在熊岳城東北下棗嶺北丘監視。午前七時四十五分。遇敵騎來襲。將退向正白旗地方。敵騎二十餘來圍。銃丸洞其左胸。墮馬而死。敵兵刺其陰部二次。又撞其臀。恣行殘虐。會我騎兵小隊來。敵兵倉黃逃去。我兵得收其屍。

七月二日。沙崗臺南方收我某隊兵卒一名死屍。俄兵抉其左眼。剝其面皮。

其他俄兵之於我戰死者。或抉兩眼。或屢以銃劍撞突。或糾草蔓於死屍之首若手足。拖曳之於地上。若於李家舖子。我兵卒田中敬市被三創。既不省人事。俄兵四五人。糾蔓於其首。拖地上。後虐殺之。上月藤次郎。負創昏倒。俄兵三抉胸腹。後拗死之。平松虎松身被二丸。既失抗力。俄兵縛繩於腿。拖之使斷動脈以至死。若九連城九里塘蛤蟆塘之戰。其虐殺極多。

俄兵之殘暴淫穢如此其甚。而自揜其蠻行。屢散布謠言。或載之各國新聞紙上。以欲中傷我軍。若謂

日軍現於花紅溝一帶。勒買民間糧草以及日用所需之品。不給價值。搬運而去。在三塊石地方之日軍。則入各村掠奪財物。姦淫婦女。乃至法國及奧國維也納新聞。揭載俄人遼陽發電云。日本兵待遇俄國負傷兵。殊極殘忍。方俄軍之自瓦房店車站退。日兵以銃劍刺俄兵死者。將軍布爾奔目睹之。大書壁間云。切望將來勿再演如此行爲。以警日本軍司令官云云。我大本營聞之。命第二軍。使查覈其實。第二軍。即縷述前條。且曰。右等事實。至今日其多不遑枚舉。俄兵暴行。我見做常事。不敢一一報告。今從諮詢。茲陳概略。蓋萬國陸戰法慣例規則第二十二條。禁止濫用軍使旗及國旗其他軍用標章。敵兵制服。及日內瓦條約旗章。即赤十字旗而俄軍今濫用之。蔑視公法。若虐殺傷者。破毀死體。其蠻行固不可以文明國法及人道律矣。其殘暴淫虐勿論耳。乃至虛構捏造。反欲誣人以飾己。其鄙怯拙劣。掄耳盜鈴。豈不可笑之甚哉。翻見我軍所爲。旗幟精明。規律嚴肅。視敵兵死傷。救恤之。掩埋之。若其俘虜之徒。寧失過厚。不敢薄待。至有感泣者。視之俄人所行。何翅霄壤乎哉。我軍所過秋毫無犯。到處箠壺相迎。徵之遼東土人。人人皆知。不須復費喋喋也。

五 黃海大戰

我聯合艦隊。期待與旅順俄國艦隊一大決戰。久矣。而六月十三日。敵艦舉全力出港。我艦隊邀之洋上。將戰。敵艦忽轉舵北遁。七月九日。敵艦再出。一見我艦隊踪影。即爾却退。是後蟄伏港內。不敢復出。然我陸軍攻擊背面。壓迫日甚。又不獲救援。除拚命逃竄之外。絕無他策。故雖怯懦之俄艦。亦不得不奮其無謀之勇於重圍而開航路。以冀萬一逃遁。於是八月十日。俄國戰團艦。追撒列維的。列士




維贊。西巴斯多彼爾。卑列斯維多。波比也達。勃爾太窪六隻。巡洋艦。亞斯哥利特。巴爾拉太。的亞拿諾維克。巴揚。五隻。率驅逐艦及水雷艇若干隻。病院舟一隻。司令長官海軍少將惠吉夫坐乘追撒列維的號。曉發旅順。巴揚號在港口。觸布設水雷損傷。拽入港內。午前九時。其他諸艦悉出港外。爲單縱陣。沿老鐵山而南下。當是時。我主力艦隊。三笠。朝日。富士。敷島。日進。春日。六隻。在圓島南約三十

海里。午後一時。見敵艦來近。邀之開戰。八雲。笠置。高砂。千歲。四隻。爲哨艦。在旅順口外十五海里。更進港口截其後。敵艦諾維克先進。見我艦隊。俄退爲殿艦。二時。八雲艦等來入戰列。先是我明石。須磨。和泉。秋津洲四艦。在遇岩近傍五海里。至是亦來會。敵艦波比也達。爲我砲所命中。減其駛力。遂爲殿艦。敵艦陣勢一變。巡洋艦居先。戰鬪艦踵後。時我淺間。八重山。二艦。率水雷

艇隊來援。交戰數時。敵艦逸向山東角而走。我艦隊疾驅追尾。以控制之。至五時五十分。再開砲轟擊。交戰轉激。砲響震蕩。雲頽浪騰。我嚴島。橋立。鎮遠。三艦。亦來包圍敵艦。敵艦卑列斯維多。折其前後檣。旗艦追撒列維多。尤爲砲彈所集中。司令長官惠吉夫在艦橋。有一彈炸裂。惠吉夫祇留兩腿而殞。其餘航海長大尉亞撒列夫。及少尉土拉具守維的均死。參謀長大佐麥托舍維丟以下受傷者八

人。下士卒死者十二人。傷者四十人。且損傷機關及舵機。艦長吾苦脫摩斯克。代執司令之事。回轉針路以圖逃逸。諸艦見旗艦回轉。亦均回轉。於是陣勢大亂。紛紛逃竄。諾維克、亞斯哥利特二艦。突擊我驅逐艦水雷艇在八雲艦隊及明石艦隊間者。奪路而去。時日既沒。我艦不敢追趕。追撒列維多。及的亞拿二艦。乘夜南遁。其他如波比也達。帆檣二本均已折斷。巨砲破壞不能發射。列士維贊。在距我

(俄國遠征艦隊四利奴伊) (二四〇噸)



艦三千五百米突之處。為眾彈所攢。損害最鉅。與諸艦共逃還旅順口。如西巴斯多彼爾。桅桿盡折。失進退自由之力。與列士維贊。均以他船拽入港內。是夜。我驅逐隊水雷艇追尾襲擊。海軍中佐松岡修藏。搭叢雲艦。第五驅逐隊。見敵巡洋艦形如巴爾拉太者。接四百米突之近。效射水雷認其命中云。

是役。我戰死將校十名。下士卒五十二名。負傷將校十四名。下士卒百十九名。合計百九十五名。旗艦三笠。尤為敵所注目。彈丸集中。死傷至艦長以下百二十名。而敵軍死傷。雖未能詳知。蓋倍之云。

捷報之至東京。我皇帝陛下賜勅褒之曰。聯合艦隊。邀擊敵軍艦隊旅順口外。大敗之。損害頗多。朕深嘉其武勇。皇后陛下皇太子殿下。亦降旨賞之。

俄艦之潰走也。四分五裂。各求逃路。驅逐艦列西鐵利奴伊入芝罘。清國稱之煙臺追撒列維多。及諾維克。入膠州灣。亞斯哥利特。及驅逐艦格羅蘇貝衣。入上海。的亞拿。遠抵西貢。今綜敘其景况及處分如左。

俄國驅逐艦列西鐵利奴伊號之遁入芝罘也。十日夜我第一驅逐艦隊司令藤本某。所率朝潮及霞兩號。正在海面巡查潰散敵艦之際。見有敵軍驅逐艦開足速力向西逃走。我艦追之。然時已黑夜。旋即不見敵艦踪跡。我艦絡繹搜索。至翌十一日早晨。始知該敵艦逃入芝罘。我艦即停芝罘海面。候之既久。敵艦不出。我艦亦駛入港。乃知爲敵之驅逐艦列西鐵利奴伊號。該艦並無拆卸武裝之狀。且裝積煤炭。翌十二日午前二時。遣朝潮艦員寺島中尉。率下士卒十名。遂至敵艦。告其艦長。以須於天未明時開駛出港。或降我軍。否則任我所爲。艦長均不允諾。正在商議之際。敵艦長即命兵士。將其機械裝藥破壞。且忽將寺島中尉擁抱。躍入水中。又有一兵。拉我軍通譯官。同躍入水。其他艦兵皆紛紛投水。於是我艦始行攻擊。將該艦捕獲。曳之而出。我軍有傷者十四名。死者一名。

然據列西鐵利奴伊艦長電報稱。本艦自旅順帶重要通信任務。過封鎖線。至芝罘。依提督克努維的命。拆卸武裝。撤下國旗。一遵公法。十一日至十二日。在芝罘港。夜日本水雷艇一隻。巡洋艦一隻來接。一士官率兵員一隊來。與我議。以速出港與戰乎。或拿捕就虜乎。我以不有武器。不敢抵抗。命士卒炸毀艦體。及日本人揭其國旗。我毆打日本士官。投於海中。又命兵員。投敵海中。而炸毀機關及前部。艦體未沈。日本人遂拿捕曳去港外。我機關士一名。火夫一名。其他四名負微傷。我亦傷右腿云云。而其實當時未嘗拆卸武裝。且兵員盡在艦上。

俄國外部大臣蘭斯特夫。請法國政府。轉命駐在日本東京法國公使。代俄國與日本政府交涉。謂日艦在芝罘。拘捕俄艦列西鐵利奴伊號。有犯清國中立。又命駐清俄使列撒。照會清國政府。謂列西鐵利

奴伊號。遁入芝罘者。固在求清國保護。而日本驅逐艦來拿捕之。即犯清國中立權利者也。

於是我政府。斥駁之。且照會英美等國曰。清國地位。於日俄戰爭。全屬異例。何者。各處戰爭。悉在清國境域中舉行。清國固非交戰國。而其境土一部爲交戰地。一部爲中立地。此種事態。自國際上言之。爲一變態。於理矛盾。然現兩交戰國合意協定。爲一特別裁判。

日本帝國政府。爲清國之外國通商及舉國靜謐。局限交戰區域。俄國亦協同其意。且約除戰爭地方外。尊重清國中立。帝國政府。以爲此約。使帝國不得占領除戰爭地域外清國土地若港灣或使用之。

何者。假使帝國出此舉。則以中立地忽變爲交戰地也。俄國亦與之等。使俄軍占領清國中立土地若港灣或使用之。帝國政府。當所約附帶條件。即俄國能遵此約。則日本政府。除俄國占據地方外。尊重清國中立云云。始生效果。使帝國不得以該土地若港灣見做交戰地。

概之。以帝國政府所見。清國中立不能以爲完全。唯不過適用於兩交戰國兵力所不占據之地耳。即俄國於合意所定清國中立地域內。不得移動其陸軍若海軍。以爲避害之地。今夫列西鐵利奴伊號。逸出旅順入芝罘港。欲避難以免我攻擊也。此則自犯清國中立者。帝國所以限此一事件。以芝罘見做交戰地。而完結此事件。則固復以爲中立地也。夫然。日本之於芝罘。所執措置。則從俄國無視其約款而所生之結果也。

雖然。俄國侵害清國中立權利者頗多。非獨列西鐵利奴伊號事件。又非獨芝罘一地。當旅順之陷圍孤立也。於其要塞與芝罘俄國領事館間。安設無線電信。不關帝國屢次抗議。今猶依然續行。又開戰之

初。俄國砲艦曼珠爾號在上海。自清國官憲豫告出港之期。其後猶蔑視之。數旬之久。停泊港中。經歷次警告。纔解卸武裝。今又巡洋艦亞斯哥利特。及驅逐艦蒲羅羅蘇貝衣。遁入上海。停泊既過一週日。然猶不肯出港或解卸武裝。俄國若能尊重清國中立。帝國豈更滋事者哉。俄國軍艦。自背其國所約。侵害清國中立。避難於其港灣。以爲可得免拘捕若破壞之患。則帝國決所不能容忍也。

列西鐵利奴伊艦長言。該艦入芝罘。直解卸武裝。是其事非實。尤虛妄之甚。十二日曉。我寺島中尉之到該艦。該艦猶儼然武裝。搭載全兵。設使武裝解卸。亦未足以應清國中立規則。況代出港以解卸武裝與否。其決在清國。非俄國所可自恣也。且夫該艦長。先自抗敵我差官。以招拘捕。此日俄兩國士官報告所一致也。則復何容疑拘捕之合法與否乎。

抑列西鐵利奴伊事件。固不過瑣細。雖然。主義所繫極重且大。清國不能自行中立規則。驗之既往既明矣。據此設使列西鐵利奴伊號。得以芝罘爲避難港。則俄國巨艦陸續傲擊。逸出以圖攻擊。我軍何由得能防遏之乎。故在今日尤不可不豫講防備之方。是其事至大。固不許列西鐵利奴伊作之備也。要之。此事豈非阻礙清國貿易且擾亂事態者。其結果偶示以將來不可不遵守自家約束而已。

我政府所辯明。理義明晰。事實的確。加之清國政府。亦咨俄國公使曰。據芝罘道臺報告。我求俄國驅逐艦船。以出港若解卸武裝。清國執中立當然之處置。而俄艦不從。却侵害中立權利。俄國軍艦在上海者。清國亦主張循曼珠爾號先例。其言又公正。於是曲在俄國。益明矣。

俄艦追撤列維的號。雷維克號。及驅逐艦一隻。水雷艇二隻。逃入膠州灣。我政府直電訓駐德公使。告

之德國政府。請依國際法報適當措置。時德國政府雖未接其報。亦直電訓其膠州灣總督云。

交戰國軍艦入膠州灣者。雖應許裝積煤炭及糧食至最近同國港間須供給者。不可不以入港後二十四時間內出港。

若有故不能二十四時間內出港。則更許以二十四時間停止。

該軍艦。若拒我指定時間內出港。則宜更使之拆卸武裝。地方官監守之。

交戰國軍艦一入港者。不許再入。

而十二日午後。諾維克號裝積煤炭。向外駛出。至其追撤列維的號。損傷極大。不能復加修理。十五日遂與其驅逐艦一隻水雷艇一隻。共將旗幟撤下。拆卸武裝。艦上兵員上陸。均屬德國監守。追撤列維的艦。船尾裝置大砲兩尊。船身各處俱置雙砲四。周圍以鐵網。以防魚雷。俱甚堅固。惟受砲傷之處甚多。鈞橋經已損壞。兩枝烟突均受砲傷。凡船面各處俱不甚完整。船旁受砲彈所穿之處。亦不一而足。艦內止留將校二員。其餘將帥等皆已傷斃。兵士受傷甚多。送交醫院調治。併有已死屍首。亦拾登岸上。設法埋葬。其數未可得詳云。

德國所執舉措公正。若諾維克號。離去該港。亦不過據萬國公法而行。併未得特別之優待。日本政府復電訓駐德公使致感謝之意。

十二日正午。俄國驅逐艦格羅蘇具衣號入吳淞江口。徐徐駛至怡和碼頭投錨。又退至下流滙山碼頭停泊。午後俄國巡洋艦亞斯哥利特號。駛入吳淞口。停泊浦東某社廠前。亞斯哥利特。損傷頗重。右舷


大砲一尊已經破壞撤去。水平線船梯之下部有一大洞。左舷水平線之上部外板破壞。屈曲約有八尺。船梯附近為彈貫穿。通至右舷。以蓬布遮掩。前檣及大檣中間水平線之上部。有一彈痕。約有二尺。

俄艦亞斯兒利特損傷慘狀



烟筒五箇有無數砲彈痕迹。後面烟筒已斷。艦員戰死。中尉一員。下士以下十二名。負傷者共五十名。均入塢修理。日俄開釁。清國宣言中立規則云。交戰國軍艦。限有其良好意思者。得航入平時所許清國港灣。但除船體修理等不得已外。應於二十四時間內出港。若為船體修理等。


俄艦亞斯兒利特入塢修理光景



要二十四時間以上停泊。則清國海軍指揮若地方官憲。應期見做當然之日時特許之。船體修理。以得到最近同國港為程度。其言頗模稜。故不能嚴行二十四時內出港之規則。俄人狡詐。利其緩慢。既經旬日。猶從事修理。敢侵害中立權利。於

是十九日。清國上海道臺致書於俄國領事云。俄艦自入塢以來。既及四日。修理工事。宜止艦上鐵板及側面破孔。不許至可以使戰鬪。若驅逐艦格羅羅蘇貝衣。固少損傷。尙堪出港。起算十九日正午。至十一時間內。日正午應一切出港。若過期不出。應照公法。拆卸軍器。清國監守之。且命塢停止工事。清國政府。亦諭俄國公使。以格羅羅蘇貝衣號。期二十日正午。亞斯哥利特號。期二十一日正午。開駛出港。拆卸武裝。公使答以待修艦竣功之後二十四時間內出港。而駐滬俄國理事。報上海道臺。以與清國所約期內修理遂不可就。遷延多日。我駐清內田公使。屢促清國外務部。使嚴行中立規約。外務部乃告俄國公使。以亞斯哥利特號及驅逐艦。期自二十一日正午至二十三日正午四十八時間內。必應出港。俄國公使。答以該艦損傷極大。未能以遽出港。請要十二日間以完修理。蓋其意在完全修理。以得堪戰鬪也。二十日夜。內田公使再促外務部曰。若出港解裝。二者不從其一。我當施隨機手段。是夜。上海道臺亦告英國領事。以若約期後在塢修理俄艦。則爾後有事。清國不任其責。二十一日。駐滬各國領事會議云。亞斯哥利特事件。當在日清俄三國間決之。非可容他國干涉者也。其煩文牘唇齒之勞者如此。是日。清國南洋大臣。命軍艦一隻。急赴上海。二十二日。英國艦隊。及我巡洋艦四隻驅逐艦二隻。入吳淞江。驅逐艦直薄亞斯哥利特號前面停泊。必不再任狡延。俄帝聞之。始電訓命二艦拆卸武裝。至二十五日早晨。清國袁觀察偕同稅務司及南琛軍艦前往監督。開始解裝。

俄國巡洋艦的亞拿號。黃海戰敗之後。倉黃南遁入廣州灣。裝積煤炭八十噸。又西入海防灣。再裝積煤炭。十四日抵西貢。該艦船身已爲砲彈擊傷。水平線之下。亦有一處受傷。船上死四人。傷二十三




人。據柏林電報。至九月。始解卸武裝。而未完了云。夫廣州海防西貢。均爲法國所轄。俄國軍艦經過其地。恰如在自國屬海。雖法國固爲俄國同盟。既宣言中立。宜遵公法執平正措置。而其所爲緩慢優遇如此。較之德國舉措。奈何哉。

六 蔚山洋大戰

俄國烏拉地俄斯德艦隊。屢逞兇暴於我北海。我第二艦隊守對島海峽。再三逸之。頗爲遺憾。八月十日。我聯合艦隊大敗俄國旅順艦隊於黃海。俄艦潰散之報達於第二艦隊也。意俄艦逃逸或向烏港。嚴警對島海峽。以待其來。而不見隻影。乃料烏港俄艦或乘此時來相應援。十四日天明。第二艦隊出雲號艦長海軍大佐伊地知季珍。吾妻號艦長大佐藤井較一。常磐號艦長大佐吉松茂太郎。磐手號艦長大佐武富邦鼎。各裝其艦。司令長官海軍中將上村彥之丞坐乘出雲艦。司令官少將三須宗太郎坐乘磐手艦。北進向韓國蔚山洋巡警。是日快晴。午前五時。水天髣髴中遙見煤煙三條南下。相距約一萬米突。我艦早知烏港敵艦來。踴躍以待。而俄國司令官海軍少將額

仙。自乘巡洋艦魯西亞號。率固倫波號盧利古號二隻來。若未認識我艦。南駛指沖島。將向對島海峽。我旗艦出雲號高揭戰鬪旗。各艦皆修戰備。為單縱陣。自北轉西。以壓敵艦退路。時敵艦亦見我艦隊近。急欲轉向北方而逃。五時二十三分。相距八千米突。我艦開砲射擊。敵艦亦應之。我艦遮敵


海軍中將村上之丞氏



蔚山沖海戰參加第二艦隊所屬
 一等巡洋艦出雲(上提督乘坐)

艦前面。扼而攻之。陣勢為丁字形。所發皆中敵艦。而敵前艦一隻當之。他二艦為其所蔽。不能戰互四時。亦屢發火。遂不能堪。棄盧利古號。開駛全力。向北方逃去。時會我第四戰隊浪速艦長海軍大佐和田賢助。高千穗艦長大佐毛利一兵衛。各搭其艦來。第二艦隊乃委盧利古於二艦。疾駛追擊魯

*開展發砲。於是敵首艦魯西亞號。最先為砲彈所中。屢屢發火。損害頗大。遂轉西南以圖逃逸。敵殿艦盧利古號。駛力稍劣。行走遲緩。我艦迫之。約四五千米突。攢注砲彈。盧利古發火。黑焰蔽艦。二艦見之。屢回轉救護。激



西亞及固倫波。盧利古既爲孤立。且失其自由。猶發砲拒戰。然爲我浪速高千穗二艦所激攻。十時三十分。艦尾先沈。旋即沈沒。俄兵紛紛躍入海中。各持浮漂之物。俾不淹斃。哀號以待我軍救援。至是

我艦卸脚艇。極力救助。尋新高艦。對馬艦。千早艦。率水雷艇隊來。復與救援。出雲艦等四隻。追魯西亞號等。敵艦駛力甚疾。遂不能及。還至前處。共救俄兵。其獲救者。約有六百名。負傷亦過半。盧利古號乘員共有八百七十餘名。蓋戰死及淹斃約有二百五十餘名。魯西亞號。烟筒共有四個。損壞其三。已遭火災。艦前之橋悉被焚燬。各部機關破壞甚多。水平線下受傷有十一處。艦長伯林斯克戰死。其他將校負傷者若干名。固倫波號亦水平線下受傷六處。海軍大尉二員戰死。其他將校多負傷者。合二艦。死者百三十五名。傷者二百七名云。二艦雖以十六日幸而逃逸得歸烏港。不特乘員死傷甚多。與軍艦相依爲命之巨砲。亦皆失其活動之力。若魯西亞號。巨砲二十尊中唯存三尊。僅耐發火。已失其戰鬥之力。殆與沈沒無異矣。


是役。我艦損害甚微。將校死者二員。傷者六人。下士卒以下死者四十二名。負傷者六十一名。計百一十一名耳。

十五日。我皇帝陛下賜勅獎之曰。第二艦隊。排萬難當朝鮮海峽遮斷之任。遂大擊破烏港方面敵艦

隊。沈其一艦。以奏偉功。脫深嘉賞將校下士辛勤勞武勇。汝等益奮勵期前途大成。皇后陛下及皇太子殿下亦降旨諭獎之。

據逃入膠州灣之俄艦追撤列維的號中人言曰。數日前。烏拉地俄斯德俄國艦隊之水師提督。電告旅順艦隊。以旅順不能保守。必須乘間出口。相約在高麗海峽某處聚會。聯為一氣。故旅順羣艦竭力駛

俄艦諾維克號追擊地圖



出。却為日本艦隊偵知截擊。殊屬狼狽。則知俄烏兩港艦隊。氣脈相通。圖夾擊日本艦隊。以破毀封鎖。獨怪烏港艦隊之出口。差遲二二日者何也。其未知黃海之大敗耶。抑其知之而欲援護俄艦逸走向其高麗海峽者耶。但旅順艦隊一敗塗地。損害過大。不能復向高麗海峽。而烏港艦隊。為我第二艦隊所邀擊。頓致挫餽。不能復起。雖出於窘窮之餘運籌之拙。抑亦由我艦隊操縱合機。作戰得宜也。

俄艦諾維克號之逸出膠州灣。後蹤跡不明。既報其由我大隅州南海面馳過。蓋欲繞我東海過北海道北峽。遠與烏港艦隊合也。我第四戰隊千歲艦長海軍大佐高木助一。對馬艦長中佐仙頭武夫。搭該艦遊弋北海。於八月二十日午後以迄二十一日午前。在薩哈連島南角哥爾薩港。與諾維克號相遇。直開砲攻擊。敵艦大受損傷。遂致擱淺。其艦體大半沈沒於水中。我艦惟積煤庫受傷。當用應急之法。修理略完。此外別無損傷。弁兵等亦無死傷者。諾維克乘員。乘一汽

船。由薩哈連島送往烏港云。

黃海之戰。俄國旅順艦隊摧殘殆盡。逃入各港者。亦皆拆卸武裝。諾維克號。在艦隊中。最以趨捷善戰稱。今復就殄。蔚山洋之戰。烏港艦失其一艦。二艦損傷頗鉅。又據在旅順附近我之哨塔此就高樞高樓以瞭察敵情者報。稱有敵艦形如阿特哇知奴依一百四十九十二噸者一艘。因觸水雷。於八月十八日午後七時五十分。在老鐵山左近海面沈沒。據朝潮艦長報。稱敵艦西巴斯多彼爾號。於八月二十二日午後一時。駛出旅順口外。欲向我陸上軍隊砲擊。忽觸機械水雷。右舷立傾。艦首沒入水中。敵軍即以汽船拖帶逃入內港。二十四日午後六時。有敵驅逐艦二隻。在老鐵山東方二海里之處。同觸水雷。一隻當被轟沈。其一則由他艦曳入港內。蓋俄國大小艦船。陸續破壞。則東洋艦隊。謂已全滅。亦非過言也。

歐美各國諸斯聞紙上。評論黃海蔚山洋二大海戰者。不一而足。今綜述其略。

英國泰晤士新聞云。不關戰爭中際遇如何。日本司令官之護惜其大軍艦。徵之於幾多事例。可以證矣。彼當用其驅逐艦及水雷艇。雖勇敢銳進。屢極壯觀。在其主戰艦隊即戰鬪大艦及巡洋艦。未嘗爲犯危險博奇功之事。何者。以損害這等。戰爭中無復恢復之途也。此一點考量。及於彼計畫與行動上者。其影響極大矣。然是不可不謂當然之處置。以我所見。彼當最近二回交戰。其所執方法。有大所斟酌於此也。若徵此事情。不使俄艦得逃走。且有加損害大於此者。然今次之戰。其結果既彰明顯著。俄國二戰共取大敗。日本艦隊所損甚微矣。

同國迭黎的革拉新聞曰。於以最小危險收最大效果之定則。日本比之英國海軍史。頗取緩慢方法

而至日本所得大捷。則其結果固歸一軌。

其後及蔚山洋海戰之報至倫敦。又記俄國各艦自犯其航路。遮其砲火。而上村艦隊運用諸艦之妙。泰晤士新聞評之曰。日本人之巧於操縱艦船。於茲愈明。且曰。曩者俄艦擊沈日本運船。尤極冷酷。見將沈溺者。未嘗卸一脚艇以救之。今日本人之義俠。救恤俄艦乘員六百餘名。方其記之。筆端亦快矣。

德國某新聞等云。於東亞現在時局。俄國海軍殆歸全滅。其結果使日本海軍得一時休憩。抑辛苦慘澹。從事任務。無少間斷。全世界海軍史上。所未曾有也。而使同艦隊主要部分休養二三月間。則其得戰鬪力。若新發硎。同艦隊盡瘁如彼。而其損傷甚微者。徵之東鄉上村兩艦隊之行動。而可以證之。夫日本艦隊之既往活動。其教訓於未來者頗大矣。即一者。重砲之頻發。不足以損艦隊。二者。日本艦隊所用機關。能耐非常之氣壓。以奏善長效果。三者。日本艦隊乘員之氣力。上自司令長官。下至一水兵。決不可輕視之。是也。今日本陸海兩軍。精神上之價值。為歐洲各國所知。日本全國人民之於愛國奉公。不辭何等犧牲意氣。確乎不容疑乎其間也。

若法國新聞。唯載一般事實。其評隘之者少。然見俄艦之大敗我軍之大捷。則同矣。夫也哥巴里新聞常左袒於俄國者。而猶曰。旅順艦隊。於八月八日以前。猶可期望成功。然今與敵對抗。則每一艦輒為所擊破。而其最可哀者。波羅的艦隊之來太平洋也。其所賴以協力之旅順艦隊。今殆為所殄滅。無復由挽回昔日之勢力矣。蓋摩加羅夫死後。俄國艦隊司令官。總不堪任此等境也。

又某新聞。爲旅順烏港兩艦隊共圖聯合者曰。俄國兩艦隊。不關軍略上如何。其行動共歸敗亡。於極東之俄國艦隊。今爲無能之物。頃日雖有自歐州更發一艦隊之說。其艦隊不能想像以適當時機得克到彼也。

義大利諸新聞。皆一其說。以祝我戰捷。曰。天再不與幸於俄國。其海軍至累重大敗。日本國制海之權依然儼存。而俄國之復讎莫復所望。波羅的艦隊之到日本海之頃。即俄國之所嘗賴以維持威塞之要塞。早既陷落矣。事既至此。可見該艦隊不足以威嚇日本耳。且我疑派遺該艦隊之果有效乎否也。又曰。俄國於極東之勢力。由此海戰遂被一大打擊。旅順艦隊。今方支離滅裂。不可復收拾。既不有戰略上價值。烏港小艦隊。亦歸無能。俄國其唯以軍艦若干隻得免破壞。聊以自慰耳。

美國新聞紙。以此二大海戰爲重要大事。激賞日本艦隊操縱之精熟。且將上村艦隊之不圖烏港俄艦嚮對我不有武裝運船。屢行兇暴殺其不辜。不少假貨。而救恤俄兵多數之仁慈。歡美不措云。

七

旅順口包圍攻擊

自八月上旬至十月下旬

旅順口之爲地。控制朝鮮灣及遼東灣。對峙大沽天津及芝罘威海衛。市街高自六百五十尺以至九百八十五尺之間。上下皆以邱陵環繞之。邱陵高自約一千二百尺至一千四百尺。而背面諸壘。連亘於距東港二里至三里北方一帶及西北方一部之地。凡旅順要塞。皆得俯瞰之。此等壘由二線以成。其一由海岸北走而達於鐵路。其一掩護港之西方而其線不長。海軍砲臺及堡壘。設在港口兩側及虎尾半島。虎尾半島者所以隔離西港及外海者也。主要諸砲臺。在內港二百六十六尺以上至四百十尺之高。

地甚占形勝。聞此等砲臺，皆據舊砲臺之遺跡，而以新式更築者。凡建城專門家，皆以爲較之歐俄諸要。塞更爲精利。實以西一千九百年我明治三十六年清國光緒二十九年之春，建築竣工。俄國工兵將軍威爾南底爾ウエーレンボット所設計也。其主要之大砲臺有三。各於要所點綴小堡，以爲聯絡。背面諸砲臺，港口曲折，水亦甚淺。大艦必俟高潮乃可出入。現時海岸及背面諸砲臺，所備砲數可及四百尊。今將旅順防禦工事，分爲三部。

第一。背面防備。鷄冠山二龍山等山脉，延長約有四里之遠。東北面爲白銀山舊砲臺，同新砲臺。同北砲臺。東鷄冠山砲臺。同東南砲臺。同北砲臺。正北面爲盤龍山東砲臺。同西砲臺。同新砲臺。二龍山舊砲臺。松樹山舊砲臺。同新砲臺。北西面爲小案子山東砲臺。同西砲臺。椅子山砲臺。大案子山砲臺。西太陽溝北砲臺。同西砲臺。鴨湖嘴砲臺。共有砲臺十九座。各座砲臺，築有塹壕以連絡之。前面並鑿深濠，寬約三丈。即築城學所謂壕砦式者也。所安設巨砲數十尊。自十一英寸口徑大砲，以至七英寸口徑大砲，又有攻城砲速射砲數尊。其五英寸口徑之砲，係曩時奪諸清國者。砲式極舊，北部防禦因有鐵路及練兵場。且有小川相隔，故與東部防禦不相聯絡。其重要之砲臺，建於虎尾山之東北。距港北隅約三百步。高凡五百五十尺。兩側設有六英寸口徑及八英寸口徑砲各四尊。該臺蓋因防禦水師營南部及東南而設也。惟砲臺頗不堅固。砲臺之北有四小山。登高可以俯瞰砲臺。故砲彈易越砲臺而落市內。鮮牛角之頂又建砲臺四座。裝砲三十五尊。砲臺前面頗爲欹斜峻險。旅順要塞左近，一帶廣濶平野。僅有二三小山起伏其間。皆無樹木。地基穩固，且爲岩質。故雖經陰雨連朝，並不礙於軍

事。

第二。海岸防禦。即黃金山防禦線。延長約一千尺。間有裝甲穹窿三所。皆設地道。互相連絡。裝甲板



則傾斜海面。厚四英寸。能禦軍艦猛烈砲火。高四百六十尺。其間建有砲臺三座。安設十二英寸口徑砲二尊。九英寸口徑砲二尊。別有他砲十五尊。設有九十度之射角。此外山腹又有砲臺六座。皆在黃金山下港口右端百尺之處。設有攻城砲及速射砲若干尊。以防側面。其東隅則有中央發電所。又有砲臺三座。皆為防禦港口而設。砲臺之上。各有六

英寸口徑砲二尊。小砲數尊。諾濱森角。亦有砲臺三座。其砲未詳。

第三。外側防禦。以上所列。乃係內側防禦。至其外面之防禦線。則為半圓形。半徑之長凡五英里。備

有小口徑砲若干尊。蓋係開戰之後趕工建造者。半圓形之外圍。堅無線電桿。由老鐵山之岬起。東至大孤山止。老鐵山之岬有一大砲臺。高六百尺。由此以至鳩灣街道。以成半圓形。其間共有砲臺五座。此俄軍旅順防禦之概畧也。

先是。我旅順攻圍軍。七月下旬。占據劍山。又曰東薄小孤山。狼山。西逼于大山。此不過豫備戰爭。其攻擊旅順要塞者。自八月始。八月一日二日。俄軍以大口徑砲及其他諸砲。攻擊我圍攻線內。又時選銳來襲。我軍皆擊却之。敵軍自于大山。水師營西北約三千米突。附近。經水師營東北約五百米突高丘。亘八里莊西北約一千米突高丘。盛施工事。六日午後四時。自燒水師營。敵軍據大孤山者。有砲七八尊。常妨我攻擊工事。於是我軍謀先擊壞之。七日午後四時。使攻城砲一部砲擊大孤山。尋以左翼隊進攻。七時。左翼隊淩險阻冒風雨。突擊至山谷而止。是日。我海軍砲轟擊旅順市街。午前十時。市街火起。至午後一時。熄。八日朝。敵兵猶固守其陣地。敵艦數隻又近來鹽廠。射擊我側背。我兵爲不能進。午後更開攻城砲。擊敵陣并敵艦。敵艦逃入港內。日沒。我軍步兵突進。遂逐山頂敵兵。八時半。占領大孤山。九日午前四時半。小孤山亦歸我有。敵軍步兵五六中隊。來襲大小孤山前面砲臺。及敵艦復來鹽廠附近海岸。腹背攻擊。我兵交戰頗苦。九時四十分。我海軍砲命中敵艦列士維贊號。又擊沈汽船一隻。約二千噸。敵砲臺及軍艦。向我海軍砲隊攢射砲彈。然我軍無些損傷。至夕。我軍遂擊却敵兵。敵軍砲臺猶連續轟擊不已。十日午前二時。自東雞冠山以南敵軍諸砲臺。砲鎗並發。頗極激烈。約一時間而止。十一日。我海軍砲轟擊敵戰團艦三隻在旅順西港者。十三日。敵兵約百名在五家房附近者。自燬其地。退入東

雞冠山。

十四日。我右翼隊夜發。擊攘敵軍。占據于大山經小東溝北丘及隋家屯至其西丘一線。而敵兵據碾盤溝西南及小東溝東丘者。固設防禦。抵抗甚力。我軍使砲兵擊之。遂至夜分。十五日。我軍乘夜薄敵。早晨復開砲射擊。午前十一時。占領碾盤溝南方及小東溝東北丘。



勳降使陸軍少佐山岡熊治氏

聖旨。並致勸降書。十六日午前十時三十分。至水師營北五百米突之地。招敵軍參謀長交付之。並指

先是我軍漸逼旅順。攻擊日激。我皇帝陛下至仁至慈。深恤其非戰人員橫罹慘禍。傳旨於參謀總長陸軍大將山縣有朋。山縣大將即奉旨。傳訓示於滿洲軍總司令官曰。大元帥陛下。以至仁之聖意。不忍使旅順非戰之人員。慘罹戰禍。因諭貴官。凡在旅順要塞內。婦人孺子。以及各國教士。中立國外交官。觀戰將校等。如願避難他處。均當護送至青泥窪。交付該地碇泊場司令官。其餘他項無關戰爭之人。亦均照此等辦理。於是總司令官。命參謀陸軍少佐山岡熊次恭齋皇帝陛下

定條件八項曰。

一 據我大元帥陛下至仁聖旨。應得避難者。爲婦人。商賈。十六歲以下。教士。中立國外交官。及觀戰將校。

二 限於八月十七日午前十時爲度。即速復荅。應齎來於水師營北五百米突之地。

三 使避難人員揭白旗前進。期同十七日午後二時。宜來前同一地點。

四 日本步兵一隊。揭白旗至同一地點。待避難者來。應收受之。

五 許避難者。各自携行李一箇。但緊要時。應檢查其內。

六 不許携圖書印本書翰其他有文字記號者。及關係戰爭物件。

七 避難者。應庇護送之青泥窪。

八 復荅。惟擇諾否之一。不許改訂此條件。

敵軍遂於翌十七日。遣使將聖旨並勸降書送還。拒絕我軍所

水師營會見地附近村落之景



勸。

夫斯迭舍爾者。雖時事日非。方在防戰之際。未能遽降。其心猶可諒恕。獨至拒絕避難人員。不能解其意何在。聞至旅順人民有穴居以避砲彈者。當其激戰之時。是等生靈。玉石共焚。俄國不可不任其責。如拒絕我聖旨。偶足以證俄人不重人道。甘忍慘害之意。善哉填國某新聞評之云。斯迭舍爾將軍之拒絕勸降。雖不可知在軍司令官爲當然之處置。反近世之思想。又實違海牙會議之精神。徒流無用之血之責。則將軍不可不負擔之。至於拒絕非戰人員解放之舉。吾人不能解其何故。日本皇帝陛下。欲救兒女及負傷者之聖旨。固適耶穌教旨。將軍德義上。無拒絕此提言之權利。日本人不特以得戰勝爲足。一準據人道大義。汲汲於收戰勝效果如此。斯迭舍爾態度偏乖戾德義。日本皇帝陛下態度最適文明通義者也。

旅順俄軍。既拒絕我聖旨及勸降。於是決策開始全軍攻擊。十九日早朝。右翼隊攻右板橋北方一七四高地。午後二時。取其大部。敵軍拒戰頗硬。二次逆襲我第一線。我軍皆擊却之。中央及左翼隊連絡前進。是夜至八里莊附近。經五家房北丘王家屯附近。互小孤山西麓一線而止。二十日早朝。更開砲攻擊。午後。右翼隊奪取一七四高地。尋攻擊椅子山方面敵軍。中央及左翼隊向盤龍山東砲臺及東雞冠山北砲臺。此地敵軍。砲臺前張流電鐵條網。其內更設鐵網。我兵專務排除。我攻城砲及海軍砲。轟擊諸敵壘。若盤龍山東砲臺。東雞冠山北砲臺。及其中間新堡壘。殊甚破壞。二十一日。右翼隊前進。擊攘敵兵。遂占取太平溝東南約一千二百米突高地。至刺鬼溝高地一線。中央隊突擊盤龍山東砲臺。敵兵放機關砲猛擊。且鐵條網排除未完。遂不能攻畧而止。左翼隊乘昧爽排除鐵網。冒彈雨猛進。攻東

雞冠山北砲臺。午前八時。取其東南約二百米突堡壘。而從隣堡側射甚急。我兵損傷頗多。竟棄之而去。二十一日午前九時。中央隊復攻盤龍山東砲臺。正午突擊。奪其大半。敵兵據複郭拒戰。且從西砲臺側射猛烈。苦戰移時。會豫備隊步兵一中隊來援。見其戰急。轉向西砲臺。冒猛火突進奮戰。遂拔之。於是東砲臺亦陷。共爲我軍所占據。是夜。敵兵圖收復。屢來襲擊。我兵皆却之。二十三日。中央及左翼隊。相謀乘夜攻擊望臺西北丘。及東雞冠山北砲臺。左翼一部抵望臺西北丘。爲敵軍機關砲所左右夾擊。頗被損傷。退避山麓助地。二十四日。中央隊向望臺西北丘。左翼隊向望臺及東雞冠山北砲臺。復開攻擊。共不得志而止。

是日。我皇帝陛下。賜勅獎之曰。自全軍攻擊旅順要塞以來。晝夜肉薄堅城決死之守兵。遂拔其一壘。聞在奮進之途。時際炎熱。連日困苦。轉不堪軫念。朕深信賴爾將卒之勇武。爾將卒。其能全九仞之功於一簣。皇后陛下。皇太子殿下。亦降旨褒之。

先是。俄帥斯送舍爾。以防守之功。陞爲大將。訓示防禦方法於其部下曰。據我右翼隊所獲之書

本官。親點檢前方陣地。見堦濠總開掘敵難近接之地。因知敵兵突入之難。各堦濠構造。皆設掩蓋。

保護我射手。使不爲榴霰彈破片所傷。故我射手沈靜以得擊破突進山上之敵。其利最大。

本官。望我兵守之沈靜待敵。及敵兵露出突進山上。未達山上一百步。乃至二百步。始開射擊。敵兵至此。疲勞既極。喪失突擊精神。舌渴息喘。進退失度。無復後繼之兵。蓋前進者。最果敢勇猛。而後繼者。極怯懦脆弱。是爲兵事通則。

凡我兵。當在堅固壘濠。宜待敵兵來進疲勞山坂。至敵兵距我銃眼約百步之時。先射其最近者。又以其一部。宜狙擊將校及指揮官。

至敵軍指揮官減耗。則雖果散勇猛之部隊。亦易潰亂。乃後繼部隊。或動搖亂射。或敗走退却。乘此時。我兵宜盡全力射擊。

凡高地互得射擊。故若見敵軍攀躋近隣高地。我須攻擊其前山坡。若敵軍向我突擊。我在近隣高地。自遠發射以防我兵。故守兵自安。宜誘引敵兵於百步內。以待彼之疲射擊。事至於此。敵兵雖勇。不能復施其技矣。

其他。敵軍迂回行動。則有我豫備隊及側面部隊。又構造蓋障。足以掩護守者。使無受榴霰彈破片。凡兵。膝射伏射。均期使敵受多大損傷。各部隊長。宜特在前方部隊中。故亦可設蓋障於前方部隊。以使得指揮自己部隊。是於山地戰防守我陣地。有至大効力。各部隊在山上者。相共死守堡壘。宜講協力攻敵手段。而當是時。要雖一小事不付等閑。又注意檢查銃器及彈藥。不可使至缺乏。

砲兵將校。宜盡力射擊。且保護砲手及輓馬。

狀態如右。故各官能確守自己任務。而後始可能保守自己陣地。且得擊破優強敵軍。

亦可以見敵將戒飭鼓勵努力防守之一端。而我獎勵之降也。司令長官乃木大將。亦訓令其將卒曰。茲告我軍將卒。夫旅順要塞。敵軍所賴以爲難攻不陷也。而諸士之勇武。連日累夜。竭力攻擊。以致今日略取第一第二防禦線。進因薄其本郭內。於是大元帥陛下。皇后陛下。皇太子殿下。辱降旨勸

獎。獨憾諸士戰友。不爲無斃於敵彈。不能拜此聖恩者。期諸士爲之勇氣百倍。遂全九仞之功於一筭。頃日諸士戰友陸續來到。攻城材料亦漸增加。假使敵如窮鼠。死守殘壘。今既失其圍郭二堡。兵力日減。彈藥就盡。使諸士耐忍健鬪。見機料時。更加以一大打擊。其運命可知耳。意旅順陷落之遲速。關於戰局。亦大矣。而北方皇師。時恰擊破敵大軍於遼陽。宇內萬邦視線一萃於旅順。於此時。我等當其攻圍之任。洵非軍人素懷哉。苦思切望與諸士奮勵發揚我軍之威武。速奏攻拔之功。以奉答天恩。

乃木大將之言。磊落光明。較之於斯迭舍爾之瑣猥絮廠若訓導小兒者。其意氣衝天。既併吞旅順者。可以知耳。

敵軍欲務收復我所奪二壘。二十七日乘曉。冒雷雨襲擊。各方面砲彈攢注我陣地。我軍皆擊却之。二十八日。敵軍嚴備望臺及其附近高地。又排置巨砲及野砲。向盤龍山二砲臺射擊。二十九日夜。敵兵百餘名襲擊盤龍山二砲臺。我兵誘之於近。以急射。敵兵多遺棄死傷者而走。三十一日。敵兵只施防禦工事於望臺及其西北丘。我兵休戰以養銳氣。

九月二日。我右翼隊。以野砲及海軍砲。威嚇砲擊旅順市街及兵營者數十彈。敵軍亦砲擊我盤龍山二砲臺。三日。敵軍復砲擊盤龍山砲臺。大小約二百彈。爲破壞我作戰工事。四日。亦同前日。而砲彈差少。六日夜半。敵兵約四十來襲右翼隊右軍。約六十來襲龍眼北方我作業隊。我兵皆擊却之。而妨害工事不少。又敵砲擊盤龍山二砲臺甚劇。復破壞我工事。八日。敵砲復擊我盤龍山二壘。又向我各方面對



壕作業隊。攢射重砲。或乘夜襲來。以妨害我工事。而我作業隊極力構造。九日。我所造地道。既達龍眼北壘及克魯巴多金砲臺。俄將克魯巴多金營所設計。故名云。前約五十米突。又達東雞冠山砲臺及同北砲臺約三百乃至四千米突。十一日。在水師營南方。亦達壘前約七十米突。十二日午前二時。敵兵約三十來襲我東雞冠山砲臺作業隊。我兵逆戰。敵兵敗走。受損害頗大。據諸砲臺觀測所及輕氣球隊報告。若敵兵在東雞冠山者。向我盤龍山東砲臺開掘地道者。十三日。敵兵約七十名來襲太平溝附近我右翼隊右軍。十五日。復來襲我作業隊向水師營南克魯巴多金砲臺及二龍山東南堡壘者。十六日。敵兵約百名復來襲龍眼北方我攻路。我兵悉擊却之。十八日曉。敵兵二三十名來襲水師營南我攻路。投爆藥二個而去。十九日。我軍開始攻城砲及海軍砲。午後六時。攻擊克魯巴多金砲臺。水師營南方堡壘。一七四東南丘。及二零三高地。二十日。遂驅逐敵軍。占領克魯巴多金砲臺。尋占領水師營南堡壘四個。午後占取一七四東南丘上二壘。敵軍奔竄。我軍追擊。大與損傷。二零三高地者。在敵諸壘中最高。據之可以箝制旅順全部。是以我軍東北西三面合擊。午後八時。約一中隊。僅占山頂西北角。二十一日。敵軍亦以爲要害。送援兵數百。固守拒戰。我兵在其一角。戰鬥頗劇。二十二日。我兵投爆藥拋石礮。勇戰奮

圍。欲以驅逐敵於堡壘外。然敵兵極力抵抗。我兵孤立難保。午後六時。遂停戰。引還舊陣地。

二十五日。我軍攻二龍山東堡。敵自砲臺發砲拒擊。尋約百名放銃掩護。三十名突來格圍。我兵殲之。敵棄二十屍而退。二十七日。同前日。敵砲復擊我二龍山東北堡攻路。敵兵兩次突來。皆擊却之。

二十八日。自午前十時至午後五時。我軍以海軍砲轟擊旅順港內敵艦。命中者七八彈。敵艦發火。以唧筒防遏。三十日。復砲擊敵艦。中卑列斯維多號。波比也達號者。各五六彈。其西巴斯多波爾號。若前夜移投東港者。十月二日。我軍復以大口徑砲及海軍砲。轟擊敵艦。一彈命中旗艦卑列斯維多號砲塔左舷。其數彈中諸艦。是夜。敵軍向我東鷄冠山攻路。四面攻擊。戰鬪頗極激烈。又敵軍約一大隊來襲我右翼。皆擊却之。

四日。我軍以大口徑砲及海軍砲。射擊敵艦。數彈中勃爾太窪號。波比也達號。卑列斯維多號等。敵砲四十七密米速射砲。及機關砲屯鹽廠南丘者。屢攻擊我軍背後。頗加危害。是夜。我軍一隊襲其地。破壞速射砲一尊。機關砲一尊。退還小孤山陣地。敵兵亦襲我二龍山攻路數次。

五日。我大口徑砲一彈。命中勃爾太窪號。海軍砲又命中老虎尾半島巨館。發火延燒數戶。六日。大口徑砲。復命中勃爾太窪號。列多維贊號。各二彈。又一彈命中老虎尾半島倉庫發火。我大口徑砲及海軍砲。轟擊敵艦連日。至七日。蓋中波比也達號者一彈。中列多維贊號者四彈。中卑列斯維多號者五彈。三艦共似失駛力者。見水兵搭清國小船陸續上陸。勃爾太窪號。他船拽入東港。其他諸艦皆遷移東港。



九日午後。砲戰中。我軍守備隊在海鼠山。逐之。敵兵引退。此間。敵軍將機關砲七尊。

山名未詳。蓋以形似假名者。

見敵兵約二中队下二零二高地向二龍山。急擊

自椅子山移二龍山。是夜。敵兵警我夜襲。亂射砲槍不絕。

十日夜。敵兵約五十名。數次來襲。投爆藥於盤龍山東西砲臺。又連夜投爆彈。以妨對壕工事。十一日。我軍中央隊右軍。狙擊敵兵在龍眼南方鐵路附近者。殪十四名。又於二龍山東地窖內。鹵獲土工具二十餘件。外套二十餘領。及小銃等。午後。我右翼隊左軍。遣步兵三中队擊逐敵兵。遂占取龍眼南方鐵道附近之地。進第一陣線約二百米突。是日。敵軍驅逐艦九隻。二次來鹽廠海上。與我驅逐艦及陸上砲臺戰。引還港內。蓋視察我陸上配備也。

十二日。敵軍立反射鏡。以探我軍動作。我軍射碎之。是夜。敵軍復投爆彈五十餘於我左翼隊。又我中央隊為敵所發打^レ牟打^レ牟彈所中。有負傷者。

我大口徑砲。復轟擊敵艦。命中者九彈。某艦發火。約十四分時而熄。十三日。復命中卑列斯維多號者三彈。該艦發火。約十三分時。似既失戰鬥力者。十四日。復擊松樹山砲臺。命中者十二彈。其他轟擊軍艦堡壘者頗多。


十六日午後。我中央隊砲戰之後。突入盤頭山。在二龍山東南。蓋亦以形似假名者。堡壘。及二龍山中腹塹壕。激戰少時占取之。敵軍死傷未詳。我兵所見死屍不下一百。鹵獲野砲一尊。小口徑砲一尊。機關砲二尊。其他小銃爆藥等若干。十七日味爽。敵兵約五十名來襲我二零二高地攻路。二次。又敵兵若干襲盤頭山及二龍山方面二次。我兵皆擊却之。十八日。據俄兵投降者言。旅順運命既在旦夕。俄國上官。無論市民清人。晝夜強服勞動。無少休時。悲聲四起。我等衣食無給。勞動過激。是以投降。又曰。現今旅順俄軍。編步兵中隊約七八十名外。水兵義勇兵約二千五百餘。頃日以日軍砲擊激甚。俄帥斯迭舍爾。約以勳章及賞金。募決死之隊四百。務圖破壞我砲火。

十九日。我兵向二龍山及東鷄冠山北砲臺。開鑿地道。漸接近敵壘。敵軍知之。或開砲擊。或投爆藥。以妨害我工事。至二十四日。二龍山地道。既距敵壘約五十米突。時敵軍亦若自東鷄冠山北砲臺開鑿地道者。其夜九時。向我工事隊投爆藥炸發。又自二龍山發射魚雷二彈。然我兵無一損傷。

二十一日以後。我大口徑砲。轟擊敵艦及機械局。二十四日午後。旅順市街火發。至五時熄滅。二十五日。我海軍砲。見敵船二本。煙筒二本。檣者在白玉山右。射擊沈之。

二十六日午前。我軍以大口徑攻城砲及海軍砲。轟擊松樹山。二龍山。東鷄冠山砲臺等。其命中者二百五十餘彈。破壞二龍山砲臺胸牆上及掩蔽部。松樹山砲臺要部掩蓋二處。顛覆其十五珊瑚米突砲一尊。壞他砲一尊。東鷄冠山北砲臺亦壞火砲一尊。午後。砲擊松樹山。二龍山砲臺前散兵濠。及盤頭山南散兵濠。五時。右翼隊一部向松樹山塹壕。中央隊一部向二龍山及盤頭山南塹壕。突進占領之。敵軍附近

黃金山砲臺



砲臺。及西太陽溝西丘。及饅頭山。黃金山。白玉山。嶗嶺嘴各砲臺見之。齊開砲火轟擊。與我軍砲火相交。彈丸飛裂。聲隆隆震天。一時頗極壯觀。然敵彈命中者甚少。且爆發二龍山斜堤大地雷。亦不傷我

一兵。是夜。我軍猶開攻城砲海軍砲。射擊二龍山。松樹山。東鷄冠山各砲臺。以妨敵軍工事。又砲擊軍艦及機器局。敵軍亦數回來襲。悉擊却之。

二十七日。我軍猶續行砲擊。於東鷄冠山砲臺。破壞砲車一輛。於二龍山。壞自北面東端至中央步兵踏塚。飛碎掩蓋。毀損輕砲二尊。及東面砲一尊。又數彈命中東南隅。破壞掩蓋。碎機關砲二尊。於松樹山。傾凸角部砲一尊。毀損十二珊米加農砲一尊。在左翼中央者。破壞其掩蓋。是夜。我作業隊接近東鷄冠山北砲臺。炸壞其凸角外岸穹窿一部。敵軍每以砲擊爆藥及來襲等。百方盡術。以妨害我工事。且修築堡壘。

二十八日。我砲擊如前日。大口徑攻城砲。命中者計二百八十五彈。於二龍山砲臺。破壞步兵踏塚及壘中諸營。於東鷄冠山。砲臺。破碎野砲一尊。於其北砲臺。炸發彈藥庫。於松樹山。命中十二珊米加農砲一尊。及他砲一尊。於椅子山。顛覆十二珊米加農砲一車。及傾一車。於二零二高地

堡壘。破壞掩蓋二所。鐵條網及散兵濠。其他案子山。白銀山。及白玉山各砲臺。皆命中者有若干彈。海軍砲專擊西太陽溝椅子山。案子山。及東港內敵艦。旅順西市街。毀損西太陽溝北砲臺備砲及營壘。旅順西市發火。黃金山西北釐製造所亦發火。互三時間。是夜。復砲擊旅順港內機器局。且援助我對濠工事。

二十九日。我作業隊。前進達二龍山外岸。炸壞其一部。又炸發東鷄冠山北砲臺東角外岸穹害二次。殲敵兵在窖中者十數名。味爽。敵兵約百名來襲我。二龍山攻路。擊却之。又敵兵約百名。向我松樹山攻路來襲。頗猛。我兵拒戰不利。失其一部。尋得我砲兵來援。復奮回之。是日。我各砲增加彈數。盡擊益激。大口徑砲。命中者三百五十彈。大毀各砲臺。又破壞嶗崙嶺高砲臺椅子山。白銀山。及中間砲臺海軍砲復射擊西太陽溝椅子山。毅前軍左營。白玉山。松樹山等。炸發西太陽溝火藥庫。又砲擊敵軍掃海艇五隻。擊泊西港南側者。其三隻大被損傷。二隻發火。其他攻城諸砲又盡擊支那圍壁。及堡壘間砲臺散兵濠等。

日俄戰記第三編下卷

戰爭本記七

一 遼陽大戰

我右軍

即第一軍時全軍聯絡故為右軍

陸軍大將黑木為楨統之。分為中央縱隊左右縱隊。八月初旬。既占取細河沿及

榆樹林子樣子嶺一帶。漸逼遼陽。俄

國陸軍總督克魯巴圖金在遼陽。所統

之兵最多。合計原駐新增之數。約有

二十萬。其勢頗熾。時且霖雨水潦。黑

木大將不欲急攻。蓋擬俟中央左軍由

南乘勢北進時。合力夾攻。以期一鼓

而下。至下旬。天霽氣澄。二十三日

左縱隊先發。驅逐敵兵。二十五日。占

二道河北丘。是日。中央及右縱隊亦

發。夜半。中央縱隊突擊張弓嶺

蓋亦假名

及其附近險山敵陣中壘。奪其第一

第五師團長陸軍中將上田有澤氏



線。敵軍據第二線第三線。增兵勇拒。至二十六日。敵砲在大安平附近者。向我射擊。步兵亦屢來擊圖恢復。我砲兵因地形不利。不得布列。中央縱隊殆陷危殆。遂能支持。壓迫敵軍於湯河谷地。右縱隊亦向紅砂嶺七盤嶺。在張弓嶺北夜襲。破敵軍左翼。左縱隊向大西溝北丘。攻擊敵砲構壘在大甸子北及高峯寺西北丘者。砲戰數時。至午後四

第十師團長陸軍中將川村景明氏



時。迅雷大雨。四山為烟霧所遮蔽。終停攻擊。是夜。敵軍自紅砂嶺及大西溝方面屢來襲。我兵擊破之。乘機遂占取紅砂嶺。奪敵砲八尊。我中央軍即大孤山軍陸軍大將野津道貫統之。中將川村景明率右縱隊。上田有澤率左縱隊。左軍即第二軍大將與保鞏統之。大島久直率第一縱隊為右翼。大久保春野率第二縱隊為中央縱隊。小川又次率第三縱隊為左

翼。相共提挈。以是日發。

二十七日。我右軍各縱隊。冒雲霧進攻紅砂嶺及張弓嶺附近。是夜月明。敵軍知我軍前進。射擊猛烈。

或以巨巖自山頂墜落。我兵觸之。死傷頗多。然不敢放一槍。勇往急進。攀躋險坂。突入敵陣。敵軍對我左縱隊者頗強。故苦戰尤力。至黃昏。占領紅砂嶺經孫家寨兩丘至大西溝北丘一線。敵軍在大安平附近者。狙擊第一軍團。戰列第十三軍團。及第十七軍團半部。共步兵六十五大隊。有火炮百二十尊。大半向遼陽而退。

中央軍及左軍。進至下石橋子侯家屯蘇馬臺。俄軍據下房身鞍山店。共有數十大隊。大砲百尊。堅築土壘濠溝。以備固守。然不交一戰。亦向遼陽而退。鞍山尤險峻。兩山對立。狀如馬鞍。因名。

二十八日。我右軍右縱隊。進擊敗竄敵兵。沿太子河左岸。占領英守堡至雙廟子一線。散兵臨走。悉毀橋梁。河水增漲。不得徒涉以達前岸。駐屯此地。中央縱隊攻孫家寨北丘及西北丘。占領草家峪兩丘至小嶺子北一線。與敵軍在草家峪西丘及大石門嶺。在遼報者。在遼報者。對持徹夜。左縱隊追擊敵軍。夜占領四方臺至响山子一帶高丘。

中央軍及左軍。亦追擊敵軍甚激。據敵將克魯巴圖金公報稱。日軍奪我左翼湯河陣地。又以大兵圍繞我右翼鞍山店陣地。因命諸軍團。悉退保遼陽。前面地勢。山岳險峻。且經霖雨。道路泥濘。退行甚艱。然中央及左翼兩軍。僅得連大砲及行李。歸至遼陽。惟右翼軍。因霖雨毀損鐵路。不得不取途於西方。退行殊艱澁。而敵軍急追。我後衛且拒且却。砲兵一中隊。誤陷砲於泥淖中。欲挽去之。每一砲車。附馬二十四頭。又令步兵若干繫長繩以拽之。然人馬共沒泥中。殆失自由。陸軍少將盧多哥瓦斯奇。指揮後衛。且護大砲。殿戰甚力。與第四東部西伯利狙擊聯隊長大佐羅盤。共戰死。其部隊多被損害。大

砲皆棄之。

二十九日。我右軍右縱隊。猶駐前地。中央縱隊右翼占石咀子。左翼占大石門嶺。左縱隊占徐家溝南

丘。偵察雅裕地音譯及孟家房敵狀。

是日。中央軍占領來家堡至黑牛莊一線。左翼軍占領黑牛莊以西至漁家臺一線。中央軍別遣一縱隊右出。與右軍左縱隊聯絡。擊攘敵軍。進至孟家房方面。敵軍占據首山堡南丘經新立屯高丘至方家屯東丘一帶。堅設壘壁。密張鐵網。以嚴拒守。首山堡殊高聳。唐太宗嘗駐蹕處云。敵軍據以為重地。

三十日。我右軍右縱隊。駐一部兵於雙廟子吊水樓。全隊由鎌刀灣涉太子河。中央縱隊亦駐一部兵於石咀子。踵右縱隊而進。左縱隊攻擊孟家房雅裕地高丘。占據徐家溝北丘。中央軍一縱隊砲擊早飯屯南丘。午後。敵軍自遼陽來援。增至二師團餘。砲約百尊。我軍苦戰。三時。始得與右軍左縱隊聯絡。擊攘早飯屯敵兵。然敵軍猶堅守拒戰。夜照電燈。猛擊徐家溝北丘。我兵極力支持。以至翌日。



陸軍中將久保春野氏



陸軍中將島久直氏

中央軍全隊及左軍一部。攻方家屯東丘至新立屯西丘敵壘。敵軍防備頗嚴。拒戰甚力。我軍砲擊移時。

日軍隊伍向首山進



於是大山元帥下令左軍。使攻擊首山堡敵軍。左軍直進。第一縱隊先鋒至櫻桃園西北及頭臺子。敵砲兵約二中隊在首山堡南坳。開砲射擊。時中央軍戰方酣。第一縱隊知正面攻擊之不利。轉與中央軍左翼相連。自黑牛莊來攻擊新立屯西丘東南角。第二縱隊至大趙家屯。其右翼與第一縱隊左翼相連。

砲擊首山堡東南坳敵壘。第三縱隊在興隆臺。遣騎兵團由王仁屯遶敵側背。以野砲擊之。午後。敵軍步砲共增加。排機關砲。交戰甚激。第二縱隊左翼殊迫危急。第三縱隊遣步兵一部援之。第一縱隊亦受方家屯高丘及正面角堡敵砲側射。不能前進。第三縱隊復遣步兵一聯隊援之。尋遣砲兵一大隊排列櫻桃園以助攻擊。第一第二縱隊。雖欲奮進突擊。敵軍防禦極嚴。鐵網密布。且砲火猛烈。遂不果而至日沒。是日。道路險惡。我砲兵不得一齊排列。故未能使敵砲挫折。且敵軍屢颺氣球。視察我軍。以隨方攻戰。故我軍常警戒。終不能得志。

三十一日。我右軍梅澤支隊。又謂本溪湖縱隊別由臥龍村渡太子河。破敵軍步兵在威寧營者。追擊占取本溪湖。右縱隊中央縱隊進太子河右岸。占取官屯至水泉丘陵一線。左縱隊及中央縱隊左翼在前地。猶開砲交戰。中央軍亦砲戰如前日。左軍第一縱隊。乘夜破壞鐵網。襲擊敵軍。其左翼步兵聯隊占取首山堡南丘南部。而敵軍自前面及側面射擊頗劇。且自北丘敵兵競進逆襲。我兵苦戰不利。退下丘麓。右翼亦冒難

奮進。爲鐵網及砲火所遮。不能攀躋丘上。止伏丘麓。第二縱隊破敵軍來襲。冒砲追敵至鐵路。相接甚近。然丘上敵兵俯射猛激。不能前進。二縱隊共頗有損傷。天明。第三縱隊步兵約五大隊。展開於第二縱隊左方。以助戰勢。步兵三大隊亦援第一縱隊左翼。砲兵隊進接敵壘。轟擊新立屯西丘。壞其東南。第一縱隊右翼兵乘之奮進。遂據之。敵軍諸堡猶固守。砲擊益劇。午後。敵軍步砲兵。別從首山堡西北來。我司令官。使第三縱隊殘兵當之。騎兵團從第三縱隊左翼。北進掩護。且搜索遼陽方面。於是我左軍決意圖一齊襲擊。七時。令砲隊猛烈轟擊各堡壘。皆敗之。乘夜。破壞敵軍防禦諸具。拔軍突擊。第二縱隊占取新立屯西丘。第二縱隊占取首山堡西九九高標高丘。第二縱隊增援隊占取遼陽路方向高丘。時方九月一日午前三時也。敵軍皆向遼陽而退。增援隊追躡至西八里莊。我左軍令第三縱隊任追擊。其餘悉駐。整頓陣地。據俘虜言。是方面敵軍。西伯利豫備第三師團。及狙擊步兵第五師團。第一師團各一部。砲約五十尊云。

九月一日。我右軍右縱隊及中央縱隊。砲擊黑英臺北方及西南丘。敵軍排列砲陣於黑英臺西各地。應戰頗力。既孟家房附近敵兵漸遁。左縱隊追擊。占領雅裕地北丘至孟家房高丘一線。本溪湖縱隊亦激戰數時。占取香山地北丘。

敵軍既潰。我中央軍及左軍。相率追擊。敵兵走聚鐵路車站。我砲兵圍追踵射擊。敵兵混亂爭先逃走。我左軍第二縱隊砲兵亦至尤家莊子。與敵砲兵交戰。少時敵砲停響。遂占取尤家莊子東北附近之地。以偵察遼陽形勢。

二日。我右軍右縱隊。擊擾敵兵。占領煤礦附近至大窰西丘。約二千米突午後。敵軍增加至砲約六十尊。中央縱隊亦占領黑英臺西北丘。遣一部攻其傍近。敵軍開砲拒戰。且來襲。皆不得志。而敵軍列砲約五十尊夾擊。我砲兵地形不便。不得與之應戰。我兵頗窘。日沒。敵軍二三旅團。向我右縱隊及中央縱隊。來黑英臺附近襲擊。銃聲尤烈。時所招致我第二縱隊左翼兵來援。協力奮戰。至夜半。銃聲尙盛。據敵將克魯巴圖金公報稱。是役。俄國陸軍少將鄂爾羅索夫。率一支隊在煙臺炭礦南丘交戰。遣一部隊攻擊我軍。爲我軍所正面及側面射擊。退走西方。鄂爾羅索夫。及將軍法緬フチノ並負傷。法緬尋死云。


我左軍第一第二縱隊前進。至第三縱隊右方連結。知敵軍在遼陽車站西方及南方。據壘拒戰。第三縱隊先開砲火。第二縱隊沿汽車線路而進。展開攻戰。第一縱隊進至西八里莊附近。布砲列於其西南丘。射擊敵軍砲兵。又開敵軍右翼。自車站西南互遼陽南方。堅築堡壘。嚴設防具以據守。正午。第三縱隊第一線漸進。敵軍砲兵二中隊。從楊家林子東北開砲激射。且約一縱隊南下。敵兵愈加。右翼延互西方。我第三縱隊攻擊移時。砲兵亦轟擊不絕。然敵軍壘壁堅固。極力拒戰。終至日沒。我第三縱隊一部。乘夜突擊敵壘。亦爲防禦線及機關砲所阻。不得志而止。是日。見遼陽車站附近火起。蓋敵軍所自燒也。

我總司令官大山元帥。知俄軍漸有敗退之狀。命明日總軍攻擊。三日。我右軍右縱隊及中央縱隊。猶駐屯前地。得左縱隊一部來援。敵軍嚴守百二十一高地及其北方。且優衆軍隊集屯烟臺東南及羅大臺臭井子附近。以與我軍對峙。



我中央軍攻擊遼陽南端敵壘。敵軍排列砲五十餘尊轟擊。至午後六時。我右縱隊之中央兵及左翼兵。冒銃砲突進。排防禦線數層。肉薄敵壘。七時五十分。步兵第二十聯隊。突入東側角面堡占取之。他步兵一大隊。突入其左翼堡壘西側。左翼兵亦至前方三百米突。爲敵兵所擊沮。少時停止。待日沒。突入敵壘。此間自遼陽城壁猛悍射拒。我兵與之交戰。十時二十分。遂奪其南門。警戒徹夜。左縱隊既接敵壘。敵軍重砲及機關砲威力猶猛。不得突擊之機。既見右縱隊突進。連結前進。然敵軍砲銃猶熾。不能與右縱隊並進。至午後零時。遂鼓勇突入敵壘。追擊敗兵。占取遼陽城北邊。步兵第二十聯隊。係福知山^{丹波}國兵員。曩於鞍山店之戰。亡聯隊長及大隊長一名。尋亡大隊長二名。二日再亡後任聯隊長及大隊長。佐官無復一員之

我軍占領遼陽車站圖



存。丸井少將自代指揮。是日。當其突進。前頭兵卒陸續死傷。豫備隊踵之。亦逡巡難前。江上大尉指揮聯隊。自率軍旗中隊。奮進出散兵線前。全隊見之。勇氣十倍。踏破防禦物具數層。遂陷敵壘。然死傷特衆。若某隊。至悉亡將校。一中隊僅餘兵員十四五名。上等兵指揮中隊云。

我左軍拂曉開始砲擊。砲兵近接敵前。務破毀堡壘及機關砲。敵軍一部既有潰亂之色。而他壘猶竭力拒守。我兵未能突進。專以砲兵攢射。至午後七時。步兵既接敵前二百或三百米突。乘砲兵轟擊。一齊攻戰。夜零時。遂突入敵陣。奪其第一線堡壘。車站附近火勢益熾。

四日午前二時。我左軍第二縱隊占取遼陽車站。第三縱隊一部占取遼陽城西北端。先是俄帥克魯巴圖金。知遼陽遂不可守。決計退保奉天。搬運武器。燬燒糧草。糧草足支俄軍八日云。又撤浮橋。燒鐵橋。留步兵若干於太子河邊。舉軍退去。於是我軍全占取遼陽城。左軍及中央軍追擊敗竄敵軍。至太子河。以橋梁皆爲敵軍所燒毀。不得渡而止。

我右軍左翼隊。早朝至官屯。午前十時。攻百三十一高地。敵兵既退。我軍占取之。直追擊敵兵。本溪湖縱隊亦占領平臺子附近。駐一部以警奉天路。本隊急進向煙臺。午時。出煤礦之北三家子西北丘。

復敗敵軍。六時。占取玉門子山。是夜。右縱隊襲擊小達連溝附近敵軍。混戰頗烈。至五日曉遂敗之。敵軍向西北而走。追擊占取小達連溝立林溝一線。中央縱隊占取三道壩。其砲兵射擊敵軍縱隊由房身附近敗退者。使之潰散。左縱隊亦至羅大臺而駐屯。俄軍最畏憚我右軍。即黑木軍警備極嚴。其在太子河左岸對我中央縱隊者。約一師團。對我左縱隊者約一師團有半。九月一日以後。在太子河右岸與我會戰者。戰列第三。第九。第二十五。第五十四師團。及混合狙擊步兵第二。第二十二。聯隊。莫斯科モスクワ選拔步兵。約三師團有半。又備其後方及右側者。不下三師團之多云。

是役。自八月二十六日以來。我軍死傷者。右軍約四千八百六十六人。中央軍約四千九百九十二人。左軍約七千六百八十一人。合計一萬七千五百三十九人。內士官以上死者百三十六人。傷者四百六十四人。而俄軍死傷。據克魯巴圖金公報稱。自八月二十八日至九月五日。戰死四千。負傷一萬二千。然據我右軍黑木大將報告云。八月二十六。二十七兩日之戰。我軍死傷約二千。雖敵軍死傷未詳。信其多被損害。則今假為與我軍同數。亦算加一千人。又據九月九日大山元帥報告云。有敵軍運搬負傷約一萬於奉天以北之報。未推測其全數。敵軍巧於運搬死屍。然亦委棄遼陽附近者。約有三千。又十五日報告云。敵軍所委棄死屍。右軍方面約有一千。左軍方面約有一千三百。中央軍

我軍占領遼陽市民揚旗之迎



方面約有八百。由此推之。敵軍死傷應約不下二萬五千人。



據克魯巴圖金公報稱。俄軍整然退去。戰品一不委敵手。而我軍所獲戰利品。在右軍。有砲車數輛。約一中。小銃八百提。砲兵彈藥二千發。小銃彈藥六十萬發。馬四十頭。石炭約四十四萬八千斤。輕便鐵路軌鐵約六千二百五十米突。其他電線糧食鐵路材料采煤器械等。在中央軍。有小銃四百九十提。小銃彈藥二十七萬八千八百發。砲兵彈藥一千六百十四發。彈藥車二輛。回光通信機三具。反射鏡三具。其他鐵線電話線電話機斧鋸軍刀拳銃石油糧食雜品等。在左軍。有俘虜下士卒十三名。馬三十頭。小銃二千二百八十八提。小銃彈藥六十五萬九千九百三十發。砲兵彈藥五千八百九十二發。彈藥車百二十七輛。刀六百六十柄。米二千石。馬糧一萬三千六百二十石。蕎麥粉一千石。材木二千五百本。口徑一尺五寸。其他兵器火具陣具材料等。遼陽車站所獲。有俄國家屋三百五十三棟。倉庫一百十四棟。此基地約二萬九千大麥三千石。麩六千石。支那米一千石。末麥一千石。高粱五千石。石油一千三百箱。薪十萬貫。煤二十五萬斤。塊糖一千八百箱等。

當我三軍之進薄遼陽。九月一日。我皇帝陛下。下勅大山元帥曰。我滿洲軍。克糾合諸軍各隊。均擊敗防備堅固之敵軍。遂壓之遼陽。朕嘉其勇武。聞爾來日夜繼續劇戰。深懷其勞苦。轉不堪軫念。朕依賴爾將卒勇武。爾將卒其益奮勵。及其奏捷。又下勅褒獎曰。敵軍以遼陽為兵略要地。夙嚴防備。蓄積軍資。所竭全力以死守也。今我滿洲軍。冒萬死排百艱。奮戰激鬪。連數日夜。遂拔之。朕深嘉其功烈偉大。惟非其畫策慎重而果斷。其運動整齊而敏活。而爾將卒貴之以忠誠勇武。安能得至此。抑作戰前途。

尙爲遼遠。爾將卒。其自愛堅忍。以更期全局之大成。皇后陛下。皇太子殿下。亦下旨嘉賞焉。

先是俄軍之救旅順南進也。每戰敗退。而總帥克魯巴圖金。常詭以爲豫定籌策。以囑欺世人。見其嚴守遼陽。堅築堡壘。徧施防具。皆以爲決一戰於此者。在俄人。蓋亦信以爲必勝之石畫。及俄國皇子降誕任第十三西伯利聯隊長。八月十三日。克魯巴圖金上賀電於俄帝。其末文曰。今日軍方向我進擊。我期近日共與決戰。方是時。我欣然與之接戰。務以對陛下及國家。表彰忠誠。則克魯巴圖金亦自認似以遼陽爲決戰之地。然據其戰報觀之。則其八月二十七日鞍子店浪子山之敗。彼辯明之云。我軍以八月二十六日據三群陣地。即左翼自比的斯音譯至安平。中央軍據浪子山。右翼據鞍山店。日軍攻擊我前進陣地。其向我中央軍者擊却之。我左翼陣安平者。敵軍極力奮鬪。遂奪我比克音譯陣地。將扼我左側軍團沿湯河而陣者之退路。又知敵軍大兵向我右翼陣迂回圍繞。於是予欲利用浪子山及安平陣地。以大敗敵軍。命諸軍團。悉退保遼陽。由此觀之。克魯巴圖金之令其軍團退浪子山及鞍山店者。蓋因我右軍奪比克陣地。以扼俄軍退路。且我左軍繞鞍山店敵軍之背也。其於九月一日首山堡之退軍。克魯巴圖金復辯明之曰。我軍。八月二十九日。集兵力於遼陽。一軍團占據太子河右岸。他軍團占據左岸。三十日三十一日。日軍攻我陣地。我擊却之。是時。我右翼軍及中央軍。戰鬪甚劇。使予非唯遣特別豫備隊。即發我軍總豫備隊一部增援戰線。然敵右軍大兵。明以八月二十五日渡太子河。而三十日三十一日兩日之戰。比我右翼及中央軍之戰。勢甚微弱。於是予料敵右軍主力出我左翼後。以截斷退路。急決計。命前進諸軍引退。集大兵以當敵右軍。我陣地橋梁既多。

陸戰祝捷圖



且道途良好。前軍各團乘夜悉得達太子河右岸。敵軍至九月一日。猶不占領我所棄陣地。至夕始開砲向遼陽射擊。戰品一不委敵手。由此觀之。克魯巴圖金移集其主力於太子河右岸。欲以掩擊我右軍。並撤其西南第一防禦線。而據我左軍報告曰。是戰以情況推之。初敵軍似固守首山堡附近陣地。

極力拒我軍前進。以取攻勢於他方面。以賭決戰者。而若遼陽附近第一二線抵拒。務在護敵軍對我右軍者側背。以欲得餘裕者。要之此役敵意在決戰。無意於退却矣。則亦可以知敵軍不敢撤第二防禦線。出死力以拒戰焉。俄軍主力

既移太子河右岸。既而我左軍攻擊首山堡。於是克魯巴圖金又曰。九月一日接右翼軍團長報云。日軍來攻。占據尤近我軍之接官屯。接官屯未詳。蓋首山堡別名歟。或其近地名。陣地西北。我軍不得不退。因一變軍略。圖回復其地。二日夕。其附近一帶僅歸我有。此克魯巴圖金。初欲掩擊我右軍。聞我左軍占領首山堡。更變軍

略。分兵救之。是所以我左軍雖得首山堡。敵軍猶倔強。不能遽陷遼陽也。而俄軍左翼當我右軍者。一敗塗地。少將鄂爾羅索夫負創。將軍法細傷死。於是克魯巴圖金。料其遂不可支。決意棄遼陽以奔奉天。此其初非無固守遼陽之意。及其不可禦而放棄之。雖其自詔保全軍資。整然退去。而見其左顧右眴。屢變軍略。委棄死傷。軍械糧草多爲我所鹵獲。倉皇退去之狀。所謂豫定籌策者。安在哉。雖固由我軍兵略應機。將卒勇武。抑亦不能無疑於克氏之伎倆也。

俄軍之守遼陽。嚴禁城民避遁。而施防禦工事於城外接近之地。故交戰之際。不得不砲彈及城中。是以無辜之民。罹死傷之禍者不尠。英國宣教師維多俄太。在城中。憫其不幸。爲收恤老幼二百餘人。我師得遼陽賑救之云。其死傷雖由我彈丸飛送。要之基於俄軍嚴禁避遁。則何異於俄軍下手殺傷乎。其殘忍酷薄如此。抑俄軍之嚴禁人民避遁。其意何在。蓋得無恃我軍憫無辜以緩攻擊。出於若其死傷。歸責我軍。結怨清民之鄙怯心乎。曩我皇仁慈。諭旅順敵帥使非戰員避難。而敵帥拒絕之。今復使遼陽人民枉罹慘禍。俄人之蔑視人道。有不忍道者也。

一一 韓國革政

嚮我國與韓國交換協約信書。其第一款曰。韓國政府。確信日本政府。關施政改善。應容其忠告。此專主韓國財政外交言之也。其第五款曰。兩國政府。不經由相互承認。不得訂立後來應違反本協約主意于第三國間。此關與外國締結條約言之也。至是。八月二十二日。兩國政府。更交換關財政外交條約。第一款。韓國政府。以日本政府所推薦日本人一名。爲財務顧問。招聘于韓國政府。關財務一切事

項應詢其意見施行。

第二款 韓國政府。以日本政府所推薦外國人一名。爲外交顧問。招聘于外部。關外交一切要務。應詢其意見施行。

第三款 韓國政府。與外國締結條約。其他重要外交案件。即關對外國人讓與特權若契約等處理。應豫與日本政府協議。

我國乃薦我大藏省主稅局長目賀田種太郎爲財務顧問。薦米國人士的不列爲外部顧問。韓廷聽之。招聘二人。而其度支部大臣。提出關目賀田契約案于政府會議曰。

第一款 目賀田氏整理監督韓國政府財政。關財政上諸般設備。應誠實審議。盡力立案。

第二款 韓國政府。關財政一切事務。應必先經由目賀田氏協同而後施行。又目賀田氏得列政府會議。提議財政上意見。政府決議。及各部事務關財政上者。其先於處分。要目賀田氏同意捺印。

第三款 目賀田氏得關財政事務謁見上奏。

第四款 給目賀田氏。以月俸金八百圓。別給官舍費金一百圓。

第五款 目賀田氏來任中。休假歸國費。定每一日給一十圓。

第六款 本契約不定期限。從契約當事者一方要解除時。經協議後。得日本帝國代表者同意。應解除本契約。

其於上的不列契約案如左。



第一款 士的不列。關韓國政府與外國政府或於人民間所起一切外交上。其他案件。應誠實審議。任責立案。

第二款 韓國外部大臣。將關外交一切往復文書。開示士的不列。前款所記一切外交上。及其他案件。應必經士的不列同意而後處理。士的不列參與議政府會議。得關外交上事項意見。隨意提出

議政府會議。

第三款 士的不列。得謁見韓國皇帝陛下。關外交上事項直接上奏。

第四款 本契約不豫定期限。於各一方要解約時。相協議之後。經在京城日本帝國代表者同意。得廢罷之。日本帝國政府。依事宜請廢罷本契約時。韓國政府諾之。士的不列不得提



唱異議

第五款 本契約。非得在
京城日本帝國代表者
同意。亦不得改之。

財政外交。各置顧問。既就
其緒。會有俄國第二軍司令
官克哩邊堡將南犯韓國之
報。我國。遣陸軍大將長谷
川好道於京城。為在韓軍司
令官。以守韓國。以十月七
日發。韓帝又勅曰。國不可
無兵。兵不可無制。現行元

帥府及軍部官制諸般規定。有或未盡善者。不可不從時制宜。所以有軍制議定之舉。蓋為有所擴張也。
侍從陪從府。及屬親王武官。宜別有制。為國防及用兵。宜新設參謀部。軍隊之要在制一。宜擴張教
育部。茲廣采衆議。參酌外國制度。其當改正者改正之。當新設者新設之。凡朕將士兵卒。應服膺勵
精。以鞏固我邦家。因廢元帥府。置參謀部。又置教育監部。掌養成訓練武官。置侍從武官。變更各守

備隊駐割地。解除老兵及二十歲以下少兵。黜武官不經教育者。嚴教育監部監督。以軍事局爲軍部直轄。以圖軍規整理統一。

我長谷川大將入京城。嚴飭兵備。分屯各處。明治三十八年韓國光武九年一月。布告曰。自今關京城及附近治安。代韓國警察掌管警察權。使我憲兵隊暫擔任之。我林駐韓公使聲明之於韓廷及各國公使。尋選我國兵吏練熟警察事務者。派之韓國。長谷川大將又下令於咸鏡道軍政治域內。因軍事上必要。禁成川江口至永興一線以南。永興高原柯木亭老人嶺一線以南。老人嶺安邊五柳洞一線以北。賣買或典質土地。犯禁者。處以軍律。

日賀田顧問之至韓國。韓國財政紊亂。府庫空乏。加之私鑄白銅貨盛行。與官鑄相混。難區以別。顧問乃苦心焦慮。當整理之任。奉上借日本貨。設立銀行。收回白銅貨等事數件。韓帝召參政以下各大臣諮詢會議。遂決議改革財政。一月十九日。下勅曰。

韓國貨幣改革條例。自本年光武九年六月一日實施。

又勅使貨幣與韓國貨幣同一形體稱量者。不妨通用。

第一款 光武五年二月十二日勅令第四號。貨幣條例實施時。貨幣與條例所規定貨幣。同一品位稱量及形體者。不妨其通行。許公私受授使用。

第二款 本例自貨幣條例實施之日。一般施行。

又發關舊貨幣兌換定期勅令。

第一款 準據光武五年二月十二日勅令第四號貨幣條例。以金爲貨幣本位。既往所發行通貨據

左記各款。應與新貨幣兌換或回收。

第二款 舊貨銀十兩。銀二元以抵金一貫爲比較。因政府便宜。應兌換或回收。

第三款 舊白銅貨幣之兌換及回收。自光武九年七月一日開始。

第四款 舊白銅貨幣兌換終了。以滿一年以上爲期。應因廢支部大臣便宜定之。

第五款 舊白銅貨幣兌換期限後。禁止其通用。但通用禁止後。六月間得使用之於公納金。

第六款 前款回收或兌換方法。及其兌換之地。度支部大臣應指定之。

方是時。白銅貨流通額。蓋官鑄約一千三四百萬元。私鑄約五六百萬元云。尋韓國廢支部大臣。與我在京城第一銀行支店幹人。締結借款契約。以關稅爲擔保。定息六分。借日本貨金三百萬圓。而設中央金庫於支店中。我第一銀行管理之。以兌換白銅貨幣。於是韓國財政第一災害。應漸得刷除。

韓國改善。匪直財務警察諸事。文化進步亦不可不需求教育。於是韓國政府。嚮學所雇聘學部顧問我國人幣原坦。爲學部參與官。其契約如左。

韓國學部大臣李載堯。奉勅令摺聘日本帝國政府所推薦日本人幣原坦。爲學部參與官。締結約款如左。

第一款 學部大臣。隨契約所載條件。雇聘幣原坦爲學部參與官。專管教育事務。起草立案。提議

政府。

第二款 韓國學部。於一切教育文書。回付幣原坦。經其同意而後處理。

第三款 幣原坦。關學務得參與議政府會議。及上奏其意見。

第四款 要本契約解除時。應得在京城日本帝國代表者同意解約。

於是韓國文教之設。亦應漸赴開明。若其交通機關。京釜鐵路自韓國京城至釜山浦既告開通。今復專修京義鐵路。自京城至義州初當日俄戰爭之起。謀行軍便宜。我政府與韓國政府協議。得其許可。所速成也。其路長於

京釜鐵路。約二十二哩。總計長二百九十六哩。日夜督勵工事。今既成其三分之二。嗚呼韓國累世委

蕪之餘。在再不振被諸大國抑壓。將不能保其國權。幸得我國扶植勸誘之助。若財政警察軍事文教。

將漸進文明之域。即我大詔所謂支持韓國保全者。將於是乎在矣。

三 沙河大戰

九月四日。我軍占取遼陽。天明。中央軍。即野津軍左軍。即與軍追擊敗竄俄軍於遼陽東北端。俄軍既渡太子

河。臨走悉毀壞橋梁。故我軍不能涉河而止。我右軍。即黑木軍中央縱隊。既涉太子河上流。是日午後十時。

進至達連溝。遇敵軍。力戰敗之。敵軍退走西方。五日期。我軍占取達連溝。其左翼縱隊占取瀾泥舖。

砲兵射擊敵軍從房身附近退走者。右翼縱隊又占取玉門子山一帶。敵軍大部退走渾河以北。唯十里

河劉三家子。紅陵堡。有敵騎幕營。板橋堡東丘一帶。有散兵濠及肩牆。置監視兵若干。孤家子。八家子。

林盛堡。官林堡等。又有敵兵若干。沙河橋梁在大東山堡者。敵兵壞之。其騎兵大部隊占據平臺子撫


順路上海浪寨。又騎兵及砲兵在平臺子奉天路上荒山嶺及三塊石山。騎兵若干在莊家屯、閻胡虜屯附近。以與我軍對持。

十七日。我右軍一縱隊在平臺子。本溪湖北約五里敵軍步兵四大隊、騎兵八中隊、率砲八尊。自撫順方向。步兵一

大隊餘、騎兵若干、率砲六尊。自奉天路來襲。我軍拒戰。自正午至午後三時激鬪。敵兵自奉天來者。最薄我軍。我砲兵射擊。四時。敵兵向西北退去。其一部猶倔強悍戰。至七時。擊却之。若其主力在海浪寨奉集堡等者。據敵報。係俄國中將楞念堪布レンニヤンカンブ及薩牟索諾サムソノフ。率步兵約七大隊、砲兵一中隊來偵察我軍者。

十月二日。我軍先進支隊。遣步兵一中隊、騎兵一小隊偵察寶相屯附近。遇敵騎五六十。擊却之。尋敵騎兵約二百三十來襲。我兵交戰少時引還。敵兵有死傷三十。我無損害。四日。敵騎少許來襲陽邊門附近。我守備兵擊却之。又敵軍步兵一大隊、騎兵十一二中隊、率砲五六尊。來柳河子邊。既向荒山而去。又敵斥候騎兵出沒於南部五里街龍王廟附近。駐監視步哨。向柳塘溝而去。敵砲約三尊。自大臺射擊我兵在北烟臺者。又敵騎兵一隊來襲我前哨兵在渾河左岸者。我兵擊却之。據土人言。敵軍將校一名戰死。士卒五名負傷云。又敵軍狙擊第三聯隊一部。來襲我監視哨兵在平臺子奉天路上者。我兵又擊却之。敵兵委棄死屍及銃器而

由沙河鐵橋運搬我軍用貨物圖



走。此敵兵皆裝清人服。五日。敵軍監視哨兵。自隴溝山至隣家坎。其前隊步兵。亦皆裝清人服云。

俄軍每陸海戰。屢犯戰規。不少顧慮。今復裝清人服。襲擊我軍。其他頃日屢裝清人服。接近我軍。或試奇襲。又聞俄軍現多購清服。夫戰員固不可不著其國制服。若犯之。得以處刑。且陸軍法規慣例條約附則第二十二條云。禁止濫使用軍使旗及國旗其他軍用標章。並敵兵制服。及赤十字條約徵章。據之。雖無第三國服裝規定。既禁敵兵制服。則用第三國服裝。其爲不法可知矣。且現今戰鬪區域在清國之地。則若用清人服。不能識別俄人與清人。使無辜清人枉罹危害。我軍固所不能忍也。故我國政府。電訓我駐米高平公使。經駐俄米國大使。致意於俄國政府。詰責其不法。使其注意云。俄人之或用我國旗。或用赤十字旗。或裝清人服等。誦計詐謀。不一而足。其心術之怯劣。實可鄙笑。

先是。十月。俄國總督克魯巴圖金。發長文宣言。戒飭全軍。其大旨言。今我軍精銳新來。兵力既充。從來全軍所渴望。以取攻勢。前進會戰之機方熟。使日本人屈從俄國人意志之時既來。我軍對勇猛勁敵。斷不可不期必勝。在俄國取勝之要。且不須論。即救旅順口之爲急務。要各深銘于心云云。其言反覆鄭重。若期必勝圖恢復遼東者。於是遣其小部隊。出沒往來以偵察我軍狀況。至九日。大舉南進。其作戰計畫。分軍爲中央左右三縱隊。蓋遼陽之戰。我右軍本溪湖枝隊。繞出其左背。俄軍終至不得不棄遼陽而退。敵尤畏懼我右軍。以三軍團約八師團爲左軍當之。中央軍亦以第一第四第五三軍團編成。中將薩爾巴固夫統之。右軍以二軍團編成。中將斯泰克爾曼統之。以當我左軍。則以一軍團中軍後。



更命大將列尼威的^{リニウイ}率烏蘇利野戰軍。自東方迂回出遼陽東南。以扼我軍退路。使米斯臣克^{ミシケン}率龍騎兵六聯隊。連列尼威的支隊之右。

我軍聞之。大山總司令官謀及敵軍未悉渡渾河。逆戰敗之。令諸軍北進。九日。在我右軍方面。敵軍步兵約一旅團。騎兵二千。率砲二尊。自威寧營前進。步兵一旅團。騎兵千五百。率砲八尊。在本溪湖東太子河右岸。混成一旅團在大嶺。步兵一聯隊在線花堡八家子。皆南進。自威寧營來者。

渡太子河向橋頭。以遮斷本溪湖橋頭間。我本溪湖支隊^{即梅澤支隊}為其所包圍。苦戰五十二時間。最

極激烈。午後四時。我增援一隊至火連塞。其一部至本溪湖。一部占取土門子嶺。是夜。敵軍一大縱隊增加大嶺。一旅團在土門子嶺。肉薄來襲。我兵接戰甚力。敵軍又集平山溝及大魚堡。占取本溪湖東丘。及本溪湖火連塞路東丘。我支

隊四面拒戰。守其陣地以徹夜。又敵軍步兵約二聯隊進入上柳河子。騎兵一聯隊入下柳河子。一師團入燒蓬勾。以向我右軍陣前。

在我中央軍方面。敵軍約一師團駐屯前黃花店板橋堡柳塘溝一線。午後。遣一縱隊從柳塘溝沿鐵路南進。至南五里街。步兵約三大隊相踵南進。其後又有數隊續行。沿鐵路者約五二里。步兵一聯隊又在板橋堡東丘。我中央軍開戰射擊。在我左軍方面。敵軍在柳塘溝孫家臺附近。猶未前進。

十日朝。我本溪湖支隊。乘濃霧攻奪本溪湖東丘。尋收復本溪湖火連塞路東丘。是日。敵軍亦大增加。在我右軍本隊。敵軍步兵占據三家子東丘。又開進於葉河勾谷。步兵約一聯隊在燒蓬勾附近。施防禦工事於其高丘。又敵軍率砲兵向上柳河子下柳河子。其對我右軍者。自三家子至八家子一線。兵力約不下四師團。我右縱隊及左縱隊右翼兵當之交戰。

我中央軍右縱隊。擊擾敵兵。占取玉門子東丘。左縱隊至荒地東丘。攻五里臺子。未決勝敗。至日沒。我左軍右縱隊。占取孤家子。與中央軍左縱隊連結。攻擊五里臺子及二臺子附近。占取雙臺子二臺子一線。中央縱隊至尖臺子康家臺。擊敗大東山堡敵軍。占取其地。左縱隊攻擊西老山屯。進至赫家屯。

十一日。敵軍砲兵約五中隊。向我本溪湖支隊各部轟擊頗烈。尋縱右翼步兵一聯隊中央步兵五聯隊來攻。我軍抗拒。激戰數時。敵軍砲兵又在太子河上流大魚堡邊。自土門子嶺至本溪湖。敵兵增加。至步兵約二師團。砲八十尊。我右軍右縱隊。及左縱隊右翼兵。猶向上下柳河子等敵軍激戰。左縱隊左翼兵。與中央軍右縱隊協力。欲擊退三家子敵軍。未得志而至日沒。

中央軍右縱隊。與右軍左縱隊左翼兵連結。攻孤家子方面。敵軍約一師團。在茫家屯十里河柳塘溝一帶。我左縱隊攻之。敵軍悍強。我軍不能進。而日沒。先是克魯巴圖金。特命亞歷山得三世名譽聯隊。死守三塊石山。我右縱隊左翼兵攻之。激戰數時。自十一日夜至十二日朝。遂拔之。擊敗敵軍。虜其聯隊長及士卒百餘名。於是敵軍氣大沮。

我左軍亦屢破敵軍。攻擊板橋堡柳塘溝一帶。右縱隊占取楊家灣。進向劉三家子。左縱隊進至大油虫堡。經青堆子瓦李大屯一線。其主力在青堆子九家甸子附近。脅迫敵軍右背。

十二日。敵軍屢來襲我本溪湖支隊。我兵皆擊却之。使本溪湖及橋頭聯絡無支礙。右軍中央縱隊占取八家子北丘等。左縱隊占取燒達勾北丘。尋驅逐敵軍。中央縱隊占取馬耳山。而右軍及中央軍追擊益急。及至馬耳山鱗家屯一線。敵軍一部隊率砲兵者。爲我所包圍。潰亂向北而走。是日。右軍司令部遣一部隊向石橋子。遮斷在大溪湖附近敵軍退路。午後三時。得達石橋子。

我左軍與敵軍相持。乃更增兵力於左翼。將包圍敵軍右側。會中央縱隊激戰破敵。占取浪子街附近。獲敵砲十六尊。敵兵潰走向北而退。追擊直經小東臺。向劉三家子而進。其右翼隊更獲敵砲四尊。右縱隊亦擊破敵軍。追擊於十里河西方。獲砲五尊。彈藥車五輛。左軍所獲敵砲二十五尊。彈藥車五輛也。據敵報。是戰損害甚多。旅團長負傷。聯隊長大佐一員戰死。大佐烏阿諾斯克代旅團長指揮。率二聯隊。再戰復敗。委棄砲數尊云。

十三日。我右軍右縱隊。與朝鮮嶺敵軍相對峙。敵兵據嶺拒戰。我軍濟兵攻之。中央縱隊是夜占取靠

山屯 在金鐘
山東北 東北丘。

我左軍右縱隊占取板橋堡。其先隊進至八家子。敵軍一師團在黃花甸附近。排砲兵數中隊於前黃花店。抗戰甚強。我軍遣豫備隊增援攻擊之。中央縱隊追擊敵軍。占取劉三家子。進攻沙河堡。日沒。左縱隊右翼兵。攻林盛堡。其一部占取萬家園子。左翼兵占取黑林屯富家莊一線。


十四日。敵軍據大嶺及土門子嶺者。知我一部隊自石橋子遮其退路。稍有退却之狀。我右軍司令官。命本溪湖支隊使追擊之。會我陸軍中將閑院載仁親王親率騎兵團。出敵軍左側擊其豫備隊。於是敵軍潰散。我支隊乘之急追。進至平臺子下達河。敵軍退至邊牛象堡。築壘守之。我右軍右縱隊。占取蓮花山及其北丘一帶。其對朝鮮嶺者。至午後。知敵兵有退却之色。直擊之。追北至代家塔。左縱隊占取西溝山。與中央縱隊連結。擊敗其附近敵軍。進至沙河線。敵軍約一師團。潰走奉集堡方向。其砲兵猶守塔山陣地。向我轟擊。

我中央軍。朝來占取東山口至孤家子北丘一帶。尋擊長嶺子蒲草窪及同家坎敵軍。敵軍敗走沙河以北。我軍進至沙河。

我左軍右縱隊。擊破敵軍。午後。占取黃花甸附近高丘。中央縱隊一部。與左縱隊一部協力。激戰之後。肉薄突入林盛堡。占據之。敵軍步兵一聯隊砲兵一中隊餘。潰走向四方臺而退。我左縱隊在張良堡附近。敵軍步兵約四聯隊砲兵約十中隊。漸次增加。屢來襲擊。我軍皆擊却之。

十五日。敵軍據沙河堡及拉木屯。我左軍中央縱隊攻沙河堡。左縱隊攻拉木屯。敵軍自沙河堡至四方

臺。列砲兵約六中隊。射擊我軍及林盛堡。是夕。我左縱隊遂陷拉木屯據之。敵軍一部。猶駐三道岡子抗拒。我中央軍一部及左軍一部擊敗之。十六日朝。敵軍來襲我左縱隊六次。至夕。更遣步兵約六大隊。砲兵約三中隊來襲。我軍皆擊却之。山田少將率混成一支隊。援我左軍中央縱隊攻沙河堡。連其右翼。擊魏家樓子破之。獲砲一尊彈藥車二輛。展開三道岡子。復破敵兵。乘夜將引歸陣地。敵軍約一師團。突然來襲。圍我支隊。我兵接戰格鬪。衆寡不敵。左右兩翼尤陷苦境。僅開血路。得歸陣地。砲兵人馬多斃敵丸。委棄野砲九尊山砲五尊而歸。自是敵軍日加。夾沙河而相持。是役。自十月九日至十六日。連日交戰。而比較彼我兵力。俄軍。九軍團。



抗拒。我中央軍一部及左軍一部擊敗之。十六日朝。敵軍來襲我左縱隊六次。至夕。更遣步兵約六大隊。砲兵約三中隊來襲。我軍皆擊却之。山田少將率混成一支隊。援我左軍中央縱隊攻沙河堡。連其右翼。擊魏家樓子破之。獲砲一尊彈藥車二輛。展開三道岡子。復破敵兵。乘夜將引歸陣地。敵軍約一師團。突然來襲。圍我支隊。我兵接戰格鬪。衆寡不敵。左右兩翼尤陷苦境。僅開血路。得歸陣地。砲兵人馬多斃敵丸。委棄野砲九尊山砲五尊而歸。自是敵軍日加。夾沙河而相持。是役。自十月九日至十六日。連日交戰。而比較彼我兵力。俄軍。九軍團。

其他砲兵數團。合步兵約二十萬，騎兵二萬六千。砲約九百五十尊。我軍止有約九師團。其他一支隊耳。至死傷之數。據我滿洲軍總司令官報告。敵軍委棄死屍於戰場者。我右軍方面五千二百人。中央軍方面二千五百三十人。左軍方面五千六百三人。合計一萬三千二百三十三人。俘虜七百九人。據倫敦路透電報稱。聖彼斯堡所發報告云。俄軍戰死一萬二千人。負傷五萬五千八百六十八人。則其損傷蓋不下七八萬。我軍死傷。將校以下合計一萬五千八百七十九人也。

我軍所獲戰利品。大砲四十五尊。彈藥車三十七輛。小銃五千四百七十四口。砲彈六千九百二十發。小銃彈藥七萬八千發。其他雜品數百件。戰場互十數里。其間所遺棄武具什器。不遑枚舉。難遽知其詳云。

捷聞。我皇帝陛下下勅獎之曰。我滿洲軍。對敵軍得新銳增援大舉來攻。克制機先以逆擊之。激戰數日。使彼損害多大。遂潰走沙河以北。挫折其規圖。朕深嘉爾將卒忠勇。克堪連日勞苦。以奏偉大功績。皇后陛下。皇太子殿下。亦下旨嘉獎焉。

據俘虜將校言云。旅順攻圍日迫。而歐洲精銳援軍陸續來到滿洲。克魯巴圖金所統兵力至九軍團以上。是以九月二十七日。俄帝下電勅於克魯巴圖金曰。今後不可去奉天北退一步。應計時機速取攻略。驅逐日軍。以救旅順之急。此克魯巴圖金所以大舉南進也。而歐洲諸新聞紙皆言。克魯巴圖金迫帝命。不得已發兵以取大敗。然其發宣言在十月二日。則蓋恃兵力強大。輕視我軍。圖一舉敗之。以復遼陽救旅順。何料我軍先機制勝。逆戰沙河。彼遂招大敗。誇大宣言全屬畫餅。觀其軍略。專用力於左

翼。舉九師團以壓我右軍。而我右軍及本溪湖支隊能竭力支持。至其中軍及右翼。其力差薄弱。故我中央軍及左軍。乘之連陷諸壘。攻擊其側面。側面破而左翼不可復支。遂至潰亂。亦雖由我軍之勇武無倫。抑不得不歸軍略之踈也。

四 旅順口攻擊

旅順口背二零三高地砲臺。前面唯有小丘一二。山麓欹斜。直通海面。可以控制港內全部。若占據之。則中斷敵壘聯絡。敵軍所賴以爲糧道之老鐵山等。不能通東方諸地。故我軍極力攻擊。敵軍亦竭術抗拒。自九月始攻以來。戰鬪激烈。未能攻陷。於是。我軍專修攻擊工事。及其略成。自十一月二十六日。攻戰連日。屢試突擊。奪其近巔塹濠據之。以薄堡壘。三十日拂曉。開砲轟擊。至晚我軍攻其西南者。吶喊肉薄。至山巔下約三十米突。午後七時。增援部隊向巔突入。遂占取之。尋其攻東北者。亦突擊破敵。二零三高地全歸我有。是戰頗激。敵軍死傷極多。伏屍累累積於東麓。我軍損害亦大。自是瞰射傍近敵壘。十二月六日。赤坂山敵軍。不堪我砲擊。撤陣退走。尋擊破寺兒溝北丘及三里橋北丘敵軍。皆取之。

老鐵山及二百三高地間地軍
福要防禦地我軍破壘後實況



先是。旅順敵艦。屢爲我海軍砲及大口徑砲所擊損。屏息港內。及我軍占據二零三高地。俯瞰港灣。莫復遜形。十二月三日。以海軍砲轟擊敵艦。中波比也達艦六彈。中列士維替艦八彈。中他艦者十六彈。五日。復以海軍砲及重砲轟擊。中波比也達艦七彈。中列士維替艦及巴爾拉達艦各十一彈。中卑列斯維多艦二彈。中勃爾太達艦十一彈。中他艦者二彈。勃爾太達艦。發火揚煙約一時。又中白玉山南火藥庫。亦發火。烟燄沖空。約二時間未熄。六日。復開砲擊。中列士維替艦者四彈。中卑列斯維多艦者一彈。據海軍砲隊指揮官觀測言。列士維替艦。左舷傾斜。勃爾太達艦。右舷傾沈。共半膠海底。水浸甲板。巴揚艦。若亦擱礁者。七日。復砲擊。波比也達艦。右舷傾斜。露艦腹而半沈。卑列斯維多艦。壞中央烟突。後松沈沒。巴爾拉達艦。若艦首少沈者。八日。我砲專攢擊巴爾拉達巴揚及西巴斯多波利三艦。中巴爾拉達艦者八彈。發火左傾。艦尾漸沒。中巴揚艦者六彈。亦發火。互數時不滅。又見卑列斯維多北有砲艦義利也古。及水雷敷設艦阿模爾。擊之。中義利也古艦者十一彈。中阿模爾艦者十四彈。艦尾沈沒。又擊白玉山東南麓。及機器局邊倉庫等。命中者約三十六彈。九日。復擊中波比也達艦者五彈。中巴揚艦者七彈。復發火。左舷太傾。有將顛覆之狀。義利也古艦。接白玉山南麓。傾斜破壞。膠著海底。西巴斯多波利艦。避竄港外。其他諸艦。皆破壞傾沈。難復堪航海戰鬪。自二日至九日。俄國戰艦。卑列斯維多。排水量一萬二千。波比也達。同勃爾太達。一萬九百。列士維替。九百二十。巡洋艦巴揚。二千六百。巴爾拉達。三千七百。二隻。水雷母艦。阿模爾。二千六百。一隻。砲艦。義利也古。九百六。砲所轟沈。其他砲艦等數隻。亦受損傷沈沒。

旅順敵艦既滅，獨有戰艦西巴斯多波利一隻，遁出港外。繫泊於城頭山下，於是我海軍將魚雷襲擊。十二日午前零時，海軍中佐笠間直，少佐正戶爲太郎，率水雷艇隊相踵襲擊，未能奏效。十三日午前二時，少佐荒川伸吾，冒敵砲，射擊數次，敵彈破我一艇煙突，壞一艇汽罐室，致進退不便，爲幫艇所曳而歸。六時，少佐關重孝，復率艇隊襲擊，爲敵軍探照砲火所妨，不能見敵艦影。大尉足立六藏所率二艇，接近敵艦，發射魚雷，觀炸烟發揚，然其效果未明。敵砲激射，二艇各受一彈，下士卒三名負傷。十四日午前三時，少佐大瀧道助，與大尉宮本松太郎，中牟田武正，永田武次郎等，共率艇隊進襲，是曉，風雪晦冥，大瀧艇隊不能進，敵艦將探海燈搜照，宮本艇隊乘其隙，冒雪航進，中牟田艇隊向敵軍需船，宮本艇隊，向西巴斯多波利艦，發射魚雷而還，永田大尉所乘艇，與幫艇相失，遂不歸來，蓋爲風濤沈沒。大尉，五月三日第三次旅順堵塞之時，搭江戶號闖入港口，以指揮官高柳大尉戰歿，代之指揮，投錨爆沈而還，今不幸淹死，可惜夫。

我水雷艇隊，襲擊西巴斯多波利艦數次，未達目的，是夜，大舉進襲，夜半各艇相繼至旅順港外，先鋒艇隊，少佐內田良隆率之，特種水雷艇，少尉橫尾敬義爲艇長，深入敵艦泊地，偵察情狀，冒敵艦及要塞探照砲火襲擊，大尉三田村誠造所乘艇，被敵一彈，中牟田武正所乘艇，被四彈，下士卒三名負傷，尋艇隊各定掌管，逐次航進，中佐笠間直率甲艇隊，專掌破壞敵艦防禦，牽制探照砲火，少佐神官司純清率乙艇隊，大瀧道助率丙艇隊，關重孝率丁艇隊，河瀨早治率戊艇隊，自午前二時至四時，接近敵艦，攻擊猛烈，丙艇隊特薄敵艦發射，大尉中壠彥吉所乘艇，被敵砲數彈，大尉以下五名戰死，一名

負傷，艇體亦壞，不能航退。大尉中原彌平在後艇，見之，冒敵彈雨飛之中。百方救助，擊艇曳退，亦被一彈。一卒死。曳艇亦斷，中壩艇已被數彈，將沈沒，乃收生者於中原艇，委棄其艇而還。大尉水野廣德所乘艇，亦被二彈。戊艇隊最後進，敵軍猛射，司令河瀨早治所乘艇被一彈，二卒戰死。中尉高橋武次郎以下二名負傷，大尉莊野義雄所乘艇，亦被一彈，一卒死，五名傷。艇機毀損，大尉渡邊眞吾森駿藏，以二艇擁護而還。我所發魚雷，確認爆發者不少。然敵艦所泊，近岸海淺，雖未詳其損害如何。據望樓所觀，西巴斯多波利艦首少沈，向南東擱坐。十五日夜，我艇隊復襲擊西巴斯多波利艦及砲艦阿特哇知奴依。一千四百九十二噸其他驅逐艦數隻，午前四時，關重孝率甲艇隊，冒雪突入敵艦間，發魚雷射擊西巴斯多波利艦及阿特哇知奴依艦，更與驅逐艦砲戰。魚雷壞其一隻，敵艦亦砲銃攢射，然以距離甚近，我艇隊無此損傷。神宮司少佐所率乙艇隊繼進，與敵艦交戰，敵彈中少佐所乘艇，中樑關士渡邊甚三郎負微創。大尉玉岡吉郎所乘艇，亦受敵彈，一卒戰死，一卒微傷。大尉橫地鏗二所乘艇，曾在修理。聞襲擊命下，急督工事，後各艇而發。司令少佐江副武靖亦搭之，直迫西巴斯多波利艦猛戰，少佐中敵彈斃，一卒負傷，於是各艇皆歸。

東鄉大將，親視察港外，見西巴斯多波利艦距岸約四百米突，礙繫淺水，從損傷部頻斟出浸水。艦體傾斜約及十度。驅逐艦一隻，亦擱坐岸邊，海水浸艦腹，據俘虜言，西巴斯多波利艦，防禦甚嚴，艦首橫大橋桁，以張防網。在其前三十呎或四十呎之處，以巨繩繫方材約三呎內外者，浮之海水，以提防網。其兩端立若標杆者云。十三日，襲擊以來，我魚雷八箇命中，壞西巴斯多波利防禦網。十五日夜，魚

雷一箇命中其艦體。左舷後部壞外鉸釘約八呎。艦首向外。艦尾坐海底。右舷尤傾。海水殆浸中甲板砲口。下甲板艙窓。自後桅至第三窓。盡沈水中。十六日早朝。擊水雷艦一隻於右舷艦尾。擊唧筒船一隻及水雷敷設船於左舷。以扶掖之。自陸上以大繩繫之。船員極力用唧筒排除浸水。然遂不復能戰。於是旅順艦隊。無復完艦。二十二日。我皇帝陛下及皇后陛下。皇太子殿下。皆下旨褒之。

先是。我海軍。誤失初瀨戰艦。吉野巡洋艦。宮古海門四艦。九月十八日。平遠艦。掩護陸軍。向鳩灣方面爲哨艦。天候險惡。風雨暴烈。將歸航。右舷中央誤觸敵軍機械水雷浮漂者。轟然爆發。時艦長航海長及將校等。在艦橋上。命乘員將卸脚艇。一瞬間忽然沈沒。衆皆躍身投海。爲怒濤所簸揚。率皆淹沒。盡將

校十一員。下士以下計百八十六名。細谷第三艦隊司令官。使濟遠艦搜索。見下士二人。卒二人。上礁免難。救之而還。又外十一人。嚮帶任務上陸。以得生存。平遠艦。西千八百八十七年。我明治二十年。清國

福建省馬尾所製造。排水量二千二百噸。一等砲艦。屬清國北洋艦隊。日清之役。與我海軍戰於黃海。

及威海衛陷。爲我軍所獲。十一月三十日。濟遠艦。在旅順港外。應援陸軍。兼行封鎖。復爲機械水雷所觸。黑煙包艦。赤城艦在傍。砲擊敵軍。見之轉舵將救之。濟遠艦忽沈沒。乃投錨。與他艦及汽艇。極力救助。得救濟遠副長以下准士官十五名。下士卒百七十五名。艦長但島惟孝以下三十八名皆死之。

濟遠艦。西千八百八十五年。我明治十八年。清國光緒十一年。德國所製造。亦屬清國北洋艦隊。日清之役。爲我所獲。夫

我諸艦屢與敵艦砲戰。未嘗一損傷。而誤觸水雷。以罹慘禍。可堪痛恨哉。

敵艦西巴斯多波利既大壞。旅順艦隊殆盡。於是十二月二十二日。東鄉聯合艦隊司令長官。概記戰圖

經歷報告曰。因攻圍軍武勇絕倫。攻擊猛烈不撓。自二零三高地歸我有。可以制敵軍死命。攻城重砲逞其威力。轟射港內敵艦。敵艦勃爾太達。列多維贊。倏忽沈沒。波比也達。卑列斯維多。巴爾拉達。巴揚。相繼擊沈。獨西巴斯多波利。避背而砲擊。逸至港外城頭山下旋泊。亦爲我水雷艇隊果敢連襲所壞。今既失其戰鬪航海之力。旅順敵軍艦隊。茲歸全滅。惟所剩。不過砲艦阿特哇知奴依。及驅逐艦數隻耳。於是聯合艦隊。將撤五月一日以來所強行封鎖。中一部不肯索者。然猶密監視船艦從港外破封鎖者。且嚴警戒殘存敵軍艦艇。夫自行封鎖。日月既久。其間敵軍所敷設及浮漂水雷之危害。風濤霧雪之險難。常不絕踪。前有宮古吉野初瀨海門諸艦之災厄。後有平遠濟遠之遭難。雖忠死將卒亦非少。幸得終始維持封鎖。時有敵艦逸出。亦每破其規圖。遂因攻圍軍至大協力。茲至見敵軍艦隊全滅之成果。烏港方面敵軍艦隊。亦嚮爲我第一艦隊所擊傷。無復出戰之氣勢。大元帥陛下。威德所覃。洪遠偉大。深不堪感激。而此間。又非獨麾下部隊各應能力。常得能遂其任務。乃至決死堵塞敵港之閉塞船隊。連續不倦沈置機械水雷放敵前之水雷艦艇。冒危從事掃除敵海之特別掃海隊。曝露敵砲前監視敵艦之前進望樓員等。各奏至大効力於此方面封鎖戰。今具報之。信本職對上下之爲職責也。至是。我海軍事業。始成一段矣。

先是。我左軍。自十一月二十六日。攻松樹山二龍山及東鷄冠山敵壘。奮戰連晝夜。未能拔。至十二月十八日。我軍一部。爆壞東鷄冠山北砲臺。直突擊。拋爆藥交戰。敵兵拒圍甚力。且放機關砲。我兵不能進。鮫島中將見之。自率豫備隊。進奪外岸穹穹。鼓勇突前。午後十一時遂陷之。敵兵自爆發所埋設

圖射伏兵我面背順旅



地雷四箇。委棄九珊知野砲五尊。機關砲二尊。及彈藥若干。死屍四五十而逃。尋二十二日。我軍以重砲轟擊後楊樹溝東丘。及二龍山松樹山等各敵壘。我右軍。亦攻鳩灣方面。是日。乘敵軍動搖。擊破後

三羊頭村北丘。尋復擊破村西半島敵兵。皆占取之。獲小口徑砲一尊。敵兵屢返戰。我軍悉擊却之。二十三日拂曉。我右軍。攻後楊樹溝東丘。略取其頂線。敵軍自太陽溝及鴨湖嘴砲臺攢射。且來襲接戰。互投爆藥。我兵遂擊却之。午後。敵砲稍衰。我兵乘間。施設防禦工事。占據後楊樹溝東丘。因我重砲射擊。西太陽溝北砲臺發

火。碎壞某砲臺十五珊知砲一尊。又多毀掩蓋。

敵軍要地。在西北爲二零三高地。在東北爲二龍山及松樹山。我軍既得二零三高地。敵軍猶固守二龍

山松樹山。我軍屢攻之。未能得志。二十八日午前。我左軍中央隊。向二龍山砲臺攻擊。爆破其正面胸牆。突擊占取之。我重砲及野戰砲。與敵砲交戰。乘其間施設工事。午後。突擊敵軍重砲線。復占取之。進擊要部殘敵破之。占取砲臺全部。虜敵兵二名。獲大口徑砲四尊。小口徑砲七尊。三十七密理砲約三十尊。機關砲二尊。其他材料器具若干。據俘虜言。敵兵守此者。約五百名。及水兵若干。概皆戰歿云。據俄帥斯迭舍爾電報稱。午前。日軍爆破我第三號砲臺。即二龍山砲臺胸牆一部。尋全軍砲擊頗猛。午後。日軍從其所占取塹壕及斜堤。突擊胸牆二次。我軍擊却之。然日軍占取所爆破胸牆。益豫備兵分成數團。踰塹壕。遂占取我胸牆。尋約二大隊突進砲臺內。我兵據壘拒戰。然壘壁太損。我兵一部潛伏穹窿。日軍將機關砲塞穹口。我兵不能突出。我豫備隊自外來援。三襲日軍。復不奏效。砲臺遂爲日軍所陷。我損害頗大。將校殊多云。三十一日。我左軍。復攻擊松樹山砲臺。爆破其胸牆。敵兵自爆發砲臺內地雷。退保南丘。我右軍中央隊左翼兵突擊。遂占取松樹山砲臺。獲七珊瑚野砲三尊。五十七密理砲二尊。機關砲二尊。敵兵一部在掩蓋內。爲我兵爆破。土砂墜落。皆被埋沒。後我兵掘開土砂。虜將校二員。下士以下百六十餘名。據俘虜言。敵兵爲埋沒死者。約百五十名云。是日。我作業隊。爆破盤龍山東砲臺圍壁。翌一月一日。中央隊驅逐殘敵兵。占取某砲臺。獲砲三尊。尋陷盤龍山砲臺。至是。自二龍山經盤龍山至某砲臺。旅順東北一帶敵壘。皆爲我軍所占。中央軍及左翼隊。砲擊望臺。尋突進陷之。獲砲四尊。是日。我右軍亦砲擊後三羊頭村南丘。遂占取之。以迫旅順西北。

據敵報。二十九日。俄帥斯迭舍爾電奏曰。今日日本軍占取要塞東北方面。我猶可支持數日間。彈藥殆

盡，破血病猖獗。甚滅殺守備力。執武器者。現有一萬人。然亦多病。本職不忍見市街戰之慘酷。當講豫防手段。及我軍陷松樹山。復電奏曰。至此等陣地落敵手。我開城之外。無他策。玆仰陛下寬恕。今我竭人力所及。十一月之久。不絕戰鬪。勢力消盡。冀陛下諒之垂憐察。可以知斯迭舍爾知旅順遂不可守。降服之意決矣。

五 旅順口俄軍降服

明治二十八年。清國光緒三十一年。西一千九百零五年。一月一日午後五時。俄帥斯迭舍爾。令其中尉瑪爾臣克マールチン爲軍使。齎書來水師營南我軍第一線。致書於我將校。其書曰。

第二五四五號。旅順口一九零四年十二月。署十二月。考從俄曆。貴下。考察交戰地域全般形勢。爾後不要抵抗。爲不徒損人命起見。予望共議開城。若閣下同意。指命委員。議開城條件順次。併願選定我委員與該委員會合之地。

我旅順攻國軍司令官陸軍大將乃木希典。受之。二日天明。致回答書於敵軍曰。

一九零五年一月二日。於旅順口攻圍軍司令部。貴下。予同意閣下欲議開城條件及順次之提議。與有光榮。因命旅順攻圍軍參謀長伊地知幸介爲委員。使參謀及文官若干名隨行。即一九零五年一月二日正午。當與貴軍委員會合於水師營。兩軍委員。當有開城規約署名捺印後。不待批准。直生效力之全權。其全權委任狀。當以兩軍頭等指揮官署名。相互交換。

乃木大將。即電報之於我東京大本營。參謀總長山縣有朋。電諭我皇帝陛下聖旨於乃木大將曰。

伏奏將官斯迭舍爾開城提議。陛下嘉斯迭舍爾爲祖國盡苦節。有旨。期使渠保武士名譽。

是日午後一時。我委員伊地知參謀長。率文官三名及士官數名。俄軍以參謀長雷斯爲委員。瑪爾臣克副之。率佐尉官十餘名。來水師營相會。共議開城條件及順次。對話總用英語。尋兩軍下戰團休止之命於全軍。至九時四十五分。協議全畢。各捺印規約書。

開城規約

第一款 在旅順要塞及該港。俄國陸海軍軍人。及義勇兵。並官吏。總爲俘虜。

第二款 旅順口全堡壘。砲臺。艦船艇。兵器。彈藥。馬匹。其他一切軍用諸材料。官舍官有諸物件。當隨現狀。交付之日本軍。

第三款 承諾前二款。爲其擔保。迄一月三日正午。撤椅子山。小案子山。大案子山。及其東南一帶。丘陵堡壘砲臺守備。當交付之日本軍。

第四款 俄國陸海軍。破壞該規約捺印時所現存第二款諸物件。又以他方法。變更現狀。則日本軍當停廢協議。取自由行動。

第五款 在旅順口俄國陸海軍官憲。當查製旅順要塞配備圖。地雷水雷其他危險物布設圖。及在旅順口陸海軍編成表。陸海軍將校官爵等級氏名簿。文官官職氏名簿。軍隊艦艇船名簿。及其乘員名簿。普通人民男女職業員數表。交付日本軍。

第六款 兵器。合各人携帶兵器。彈藥。軍用諸材料。官舍官有諸物件。馬匹。艦船艇。及其內部諸物件。除私有物

當悉整置之於現在位置。若其受授方法。日俄兩軍委員。當規定之。

第七款 日本軍認俄軍防禦爲名譽。許俄國陸海軍將校。並所屬官吏。帶劍。及携帶生活必需私有品。前記將校官吏。及義勇兵。手記宣誓至本戰役終局不執武器。又不問方法如何。不敢爲害日本軍利益之行爲者。許其歸還本國。並陸海軍將校。各隨從卒一名。其從卒亦特宣誓放釋。

第八款 俄國陸海軍下士兵卒。及義勇兵解除武裝者。當著其制服。携帶帷幕及所要私有物件。從所屬將校指揮。到日本軍所指示集合地。但若其詳細。日本軍委員指示之。

第九款 在旅順口俄國陸海軍衛生部員。及經理部員。爲病傷者及俘虜救護給養。迄日本軍見做必要時期。當駐屬日本軍衛生部員及經理部員指揮。續服任務。

第十款 普通人民處置。市街行政。會計事務。及文書交付。其他關本規約執行細則。以本規約附錄規定。右附錄。有與本規約同一効力。

第十一款 本規約。日俄兩軍各製一通。從捺印時。直生効力。

開城規約附錄

第一款 爲實行本規約。於日俄兩軍。當指定委員如左。

一 關本規約第六委員。關壘壘砲臺及在陸兵器彈藥等委員。

關艦船艇等委員。關胸墻物件委員。

關危險物除去委員。

二 關本規約第八款委員。

三 關本規約第九款委員。

四 關本規約第十款委員。

第二款 前款諸員。一月二日正午。集會白玉山北麓旅順路上市街口。著手其擔任事項。

第三款 在旅順要塞內陸海軍人。受其編制表後。依日本軍所指定順序。將校及所屬官吏帶劍。士官以下不攜帶一切武器。一月五日午前九時。以其最先頭到鴨湖嘴東端。當受關本規約第八款委員指揮。但將校以下。要攜帶一日糧食。

第四款 俄國官吏不屬陸海軍者。每各職分爲一團。當續行前款所示諸隊。但該官吏中。不屬義勇兵者。不用宣誓。直從放釋。

第五款 各堡壘。砲臺。諸建築物。諸倉庫。諸物件所在地。各艦船艇內。當留置將校下士卒等所要受授人員。使該人員佩用日本所製徽章。

第六款 陸海軍軍人。義勇兵。及官吏。一月四日午前九時以後。猶攜帶兵器。又不肯到所指示集合地者。日本軍當適宜處分。

第七款 本規約第七款所示。將校及所屬官吏可携行私有物件。認做必要之時。應檢查其數量。概準日本軍將校及所屬官吏規定行李數量。

第八款 在旅順陸海軍用病院船。日本軍委員臨檢之後。從其所定處分。

第九款 普通人民。當各安堵。欲其退去者。得携行私有財產。但陸海軍將校。及官吏家族。欲退去者。日本軍當務與便宜。

第十款 在旅順要塞居住人民。日本軍認要退去者。依日本軍所指定時期及通路。使之退去。

第十一款 關本規約第十款。俄國委員。當告知關行政兼會計既往及現在狀況於日本軍委員。且交付一切關係圖書。

第十二款 日本軍人爲捕虜在旅順港者。一月三日午後三時。當交付日本軍委員。

三日午後一時三十分。我軍收領俄軍所擔保椅子山大案子山小案子山及其東南一帶丘陵堡壘砲臺。四日。又收領他堡壘砲臺及一切軍用諸材料官有諸物件。自五日至七日。集合俘虜總員於我軍指定之地。以收領之。其員數。將校等一千四百五十六人。下士卒四萬八千五百八十五人。合計四萬一千六百四十一人

當兩軍委員議開城規約。關第七款宣誓歸國之事。俄國委員。請電奏俄帝仰其裁可。我委員得軍司令官允諾之。使以英文記之。我軍代從周家屯軍用電信局發信。其文曰。本日。二月二日。微臣。至關旅順降服署名開城規約之不得已。日軍許將校及文官佩劍。又許負不與現在戰爭之義務。以歸俄國。若不然。不得不爲俘虜在留。微臣對此所要請義務。仰皇帝陛下裁可。四日。俄帝復電到周家屯。其文曰。朕許利用將校所保留特權。負不參與現在戰役之義務。歸來俄國。若與兵卒共運命。感謝卿及勇敢守兵之有光輝防戰。於是。八日。得宣誓放釋者。司令官斯迭舍爾。陸軍中將那狄因。少將軍爾巴忒夫斯奇。固斯臣克。雷斯。薩維奇。海軍少將洛西底列斯奇。克里革洛維的。公爵烏夫特木斯奇。機關總監林的。

圖見會爾舍迭斯帥俄及軍將木乃



別克。以下將校五百二十六名。下士卒八百六十二名。若陸軍中將尼琛、法克、斯密爾諾、少將索夫曼、達羅、威耳曼、培類、海軍少將維列尼、不肯宣誓歸國。其他將卒爲俘虜。

先是一月一日。俄軍已提議開城。是夜。自破毀東鷄冠山。其他堡壘。亂射小銃。我軍遣斥候偵之。敵兵

既去。即占取之。又爆沈西巴斯多波利艦。及阿特哇知奴依艦。其他大小艦船於港內外。驅逐艦斯固

累、斯達多奴依、武拉斯多奴依、西耳底提四隻。率小汽船一隻。遁入芝罘。婆夷客伊、斯密耳奴依二隻。

率一運船載傷者八百名。遁入膠州灣。我海軍追躡之。中佐山屋他人搭秋津州艦。藤本秀四郎率驅

逐艇隊。笠間直率水雷艇隊。至芝罘。第三艦隊司令官東鄉正路。率千代田艦長大佐龍田艦長中佐

艦及驅逐隊。司令中佐 鈴木實太郎至膠州灣。遂使敵艦悉解卸武裝。俄軍當開城之際。破毀堡壘。爆沈艦船。或遁

逃。世或有謂以爲鄙怯處置者。我攻圍軍特爲報告大本營曰。斯迭舍爾將軍。且提議開城。且破壞砲臺

艦船。或有以爲鄙怯處置者。然實未嘗休戰。直開協議。其成否未定間。破壞殘餘物件。非直彼權利爾。寧

可爲開城時適當處置。其一旦決議捺印。俄國委員。直以電報制止一切破壞。及其交付。事極整潔。

其他敵軍砲艦知地義多。我軍占取二零二高地後。爲砲彈所中。在旅順口西港內魚雷營東澳。露三橋

於水面沈沒。拉斯階尼克。在港口燈臺附近。露三橋於水面。塞水路沈沒。蓋係自爆。撒疋牙加。爲我

狼山軍所砲擊。在西港內虎尾半島西約二百米突。露橋及烟突於水面沈沒。哇撒特尼克。該朶瑪克二

艦。在魚雷營附近擊沈。又驅逐艦婆也烏阿依。西爾尼。布底提利尼三隻。在魚雷營棧橋附近。斯多羅

上阿依。刺若斯的二隻。在其西約一千米突。共擱岸破壞。於是。俄國太平洋第一艦隊。末路悉明。其

在旅順口者。戰團艦七隻。內六隻沈沒。一隻遁入膠州灣解卸武裝。裝甲巡洋艦一隻沈沒。巡洋艦六隻。內三隻沈沒。一隻擊沈於仁川港。一隻遁入柴棍。一隻遁入上海。共解卸武裝。假裝巡洋艦四隻。內三隻沈沒。一隻九月十二日至米國桑港解武裝。砲艦十二隻。內十隻沈沒。一隻擊沈於仁川港。一隻入上海解武裝。驅逐艦二十五隻。內十三隻沈沒。五隻入膠州灣。四隻入芝罘。一隻入上海。共解武裝。一隻入芝罘。爲我軍捕獲。一隻自爆沈。在烏拉地俄斯德港者。裝甲巡洋艦三隻。內二隻蔚山洋之戰損傷。一隻擊沈。巡洋艦一隻。五月中旬坐礁於亞模爾灣。若修理未成者。

我軍所收領主要諸物件。品目如左。

一 永久堡壘砲臺。五十九所。

二 兵器彈藥車輛等。

各種大砲總數五百二十八尊。各種火砲彈丸總數二十萬六千七百三十四發。各種小銃總數三萬六千五百九十八口。小銃實包五百四十三萬六千二百四十發。拳銃實包七千發。水雷六十個。爆藥一千五百八十八個。火藥三萬吉羅。軍刀一千八百九十一口。彈藥車二十九輛。輜重車六百六輛。雜種車六十五輛。乘馬具八十七個。輓馬具二千九十六個。

三 電燈十四具。

四 電信機十五具。電話機百三十四具。回光通信機二具。

五 土工器具千百七十一件。

六馬百九十二頭。

七艦船艇。

戰鬪艦卑列斯維多以下四隻。西巴斯多波利艦以沈在水底不算。巡洋艦巴爾拉達以下二隻。砲艦驅逐艦十四隻。汽船十隻。小汽船八隻。雜船十二隻。民有船若干。以上艦船。皆多破壞。或沈沒。外有小汽船三十

五隻。少加修理。輒可使用。其他食料糧秣。猶可支數日。

我皇帝陛下。賜勅於乃木大將及東鄉大將獎之曰。

旅順。於極東為水陸重鎮。第三軍及聯合艦隊。協同戮力。久冒寒暑凌苦難。勇戰奮鬪。克奪取鐵壘。殲滅堅艦。使敵至遂開城乞降。朕深嘉爾將卒。克全其重任。奏偉大功績。

皇后陛下。皇太子殿下。亦下旨嘉賞焉。

旅順鎮守府司令官海軍中將柴山八氏



尋聯合艦隊。解除其封鎖。置鎮守府於旅順口。以海軍中將柴山八為鎮守府司令長官。少將植村永孚為港務部長。大佐玉利親賢為參謀長。使急赴任。

自明治三十七年五月二十六日我陸軍略取南山。海軍亦封鎖金州半島。尋我陸軍大破俄軍於得利寺。旅順在包圍之中。救援之望全絕。而俄軍猶能支持。經七八月之久。遂至開城乞降。雖固由我陸

海二軍攻擊之力。然其原因。蓋亦多端矣。據俄軍少將威耳曼言曰。至旅順開城之不得已。一由病傷者多。一由彈藥缺乏。病傷者日增。欲治療之。則衛生材料不足。其結果戰力減少。至不能守備二十五俄里之戰線。加之彈丸缺乏。小銃彈殊甚。開城之時。兵員尚餘五千。而無彈丸之可分配。戰力全盡。雖將校自執銃奮戰。奈彈藥匱缺。遂至開城。俄軍軍醫總監某曰。旅順運命。既盡於水源破壞之時。爾後飲水污濁。從生疾病。赤痢窒扶斯等極猖獗。加之傷者日多。醫官一員擔任四百名以上。倉庫破壞。失衛生材料。至繃帶全竭。代用海草。據十二月二十八日俄帥斯迭舍爾電報曰。要塞地位。漸極慘狀。我敵在敗血病及日軍十一吋砲彈。敗血病。起於營養不良。勞動過度。菜蔬缺乏等。雖務豫防。病勢蔓延。斃者相踵。又敵軍十一吋砲彈。猛烈射擊。我軍彈藥匱少。不能應戰。將校死傷極多。將官十員。內昆特拉臣克。丟爾必奇。戰死。辣那多夫斯奇病死。本職。舍爾。及那狹因。哥爾巴多斯奇負傷。聯隊長九員內。二名戰死。二名傷後死亡。四名負傷。其他指揮官中。戰病以死。或負傷頗多。至使少尉候補生指揮中隊。各小隊約不過六十名。今病院收傷病者一萬四千人。新患者日不下三百名。則知傷病者多數。彈藥缺乏等。有與於開城之原因也。又觀開城當時之狀。據為開城軍使之瑪爾臣克言曰。予為軍

旅順鎮守府港務部長海軍少將植村永孚氏



旅順鎮守府參謀長海軍大佐玉利親賢氏



使。會見伊地知參謀長於水師營之後。歸到幕營。斯迭舍爾將軍。與參謀長雷斯。立門待予歸。聞予謂日軍參謀長。言明日可再來水師營。將軍點頭。更問日軍士氣軍容如何。予言。日軍比前日。有和平之氣。軍容頗優容。將軍曰。當爾。直命參謀長雷斯。解旅順全線戰備。予於是始知乞降日軍也。二日。予副雷斯。到水師營。協議開城規約而還。將軍命參謀長。集軍隊司令官及獨立部隊長官於

幕營。是時未了捺印。成否猶未詳。若事破。予輩決意執戈再起。而見各長官四十餘名來。渠等既喜開城。有酌三鞭酒醉步蹣跚者。兵氣全沮。不能復戰。既而將軍曰。吾心事既定。不要復會見。閉室而居。使參謀長代致意。參謀長唯一語曰。諸君全然肯降伏否。四十餘人既無冒彈雨之勇。莫一荅諾否。參謀長復勵聲曰。然則諸君復從戰

爭否。時一人低聲荅曰。無要。無要。無復戰爭之要。時斯密爾諾フオイク。法克フオイク。未詳其人。將官會議之際。常持硬議者。俄然改其態度曰。諸君。降服者恥辱也。降服無程度。我等已甘恥辱。寧甘受恥辱之極。今兵士聞開城之說。既無執兵者。事已至此。不顧條件如何。降服之外。無復他策。議立決。斯密爾諾。法克二將。不肯宣誓歸國。甘爲俘虜。蓋別有所見。瑪爾臣克之言。有若誹謗之者。豈其意見相乖歟。又據參謀長雷斯言曰。至予爲軍使與日軍參謀官會見之時。斯迭舍爾將軍。懊惱之狀不忍觀。及予了第一回會見歸來。將軍在戶外待予。予期其悲憤慷

慨。何圖聞予報協商之狀。決然點頭。予輩道其遺憾無窮。將軍微笑不答。直命予使各部隊長保管簿記。期今夕十時致帳下。予傳令各部。將軍直跨馬曰。予乘馬於旅順。止今日耳。率予訪各隊指揮官。握手謝勞。午後二時。命集赤十字病院。至其悉集。將軍率之詣戰死者墓。慨然弔其忠魂曰。以勇敢殉旅順。爾等雖日軍占領之後。猶永快眠。斯迭舍爾等。遂不污爾等之名。邇日將別。猶希快眠。予等泣涕訣別。三日午後。集軍旗軍艦旗將官旗於幕營前。旗手捧聯隊旗。士官捧軍艦旗。率衛兵皆集。順次整列。將軍自幕營出。左腕佩喪章。告別曰。嗚呼旅順今已矣。名譽國旗。當與旅順共運命。爾等謹葬軍旗。尼克來堂僧侶。齊行祈禱。旗手等皆不忍放旗竿。若聯隊長奇耳忽夫。傷其足。猶擁軍旗而泣。併其肩章燒之。若多里茶哥夫。曰我狙擊聯隊。由各選兵成。俄突戰爭以來。軍旗奏偉勳。得赤章十一回於茲。今至十二回。敗挫燒旗。痛恨悲憤。何以況之。予望將來猶一粒種生千粒麥。此一旗復生數十旗。將士狂泣約三時間。軍旗悉燒。然人喜生懼死。樂逸忘勞。其後數十分時。將士無復悲憤之態。有飲酒醉歌歡呼者云。當旅順開城之日。一時悲壯慷慨之狀可想。然觀其無幾醉歌不顧。其士氣之沮喪。亦可以推知耳。我乃木大將。遣川上書記官慰問俄帥斯迭舍爾。贈三鞭酒一函。葡萄酒一函。鷄三十羽。五日。兩將會見。各吐露其胸襟。談話移時。斯氏曰。日軍勇敢中。其砲兵精鍊。實可驚歎。發射二十八。不誤照準。著著破的。此一事。我輩甚苦之。又工兵進步。更喚一驚。若松樹山第三砲臺爆發之時。爆烟未散。砲彈早已攢注。殲滅我守備兵。功名無比。又雜諧謔語曰。從來二十八。爲海上砲。今用之陸上。實失防禦之術。可謂酷矣。乃木大將亦以諧語

答之曰。貴軍苦二十八叻砲可察。然貴軍今發水雷於山上。又投一種奇創爆藥。我軍亦甚苦之。而爆彈之術。大有所得於貴軍。斯氏曰。海軍將校上陸。乘閑偶試之耳。衆皆大笑。其英雄相遇。灑落之風可想見矣。既斯迭舍爾。宣誓歸國。取途我長崎。乃木大將致書我荒川長崎縣知事。託其待遇懇篤。十五日。斯迭舍爾到長崎稻佐。厭多見我邦人。會縣知事領事外。不遇他人。十七日。與其妻共搭法國汽船。向上海而去。斯迭舍爾以敗軍之將。受我邦款待。偏出我皇上至仁聖旨。可謂渠亦名譽既極矣。

六 俄軍牛莊附近來襲。及黑溝臺之戰。

沙河大戰以後。日俄兩軍隔河相持。其前哨小鬪始無虛日。而俄軍騎兵團指揮官少將密斯臣克ミシキン。率騎兵五六千。砲十數尊。遙迂回西方。潛經清國中立地遼西地方。向牛莊來。一月十一日。我騎兵支隊。突然遇敵騎約四中隊於唐馬塞西。交戰擊却之。敵軍增騎兵數中隊砲八尊。復邀之於劉二堡。擊破之。是日。敵軍二千餘。率砲兵來襲牛莊。我守備隊兵寡。且退。增兵與之交戰。是日。敵騎兵小部隊。潛入鞍山店海城間。及營口大石橋間。破毀鐵路。我軍直修理開通。十二日。敵軍騎兵約八中隊。率砲十二尊。自二家子來襲。圍我牛家屯兵站司令部。我軍擊却之。敵兵死傷不下八十。委棄死屍而走。十四日。我軍一支隊。圍擊敵軍騎兵團於牛莊西三叉河邊。敵軍潰亂。死傷三百餘。獲兵器若干。據我支隊參謀將校言。見此敵軍中。多有清國官兵。十六日。敵軍敗潰。自牛莊方面。經老都牛桑。向東北而退。是夕。我騎兵支隊。與敵騎遇於老鶴砦附近。擊逐之。其報云。敵軍中復多有服清衣冠清帽或辮髮

者。而甚極疲勞。蓋敵軍意。在迂回潛襲海城邊。破壞鐵路。以遮絕我遼陽及金州等中間。妨我軍需運輸。而不能遂其策。一敗周章遁去。

日俄兩軍夾沙河。各築壘嚴守備相對峙。俄帥克魯巴圖全。料其自正面難攻。欲襲我側背。乘我軍混亂。大舉破正面。以克復遼陽。而俄軍陣長灘。隔渾河。

沙河下流
入渾河

距遼陽僅七里。最近。故以敵左軍。

控制我右翼軍及中央軍。舉西伯利第一軍團。集成軍團。狙擊步兵第二及第五師團。第八軍團一部。西伯利豫備第六十一師團。獵步兵等。約七師團。及騎兵一師團。向我左翼軍進攻。二十三日。敵軍波蘭兵一人投降我軍門。其言曰。二十五六日之際。俄軍應大舉來襲。於是我軍密備之。二十五日。集兵於大臺邊。是日。俄軍果舉衆濟渾河來攻。其約一師團。圍我支隊守黑溝臺者。我兵激戰。乘夜退還古城子。二十六日。我軍司令官。使左翼隊向蘇麻堡頭泡。聯繫右翼隊於其右。砲兵開列老橋西端。以攻黑溝臺。敵軍占據黑溝臺及頭泡。頭泡地形自成城寨。敵軍列機關砲。防備頗嚴。以我軍不先破之。則不便於攻黑溝臺。舉主力攻擊。左翼隊進蘇麻堡五家子。右翼隊至老橋東。遇敵軍約二大隊。擊破之。進老橋蘇麻堡。飛雪紛紛。寒威凜烈。我軍冒之攻擊。敵軍排列砲約三十尊於黑溝臺頭泡間。射擊極巧。我兵死傷頗多。以至日沒。是日。敵軍約一師團。別自長灘進。圍沈且堡攻之。我軍使一部隊在古城子者擊逐之。我小哨將校一名。下士卒二十八名。在黃蠟蛇子。爲敵軍所圍。我兵拒戰。大半負傷。遂爲敵軍所虜。其傷者敵兵悉殺之。二十七日。敵軍迫我右翼者稍退。乃使古城子部隊爲中軍攻黑溝臺。又一兵團在狼洞溝者。自大臺東冒敵砲而進。向柳條口及李家窩棚。以掩護我右翼隊及沈且堡左

側。我軍協力攻擊墨溝臺。然敵砲增加。死傷復多。然諸隊奮進。近接敵壘。會敵軍約一師團。自牛店及黃蠟蛇子來。衝我左翼隊側。又敵步兵及騎砲兵入八黃地擊其背。將校以下死傷尤多。於是退保三尖泊。是夜。敵軍來襲諸隊。若我兵在蘇麻堡者。敵兵各一聯隊前後來擊。我軍苦戰格鬪。悉擊却之。是日。我一部隊進向修二堡。掩護左翼。又爲敵軍所遮。駐保徐家窩棚斜哨一線。二十八日。我一兵團自狼洞溝進者。擊破敵軍。其右翼兵占取柳條口。左翼兵占取李家窩棚。我諸隊猶攻擊墨溝臺。前來襲敵兵一隊。潛在蘇麻堡部落。射擊我中央隊背後。中央隊乃分一部返擊殲之。虜二百餘人。我左翼隊。知我支隊自徐家窩棚等來援。鼓勇前進。復取五家子。支隊亦前破敵軍。占取修二堡。我軍又自狼洞溝。別分一隊爲最左翼。將攻黑溝臺。敵軍步兵一聯隊。騎兵一旅團。砲十二尊。機關砲二二三尊。守八黃地及哈爾堡以扼之。我軍與修二堡支隊合擊破之。敵軍向洪家窩棚而退。

我軍諸隊攻黑溝臺三晝夜。未能陷之。二十九日。諸隊皆決死夜襲。數次前進。敵砲暴烈。機關砲尤猛。我軍死傷極多。然諸隊奮進攻擊。敵軍終不能支。漸退潰。我軍乘之。遂次突入黑溝臺占取之。尋追擊敵軍敗竄兵。經烟臺子至土台子。左側支隊一部占取黃蠟蛇子。修二堡支隊擊破敵軍。取七臺子。占渾河線。我兵在大臺附近者。與李家窩棚部隊。共擊破敵兵。占取菲菜河子。其主力追擊敗敵。進出渾河右岸。至長灘南。敵軍向四方臺及年魚泡而退。於是我軍悉驅逐敵衆於渾河右岸。是役。我軍死傷頗衆。殆至七千人。據俘虜言。敵軍向我左翼者。步兵四聯隊殆皆殲滅。一中隊減至二十三人者不少云。由此觀之。敵軍死傷蓋不下一萬。

二月一日。敵軍狙擊步兵第二及第五旅團。犯柳條口。我軍擊却之。敵兵向長灘而走。委棄死屍者百六七十。敵軍死傷蓋不下七百。狙擊步兵第四聯隊長負傷云。二日朝。敵軍復砲擊沈旦堡。我軍應戰。既而敵軍攢射野砲及重砲於鴨子泡附近。尋約一師團進入王家窩棚。在長灘東南我軍復擊却之。


七 奉天附近大戰

日本軍大破俄軍。占取奉天及鐵嶺開原昌圖府。

始我陸軍中將川村景明。從中央軍。即野津大將所率軍攻陷遼陽。尋暫還本國。陞任大將。再率後備軍團。一月下旬發程。至二月中旬。悉上鴨綠江岸。由我右軍即黑木軍之

右故亦稱最右軍進至賽馬集。二月二十日。驅逐城廠北方敵軍。其右翼隊。擊破敵軍步兵約一大隊騎兵約三中隊。山砲二尊在干合嶺及榛子嶺者。占取其地。敵軍委棄死屍二十。向金斗峪而退。獲兵器被服若干。虜一名。左翼隊。亦擊破小高力營及蛤蟆嶺敵軍步兵約一大隊騎兵約一中隊。占取之。二十一日。敵軍步兵約一大隊。砲四尊。集於灣柳河東。又見步兵約二中队自

奉天附近之圖



鐵嶺昌圖間略圖



灣柳河向金斗峪而進。午後。敵軍砲兵約一中隊。來英守堡。在灣柳河西南二吉羅砲擊我軍。我砲兵應戰至日沒。二十二日午前。敵軍砲兵約二中隊。在灣柳河邊。射擊我右翼隊第一線。正午。步兵約三中隊。來襲我右翼隊左翼。約一中隊襲我左翼隊右翼。皆擊却之。敵軍步兵約一聯隊。砲兵一中隊。築壘據灣柳河

邊。午後。我右翼隊擊走之。分一部攻金斗峪取之。我左翼進至南臺子。將攻擊清河城。敵軍步兵約五中隊來襲。又擊却之。二十三日。我軍攻擊清河城敵軍。是日。飛雪紛紛。不辨咫尺。敵軍據天嶮築堅壘。以拒戰。我軍攻擊甚艱。至日沒收戰。

二十四日。我最右軍。復攻清河城。午後六時拔之。敵軍敗潰。委棄死屍百五十。向馬群丹而走。我軍追之。然地險且夜暗。不能窮追而止。虜敵兵二十四名。獲機關砲三尊。小銃約二百口。彈藥約十萬發。據俘虜言。此敵兵。豫備步兵第七十一師團。率野山砲二十

尊。各中隊編員約百五十人。而若二三中隊。全致殲斃。又有東部西伯利狙擊步兵一部在其西。

是日。在我右軍即黑木軍前。敵軍縱火前松木堡子及蔡家屯。向貼家臺而退。在偏嶺邊者。亦向高力營而退。騎兵三中隊。猶駐屯高官塞。我右翼隊占取鄧眼嶺。八日地。及前肅家河子。是夜。中央隊占取下

達貝溝至張起塞南一線。左翼隊占取佟家坎丘陵。

在我左軍。午前。敵軍將校斥候來土臺北。我前哨兵擊却之。殪其二名。午後。敵軍重砲在包相屯者。射擊李大屯。野砲在二臺子者。射擊沈且堡。是夜。敵軍步兵約一大隊。來襲歪頭山西北候家屯。又襲佟家坎。我兵皆擊却之。是夜。敵兵數名。投降我左軍。

二十五日拂曉。我最右軍。猶追擊敵軍。右翼隊至西川嶺。左翼隊一部。與敵軍東部西伯利狙擊步兵第二十二聯隊。及豫備步兵第七十一師團一部。步兵約三大隊。在大嶺邊者戰。至日沒。

我右軍右翼隊。驅逐敵騎約三中隊。占取二馬嶺經二馬嶺堡子至楊大屯。在高官塞東北約一里東北五道嶺一線。是夜。左翼隊攻姚千戶屯。敵兵悍戰不能拔。陣於狄狄山及佟家坎邊。

露兵燒鐵嶺附近村落而通走



在我左軍方面。見敵軍一縱隊約一師團。自官林堡向東北進行。又在渾河右岸。構築壁壘。自長灘互四方臺。約二軍團據守之。其騎兵大團。以大黃旗堡及黃地爲中心。而遼河沿岸。唯見敵騎斥候出沒耳。

二十六日。我最右軍。復追擊敵軍。右翼隊破寡弱敵兵。占取五龍口。左翼隊驅逐敵軍。率砲兵在八盤嶺邊者。進占取五百牛条。其一部擊破敵兵據大嶺邊者。敵兵燒沿道村落而遁。損害甚多。

是日。亦風雪亂飛。難辨咫尺。我右軍右翼隊。與敵軍步兵約三千砲十五尊據小堡經高臺嶺至王富嶺。堅壘者相持。中央隊擊破下達貝溝北丘至松樹咀子敵軍。占取其地。敵砲兵約二中隊。砲二十四尊。在劉姓臺子。砲擊佟家坎。

我中央軍方面。前日來。敵軍少隊屢次來襲。前夜。復來襲。每擊却之。是日。萬寶山敵砲射擊腰屯邊。漢城堡敵砲射擊拉木屯及鐵路附近。我左軍無異前日。夕時。見敵騎兵一聯隊自後獺虎嶺子到前獺虎嶺子行動。

二十七日。我最右軍右翼隊。進至地塔邊。與敵軍新來者。西伯利狙擊步兵第二十三及第二十四聯隊。野砲八尊機關砲四尊遇。交戰至日沒。左翼隊砲擊敵壘救兵臺東丘經五百牛条西丘至馬群丹南丘。因地形險阻。未突擊而止。

我右軍右翼隊。占取王富嶺北丘。又將攻其北方。敵軍據角面堡甚堅固。且會敵軍步兵約四大隊。砲兵約一中隊。自馬群丹來小堡邊。將迫我右脇。因控陣以止攻擊。其左翼隊及中央隊。開砲轟擊各所

敵壘。午後。敵砲約至二百尊。應戰頗激。我最大重砲。多毀損萬寶山及其西丘敵壘。

是夜。敵軍四方臺邊野砲。及溫盛堡邊重砲。攢擊我中央軍鐵路橋邊前哨。尋步兵約五中隊。夾鐵路來襲。其一部突入我散兵壕內。格鬪甚劇。我前哨兵死守拒戰。尋得增援。破敵兵却之。我死傷約五十名。敵兵委棄死屍五六十而遁。我得捕虜及兵器若干。

我左軍方面。敵軍頻往來包相屯及五家子邊。又增築堡壘於黑林屯金山臺邊。步兵在北臺子及小樹子者。亂射我軍。日沒。復砲擊沈且堡。是夜。敵兵約一中隊。來襲萬家園子三家子啞叭臺等。我兵皆擊却之。虜下士以下五十九名。

我陸軍大將乃木希典。既降旅順。來援此地。諜知遼河沿岸敵軍防備稍疎。自率一軍團。迂回取路。是日。擊破敵兵。其右翼隊。占取雙樹坨邊。中央隊取刻家崗子。左翼隊取魏四家子上下力馬邊。其騎兵取東長崗子。是謂最左軍。又迂回軍團。

二十八日。我最右軍左翼隊。擊破敵軍。占取救兵臺東北丘及五百牛象西北丘。夜襲馬群丹南丘。敵軍約三大隊進入荒地。其一部迫我左翼。

我右軍方面。敵軍自馬群丹來小堡者。不敢前進。又有敵軍步兵約一大隊。自馬群丹西南三家子。南向二道溝進來。午前。敵砲兵在東勾山及唐家屯北丘。射擊我軍。我不應戰。午前。我軍砲兵全線開放。損敵甚鉅。其右翼隊。占取西孤嶺東北丘。經王富嶺北丘至松樹咀子南丘敵壘。

我中央軍。朝來開砲轟擊。大壞敵軍防禦工事。敵砲暫時交戰。遂至停響。

我左軍方面。敵軍野砲約七中隊。重砲十三尊。射擊李大屯啞叭臺及沈日堡邊。而我軍在狼洞溝西。豫備進兵。其騎兵進至後獮虎嶺子邊。

我最左軍。午前。占取尙在門。擊破敵騎兵在加良子邊者北進。其中央隊。破敵寨兵於鄭家屯北。先鋒進至老窩棚。左翼隊。不遇敵兵。北進。是日。本軍占取三道溝至榛子溝一線。

三月一日。我最右軍左翼隊。遣一支隊於頭道溝。掩護左側。且與我右軍右翼連絡攻擊。敵軍據數層堅壘拒戰。且西伯利第二十一第二十二聯隊來援。兵力增加。我軍不能如意而止。其右翼隊。亦以敵兵增加。相持於地塔。

我右軍右翼隊。占取王富嶺北丘及高臺嶺。中央隊攻擊東勾山。敵軍在前樓子勾及車頭嶺側射。我兵不能進。而左翼隊。則占取松木堡子及姚千戶屯。

中央軍方面。敵軍增野砲十五中隊。重砲約一中隊。交戰如昨日。

我左軍。漸進逼敵壘。敵軍野砲約二十四中隊。重砲約四中隊。且漸加兵力。抗戰甚力。我軍不能突擊。夜襲王家窩棚及李家窩棚。亦不得志。尋敵軍大舉來襲。我軍拒戰。遂擊却之。其左翼隊。午前。攻長灘之兩月堡子。

我最左軍。遣右翼隊占取三家溝至長家窩棚一線。遣中央隊自大黃旗堡及牛心地。經蘇家安全海堡間。繞出四方臺敵背。其至蘇家安。與右翼隊合。攻擊四方臺。又遣左翼隊與中央隊左翼連結。向丁家堡子大橋出敵背。午後。中央隊陷四方臺占據之。其騎兵隊長驅北進。取大民屯。其一部。遂取新民廳。

新民廳。遠在遼河之西。俄軍常賴以通遼西。恣徵發軍需。今我軍占據之。以絕運輸之路。其爲利極大矣。

二日。我最右軍方面。敵軍固守馬群丹及地塔。兵力益加。強悍奮戰。屢來襲擊。我軍每擊却之。

我右軍右翼隊。占取高臺嶺東丘。中央隊又攻略長勾敵軍第一陣。而其西北第二陣間有深谷。進攻不如意而止。左翼隊。擊破前夜來襲小敵。攻馬圈山及狄狄山北麓敵軍。

中央軍。砲擊萬寶山敵壘。

左軍左翼隊一部。進入長灘。右翼及中央隊。占取北臺子李家窩棚及王家窩棚。進向田水堡孟達堡。敵軍據金山臺孤家子周官堡及王秀臺抗戰。我兵猛擊破之。敵軍向東北潰走。遂占取周家堡及王秀臺。

最左軍右翼隊。進至張站邊。是夜。敵軍步兵約五大隊來襲。擊却之。中央及左翼隊連其左。以迫敵於東北。

三日。我最右軍。與敵軍對持如前日。

右軍左翼隊。乘夜發兵。拂曉。占取松木堡子北丘及唐家屯北丘。尋進攻敵軍防禦本線。中央及右翼隊。亦朝來攻擊。然未能奏功。是夜。敵軍決死大舉。來襲我左翼松木堡子唐家屯凡四次。我軍皆擊破之。敵兵死傷甚多。又步兵約二大隊。自奉集堡進襲上瓦房。又擊却之。

中央軍方面。前夜來。敵軍屢來小襲。皆擊却之。

左軍連破敵軍。逐之東北。右翼隊取三家子小房身孟達堡諸部落。中央隊取銀爾堡新開河一線。左翼隊沿渾河右岸。取蘇胡堡後倭家堡。奉天西兩約六里。至夕。敵軍屯武鎮營邊者。有動搖之色。

最左軍右翼隊。與敵軍激戰於彰驛店破之。追擊向林家臺而進。其他諸隊。亦驅逐敵軍。至得勝營子達子堡。奉天西約五里。拉木河。達子堡北約一里半。

四日拂曉。最右軍左翼隊。攻馬群丹。地形險惡。未能遽攻陷。右翼隊與地塔敵軍相持。分一部向馬群丹援左翼隊。此地敵軍。復增第二十二師團之第八十五聯隊。及他二聯隊。向我左翼隊左翼。猛烈來襲。我兵拒戰却之。

我右軍。遣一支隊赴援馬群丹。至五家堡子。高喜嶺北約二吉羅。遇小敵擊破之。追北前進。中央隊。退其右翼於達貝溝北丘保之。全隊與左翼合。攻邊牛象北丘。拔其第一陣地。

中央軍左翼隊。與左軍右翼隊連結前進。擊破敵軍。占取武鎮營。沙河堡西約二里。來神堡。武鎮營西北約一里。其他諸隊激戰如前日。

左軍中央隊。既占取蘇胡堡。來神堡西北約二里。左翼隊。擊却前崔家堡附近敵軍。進至魚鱗堡。漸迫沙坨子至舊鐵路橋敵軍。中央隊亦援之。是日。敵軍大縱隊。師團以上。自官林堡經邊城子。向蘇家屯車站而退。

最左軍一部。占取李官堡西敵壘。其左翼隊。進至大石橋。其前隊達轉灣橋至五臺子一線。騎兵隊至前心臺子。其一部取楊馬廠。右翼隊與左軍連結。以攻敵軍。

五日。我最右軍左翼隊。攻馬群丹。陷其一角。猶未能全占。右翼隊依然與地塔敵軍對峙。

右軍分派馬群丹之一支隊。攻取東孤嶺。馬群丹西 約三里 尋陷其北角面堡。敵兵若干尙守北大嶺。小堡東南 約一里

其左翼隊一部。占取後松木堡子東南敵堡。是夜敵兵來襲我右翼及修家坡北端。皆擊却之。

中央軍右翼隊。占取柳匠屯。萬寶山東 南約一里 圍敵兵於其中央複郭內。左翼隊。占取四方臺英萬一線及漢城

堡西部。向高力屯而進。是日。敵軍自燒蘇家屯車站。

左軍。朝來占取達連屯。至小蘇家堡一線。攻擊莫家堡。至楊士屯敵軍。其一部。迫脅敵軍右翼。是日。於

蘇胡堡。所獲兵器彈藥等極多。

最左軍右翼隊。與左軍左翼連結。攻擊楊士屯。中央隊。陷李官堡西部敵壘。攻擊其近村敵兵。奉天西

北面敵軍。固守北陸經李官堡互楊士屯堅壘。猶悍強拒戰。

六日。最右軍左翼隊。攻擊馬群丹方面。入夜。占取荒地。馬群丹東 南一里餘 東北丘至稗子勾。馬群丹南 約二里半 西北丘一

線。又敵軍屢來襲我右翼隊。皆擊却之。此敵軍右翼。俄國陸軍中將楞念堪夫所率。後貝加爾哥薩克

騎兵等來援。是謂楞念 堪夫支隊 又永陵方面敵兵。如亦來援者。先是。敵軍左翼。分兵屢來懷仁。懷仁在撫順東

南數十里。今撫順南方馬群丹地塔等劇戰中。敵軍分兵出於此者。蓋或欲遮斷後方聯絡。或欲牽制我

兵力也。於是。我最右軍。分遣一部隊向懷仁。是日早朝。取邊石哈達。懷仁西南 約二里 悉擊破敵軍。遂占取

懷仁。

右軍分派支隊。占取稗子勾南一帶丘陵。追擊三家子。馬群丹西 南約一里 敵軍。至頭道溝。

中央軍前面。與奉天路敵軍依然相持。其左翼隊。與沙河堡漢城堡東部蘇家屯北達子營一臺子。小蘇 家屯

北二 敵軍。相對交戰。將奪略漢城堡東部。竭力攻擊。敵軍硬強。且頗增兵力。未易攻陷。

左軍。開展陣列於蘇胡堡至李官堡一線。以攻擊沙泥子楊士屯張士屯敵軍。

最左軍。欲攻奉天於西北。進占取大石橋奉天西北四里至平羅堡。敵軍約一師團。率砲七十尊。來攻高力屯

岔臺間。我軍擊破之。敵軍再來。相持至日沒。

七日。我最右軍左翼隊。攻杜家堡子北丘敵軍。又分遣一支隊於其左。與右軍分派支隊協力。攻擊馬群丹南丘。共未能達目的而止。

右軍方面。敵軍步兵來攻唐家屯北丘。我軍擊却之。敵兵棄死屍三十而走。

中央軍方面。敵軍砲兵攢射我右翼。尋步兵四大隊餘來襲。我軍擊破之。又左翼隊。自前夜仍攻擊漢城堡東部。遂破敵軍占取之。尋與高力屯附近敵軍。激戰數時。又擊破之。然猶未得占取其地。

左軍方面。敵軍自莫家堡經楊士屯至李官堡。堅築壁壘。盛設禦具。據之以抗戰。且兵力日增。我軍欲取楊士屯。百方攻擊。遂不能拔。於是。極力牽制敵軍。以務使最左軍得迂回出敵背。是日。我兵陷季官堡大半。敵軍約一師團來爭。我兵苦戰保之。

最左軍左翼隊。自拂曉進至平羅堡北方。將繞出北陵及張家子。至夕。占取轉灣橋至張家子一線。其騎兵隊在大新屯青堆子。警戒左腋。

八日。我最右軍。遂擊破馬群丹敵軍。追北進至腰嶺附近一線。

右軍及中央軍。前面敵軍前夜來有潰退之狀。右軍自夜半追擊。及敵軍於白深塞附近。擊破之。向興

隆旬而進。

中央軍。亦追擊敵軍。右翼隊。追敵軍潰亂由娘娘寨班子塞間北走者。自荒山砲擊之。敵軍損害甚鉅。

左軍。昨日來牽制敵軍。屢拒敵兵來襲。擊破之。若某旅團在李官堡。爲敵約一軍團所圍。苦戰抗拒。遂保其陣地。敵軍死傷尤多。至八千云。尋見敵兵動搖。直追擊逼敵軍於奉天。

最左軍。亦破敵軍。占取小集屯

奉天西北約二里

八家子

小集屯東北約半里

三臺子。

奉天北約四里

追擊與敵軍據大平莊經北陵至柳條屯堅

壘者交戰。其一部繞出奉天城北。破壞鐵路。止其運轉。敵軍約一師團爲數縱隊。沿奉天東北鐵路。向北而退。其一部駐屯鐵路西以掩護之。

是日。我滿洲軍總司令官陸軍元帥侯爵大山巖。知敵軍敗退。奉天陷落方近。發令使總軍追擊。且令曰。爲尊重大清國發祥靈地。並保持在奉天清國人民安寧。嚴禁我團隊宿

奉天城門市中光景之一



營奉天城內。

九日。我最右軍左翼隊。急追敵軍。驅逐其後衛。進至渾河左岸。夜半進陷撫順。右翼隊。連日與地塔

方面敵軍激戰。至是。遂擊破之。撫順城爲奉天東方要鎮。據馬群丹撫順南約五里地塔之險。以爲前蔽。敵軍盡死力以拒守。一旦馬群丹陷。我軍以破竹之勢進攻。撫順遂不得守。

右軍。亦驅逐敵軍。拂曉至渾河左岸。復擊破右岸敵兵。渡河進至護山堡及彭家樓。

中央軍。擊破渾河左岸及渾河堡敗殘敵兵。向奉天東北而進。敵軍據渾河右岸拒戰。我軍不得濟。夜半。其一部。從楊官屯東方渡渾河。左翼隊亦從其西南涉河擊破王家子及毛家屯附近敵軍。

左軍前面敵軍。猶堅守鐵路橋附近。抗戰不撓。蓋爲我軍所牽制緊留。未能遽退走也。

最左軍。亦進攻。然爲敵軍防禦工事所妨礙。未能急進。專圖張戰線於左翼。以扼敵軍逸出。亦爲敵軍所來襲。一進一退。交戰甚力。

十日。最右軍方面。敵軍猶據撫順北丘堅壘拒戰。時渾河中流水既解。不由橋梁。不能渡。故我軍進攻頗艱。左翼隊鼓勇奮進。遂擊破敵壘。追擊至會元堡。撫順北二里獲輕便鐵路貨車數百輛。於是。撫順近傍之地。全歸我有。右翼隊。亦追擊至渾河左岸。敵兵據壘抗戰。我軍將夜襲。敵軍乘暗而走。

此方面敵軍。東部西伯利狙擊第六師團。豫備步兵第七十一師團。同第二師團之第六第七聯隊。第三師團之第十第十一第十二聯隊。第三十七師團之第百四十六聯隊。第二十二師團之第八十五聯隊。及楞念堪夫支隊。共二師團。七聯隊。一支隊。蓋萃其精銳。而若驍將列尼威的レニウイ統率之者。爲我軍所追擊。悉向東北而潰走。自是役會戰之初。至此。撫順方面敵軍死傷。蓋不下二萬。我軍死傷。約有三千八百名。

我右軍右翼隊。援最右軍。攻擊撫順北丘敵軍。又擊撫順至地塔撫順西約二里與馬群丹東地塔異北丘敵軍破之。追北占取亂泥窪喇麻溝一線。其中央隊。攻擊興隆甸北丘敵軍破之。追取護山堡。進至蒲河附近。左翼隊。擊却舊站西北丘及其附近敵軍。追擊與彭家樓北丘至達連堡子北丘敵軍戰。復破之。其砲兵擊射鐵嶺路及鐵路敗竄敵軍。至日沒。敵軍損傷極鉅。

中央軍右翼隊。擊却七間房附近敵軍。追擊至王家勾東至趙家溝一線。敵軍返戰甚力。復擊破之。占取王家勾以南丘陵。射擊奉天路潰走敵軍。其一部。既以前日渡渾河。是日。占取魚鱗堡東北至二臺子一線。遮斷敵軍退路。

奉天市中光景之二

我左軍。牽制敵軍。至今朝。以機既熟。攻擊大堡及新堡取之。全軍互列奉天西方十里馬頭西塔大平莊後塔一線。前進追擊敗竄敵軍。是日午前十時。中央軍一部。及左軍一部。入奉天城占據



之。奉天。清國發祥之地。置將軍鎮之。而久為俄軍所蹂躪。民不聊生。今我軍。旗鼓整齊。秋毫不犯。况我總司令官。重禮崇義。禁軍團宿營。於是。人民安堵。始得喘息。最左軍。屢為敵軍所襲擊。皆破之。益張左翼。出奉天北背。南向攻擊。其一部隊遮斷敵軍退路。進至

胡士臺。敵軍一師團返戰。展其戰線。將壓迫我左翼。我軍抗戰。至翌朝擊却之。

敵軍爲我軍所圍攻。全軍大潰。爭向東北而奔。自奉天附近至三窪。

奉天北約三里

奉天路及鐵路間。其敗竄

者不知幾萬人。亦多疲勞困憊。不復成陣形。我軍步砲兵左右夾擊。攢射銃砲。敵軍走者相騰踐。奔竄數里間。其不能走者。相踵投降。若撫順方面。第七十一師團殆至殲滅。

十一日。十二日。我軍相繼追擊。驅逐敵軍於奉天北方十里之地。自高力屯附近北至九里黑溝子

奉天北約

六里間。敵軍積載彈藥及軍需各品者。委棄無數。

敵帥克魯巴圖金。戰爭之時。未詳在何地。或云在奉天附近。或云在撫順。蓋似由鐵路來往指揮者。據

其十日報告稱。我各軍以昨夜開始退却。雖終夜無戰鬪。步砲兵射擊相繼不絕。又報退軍困難云。我

軍退却頗屬危險。由奉天路若干距離之地。退却諸兵團。殊陷困難。日軍遙進入塔灣方向山中。予苦

心慘澹。僅免危難。日軍砲兵。從塔灣及蒲河附近夾擊東奉天路。所以日軍容易得北進者。由所援護

我陣地之渾河當日冰合也。是日。又自戰場馳使鐵嶺。電報俄都云。予爲所包圍。十一日又報云。自奉

天退却。極爲困難。後衛向豫定陣地。秩序整然行進。若沿奉天路輸送者。非直爲日軍砲擊所困。鐵嶺

奉天間道路。衆水縱橫。且有險岸。故我後進

克氏常稱退却爲後進可笑

不得如意。若輜重。各車逐次進行。故途中不

得不淹停。以致遲延。敵軍大得增援。因敵屍臨檢并捕虜訊問。知新遣諸團外。乃木軍亦參加戰爭。日

軍與本國近。故有海路運輸之便。故其兵團常充實。且情報局制置完美。在平時。猶實行偵察。今能明

知我陣地形勢。又諸報告中。於戰爭初期。稱殲破我軍。且捕虜圍獲若干。雖不知其果信否。一勝一

敗。固戰之常。蓋我軍不能時無少挫折。然結局全勝。則其所得既大矣。

是役。敵軍全數雖未可確知。以前後諸報推之。蓋西伯利第二第三第四軍團。及穆念堪夫支隊。

第七步兵

第十一師團後具加爾哥薩克騎兵師團。西伯利哥薩克騎兵師團屬之。大將列尼威的統之。是軍。蓋多當與京撫順方面。第八第十軍團。西伯利第一第五軍團。及

狙擊步兵團。第一第二第三旅團屬之。大將高利陪爾斯統之。第一第十七軍團。西伯利第六軍團。大將比利底爾倫

克統之。總豫備第十六軍團。中將杜合爾拈統之。每一軍團。二師團隸之。又有密斯臣克騎兵團。三師團屬之。

中將密斯臣克黑龍江哥薩克聯大隊。恩堡第一聯隊屬之。統之。其他。騎兵有烏蘇利旅團。黑龍江哥薩克聯大隊。恩堡第一聯隊

等。砲兵有騎砲兵六中隊。山砲兵八中隊。野戰白砲八中隊。攻城砲兵十中隊。一中隊約砲八尊。及獨立砲兵

等。總計約步兵三十萬餘人。騎兵二萬六千餘。火砲一千三百六十八尊。其兵力蓋應不下三十五萬。

而我軍總數亦雖未能詳。合中央左右及最左右五軍。其兵力。蓋應與敵軍相若。彼此凡七十萬。戰線

約亘二十五里。角逐於奉天之野。交戰閱十八日。古來大戰。未多見其比也。

俄軍死傷。亦未詳悉。據十一日克魯巴圖金報告稱。自二月二十八日至三月十一日。負傷輸送北方

者。將校一千百九十名。下士卒四萬六千九百三十一名。翌十二日報告稱。據第二軍後衛司令部報。

所載俄帝名譽聯隊長之西伯利狙擊第一聯隊。交戰最劇。三月六日。失其兵一千以上。其他諸師團亦

被損害頗大。特若第二十五師團雷利厄聯隊。存者唯有將校二員。下士卒千六百十九名耳。而據我軍

公報稱。在沙河方面。所俘虜敵軍少將奈比莫以下約四萬人以上。所委棄敵屍約二萬六千五百。其他

死傷約九萬人。在撫順方面。俘虜八十人。所委棄敵屍一千二百。死傷不下一萬。則俄軍所受損害。蓋

應約至二十萬。於我前哨線外放釋者。有準將校四十七人。準下士三百五十九人。此等蓋皆文官 看護婦人九名。從軍僧侶二名。商人四名。尤其請放還步之吳若上海者。準將校二十三人。看護婦人二十三名。準下士二百九十八人。我軍死傷。據各軍軍醫部長報告。自二月二十六日至三月十二日朝。總四萬一千二百二十二入云。

我軍所鹵獲戰利品。大約如左。

沙河方面。

軍旗二旒。

內一旒。俄國總豫備隊第十六軍團第四十一師團。中將比爾金爾所率 第六十二聯隊。長大佐噶弗里羅夫 軍旗。而西千八百七十四年。我明治七年清國同治十三年 千八百七十五年。千八百七十八年。我明治十一年清國光緒四年 千八百八十三年。我明治十六年清國光緒九年 參與戰役。就中千八百七十五年之役。殊功拔群。

火砲約六十尊。

據歐洲來電。俄國參謀本部報稱。失重砲一百六尊。野砲三百六十尊。而今我軍所獲。唯不過六十尊。蓋俄軍敗績之際。或擠於河中。或埋於土中。其後。我軍往往得之土中云。

小銃約六萬口。彈藥車約百五十輛。輜重車約一千輛。砲彈約二十萬發。小銃彈約二千五百萬發。雜穀約一萬五千斛。馬糧約五萬五千斛。輕便鐵路材料約十八邦日里。本日本 同運搬車約三百輛。馬約二千頭。地圖清車二十三輛。被服裝具清車一千餘輛。麵包約百萬食料。燃具約一千八百萬

實。乾草約一萬五千貫。其他土工具。布幕。牛。電線。及柱材。方材等。不遑枚舉。
撫順方面。

小銃二千二百口。機關砲六尊。小銃彈約三十二萬發。砲彈及藥筴六千個。土工具六千件。鐵線一千二百把。輕便鐵路材料約十三邦里。同貨車四百五十輛。煤礦機械八礦。方材四千本。粟一千八百八十斛。高粱一千七百斛。豆糟六萬個。大豆七百斛。其他蹄鐵。薪。鹽。馬。牛。布幕。地圖。電話器等。

今共算其概數。爾後所發見。亦復不謬。

我軍之始戰也。三月八日。我皇帝陛下勅曰。

我滿洲軍。客冬沙河會戰以來。蓄銳不敢妄動。以待戰機之熟。及其一決意而起也。全線活潑。壓迫敵軍。已能占包圍之形。朕每值報至。擇我戰勢益入佳境。又察爾將卒。當餘寒尙酷之時。累數晝夜艱苦。軫念甚切。夫各自愛。養勇耐久。克奏功績。燦有輝光。以荅朕及朕億兆之信賴。

總司令官大山巖奉答曰。

臣等。常期大打擊敵軍。日夜竭心力。攻強敵於堅壘。不顧死傷多大。遂擊攘之於其陣地。得逐次壓迫奉天附近。猶未全成達我目的。然今辱賜優渥勸語。臣等恐懼不知所爲。只益奮勵。以誓期奉答聖旨。併充國民希望。

及奉天捷報至。復賜勅褒獎曰。

夫奉天者。敵軍客秋以來。施堅強工事於此。備強大兵力於此。所以期勝爭衡之處也。我滿洲軍。能制機先。驀然進攻。沍寒冰雪中。激戰奮鬪。連十餘晝夜。遂擊破強硬死守之敵軍。俘虜將卒數萬。加多大損害於敵軍。驅逐之於鐵嶺方向。以博曠古大捷。發揚帝國威武於中外。朕深嘉爾將卒。能堅忍持久。奏絕大勳功。尙望益奮勵。

俄國新任總司令官列尼威的



皇后陛下。皇太子殿下。亦下旨褒賞。大山元帥皆奉荅之。

奉天既敗。俄軍奔竄。一部北向鐵嶺。一部東北向興京及海龍城。興京東北約三十五里而走。我軍追擊。勢如驚濤。其最右軍。遣一部隊於興京。有敵軍約一師團。收集敗兵。十三日。我軍擊破之。占取興京。敵軍向海龍而走。

鐵嶺。距奉天北約十五里。我軍長驅急追。十五日。破敵軍約三師團於鐵嶺南。直逼鐵嶺。敵軍駐一師團守之。燒鐵路車站及營房而遁。十六日午前零時。我軍擊破之。占取鐵嶺。俄軍死傷一萬九千人。棄大砲八十尊。鐵嶺車站。規模宏壯。不讓遼陽。其附近糧草堆積。敵軍燒其大半。我軍所鹵獲及俘虜多數。直遣一部隊追擊。遇敵騎兵約八中隊及砲兵。復破之。占取鐵嶺之北遼河右岸丘

陵。砲擊敵軍由孤家子

鐵嶺北
三里弱

及老邊

孤家子
西一里

走者。十八日。進取開原西北法庫門。他一部隊。進向開

原。敵軍燒鐵路橋梁及車站。向長春寬城子邊而遁。十九日午前。我軍占取開原。敵軍騎兵五六十。步兵三中隊返戰。皆擊走之。敵軍少許在威遠堡門及昌圖間。我軍進擊逐之。尋占取昌圖府。

先是。俄帥克魯巴圖金。以病請辭職。俄帝允之。以大將列尼威的Ленивский。代爲總司令官。尋以克魯巴圖金。爲第一滿洲軍司令官。

自去年十月有沙河大戰後。已六閱月。彼此兩軍相持。雖旅順既陷。彼尙袖手傍觀。至今年一月。俄軍襲我左軍。有黑溝臺之戰。彼不能遂志而敗退。其後復持舊態。蓋俄帥克魯巴圖金。遷延彌日者。待其援軍之來。欲以試一快戰。而我軍。使川村大將率別軍。直衝與京撫順方面。克氏常畏憚我右軍。今更加一軍進攻。於是大選精銳。以增其左翼。何料乃木大將。既陷旅順。率其百戰乘勝之銳師。突進渾遼二河間。自西方以逼奉天。其一部取新民廳。繞出敵背。觀其言訊問捕虜。知新遣諸團外。乃木軍亦參加戰爭。其驚惶之狀可想。乃更改方畧。欲中斷我軍。向我中央軍猛烈來襲。亦爲我軍所擊却。反遭中斷撫順奉天間。乃又改圖。增大兵力。以當我最左軍。竭力防禦。然左支右撐。無一所奏功。遂至大敗潰裂。不復可收拾。蓋既墮我軍包圍以制其死命之計畫中。不自知也。我某將校論之曰。善防者必取攻勢。是爲戰爭原則。若徒固守。不認得爲進步戰略。今觀克氏所爲。遂不能出果敢進攻之策。是戰略上一大失敗也。而觀其各軍及將卒奮戰之狀。比之遼陽及沙河之戰。更加勇悍忍耐。率此勇將猛卒。復歸敗潰者。雖固由我軍善謀善戰絕無比倫。亦不得不由統帥者威信有

所缺也。夫雖防禦必取攻勢固勿論。俄軍竟非我敵。宜圖全軍保守。不致大敗。克氏素有名於善退。早察我軍行動。豈無全軍之術乎。然爲我軍所包圍。損軍數十萬。失地數十里。蓋不可不歸偵察之疎。彼有深感於我軍能行偵察。明知敵軍情形者。有以也哉。

日俄戰記第三編 畢

第四編

戰爭本記八

一 俄國波羅的艦隊

始俄國海軍中將蘇克利特羅夫之代摩加羅夫爲太平洋艦隊司令長官。到烏拉地俄斯德也。若待波羅的艦隊之來者。事見第二編烏港俄國艦隊條而俄國遣波羅的艦隊東航之說。春來屢傳屢罷。莫得確信。至西一千九百零四年。我明治三十七年六月六月有西報曰。俄帝率海軍大提督亞歷西士太公。及海軍大臣中將歐也爾蘭等。親臨克倫斯達鎮守府。檢閱東航艦隊。下勅工匠。督促造艦竣工。又曰。召集歐俄豫備水兵。以補艦隊缺員。既復杳無消息。至八月十四日。艦隊提督海軍中將羅希也斯特烏延斯奇。搭旗艦克尼雅希斯達羅夫。九月十三日。發克倫斯達。十月復報曰。十一日。俄帝及皇后太子。共赴里瓦爾。親檢波羅的艦隊。十三日。艦隊發里瓦爾。尋有十七日俄國波羅的艦隊戰艦六隻。巡洋艦十二隻。驅逐艦六隻。運送船五隻。及石炭船三隻。投錨丁抹國蘭給爾倫水道。搭載石炭。十八日將過海峽東航之報。又有十九日過阿企爾堡洋北駛之報。然自俄都聖彼得堡。至旅順口約一萬二千七百零四海里。至烏拉地俄斯德港一萬二千八百二十一海里。水路遼遠。風濤涵濳。其間共爲中立國港灣。則俄國艦隊。以何術供給石炭乎。是屬疑問。然英國路透社新聞報曰。在羅士巴爾瑪斯德國石炭船長曰。漢米汽船公司。蓋謂德國漢得米利

暨公。現雇借汽船四十二隻，以供給俄國艦隊石炭。而內十二隻將到羅士巴爾瑪斯。又曰。德國基爾的底陸善公司。與俄國艦隊。約供給石炭。唯英國政府下令於本國并殖民各地諸港禁供給石炭于俄國艦隊云。

俄國波羅的艦隊。既解東航之纜。十月二十二日。到英國洋蘇班比德東北二百二十海里。會英國漁船五十餘隻漁獲。俄國水雷艇。先近漁船。未及臨檢。忽開砲火。擊沈漁船克稜號。殺其船長及水夫一名。傷者頗多。其他漁船受害者不少。或云。一漁船爲俄艦所砲擊。船體覆沒。全員淹死。而俄艦砲擊約二十分時。向南進航云。俄艦之加暴行於漁船。不解何故。或誤認日本水雷艇混入其中云。

是報達英京倫敦。二十四日。英國海軍省下令地中海艦隊。海峽艦隊。及本國艦隊戒嚴。外務大臣蘭斯坦。命在俄大使。要求謝罪及賠償。且審問行兇者。以處罰。諸新聞亦激怒。主張俄國之謝罪且賠償被難者。若斯登達新聞。至言俄國波羅的艦隊。加危害於世界各國民者也。宜禁止其航海。而俄國接此信。俄帝發親電於英國曰。聞我艦隊。誤死傷英民。不堪憫悼。待事實明確。應十分處分。使被害者無遺憾。然艦隊提督烏延斯奇。不顧其錯誤。依然西航。至西班牙國西北威額港。發信曰。過英國北洋。見漁船中有外國水雷艇二隻。乘夜來襲我前隊軍艦。因應戰砲擊。照探海燈。始知其爲漁船。直停砲火。外國水雷艇則既失其踪跡。我水雷艇。先是往法國西耳卜爾港。時不跟隨我艦隊。其不救漁民者。恐陷詭計也。是信以二十七日僅達俄京。俄帝亦發勅電。諭慰烏延斯奇曰。朕深思貴重之艦隊及卿等。全俄國亦倚信卿等。

二十八日。英國首相巴爾福。開保守黨聯合大會演說曰。俄國政府。接北洋事件之報。直表遺憾之意。俄帝亦親電傳其意。俄國政府約賠償損害。且命海軍省。欲查艦隊將校可任其責者。令艦隊中一部關是事者。留在威額。英俄兩國政府。據海牙條約所規定。舉各國共同委員。調理國際紛議之條。應開委員會審問事實。法廷所決爲有罪者。應加該當所罰。俄國政府。又約爲豫防再犯。嚴加警戒。又曰。英國政府。信我所當得者既得之。雖此件固未決了。但冀避兩國間戰爭危禍。又述俄國提督報告曰。我漁民所陳。與俄國提督所告。雖各項多所抵觸。其孰真孰僞。不復容疑。因指摘俄國提督報告中多乖事實。尋俄國提督留威額港。至三十一日開審問云。而若英國泰晤士及斯登達新聞。不滿俄帝親電。並論曰。俄帝及政府。若未解此事之重大者。俄艦之加暴行於我漁民。其事明白。莫復容疑。則不要英俄兩國更費審議。使被害者得賠償賑恤。不見有遷延遲滯之理。且雖假令得賠償賑恤。此等大事。非所以足爲解決者也。

先是。十月二十三日。波羅的艦隊所屬運送船哥勒亞號。率水雷艇三隻。其他水雷艇四隻。煤船基台號。共入法國西耳卜爾港。搭載煤水。到威額港。提督烏延斯奇。請西班牙國海軍長官。以搭載石炭。西國長官以侵害中立拒之。烏延斯奇託言修繕艦船。遷延五日。又請至坦日耳港。亞非利加洲摩洛哥國西北初港。間。供給石炭。遂每艦搭載九百三噸。尋分一部隊。戰艦窩士拉比耶。斯索伊拜利奇。拿哈林三隻。巡洋艦亞特未拉拿比墨。水雷艇七隻。煤船五隻。發威額二十九日到坦日耳港。

既而提督羅希也斯特烏延斯奇。亦率艦隊到坦日耳。稱曰太平洋第二艦隊。以旅順艦隊。爲第一艦

隊也。分爲二部。甲部隊。戰艦克尼雅希斯窪羅夫。一萬三千五百十六噸。速力十七哩。同上。一千九百零二年進水。亞歷山得三世。同上。一千九百零一年進水。爾底諾。同上。速力十七哩。同上。速力十七哩七。窩士拉比耶。一萬二千六百七十四噸。速力十五哩。同上。一千八百九十八年進水。亞特未拉拿比墨。八千五百二十四噸。速力十六哩。同上。一千八百八十五年進水。特米士里頓斯哥以。六千二百噸。速力十七哩。同上。一千八百八十二年進水。窩洛拉。六千七百三十一噸。速力二十哩。同上。一千九百零三年進水。工作船堪察加。特務艦哥勒亞。摩拉伊亞。亞拿都爾。米的病爾。路斯。五隻。病院船亞撒約。共十五隻。提督烏延斯奇自率之。司令官延伊克斯以特屬焉。乙部隊。戰艦斯索伊拜利奇。一萬零四噸。速力十五哩六五。一千。拿哈林。一萬零二百十八噸。速力十五哩。同上。一千八百九十一年進水。巡洋艦瑞圖拉那。三千七百二十七噸。速力二十哩。同上。一千九百零三年進水。亞爾瑪士。三千二百五十八噸。速力進水同上。三隻。驅逐艦波多路易。拜受非列朱努以。非列

斯底士。非以多路易。繆特維。非以努以。弗拉維。七隻。義勇艦隊汽船四隻。母艦基台。特務船一隻。運送船二隻。共二十一隻。司令官匪利企爾撤率之。十一月一日。甲部隊發坦日耳向大西洋。十日。乙部隊向地中海。十四日。到古利多島西達灣。二十四日。到波多塞。在埃及國黎伊湖口。俄國尋又遣後發艦隊巡洋艦荷勒克。六千六百四十五噸。速力二十二哩。同上。一千九百零三年進水。伊受撲爾多。三千百零三噸。速力二十二哩。同上。二隻。假裝巡洋艦烏拉爾等。十七日。出里瓦爾港。陸續到坦日耳。

十二月二十日。甲部隊過喜望峯角。到馬達加斯加島。在亞非利加諸士拜。乙部隊亦自波多塞。過蘇士運河。航紅海來會。

時我陸軍攻圍旅順。擊沈敵艦。於是海軍撤其封鎖一部。聞俄國第二艦隊東航。十二月二十三日。我海軍大臣山本權兵衛。下令防禦基隆海面日。

海軍大臣山本權兵衛。下令防禦基隆海面日。

鷄籠島最高部。與魯古坪角連接一線。及自鷄籠島最高部。至西少西一線。右所包圍。爲防禦海面。船舶出入基隆防禦海面者告示。

第一款 關基隆防禦海面諸件。使基隆臨時敷設隊司令執行之。

第二款 除官衙所使用船舶及定期郵船外。船舶欲出入防禦海面者。宜豫受基隆臨時敷設隊司令允可。

第三款 船舶不屬陸海軍者。自日沒至日出間。欲通航出入防禦海面者。宜豫受基隆臨時敷設隊司令允可。

第四款 船舶航行防禦海面者。不可用駛力五海里以上。

第五款 基隆敷設隊司令。所與特許區域外。禁漁獵於防禦海面。

第六款 基隆敷設隊司令。緊要時應有指定投錨地。又一時制限若禁止船舶通航繫泊。

又遣我戰艦巡洋艦若干隻西航。向某地偵察。

俄國太平洋第二艦隊。在馬達加斯加島。十二月十八日。俄國更編成太平洋第三艦隊。戰艦尼古來一世。九千六百七十二噸。速力十四。裝甲海防艦烏沙哥不。四千二百二十六噸。亞弗拉奇新。同塞那維因。四千九百六十二噸。一千八百九十一年進水。運一千八百九十二年進水。噸速力十六。亞弗拉奇新。同塞那維因。四千九百六十二噸。巡洋艦墨諾摩不。五千五百九十三噸。假裝巡洋艦路斯。五千三百噸。其他工作船。運送船等若干隻。西一千九百零五年。我明治三十八年。二月十七日。發里瓦爾港。二十日。過了抹國海峽。

初俄國政府之發遣波羅的艦隊於東洋。其志專在合旅順艦隊以救其急。然旅順既陷。艦隊全滅。猶且

在馬達加斯加島。趨遼遼巡。不敢前進。其意蓋待第三艦隊之來也。既而突然橫截印度洋。四月八日。過蘇刺甲海峽。南洋亞刺甲及蘇門答臘島間之蘇刺甲海峽。據英國郵船荅刺號船長比鄰克公報稱。七日午後一時。於洋上逢俄國艦船四十七隻。內戰艦有烟筒四枝者八隻。其他有假裝巡洋艦。病院給炭船。水雷艇等。以十二海里駛力馳向東方。

俄國政府之遣波羅的艦隊東航。固非其志也。其唱道之者。一欲威嚇日本。一欲裝其強於歐洲各國也。故或命或罷。首鼠兩端。莫可把握。既而經半年之久。陸海諸戰皆歸敗。不得已命解纜東航。然猶欲藉事以沮其行。故其加暴行於英國漁船。或云。錯認日本水雷艇混入於其中。日本艇隊一二隻。不能徘徊於英國洋上。雖兒童固知之。俄國艦隊豈有不知之理哉。蓋亦出於其政略也。抑俄國烏港艦隊及義勇艦隊之加暴行者。多在英國。是挑戰於英國。以招禍亂。使各國紛擾。欲其促和平也。其意謂不如與屈葦爾日本。寧屈於英國也。一以博屈大國之虛譽。一以欲省波艦東航之勞也。而英國以口舌翻弄之。各國亦狂妄視之。於是遂巡於馬島之間。強編第三艦隊。欲徐觀其變也。及旅順既降。遼陽亦陷。勢不可不增加陸軍。據美國新聞所揭俄國通信稱。俄國政府。以三月中旬。開軍事會議。將召集四十五萬兵員。而國勢日非。不敢應募。因命烏延斯奇提督東航。賭勝敗於一戰。欲僥倖萬一。以便召集。是之所以突然東航也。嗚呼俄國于陸于海百敗之餘。不能量已測敵。使烏提督犯危冒進。是與後梁之促王彥章率募兵拒唐。明季之催孫傳庭提孤軍當賊。何以異哉。中都之敗。潼關之潰。固不足怪也。

夫波羅的艦隊。遽見之。不可不謂一大艦隊。然細視之。四十餘隻中。有假裝巡洋艦。有驅逐艦。有水雷艇。有運搬船。若除之。則其主力有戰艦七隻及巡洋艦八隻耳。而戰艦中新式有力者。僅有四隻。他三隻皆屬舊式。若其駛力。新式者十八海里。而舊式者不過十五海里。巡洋艦中新式有力者。僅有五隻。他三隻亦屬舊式。所貴乎巡洋艦者。最在駛力。新式者二十海里以上。而舊式者不過十六七海里。其不能齊驅並騫可知。故新者必扶擁舊者而進。則遲緩不能爲用。其非我艦敵手明矣。俄人亦有憂乎此。其海軍參謀大佐克拉克特。比較烏廷斯奇提督所率艦隊。及我東鄉提督所率艦隊勢力。曰。今就東鄉提督所率巡洋艦隻數性質駛力等考之。彼之勢力二倍於我第二艦隊。水雷艇驅逐艦亦優於我。且日本艦隊。進退自由。能得偵知我艦隊所在。於彼頗爲有利。然制海權得喪。則不敢關小艦艇勢力及地位不利。要之在戰艦及裝甲巡洋艦勢力優劣如何。蓋制海權之得喪。在彼我艦隊主部。即以因戰艦及裝甲巡洋艦交戰決之也。而我第二太平洋艦隊主部戰艦有七隻。而日本艦隊主部戰艦及裝甲巡洋艦有十三隻。今算其勢力。烏廷提督所率三百三十四。而東鄉提督所率六百十三。彼殆倍於我。吾輩所憂慮。最在此矣。

十四日。俄國第二艦隊四十餘隻。駛入漢蘭灣。漢蘭灣者。安南東南良港。而屬法國。灣內深澗。可能容巨艦數十隻。二十三日。俄艦去漢蘭灣。入那多蘭港。更游奕海洋。五月一日復徘徊本哥也灣。亦安南瀕海之地。而共屬法國。

俄國太平洋第三艦隊。三月末。過蘇士運河東航。五月五日。過新嘉坡。尋與第二艦隊合。時俄艦在烏

拉地俄斯德港者。亦出沒我北海云。

英國泰晤士新聞。想像我艦隊戰畧曰。日本國博最後勝利。必要常制海權。以使船舶交通得自由。故殲滅俄國波羅的艦隊在航海途上妨害交通自由者。爲最大急務。今忖度日本艦隊殲滅俄國艦隊之戰畧。蓋有三策。其一。出到印度洋。探其潛匿之所。以殲滅之也。其二。要擊之中途也。其三。守本國海峽。以待敵艦來航也。此三者。在艦隊戰略上。所最當研究也。然在我輩日本國民。固不可輕議戰畧。又不要論之。何者。以我海軍當局者。卓有成算。我國民倚之可也。

今俄國第二第三艦隊。過印度洋深入支那南海者。何也。蓋俄艦之在印度洋。欲誘致我派遣艦隊以開戰也。而我艦隊。唯偵察敵艦動靜。而不敢顧。於是俄艦更進一步。深入支那南海。其意亦在誘致我艦。乘機開戰。以欲毀損我艦隊若干。若敗則遁入中立港灣。以圖安全也。而我不復顧之。乃竊使烏港軍艦出沒北海。以欲分我艦勢力。而我猶不動。進乎畏我艦隊。退乎無所歸著。雖若煤水糧食有法國陰助之者。非復可能久支。則不得不決意進航烏港也。

法國之隱然謀俄國便宜者。不止一再。黃海之役。俄國巡洋艦狄阿納號。遁入柴棍。波羅的艦隊之東航。聚留馬達加斯加島。殆四閱月。是皆法屬也。及其航東洋也。泊漢蘭灣。又十數日。其他若那多蘭本哥也灣。皆莫非法屬。蓋法國中立制度。頗屬曖昧。且與俄國素爲同盟國。故其於處置。我邦不能不爲憐然。由是我駐法公使。詰責之法國外務。則託言於隔遠未悉事實。或託繫泊於三里外。公平規則在港灣三里外。則視爲洋外。然使俄艦得根據之地。則不利於我。不啻言。且法國宜負其責任。故我各新聞通信

外交記者三十餘名。以四月十五日。會於衆議院內。議決曰。

吾人以法國政府。爲背叛自所宣言嚴正中立法規。幫助俄國戰鬪行爲者。

嗚呼是爲法國政府惜之。夫在兩國戰爭間。諸國各不可不守中立制度。萬國公法中。最爲嚴著。然法國既儼然布告其中立於各國。然猶陰扶助同盟國。其卑陋殆不讓俄國。若以同盟論之。我邦獨不有英國爲同盟乎。使法國忘之。其禍豈有窮已哉。法國宜有所自省也。

先是我邦聞俄國艦隊之東航。四月十五日。下勅令戒嚴澎湖島方面曰。

以澎湖島馬公要港境域內。及其沿海。定爲臨戰地境。宜自本令發布之日行戒嚴。

以澎湖島戰時指揮官。爲戒嚴地司令官。

因設海軍合圍地。軍法會議。及臨時海軍監獄於澎湖島馬公港。尋十八日。罷函館灣防禦海面。擴其區域。以津輕海峽爲防禦海面。令曰。

涉首岬大間崎接合線。大崎明神崎接合線。龍飛崎白神岬接合線。辨天崎矢不來崎接合線。以右接合線以內。爲防禦海面。

關於防禦海面事件。大湊水雷團長執行之。其事務在函館船渠公司域內敷設隊司令部處理。出入船舶。應豫告水雷團長受其指示。得水路船嚮導。兼禁漁獲採藻。

一一 日本海大戰


俄國太平洋第二第三艦隊殲滅

俄國太平洋第二第三艦隊。五月初旬。在安南本哥也灣。十九日出灣。不詳其所向。或云。向拔士海峽進航。或云。彷徨於安南若海兩島洋上。或云。俄艦固無進與我艦決雌雄之身。唯圖潛入烏拉地俄斯德港。故或進或退。若務避我哨艦視線。而俄國政府。亦以過印度洋到支那南海。爲一大成效。以欲利用於兵隊徵集及外國交際上。各國亦賞贊其勇邁弗措。既而二十五日。突然到上海近旁。其所率汽船投錨於吳淞江口。上海電報曰。俄國義勇艦隊汽船五隻。入楊子江口。傍浮標繫泊。運搬船二隻繫泊於吳淞江浮標邊。巡洋船三煙突者一隻。亦來泊。尋開洋駛去。是日。日本郵船公司雇船泰保里號入上海。途上見俄國巡洋船三煙突者一隻。二煙突者一隻。向東北急走。二十六日。上海電報曰。前夜俄國軍艦十七隻。繫泊於舟山島北方鞍山列島間。搭載石炭。向北進航。蓋俄國艦隊。留運搬船於吳淞江。拔其精銳。直向對馬海峽而去。二十七日午前。過我五島洋。

初俄國第三艦隊。四月四日。發日不知。旗艦傳信號於各艦曰。各員注意慎重。期疾合第二艦隊。自是徐徐進航。到印度洋。風濤險惡。水兵不慣遠航者。有不堪服務者。到新嘉坡。始知第二艦隊消息。五月五日。到安南洋。得與第二艦隊聯絡。艦員悉列甲板上。三唱俄帝萬歲。意氣頗壯。乃休憩各員。修理艦船。後數日。司令長官羅希也斯德烏延斯奇。招集司令官艦長等於其旗艦斯達羅夫。大議前途方畧。使各陳意見。一司令官曰。日本海敵艦不可侮。不如迂回太平洋。出宗谷海峽。以達烏港。一司令官曰。然。出太平洋。衝日本沿岸。更決死強過津輕海峽。以達烏港。時一艦長奮然起立曰。我輩自世界半面航到半面。繼古名將納爾遜艦隊名譽者。何爲避眼前敵艦。遠出太平洋。不如一舉屠臺灣。以爲

艦隊根據之地。於是參謀等少壯者。皆拍手贊成。議將決。時烏廷斯奇提督。與他幕僚凝議。忽宣言曰。我艦隊直經對馬海峽。向烏拉地俄斯德港。各員領旨。大聲歡呼。議於是決矣。提督舉三鞭杯。莊言祝祖國武運長久。各員共舉杯應之。拍手再起。響歡散歸。旗艦奏樂送之。一種光景。壯點支那海隅。其壯快不可言。十八日。發安南洋。旗艦傳信號曰。敵近矣。決我艦隊運命。在一周日間。各員一死以報祖國。十九日夜。過巴旦海峽。在臺灣呂宋間北進。經臺灣東海。轉到上海。進向對馬。據俄國第三艦隊旗艦一士官爲我俘虜者之言俄國艦隊之來支那南洋。我聯合艦隊司令長官海軍大將東鄉平八郎。豫定激擊之日本近海之策。集全方於朝鮮海峽。以埃敵艦北上。及接其北進之報。遣哨艦數隻。警戒南方。命艦列部隊。各整戰具。臨敵直赴。以某地爲根據。二十七日午前五時。南方哨艦信濃號。發無線電信。報敵艦隊在二零三地點。若將向對馬東水道者。於是全軍踴躍。直前出發。各就部署。午前七時。左翼哨艦和泉號。亦見敵艦。報在宇久島。屬肥前國松浦郡五島北西二十五海里航進北東。俄國艦隊。戰團艦奮士拉比耶在先頭。旗艦克尼雅希斯窪羅夫。亞歷山得三世等繼之。約三十八隻。舳艫相銜。駛入對馬海峽。我第三艦隊司令長官海軍中將片岡七郎所率巡洋艦隊。少將東鄉正路所率戰隊。及司令官中將出羽重遠所率戰隊。午前十時。一時之交。踵進敵艦。到沖島。以筑前國宗像郡在海上一十二里餘邊。敵艦時開砲火。我艦不應。刻刻能電報敵狀於本艦隊。是日。天霽浪高。海霧濛濛。雖展望不出五海里外。以電報詳細。敵影隔數十海里者。宛如視之掌上。未見敵艦。早知其舉第二第三艦隊全力來。陣形成二列縱陣。主力在右翼先頭。特務艦船約七隻跟隨後尾。駛力以十二節航進北東。於是東鄉大將。豫定午後二時迎敵艦於沖島邊。以我主力擊破


敵艦左翼先頭之策。正午。東鄉大將所率主戰艦隊。第二艦隊司令長官海軍中將上村彥之丞所率裝甲巡洋艦隊。中將瓜生外吉所率戰隊。及驅逐艦隊。既到沖島北方約十海里。欲突敵艦左翼。取針路於西方。午後一時三十分。出羽戰隊。片岡巡洋艦隊。及東鄉正路戰隊等。前後來會。四十五分。始見敵影於我左舷南方數海里外。見其陣形。戰艦勃耳底諾。斯窪羅夫。亞歷山得三世。阿利約四隻。在右列先頭。戰艦窩斯拉比耶。斯索伊拜利奇。拿哈林。巡洋艦拿比墨一隊。在左列先頭。敵艦逆航。一時五分。急東折。轉其正面。斜壓敵艦先頭。裝甲巡洋艦繼之。出羽戰隊。瓜生戰隊。片岡



從日本軍艦上望俄艦隊入對馬海峽

戰艦尼哥拉士一世。海防艦烏沙哥不。亞弗拉奇新。塞耶維三隻一隊繼之。巡洋艦惹迷朱克。伊受摸爾多二隻。介立兩列間。若警戒者。後方昏霧中。疍勒克。窩洛拉以下二三等巡洋艦一隊。及特米土里頓斯哥以。烏拉士密墨諾摩不。其他特務艦船等連續航進。互數海里間。於是五十五分。下開戰令。傳信號於全艦隊曰。皇國興廢在此一舉。各員益奮勵努力。而主戰艦暫向南西。與

巡洋艦隊。及東鄉正路戰隊。從豫定戰策。共南下。衝敵艦後隊。



動行之兵海上艦軍本日

我主戰艦隊爲丁字陣。壓迫敵艦先隊。敵艦少轉舵右舷。二時八分。開砲轟擊。我艦隊不應。及至距離六千米突。猛然開砲。攢擊敵艦左右先隊。於是敵艦縮於東南。左右兩列。共轉針東方。成單縱陣。與我並航。我第一彈。中其左列先艦富士拉比耶司令塔。司令官少將匪利企爾撒死之。彈丸蝟集。發火脫逃戰列。我裝甲巡洋艦隊。亦布列主戰艦隊之後。距離愈迫。轟擊愈急。俄國旗艦克尼雅希斯窪羅夫。二番艦亞歷山得二世。亦發火脫戰列。後列諸艦。亦多發火。敵陣大亂。燄煙爲西風所簸弄。忽蔽海面。與昏霧。共包裹敵艦。難認其處。若我主戰艦隊。暫停砲擊。而我軍各艦。亦頗被損傷。若淺間艦。後部水線上受二彈。以損舵機。且浸水甚。不得已脫陣列。急施修理。再入戰列。是爲彼我主力艦隊戰況。而勝敗既決於此。

我主戰艦隊。常壓敵於南方。每見敵艦於烟霧中開砲緩擊。午後二時。既向南東。出敵前路。敵艦見

之。急轉舵北向。若將繞我陣後北走者。主戰艦隊。乃左轉十六點。以日進艦爲先導向北西。裝甲巡洋艦亦踵進。遂爲乙字陣。猛擊敵艦。再壓之南方。敵艦悉迷朱克。突進來衝我裝甲巡洋艦後。我砲擊之。大加損害。使失戰力。至是時。喬士拉比耶遂沈沒。克尼雅希斯窪羅夫。失其一樁二烟突。煙餒敵艦。不復能操縱。其餘敵艦皆被大傷。遂取針路於東方。我主戰艦隊見之。又右轉十六點。與裝甲巡洋艦共追北掩擊。至四時四十五分。此間我千早艦。及海軍中佐廣瀨順太郎所率驅逐艦。鈴木貫太郎所率驅逐艦。前後進航逼敵艦斯窪羅夫。發射水雷。鈴木所發水雷。命中左舷後部。艦體傾斜殆十度。敵艦在傍者。防戰猛擊。廣瀨隊中不知火艇。鈴木隊中朝潮艇。各被一彈。殆將覆沒。救援得無事。敵艦務欲北走。既度其不可透。漸圖南遁。我主戰艦隊。以裝甲巡洋艦爲先頭。追擊少時。失敵艦於烟霧中。因南下約八海里。見敵軍二等巡洋艦特務艦船等彷徨於我右。緩射擊之。五時三十分。再轉針路於北方。搜索敵艦。裝甲巡洋艦轉向南西。逼敵軍巡洋艦。四十分。我主戰艦隊。見敵軍特務艦烏拉爾於左方。擊沈之。尙北進。見敵軍主戰殘艦約六隻向北東遁走。並航轟擊。進出敵前。壓其先頭。敵艦漸西折。遂向北西。敗竄之餘。砲力減少。我軍鎮靜射擊。以逞威力。敵艦亞歷山得三世。早脫陣外。勃爾底諾艦發火。七時二十三分。火及藥庫。俄然爆發。瞬時沈沒。我裝甲巡洋艦。追擊敵軍巡洋艦隊於北方。見一敵艦傾斜來敵艦拿比墨側覆沒。後聞之。即亞歷山得三世也。時夕陽已春。我驅逐隊及水雷艇隊。既整部署。自東南北三面漸逼敵艦。於是主戰艦隊停戰。轉針東方。東鄉大將命龍田艦傳令全軍。使悉北航。以明朝會於鬱陵島。此我主戰艦隊。

即東鄉大將所率

裝甲巡洋艦。

上村中將所率

二十七日北路戰

況也。

我出羽戰隊。瓜生戰隊。片岡巡洋艦隊。東鄉正路戰隊。二十七日午後。及開戰令下。與主戰艦隊分。南航衝敵艦後隊。四十五分。出羽瓜生二戰隊。相提携與敵軍巡洋艦荷勒克。窩洛拉。瑞圖拉那。亞爾瑪士。特米士里頓斯哥以。烏拉士密墨諾摩夫等開戰。漸旋擊敵後。用我駛力優快。忽出其右。忽回其左。旋轉圍繞。正奇互用。交戰約三十分時。敵軍後隊既就潰亂。若其特務艦船。遂亂次遁走。不知所爲。有失操縱自由者。三時。敵艦窩洛拉。鼓勇獨進。突我艦隊。我應戰猛擊遂却之。敵軍驅逐艦二隻。亦來突進。又擊却之。四時。敵軍益亂。箇箇分裂。大被損害。瓜生戰隊。見三橋二筒敵軍特務艦一隻。孤航。直擊沈之。蓋亞拿底爾也。又見特務艦四橋一筒者。擊毀之。蓋以耳查西也。時片岡巡洋艦隊。東鄉正路戰隊。亦來合。掩擊敵艦。會敵軍戰艦四隻。爲我主戰艦隊所壓擊者。遁走南下。協力於巡洋艦。逼瓜生戰隊及巡洋艦隊。接戰甚劇。彼我頗有損傷。先是出羽中將旗艦笠置。被一彈於左舷炭庫水線下。浸水漸增。不得已。中將自率笠置千歲二艦。託麾下諸艦於瓜生中將。避入油谷灣。修理笠置。移將旗於千歲艦。入夜再赴戰地。瓜生中將旗艦浪速。亦傷後部水線。暫避戰修理。當是時。敵艦南北全軍既敗潰分裂。會我裝甲巡洋艦南下。復逼敵艦。敵艦成群北遁。瓜生戰隊。片岡巡洋艦隊。東鄉正路戰隊。共追擊之。途上見敵艦斯窪羅夫僅保殘喘。及特務艦堪察加。巡洋艦隊東鄉戰隊直轉擊之。轟沈堪察加。海軍少佐富士本梅次郎所率水雷艇隊。隨巡洋艦隊到此。襲擊斯窪羅夫。敵兵猶放艦尾小砲一門抗戰。我軍發水雷二彈轟沈之。時七時二十分也。會接蔚陵島集合之令。諸艦停戰。向

北東而去。是出羽瓜生戰隊。片岡巡洋艦隊。及東鄉正路戰隊。二十七日南路戰況也。

是日。朝來南西風勁。波濤高颺。小艇操縱甚艱。若東鄉大將所率水雷艇隊。先開戰使避之三浦灣。至夕。雖風稍緩。波浪猶激。不利於水雷攻擊。然我艦逐隊。及水雷艇隊。恐失時機。皆冒風濤來會。海軍大佐藤本秀四郎所率驅逐隊自北。大佐矢島純吉所率驅逐隊。及少佐河瀨早次所率水雷艇隊自東北。壓敵艦先頭。中佐吉島重太郎所率驅逐隊自東。廣瀨順太郎所率驅逐隊自南東逼其後。中佐近藤常松。少佐福田昌輝。大瀧道助。青山芳得。河田勝次等所率水雷艇隊自南。追尾敵艦主力部隊及其左後巡洋艦。各爭先當敵。迨日沒。既包圍三面。敵艦見其勢威。畏怯倉皇。避向南西。更轉東方。午後八時十五分。矢島驅逐隊。先攻擊敵軍主力艦隊先頭。他驅逐隊水雷艇隊一齊突進。直圍攻敵艦。肉薄襲擊。激蕩不絕。至十一時。敵艦亦放探照砲火。極力防戰。遂不能堪。艦艦相失。四分五裂。各求血路。混戰一場。以當我艦艇追躡。敵軍戰艦斯索伊拜利奇。裝甲巡洋艦亞特未拉拿比墨。及烏拉士密墨諾摩夫。罹我水雷。皆失其戰力。我軍亦福田艇隊中第六十九號艇。青山艇隊中第三十四號艇。河田艇隊中第三十五號艇。爲敵彈所擊沈。驅逐艦春雨。曉雷。夕霧四隻。及水雷艇鷲。第六十八號。第三十二號三隻。頗被損害。死傷不少。若福田青山河田艇隊死傷最多。但沈沒乘員。爲雁及第三十一號第六十一號艇所收救。後日據俄國俘虜言。是夜。我艦艇襲擊猛烈。殆不可言狀。當其肉薄來接。不暇應戰。且距離太近。過砲口俯角之度。不得照準云。我中佐鈴木貫太郎所率驅逐隊。及其他水雷艇隊。是夜向他方面搜索敵艦。二十八日午前二時。鈴木驅逐隊到韓崎北東微東約二十七海里。見敵艦

二隻北走，直擊其一隻。水雷二彈貫其兩舷，遂轟沈之。即戰艦拿哈林也。其他艦隊，搜索他方，竟無所獲而返。是我驅逐隊及水雷艇隊。二十七日夜戰況也。

二十八日，黎明天晴如拭。我主戰艦隊，裝甲巡洋艦隊，既到鬱陵島南約二十海里。他戰隊及驅逐隊水雷艇隊等，各殊航路，順次在集合途上。午前五時二十分，東鄉大將，欲避敵艦退路，將分麾下巡洋艦隊搜索東西之際，片岡巡洋艦隊在後方六十海里北進。早見敵影，警報敵艦隊煤烟數條在東方。既近敵艦。又報曰：敵軍戰艦四隻。後知中二隻為海防艦。巡洋艦二隻。今向北東，即知殘敵主力矣。於是主戰艦隊。

裝甲巡洋艦隊，轉針路漸向東方。扼敵艦前路。瓜生戰隊，東鄉正路戰隊，與片岡巡洋艦隊合，控敵艦後。十時三十分，到竹島南約十八海里。包圍敵艦，則戰艦尼哥拉士一世，阿利約二隻，海防艦亞弗拉奇新塞耶維二隻，巡洋艦伊受摸爾多一隻也。他巡洋艦一隻。蓋亞爾瑪士也。遂在南方。既失其影，敗餘敵艦。既負大傷，固非我敵。及我艦開砲，須臾俄國艦隊司令官海軍少將涅普加多夫，揭白旗乞降。東鄉大將，特許將校以上佩劍，受其降。唯敵艦伊受摸爾多，利其駛力南走。爲我東鄉正路戰隊所遮。又東遁。會出羽中將搭千歲艦，自油谷灣返。途上擊沈敵驅逐艦一隻來會。直追伊受摸爾多不及。遂逸之北方。

先是瓜生戰隊，在北航途上。午前七時，見敵艦一隻於西方。令音羽艦長有馬良橘率音羽新高二艦追擊之。九時，漸近敵艦。知其巡洋艦瑞瑞圖拉那，拉驅逐艦弗以多路易去。交戰約一時間。轟沈之竹邊灣洋。新高艦與驅逐艦叢雲，共擊弗以多路易。追窮之於竹邊灣北約五海里某灣中，使之擱岸破壞。其二

敵艦兵生存者。收救之於我特務艦亞米利加號春日號二隻。

我主戰艦隊等。受敵艦降服。在其地處分俘虜。午後三時。見敵海防艦亞特未拉烏沙哥夫於南西。使

磐手 艦長川島 金次郎 八雲 艦長松本有信 二艦追之。勸告降伏。彼不應開砲。乃擊沈之。收救其兵三百餘名。又我驅逐

艦連 艦長相羽恒三 陽炎 艦長吉川安平 二艦。在鬱陵島南西約四十海里。遙見煤烟二隻向北西走。雖未辨孰艦。極力

追躡。及近見之。知其果敵驅逐艦有二檣者。開砲轟擊。

其一隻逃去。一隻駐止不動。且不應戰。我將卒怪之。諦

視則前檣揭白旗。艦尾翻赤十字旗。於是連艦以信號問

之。彼曰。汽關有礙。且乏煤水。又有將官二名坐乘。連號

直使士官佩日本刀。兵卒携小銃。乘敵艦臨檢捕獲。即

繆特維艦。而乘員八十名外。有俄國艦隊司令長官海軍

中將羅希也斯德烏延斯奇。及參謀長二名。幕僚八名。前

日之戰。先旗艦斯窪羅夫沈沒。遁搭此艦云。因皆虜之。

但見敵軍將卒對烏延長官恭敬動人。且負重創。容彼哀

求。留長官於繆特維曳之。移將校九名於連艦。以駛力十節。徐向鬱陵島。後致之佐世保。陽炎艦追他

艦遁去者。蓋弗拉維也 遂逸之北方。

瓜生戰隊。及矢鳥驅逐隊。搜索西方。五時。見敵巡洋艦特米士里頓斯哥以北走。追到鬱陵島南約三

俄提督羅希也斯德烏延斯奇



十海里。會音羽新高一艦。及驅逐艦朝霧。白雲。吹雪等。自竹邊灣返。逼之西方。與瓜生戰隊夾擊猛戰。未至轟沈。入夜遂失其影。唯吹雪艦。及矢島驅逐隊。追踵襲擊。其效果未明。至翌朝。見其漂沒鬱陵島東南岸。以其損傷甚。上兵員於島上。自拆開沈沒。乃收救其兵員於春日吹雪等艦。兵員中有窩士拉比耶艦及驅逐艦弗以努以搭乘者。據其言曰。弗以努以艦。二十七日午後。隨旗艦斯達羅夫沈沒。收載司令長官羅希也斯德烏延斯奇以下幕僚。時被一彈。尋收救窩士拉比耶艦乘員。然以既負傷。航海頗危。移司令長官以下於繆特維艦北走。二十八日朝。遇特米士里頓斯哥以。悉移乘之。自沈弗以努以云。

是日早朝。我特務艦信濃號。臺南號。八幡號。南下巡視戰場。到韓嶺北東約三十海里。見敵戰艦斯索伊拜利奇爲水雷所傷將沈沒捕之。收救其乘員。至午前十一時。斯索伊拜利奇艦遂沈。又驅逐艦不知火。及特務艦佐渡號。到對馬琴崎東約五海里。見敵巡洋艦亞特拉拿比墨。烏拉士密墨諾摩夫。浸水殊甚。傾斜將沈。收救其乘員於佐渡號。十時。二艦前後覆沒。會敵驅逐艦格羅羅斯奇向北逃走。不知火艦追擊。到蔚山洋。與水雷艇第六十三號。協力交戰。十一時。敵艦停砲。乃捕虜其乘員。格羅羅斯奇艦亦大損。尋沈沒。其他砲艦。及特務艦。搜索戰地附近沿岸。收救敵艦擊沈乘員不少。併降伏敵艦俘虜。殆及六千人。是二十八日一般戰況也。

東鄉大將。詳報告其戰況於東京大本營。且曰。是自五月二十七日午後。至二十八日午後。海戰景況也。其後分一部隊。搜索南方。不復見敵艦隻影。蓋俄國艦隊。將經過日本海者。約三十八隻。而免我

擊沈及捕獲者。不過巡洋艦驅逐艦特務艦數隻。我艦隊所失。水雷艇三隻耳。其他雖不免多少損害。一莫有礙役務者。我死傷。通全軍凡將校以下戰死百十六名。負傷五百三十八名也。是戰。敵艦兵力。非與我有大差。知敵軍將卒亦爲國極力奮鬥。然我聯合艦隊。克制勝收奇績如此者。一由

皇帝陛下稜威所致。固非人爲所能及。特我軍損失死傷甚少者。實信歷代神靈庇護所依。麾下將卒。嚮對敵軍勇敢戰者。皆及見此成果。感激之極。不知所言爾。

及捷聞也。我

大元帥皇帝陛下。賜勅於聯合艦隊曰。

聯合艦隊。激擊敵國艦隊於朝鮮海峽。奮戰數日。遂殲滅之。奏空前偉功。

朕憐依汝等忠烈。得對祖宗神靈。惟前途尙遼遠。汝等愈奮勵以完戰果。

又賜勅於海軍全員曰。

我海軍。籌畫攻戰共得其宜。中外相待。殲滅敵艦。以副 朕望。

朕深嘉尙其偉功。汝等益努力期大成。

又傳

皇后陛下令旨曰。

聯合艦隊。激擊敵艦隊於朝鮮海峽。勇進奮鬥。日夜激戰使殆至全滅。達

皇后陛下懿聞。深蒙感賞我將校士卒忠勇剛銳克奏偉大功績。

皇太子殿下亦賜令旨曰。

於日本海大海戰。殲滅敵國艦隊。奏曠古大捷。嘆尙聯合艦隊偉功。

東鄉大將。代聯合艦隊奉答勅語。及令旨。海軍大臣山本權兵衛。海軍軍令部長伊東祐亨。代海軍全員奉答勅語。

是役。俄國艦隊來日本海者。戰艦八隻。巡洋艦九隻。海防艦三隻。假裝巡洋艦一隻。驅逐艦九隻。特務艦六隻。病院船二隻。共三十八隻。而戰艦克尼雅希斯涅羅夫。喬士拉比耶。亞歷山得三世。勃爾底諾。斯索伊拜利奇。拿哈林六隻。巡洋艦亞特未拉拿比墨。特米士里頓斯哥以。烏拉士密墨諾摩夫。瑞圖拉那四隻。海防艦烏沙哥夫一隻。假裝巡洋艦烏拉爾一隻。驅逐艦弗以努以。弗以多路易。格羅摸斯奇。外某蓋拜受非列朱努以歇四隻。共二十隻。爲我所擊沈。戰艦尼哥拉士一世。阿利約二隻。海防艦亞弗拉

奇新。塞耶維二隻。驅逐艦繆特維一隻。共五隻。爲我所捕獲。巡洋艦亞爾瑪上。驅逐艦弗拉維二隻。

遁入烏拉地俄斯德港。巡洋艦伊受摸爾多一隻。遁入烏拉的米爾港。在烏拉地俄斯德港之北二百餘海里擱岸破壞。巡洋艦

窩洛拉。荷勒克。惹迷未克三隻。遁入呂宋馬尼刺。爲米利堅國所扣留。驅逐艦弗列斯底士遁入上海。

途次沈沒。驅逐艦波多路易。特務艦哥勒亞士維利二隻遁上海。解卸武裝。驅逐艦一隻踪跡不明。病院

船亞里約。加斯羅瑪二隻。爲我所扣留。尋解放加斯羅瑪。俄國太平洋第二第三艦隊。既歸殲滅。而算

關其人命者。爲我軍所俘虜者。司令長官以下七千二百八十二名中。將校三百五十名。準士官六十五

名。下士以下六千八百六十七名。蓋通全艦隊算之。其死者應不下一萬人。

初俄國義勇艦隊汽船五隻入上海。清國道臺諭俄國領事。使二十四時內駛去或解卸。支吾不聽。及聞日本海敗報。皆解卸武裝。清國勾管之云。

俄國司令官少將涅菩加多夫率艦隊降我也。我伊東海軍軍令部長傳皇帝陛下聖旨於東鄉大將曰。

陛下。命聯合艦隊司令長官東鄉平八郎。使率戰艦尼哥拉士二世。阿利約。裝甲海防艦亞弗拉奇新。塞耶維。所投降敵將涅菩加多夫以下。特得履行如左。

一 許涅菩加多夫送呈戰況報告及死傷捕虜名簿於俄國皇帝。

二 許自四艦所收容捕虜士官以上。宣誓還其故國。

於是涅菩加多夫。託東鄉司令長官。得其允可。送電奏於俄國皇帝曰。

聖彼得堡皇帝陛下。謹奏。前夜激戰之後。五月十五日。以俄歷言則我二十八日也戰艦尼哥拉士二世。阿利約。塞

耶維。亞弗拉奇新。及巡洋艦伊受揆爾多。向島港進航之途。為日本軍艦二十七隻。不算水雷艇所圍攻。我

艦彈丸既乏。大砲亦損。加之阿利約艦既失戰力。不能復抗戰。以二千四百人命。失之無益。又不可

避。除伊受揆爾多艦利用駛力遁去外。他四艦不得已。約許士官以上佩劍。且請士官以上宣誓還國

於日本政府降服。右條件。依日本皇帝陛下寬大聖意。得其承認。臣等仰陛下聖鑑。

戰死者 海軍大尉男爵密爾巴。ミルバ。少尉朱芬斯奇。シュンシキ。下士卒上六名。重傷者阿利約艦長溫克。ウンク。負傷

者。尼哥拉士二世艦長士密爾諾。シメルノ。陸軍中佐的疍士丢夫。トウフ。大尉克魯朱。クルジュ。海軍少尉斯伊哥夫斯奇。スエキチ。

下士卒二十二名。除阿利約死傷者。

羅希也斯德烏廷斯奇。亦得東鄉司令長官允可。電奏俄帝曰。

皇帝陛下。五月十四日俄歷我二午後一時三十分。於對島南端及日本間。與日本艦隊主力約十二

隻。巡洋艦隊約十二隻開始戰端。二時三十五分。斯達羅夫不得已去中央位地。三時三十五分。慕僚

一部及小臣負傷。既失知覺。移在弗以努以。委指揮權於涅菩加多夫。弗以努以嚮收窩士拉比耶乘

員。夜與艦隊相失。翌朝遇賴斯哥以伴驅逐艦二隻來。移窩士拉比耶兵員於該艦。小臣移乘繆特

維。與格羅羅摸斯奇共進。至夕。始知繆特維降服日本驅逐艦。十七日。俄歷即我被引致佐世保。十八

日。我三十知涅菩加多夫在佐世保。

俄帝經駐日法國公使。賜勅電於烏廷斯奇曰。

羅希也斯德烏廷斯奇提督。朕深嘉卿及艦隊全員爲俄國及朕。隨戰拋命。實盡任務。雖上帝不至冠

卿以戰勝名譽。卿等不朽勇武。後應爲祖國所常誇。朕望卿速全癒。神應慰藉卿等。

尋烏廷斯奇。又電奏涅菩加多夫降服於俄帝曰。

皇帝陛下。拜受陛下親電前數時。臣接尼哥拉士一世。阿利約。塞耶維。亞弗拉奇新諸艦。五月十五

日。我二十降服敵之報。聞此災害。茫然自失。是其責全在臣一人。切望陛下聖鑑。

涅菩加多夫以下土官。非得俄帝允可。不欲宣誓還國。且以不可永留海軍部內。移置之陸軍俘虜收容

所。移烏廷斯奇提督於佐世保病院。以療其創。

顧見敵艦報告。六月一日。俄國巡洋艦伊受摸爾多艦長男爵匪爾善（フエルクセン）。自俄里哈灣（ウラヂ地俄斯德港北約二百海里）。電報俄帝曰。五月二十七日。波羅的艦隊進航對馬海峽與敵軍全艦隊遇。午後一時二十分開砲。敵艦砲火先撥注旗艦斯達羅夫及露士拉比耶。至黃昏前。露士拉比耶。亞歷山得三世。勃爾底諾。三艦沈沒。斯達羅夫。堪察加。烏拉爾。三艦甚被損傷。不知所往。於是艦隊指揮之權。寄在少將涅菩加多夫。黃昏。尼哥拉士一世。亞弗拉奇新。塞耶維。烏沙哥夫。斯索伊拜奇。拿哈林。拿比墨。及伊受摸爾多。各艦順次向北東進航。我伊受摸爾多。傳戰艦號令。時拿比墨。拿哈林。為敵艦所避。既不能見。我戰艦以駛力十四節進航。其間為敵軍水雷艇所襲擊者幾次。在艦列兩端者尤甚。至翌曉。我艦成列者。尼哥拉士一世。疇勒克（蓋阿利約也）。亞弗拉奇新。塞耶維耳。既失斯索伊拜利奇。烏沙哥夫二艦。二十八日曉。望敵艦煤烟。我報之司令官涅菩加多夫。司令官乃使進駛力。塞耶維。亞弗拉奇新二艦。以駛力遲。落在列後。午前十時。日本艦隊先出我左舷。尋又見右舷。巡洋艦隊壓我後方。我艦自隊列分。不能再相合。於是決意向烏拉地俄斯德港。急竭駛力。避敵艦追躡。轉航路。二十九日夜。得入烏拉的米爾灣。會暗黑不辨咫尺。午前一時二十分。絀灣口暗礁。所剩石炭僅十噸。知其不可復救。且虞落敵手。上乘員於陸地。自爆沈之。戰中負傷者。有水兵十名。又陸軍總督列尼威的（レニウイ）。五月三十日公報曰。俄國巡洋艦亞爾瑪士。五月二十九日到烏拉地俄斯德港。其艦報五月二十七日海戰曰。斯達羅夫。勃爾底諾。露士拉比耶沈沒。疇勒克。亞歷山得三世。甚被損害。羅希也斯德烏廷斯奇司令長官在戰爭初期負傷。移乘他艦。日沒後。戰爭再開。未詳結果。亞爾瑪士。離俄國艦隊。為日本艦隊所遮斷。遂破敵線。得到烏

港。艦員尉官一名。水兵四名戰死。水兵十名負傷。堪察加艦。二十七日之戰似彼重損者。列尼威的六月一日公報曰。加受拜克將軍。報驅逐艦格爾努以未詳蓋弗到烏港。又俄京軍令部長亞歷西上太公。接弗拉維艦長大尉弗爾伊烏電報曰。本艦五月二十七日。與艦隊分。當時除窩士拉比耶斯窪羅夫外。見諸艦隊成陣疾進。午後四時。本艦陷十字火中。敵彈貫艦橋。破壞前部汽罐二箇。蒸汽主管。及前檣。我倒大檣。塗抹烟突代爲白色。以避望視遁去。二十九日夜。第三汽管爆裂。自是駛力不能五哩以上。又乏石炭。悉燒木材。三十日。始得起大檣到烏港。是俄國逸脫艦船情況也。

俄國滿洲軍連戰連敗之餘。意氣沮喪。然聞太平洋第二第三艦隊東航。總督等揚言曰。我艦隊比日本艦隊。勢力頗優。烏延斯奇提督。必能擊破敵艦入烏港。而制海權再歸我手。則日本滿洲軍五十餘萬。忽可化爲沙蟲。以激勵士氣。六月四日。始接敗報曰。五月二十七日。日俄兩國主力艦隊。衝突於日本海。激戰之後。俄艦爲日艦所擊破。五日又得確報曰。第二第三艦隊主力。悉被擊沈或捕獲。將校士卒半既戰死。半被擒虜。聞之上下周章。若僧侶及各部隊。祈死者冥福。悲慘之狀。充盈全軍。於是列尼威的招諸中隊長傳訓令曰。

我艦隊之不成功於日本海。最可哀悼。然我滿洲軍將卒。決不可爲之失望。自今而後。若大與敵軍會。快戰一場。爲海軍報讎。決死奮鬪。殲滅日本陸軍。可以慰吞深怨爲海藻之同胞靈魂。

然據米國桑港克魯尼。克爾報聖彼得堡近電稱。列尼威的密奏俄帝曰。艦隊敗報既傳播滿洲軍隊間。將卒寒心。至有圖叛亂者。如斯情勢。不能復繼戰爭。這回敗報。可謂俄國開戰以來數回不幸中之最

大不幸。由是觀之。俄軍之恐慌懊惱。可知耳。

夫波羅的艦隊。出沒於法屬印度沿岸。遙與我艦隊對峙。臨檢船舶來極東者。以脅迫通商貿易。猶以不爲足。敢來侵朝鮮海峽者。何也。或爲之說曰。烏廷斯奇。意若務避戰鬪。以少小利害。駛入島港。專修戰備。而與我大爭制海權者。故雖彼來對馬海峽。不敢爲取攻勢與我艦隊戰之態。唯避我攻擊是務。然則何以放膽大舉。欲盡全力以過對馬海峽乎。蓋有二大動機焉。一則在石炭不足。一則在誤信諜報。雖未詳彼艦石炭積量。據俘虜將校之言及敵艦境遇考之。其發本哥也灣。搭載石炭。其量不過以最短日子僅達烏港。故迂回津輕海峽或宗谷海峽。若途上不幸遭些障害。徒費時日。燃消石炭。不免陷漂泊洋中進退失據之厄。是彼所以不得不出最短航路對馬海峽也。又彼偵察甚疎。信東鄉提督三分其艦隊。防禦對馬津輕宗谷三海峽之諜報。是所以決意敢向對馬海峽也。而彼欲使我艦隊信向津輕或宗谷海峽。故東向過巴且海峽。急轉方向。突然進入對馬。彼固不料遭我艦隊三分之一以上。故初見我艦隊一部。其陣形如輕蔑我者。及見我主力艦隊。出其意表。無暇於取抗戰處置。狼狽中既致艦隊潰亂。陷殲滅之不幸也。若如或人之說。可謂烏廷提督謬見尤甚。蓋我艦隊根據之地。最屬秘密。故揚言分守三海峽。或應有之。然暴百萬大兵於滿韓之野。朝鮮海峽之一日不可弛守備。可知耳。而波羅的艦隊。來支那南海。誘致我艦隊而不應。烏港俄艦來北海道沿岸。亦不應。且守朝鮮海峽。則敵艦來侵津輕或宗谷海峽。聞其報而發。亦不爲晚。則我艦隊主力之所在。不難料之矣。然彼既信分守三峽之說。敢來對馬海峽。猶且不出擊破通過之勢。務避攻擊以希入島港。可不謂怯哉。抑波羅的艦隊

之東航。其目的固在救旅順。而旅順既陷。艦隊亦滅。則波羅的艦隊。獨不敵我艦隊。明矣。故其始彷徨於馬島間。蓋待俄國召還之也。至三月中旬俄國軍事會議促其東航。各國亦賞贊其勇武。艦隊將卒。爲好名心所驅。僥倖於萬一。以致殲滅。則其罪在俄國軍事會議。予不得不憫焉。延提督以下之境遇也。

報知新聞所載曰。我艦隊舉全力守朝鮮海峽也。自波羅的艦隊發法屬印度。杳不知所往者數日。土官等。或疑以爲豈非出太平洋乎。非過宗谷海峽乎。將非欲過津輕海峽乎。群疑紛然。獨東鄉大將。確信沈默。曾不動聲色云。又曰。涅普加多夫。與大將會。話次曰。閣下之長方畧及戰術。固吾所感嘆不能措也。獨怪閣下何以豫期我艦隊必出對馬海峽。大將曰。公等艦隊。種種流言。雖如示出津輕或宗谷海峽者。我確信公等望必出對馬海峽。何者。如津輕宗谷。今時濃霧易起。非大艦隊布帆無恙之地。故我知公等種種流言。即不過惑我耳。

二 樺太島占領

附北韓戰爭

樺太島。俄國謂之薩哈連島。起北緯四十五度五十七分。至五十四度二十四分。東西四十餘里。南北二百七十餘里。各種人雜居。我寬政二年。清國乾隆五十五年 西一千七百九十年松前藩創置陣營於楠子谷。即哥爾薩港文化五年。清國嘉慶十三年 西一千八百零八年間宮倫宗。奉德川幕府命。巡視樺太。欲窮俄國經界。到北端諸底多岬。遂渡滿洲。到德楞哩。逢滿官正白旗魯依勤臣。廂紅旗六品官葛撥勤渾阿。正紅旗舒托精等而還。嘉永六年。清國咸豐

屬於俄。其約款畧曰。

大日本國皇帝。讓有樺太一部之權於俄國皇帝。以刺比爾西海峽爲境界。俄國皇帝。讓有克里爾諸島之權於大日本皇帝。以堪察加拉巴加岬與占守海峽爲境界。自今永世子孫莫有失墜。雖土地產物締約之日直屬新地。若各地交換。兩國各派委員。會同行之。兼存領其地公共物件之權。且現屬各政府物件。算其價值。新主償之。其住民應得共入本國戶籍。又去留一任其意。留者。雖營生業有物件信宗教等與新主人民無異。應從其政府之令。俄國皇帝爲酬樺太之利。許日本船舶入哥爾薩港者。免港稅并海關稅十年。及領事駐劄。且日本船舶爲通商。來鄂和達海及堪察加海諸港者。及漁業者。皆以特典許之。與俄國人民無異。

於是遣我理事官開拓判官長谷部辰連於樺太。與俄國理事官巴拉巴斯。共搭俄國軍艦。自小實到靜河。又自白主到鵬城。檢查居民家屋。以楠子谷官舍一字。充我領事館。辰連諭居民以漁獵其他生業仍舊。去就決於三年間。我移居人一莫留者。土人八百四十一名。亦請屬我。乃移之宗谷。交換事畢。明年。俄國償以家屋道路費金七萬四千六百餘圓。置日本領事館于哥爾薩港。

交換事在三十年前。自是俄國益殖人民。移罪犯。西一千八百八十年。我明治十三年
清國光緒六年設地方廳於亞歷山府。亞歷山府。在北部五十度五十三分。舊爲一貧村。至是土地大闢。居民增殖。西一千八百八十四年。我明治十七年
清國光緒十年陞爲府廳。西一千八百八十八年。我明治二十一年
清國光緒十四年分置三府。南部爲哥薩港府。中部爲圖伊米府。北部爲亞歷山府。置長官。任軍民兩政。受沿黑龍江總督管轄。有軍務知事職權。駐在亞歷山

府。統轄文武官。其行政條約畧曰。

第一款 薩哈連島統轄權。雖屬沿黑龍江總督管轄。至施行地方政務。薩哈連島長官委任之。

第二款 屬薩哈連島長官者。為行政事務廳。醫務總監。農學士。建築技士。及測量士。

第三款 分薩哈連島。為亞歷山。圖伊米及哥爾薩港。制定各府疆界及其區分。屬沿黑龍江總督職權等。有凡二十三款。

哥爾薩港。即我精子谷在南端阿尼華灣中央。若亞歷山及哥爾薩港。人口逐年增殖。既有政廳兵營寺院病

院監獄工場等。概為市街之狀。唯圖伊米府。在中部。地多荒蕪。僅有土人及囚徒部落耳。近復漸闢。

明治三十八年五月。我艦隊殲滅俄國太平洋第二第三艦隊。七月。命海軍中將片岡七郎。為北遣艦隊司令長官。四日。護陸軍輸送船隊向樺太發。七日。到阿尼華灣。我海軍每得一地。便更其名。是灣更曰東伏見灣。海軍中將出羽重

遠。別率一艦隊從事掃海。遣驅逐隊偵察陸上狀況。沿岸無一防備。有監視兵三人耳。於是艦隊一部

及輸送船隊。進入近岸。遣海軍陸戰隊上陸。無敵軍抵抗者。占領其地。尋陸軍一部上岸。代陸戰隊守

之。然自哥爾薩港南方砲墩。突然開砲。擊我掃海隊。廣瀨中佐率掃海隊。與掩護艦赤城。且拒且掃。

正午。陸軍順次上米列牙。步騎兵進占取桑伊拿保村北丘。夜。將校斥候進入哥爾薩港南端。八日曉。

遣軍艦三隻驅逐艦二隻。進近於廷左麻岬。原名對馬島以策應陸軍。

陸軍司令官少將原口某。率一隊入哥爾薩港。俄軍縱火市中。退到蘇羅伊夫加。在哥爾薩港北約三里拒戰。我軍追

擊破之。敵軍復退守烏拉的。米爾夫加。在哥爾薩港北約九里我軍爾獲十二珊瑚突加農砲二尊。十二斤砲二尊。

及彈藥。午後驅逐艦深入羅索塞灣原名千波灣。到蘇羅伊夫加洋。敵軍砲兵發野砲猛射。我艦隊應戰。少時敵砲停響。九日我軍追躡敵軍。進入利士豆延查シヂヂ。十日。北進。敗敵軍據烏拉爾米爾夫加及佛里地尼者。占取之。是日海軍少將東鄉正路。率巡洋艦二隻水雷艇四隻。搭載陸軍兵。發哥爾薩港。到納士魯岬。原名近藤岬。砲擊數彈之後。遣陸戰隊上陸占取其地。樹日章旗。虜俄軍四名。是地。有燈臺。會無毀損。即夜點火。

俄軍自哈爾賓電報俄都曰。七月七日。日本艦隊軍艦十四隻。水雷艇二十六隻。運送船十隻。入薩哈連島阿尼華灣。上軍隊於哥爾薩港東南十五俄里之地。午後三時。日本水雷艇十五隻。近哥爾薩港開砲。我軍謂俄軍以諾維克艦自旅順通來哥爾薩港為我艦隊所擊沈者。所搭載機關砲應戰。死者五名。踪跡不明者一名。哥爾薩港俄軍支隊。發霽彈藥之後。爆破大砲。燒棄廳營。退保哥爾薩港北十俄里之蘇羅伊夫加。日本水雷艇八隻入羅索塞灣砲擊。蘇羅伊夫加俄軍。更退北方。蘇羅伊夫加為日本騎兵所占取。據報。日本步兵一萬二千以上。及砲兵。騎兵上哥爾薩港云。

十一日。我軍進逼陀亞利尼。敵軍自哥爾薩港蘇羅伊夫加敗退者。皆集於此。其地林木茂密巨數里。前面開闊。易守難攻。敵軍據此。築砦壘以拒戰。我軍攻之不能拔。十二日。天未明。我軍包圍攻擊。遂陷之。敵軍潰亂。向麻烏喀而走。於是樺太南部皆歸我有。是日。虜俄國海軍大尉麻奇辛打以下八十餘名。獲野砲四尊。機關砲一尊。即諾維克艦所搭載彈藥若干。倉庫數宇。敵軍死傷者。將校以下約百七十八人。我軍死傷約七十人。

二十二日。北遣艦隊。護衛陸軍輸送船。發哥爾薩港。二十三日。向亞歷山府。先遣出羽中將所率艦隊掃海。二十四日。誘導輸送船。入都額灣。遣陸軍上岸。原口少將率軍隊。上第一亞爾哥窪。驅逐敵軍。午後占取波羅烏印喀。及第二亞爾哥窪一線。敵軍步兵一大隊。義勇隊數百。自尼古來斯克者。及自亞歷山府來者。有野砲約八尊。敗潰向累古夫山間而走。敵軍將燒亞歷山府埔頭。我軍別遣驅逐艦護步兵一隊。近岸逐敵。與陸上軍隊相應。保守埔頭。得不燒燬。又別分陸軍一隊。向撲噶地。逐敵兵少許占取之。獲石炭四萬噸。及鐵路材料。午後三時。別部隊取第三亞爾哥窪。遣支隊向亞歷山府擊破敵軍。七時占取亞歷山府。敵軍據府東角面堡及東北高丘拒戰。我支隊攻之。以至日沒。是日。虜俄兵約二百人。獲砲車彈藥車七輛。糧草被服若干。

片岡司令長官。別遣一枝艦隊。向的喀斯土里灣。是灣。在韃靼海峽之西樺太島亞歷山府對岸北東約六十海里。屬俄國沿海州。法蘭西人拉白爾士所發見。取法國海軍大臣的喀斯土里名命之。有懸崖曰拉白爾士巖門。我艦隊遣陸戰隊上克羅斯的爾干布岬。有燈臺。構造宏壯。守兵皆道。遣士官水兵帽等。寂無人影。糧食盈倉庫。我艦進到玄武岩島邊。見亞歷山鎮。在俄國沿海州索羅斯克北端。與樺太島亞歷山府同名異地。有砲四尊。突然開二尊砲擊。我艦應戰。少時敵砲停響。市上火起。爆破火藥庫。

俄國薩哈連島軍長官陸軍中將利牙布諾夫。電報俄廷曰。七月二十三日午前八時三十分。日本艦隊數隻。見亞歷山府附近韃靼海峽。我謂開宮海峽以開宮倫宗嘗所渡也。南。一隻進航北方。其他艦在都額灣。砲擊都額。午前十時。大艦數隻又見南方。正午。水雷艇二隻。來亞歷山府北七哩亞爾哥窪河口洋上。砲擊陸岸。巡洋

艦及水雷艇四隻。在都額洋者駛去不知所往。

二十五日我陸軍右縱隊攻亞歷山府東方敵軍。擊迫之納爾美巴伊婁斯哥。別軍取都額。都額及亞歷山府。共免敵軍燬燒。敵軍概向累古夫而走。我軍追擊。敗敵軍據維的爾尼古布斯奇者。

先是日本駐劄德意志國公使。聞德國汽船喀西利號一千三百五十八噸坐礁在樺太東岸片岡岬邊。乘員一部居

知布米尼。請救援於我政府。因命北遣艦隊救之。艦隊派別艦赴之。收救船員德國人四名英國人二名。

諾威國人一名。清國人三十六名。二十六日返小樽港屬我北海道。據船員言云。喀西利船主係德國伯林營

哈爾安察給爾通信員。船長爲德國豫備海軍中佐。六月四日。發上海。經土噶喇群島惡石島北。從八

丈島南。沿日本東岸五六十海里。十五日。到堪察加半島彼得巴布羅斯克港。十九日。出港。會遇暴風。

避泊幌筵島屬我北海道千島州。二十二日。復出港。將經樺太北方。直航尼古來斯克屬俄國沿海州。爲流冰所礙。不得

已南下。二十七日。到片岡岬北西約二十五海里。坐礁於伯刺多哥夫岬西云。

二十七日。我中軍前衛。進擊達爾辨斯哥敵軍。午後占取之。騎兵進向累古夫。左縱隊向維的爾尼古

布斯奇者。遣獨立騎兵尾擊敵軍。入累古夫。以我兵寡撤陣歸。二十八日。我軍期乘敵軍未退累古布

西丘。以左縱隊取累古夫。一舉以殲滅之。午前三時。使中軍前衛與左縱隊。急進攻擊敵軍據累古夫

北端者。遂突入市中。敵軍力拒。市街上交戰混亂。午後八時三十分。遂陷累古夫。累古夫爲都以摸夫

州中心。敵軍自亞歷山府等各處敗潰者。皆依據之。蓋爲步兵約二千。大砲四尊。敵軍據巴勒斯在累古夫南

南約四里築壘壁以拒戰。我軍尋擊取之。敵兵千餘敗向南方疴諾爾在累古夫南約二十里而走。獨立騎兵又擊巴勒斯

南敵軍破之。獲野砲二尊。彈藥車五輛。其他小銃彈藥等。

二十九日。我右縱隊。擊破敵軍。敵軍有步兵約三千。砲四尊。機關砲四尊。蓋自亞歷山府敗退者也。爲我軍所追擊。敗潰向自麻羅伊摸夫在累古夫西約二里。至巴勒疴間道而走。我安東騎兵中佐。又與其援兵支隊。共急追於塔島蘭在累古夫南約十里。敵軍走保疴諾爾。三十日。遣一支隊追擊敵軍。與敵軍步兵約八百。遇於累古夫南。擊破之。殪二百名。虜五百名。

會俄國都以摸夫州長官色爾義索奇在累古夫原口少將。度敵軍既窘窮。欲依人道正義。速畢戰爭。招色爾義索奇說曰。我軍隊自上樺太島以來。本島俄軍連戰連敗。要地悉歸我有。今薩哈連軍長官利牙布諾夫。率敗餘軍隊。退保疴諾爾。蓋其意若遠到忍灣沿岸忍灣沿岸。欲海路遁大陸者。然我海軍既制海權。決不容本島及大陸俄軍交通。我軍艦既向忍灣鑿視。海上退路。絕望如此。又我軍益追俄軍。其前隊已到巴勒疴南。猛進急擊。使俄軍陷於窮地。必然之勢也。縱令利牙布諾夫將軍。有遁到大陸之意。非有雙翼不能飛渡。天勢所定。業已如斯。以予觀之。今日以後。俄軍抗戰。徒不過增慘禍。無益耳。卿爲利牙布諾夫將軍隸屬。或以其知己之情。有勸告將軍之意。予與卿以傳達之便。不敢躊躇。但予非強勸告將軍降服也。且予諭卿以一言。我日本軍。在敵國軍人力盡投降軍門者。依戰時法爲俘虜。公明處之。於保護其軍人名譽。尤慎之耳。色爾義索奇聽之信服。即遣人告其旨於利牙布諾夫。三十日。俄軍使中尉亞克知諾夫來我塔島蘭陣地。致信書二封於安東中佐。其一係致前哨司令官者曰。

日本軍前哨司令官貴下。爲今後避流血之無益。中停行軍。茲予送附書簡於軍司令官。將仰薩哈連

日本軍司令官處置。願貴下回答附我軍使亞克知諾夫。

於是安東中佐。護送書翰及亞克知諾夫等於累古夫。我參謀長步兵大佐小泉策耶。延之累古夫寺會見。其致軍司令官書曰。

薩哈連島日本軍司令官閣下。以綑帶材料及藥品缺乏。使負傷者不能療養。予爲人道。承閣下令都以讓夫州長官致意於予。信確保地方住民生命財產條件。今後停戰圖召流血之慘。至納閣下勸告之不得已也。

千九百五年七月十七日。俄歷於河諾爾。

薩哈連島長官利牙布諾夫。

我原口司令長官。即裁書答之曰。

薩哈連島軍長官閣下。讀閣下所差遣軍使携帶書簡。茲自我提出左記條件。

一 兵器馬匹糧食。其他軍用物件。及俄國官府所屬金錢。有價證券。動產不動產。應從現狀交付我。

二 薩哈連島必要書類。交付我。

三 薩哈連島守備軍編成表。及防禦計畫地圖書類。應交付我。

承諾右記條件。須遣帶有全權將校及回答書。明治三十八年七月三十一日。俄歷七月十八日。限午前十時。送第一波摸達。若誤其時期。我軍須直攻擊。

大日本樺太軍司令官原口中將。

尋使我追擊隊進波摸達邊。嚴備攻擊部署。又使小泉參謀長。任全權委員。付議和訓令。夜半急赴波摸達。二十一日午前八時三十分。俄軍使少尉蘇哥羅。至第一波摸達。致一封書於小泉參謀長曰。

薩哈連島日本軍司令官閣下。予信軍隊降服條件。從閣下所勸告。茲承諾其條件如左。

一 兵器彈藥馬匹糧食。其他軍用物件。及官屬金錢。有價證券。其他動產不動產。應從現狀交付日本軍。

二 薩哈連島行政上必要書類。應交付日本軍。

三 關薩哈連島守備軍編制現在書類。應交付日本軍。但同島防禦計畫書類屬軍機者。照現行法律。與開戰共皆破毀之。予望閣下。關許軍隊將校佩劍。不吝容予所願。

千九百五年七月十八日。俄

於荷諾爾府利牙布諾夫。

然以蘇哥羅無談判全權委任。小泉參謀長不能容請。更求限二時間。派遣全權委員於波摸達。午後零時四十分。俄軍陸軍大佐塔拉先哥以下將校二名。齎一書。至第一波摸達。其書曰。

薩哈連島日本軍司令官閣下。予爲吾所信關軍隊降服條件結了談議。即使所帶此書翰。亞歷山府豫備大隊長陸軍大佐塔拉先哥。爲全權委員。來此以報閣下。併報遣塔拉先哥隨員參謀部二等大尉准參謀長弗勒維。及特務尉官少尉索古魯夫。

於是我小泉參謀長。示納降條件。求其捺印。

納降條件

- 一 俄國軍人軍屬。應解卸武裝。總爲日本俘虜。
- 二 俄軍兵器馬匹糧秣。其他軍用物件。及官屬金錢。有價證券。動產不動產。應從現狀交付日本軍。
- 三 俄軍薩哈連島行政上必要圖書。應交付日本軍。
- 四 俄軍須選出委員者。一關薩哈連島守備軍編制及軍事一切圖書應交付日本軍者。一整理馬匹其他一切物件應交付日本軍者。即與日本軍委員。協議授受方法。
- 五 右諸項所規定。實施細目。日本軍委員。應指示俄軍委員。
- 六 本條件捺印之後。俄軍司令官及其幕僚。應明治三十八年八月一日。即俄歷一千九百五年七月十九日午後五時。到累古夫。
- 七 本條件。日俄兩軍各記一通。自捺印時。直有効力。

明治三十八年七月三十一日。於第一波撲達。一千九百五年七月十八日。俄

日本軍全權委員樺太軍參謀長小泉策郎。俄軍全權委員豫備大隊長亞歷安塔拉先哥。

於是俄國薩哈連軍長官中將利牙布諾夫以下將校七十名。下士卒四千三百十九名。皆解武裝投降。我陸軍駐樺太南部者。大多和大尉率之。數日間踰險山穿密林。逐迫俄軍於西海岸拿伊弗知河口。三

十日。自正午約五時間。劇戰以殲滅之。我死傷者。步兵中尉川井清照下士以下七名。敵軍戰死者約百二十名。獲軍器若干。至是樺太全島爲我軍所占據。

我皇帝陛下。賜勅語於北道艦隊曰。

北道艦隊。冒天候險惡。護送陸軍。以完其上陸。成樺太占領基礎。朕深嘉尙焉。

又賜勅語於樺太軍曰。

我樺太軍嚮掃蕩哥爾薩港及其附近敵軍。全占南部。今復擊攘首府亞歷山及累古夫地方敵軍。確占其地。朕深嘉尙汝等將卒舉止敏捷。收偉大效果。

我海軍分遣艦隊。出鄂和哥達海。八月十四日。攻亞揚港。獲舊式砲一尊。小銃三口。及彈藥若干。十七日。攻和哥達港。獲小銃五十八口。彈藥若干。別赴黑龍江方面。見俄軍增兵於黑龍江口之兩都巴瑪鄂勒拉。撒列二哨所。砲擊壞之。

先是我陸軍大將長谷川好道。久鎮韓國京城。聞俄軍漸侵韓國北部。遣一部隊攘之。六月二十日。占

據鏡城。在韓國咸鏡道以下同俄軍數千退入楡城。在鏡城北約四里餘我軍追擊。二十六日。取楡城。敵兵北退。七月二日曉。

俄國騎兵約四百人。奉砲兵來富寧路獐頭。在楡城北約五里餘我兵守其地者擊却之。我軍一支隊將遮敵軍退路。

迂路到虛通溝。在楡城北約五里餘富寧路攻擊敵軍步兵屯西北高邱者。會俄國騎兵自獐頭敗走到此。乃掩擊之。敵

軍潰亂北走。

我海軍中將上村彥之丞。率一艦隊。遊弋北韓海上。以策應陸軍。七月十七日。我驅逐隊在雄基灣。敵

軍約四百自陸上射擊。我艦應戰走之。見騎兵遁走者。又砲擊之。有敵騎兵五六名進行素清者。見我驅逐艦近岸。倉皇逃去。我千早艦在羅津浦。砲擊其西角北邱上俄國通哨及監視兵。

長谷川大將。自率一軍向北韓。九月一日。攻昌斗嶺。在會寧東南四里五峰嶺。在會寧西南四里等敵陣。敵軍據險拒戰

甚力。我砲兵猛擊日南洞。昌斗嶺南一里昌斗嶺。步兵乘之。突擊敵軍左翼。占取昌斗嶺高丘。又擊破五峰嶺。敵

軍狼狽潰走。敵兵數百守白峴。五峰嶺西五里輪洞等。遣一支隊擊破之。共追擊前進。我石澤大尉死之。吉元

大尉以下將校三名。下士以下約六十名負創。敵軍死傷雖未詳。若頗多者。敵屍遺棄戰場者約有四十。

四 日英同盟擴張

明治三十五年。清國光緒二十八年 西一千九百二年日英同盟協約成。詳見第一編期五閱年爲有効力。則應以四十年。清國光緒三十三年 西一千九百七年

一月畢期。然日俄戰起。我軍連敗俄軍。擠陸兵於北滿。殲船隊於黃海。威武斯揚。聲望日隆。於是日英兩國。共有同盟擴張之論。今茲四月上旬。英國名士張巴連。張巴連演述於自由統一會曰。當日英締

結同盟之始。英國要冒先見勇氣及或種危險之決心。然當其時。若政策一誤。放任情勢。更有危險於是者存焉。故余信英國國論有感於此。又確信我自由統一黨員。凡對此問。一定見解。及同盟既成。至今

次大戰。以限定戰局範圍。其效果既明矣。我輩既締此約。則今後更不可不助外務大臣蘭斯坦侯。

明文上及精神上實行此約。又使蘭斯坦侯。信有擴張其自所畫政策之意。我輩當喜助侯爲其後援。余

不疑日英協約爲極東平和之保障。并爲日英兩國屬地之保障也。又五月三十一日。前外務次官義德

華格禮ワグネル自由黨 演述時局。賞日本人強毅果斷。且熟練軍事。及日英同盟曰。當目下時局。信維持日英

同盟之義務。我自由黨不敢讓保守黨者。世人所不容疑也。初當日英締結同盟之日。有或以虞影響於

歐洲隣邦者。然締盟以來。不獨絕無其虞。使我英國最近隣邦法蘭西修睦復舊。蓋我英國。素有敬賞

日本之風。自締盟一成。國中輿論翕然贊之。夫法國亦有同盟國。指俄國現從戰爭。而英法兩國。於防遏

戰爭範圍。其意蓋一也。若平和機來。兩國當協力以務成公正和約。尋六月一日。外務大臣蘭斯坦。代

首相巴爾福。臨保守黨員晚餐會。論及格禮演說曰。如欲撤廢日英同盟。兩國政府未嘗上議。予且進

一步。將曰至同盟繼續之議起。與其繼續現狀。寧不如講更謀鞏固之方。日英同盟之於平和。有強大

勢力。若今修正之。非獨不使既發火災蔓延。又可得防之於未發。我國人固好平和。應歡迎其修正之

成。英國政府既如此。自由保守二黨言論亦如彼。則英國輿論所贊同。可知耳。而我國論亦有頗唱道

之者。

願見英國卿相所說。雖欲其擴張之意既明。若其修正條款何如。未可得知。據其所說推之。若有井清

韓及印度方面。結攻守同盟之意。蓋俄國既大敗於滿洲。垂趨於東陲。則將轉侵印度。振翼於中亞。英

俄之夾阿富汗アフガニスタン相持既久。而俄國南下之勢。屢屢不止。今方築鐵路。自莫斯科至阿富汗西境。與西伯

利鐵路接續。尙未爲足。又謀築鐵路自多木斯克府在西伯利多木斯克省直通阿富汗國境。一旦有事。歐俄及西

伯利軍。一令之下。可早蹂躪阿富汗高原。以壓印度。而英國印度兵備。不過土兵十四萬英兵六萬。一

以備印度副王。一以守北境。其兵力不給。英國夙憂之。故欲修正條款。結攻守同盟。以藉我威力也。

既而英國外務大臣蘭斯坦。與我駐英公使林董協商。各受政府委任。八月十二日。更締結同盟協約曰。

日英協約前文

日本國政府。及大不列顛國政府。望代一千九百一二年一月三十日兩國政府間所締結協約。以新約款。

一 確保東亞及印度地域全局平和。

二 確實清帝國獨立及疆土保全。並列國商工業在清國機會均等主義。以維持在清國列國共通利益。

三 保持東亞及印度地域兩締盟國領土權。并防護在該地域兩締盟國特殊利益。

以右三項爲目的。約定各條如左。

第一款 日本國。及大不列顛國。於本協約前文所記權利及利益中。若認有迫危殆者。則兩國政府。互相通告。無有隔意。爲擁護該權利及利益爲他所迫者。宜協同考量應執措置。

第二款 兩締盟國一方。非自我挑發。爲一國若數國所攻擊。又爲一國若數國所侵略。則爲防護本協約前文所記該締盟國領土權及特殊利益。至開戰端。則不問攻擊若侵略發於何地。締盟國他一方。直來援助同盟。協同戰鬪。至講和。亦應彼此合意爲之。

第三款 日本國。以於韓國政事上軍事上及財政上有卓絕利益。大不列顛國。承認日本國爲擁護增進該利益。取所認爲正當且必要。指導監督及保護措置於韓國之權利。但要該措置常不反列

國商工業機會均等主義。

第四款 大不列顛國。以關印度國境。係安全一切事項。有特殊利益。日本國。承認大不列顛爲於前記國境附近。擁護印度屬地。取所認爲必要措置之權利。

第五款 兩締盟國。約不經與他一方協議。無與別國結應害本協約前文所記目的之別約。

第六款 現時日俄戰爭中。大不列顛國常維持嚴正中立。若有他一國若數國助俄交戰。則大不列顛國來援日本國。協同戰鬪。至講和。亦應彼此合意爲之。

第七款 兩締盟國一方。際於本協約中所規定時期。應與兵力援助於他一方條件。及援助實行方法。兩締盟國陸海軍當局者協定之。又該當局者。關兩國利害。應隨時協議。相共無有隔意。

第八款 本協約不抵觸第六款規定者。自畫押日。直從實施。爲十閱年間有效力者。若至十閱年終。在十二閱月前。自一締盟國不通告廢止本協約之意旨。則本協約自一締盟國表示廢約意旨之日算起。至一閱年之終。爲續有效力者。然至其終了期日。於一締盟國。現在交戰中。則本同盟。爲至講和終了。當繼續者。

右爲證據。下名各受其政府委任。記名捺印於本協約。一千九百零五年八月十二日。於倫敦。作本書二通。

大不列顛國駐劄日本皇帝陛下特命全權公使林董。

大不列顛國皇帝陛下外務大臣蘭斯坦。

協約全文如右。比之前協約。其同盟性質及範圍。有大相異者。前協約。同盟範圍限以極東。新協約。擴張之於東亞及印度。前協約。締盟國一方。與一別國開戰時。他一方守嚴正中立。及二國以上開戰。始締盟兩國協同戰鬪。新協約。締盟國一方。與別國開戰。即他一方直來援助。協同戰鬪。前協約。兩締盟國承認清國及韓國獨立。新協約。記維持清帝國獨立。除去韓國。第三款以英國承認日本監理保護權利也前協約。期限五年。新協約。延至十年。

本協約。九月二十七日。表示中外。論者或曰。此約。蓋日英兩國。共專以俄國侵略起見。包括印度。則其北境守備微弱。若英俄一旦構兵。俄國利用鐵路。送致大兵。我國據同盟條約。不可不送兵印度以援助英國。若俄國復侵略滿韓。不能依賴英國援助。而英國於東亞。雖海軍勢大。其陸軍極單弱不振。則此約雖在英國頗有利。在我國極爲不利。洵有如論者之言者。然俄國欲再突出黃海。不可不與日英二國開戰。又欲轉方自印度突出波斯灣。亦不免與日英二國交戰。爾時。英國以陸軍援我滿洲軍與俄國戰。固難。我陸軍亦到印度發揮戰力。頗爲不易。而釁隙一開。則其戰場。不必限滿洲及印度。攻擊俄屬何地。固無不可。故雖俄國振興軍備。勇戰奮鬪。不能擊敗日英同盟軍以遂侵略之慾也。明矣。乃俄國欲抗日英同盟。圖與他二二國同盟。亦不可測。然有甘以日英二國爲敵。以援助俄國之邦國乎否。雖若法國不能脫俄國同盟。今新與英國協商事成。日益親昵。能援俄國與英國戰乎。法國人民應不許之。雖德國近與俄國親好。亦應不肯援俄國以與日英戰。果爾。因此協約。維持平和。不容疑也。顧見歐美各強國對日英同盟新協約輿論。概有贊同之意。英國齊贊襄之。固不待論。其泰晤士新聞

曰。這般協約。全副我國輿論。其所基礎。與前協約同。在兩締盟國。互確保其通利益正當且鞏固主義。此協約性質。固在保守且平和。此非威嚇何國者。又非害感情者。專以擁護平和爲本領。是我所特書不憚也。又曰。今與日本同盟。而爲擁護我國權利所自備者。毫非有所滅殺也。若我帝國所負擔。割我肩上。移他肩上。則損我國體面。且胚胎危機者也。此非日英同盟目的。又非所可能成。唯這般協約。使日英兩國爾後數年無操戈之要者。我輩所信而不疑也。而爲銳利劍戟應機即起之備。則日英相共所不可須臾怠也。美國亦同英國贊之。紐育多利敏新聞曰。本協約。應爲全世界所歡呼者。我輩所豫期也。雖我合衆國例不結如此條約。我輩見隣保兩國。締結此約。適平和正理。及振進一般文明。不堪欣懌之情。紐育泰晤士新聞。述該協約有利於合衆國。論及德國於膠州灣位地。更進一步曰。應至有若德俄兩國同盟或德法俄三國同盟者。以講對抗日英同盟之策者。而諸強國有割地之意者。設令當日英兩國協力。不得破之而且圖達其目的之道。

壤太利國。亦以爲新協約可以保極東平和。維也納不勒木旬布拉多新聞曰。此條約。可以爲英國外交成功。在日本亦有私益。爲其有私益。方負印度保護之義務。但想當實無此事。益斯多刺布拉多新聞曰。新條約目的。專在俄國。其結果。應使德俄關係益親近。而德國查伊陳克新聞曰。我國所有山東省者。不在經濟利益之外。而新協約以確保各國均等權利。故無妨礙我山東省地位之理。其他諸新紙。皆以本條約爲非對抗德國者。獨柏林泰額布拉多新聞曰。新締日英協約。爲最大條約。與夫三國同盟德奧俄及二國同盟法俄等。而歐洲大陸兩同盟既屬陳腐。至日英同盟。則光彩燦然。從有雄大之力。且其

効力所及。非從前同盟比。雖該條約對抗俄國者。亦對抗德國。何者。德國所有於清國土地權。其爲確保乎否。有未覈實者。故該條約。阻遏歐洲各國所享於清國之利益。不異英法兩國之關摩洛哥協商。而其目的之重且大。不可同日而論矣。於是諸強國所享其利益於亞細亞洲者。不應合議不保持權衡也。法國則雖素爲俄國同盟。其論反平正。且新聞講究自後英俄關係曰。該條約。在俄國亦爲穩妥的。巴新聞。大意與日新聞同。且曰。該條約。應爲法國屬地在極東者之保證。至俄國新聞。則曰。日英協約。應撥觸各國有利害於東亞者之感情。然其感情。亦待有政事上聯合而後可消燼。但此聯合。在何邦成立乎。應不遠而決之。日英同盟。果爲保障平和者。則新成聯合。亦保障平和。固不待言。想在倫敦意見亦應爾爾。我輩新造聯合。誠實廉潔。以欲歡抃友平和之日英兩國政府。由美壞及俄國諸新聞所唱觀之。俄國欲聯合一邦以對抗此協約可知。而德國若與俄國結。則不可不以日英爲敵。今日時機。其如不能爲此舉動何。且俄國新聞。尙有論與德國親近之危害者。法國則今方與英國交情日深。於印度支那防禦上。必欲與日英益呢。其不與俄德共聯合。明矣。則日英新協約之於保持世界平和。大有效果。亦可確信乎。

五 日俄講和

附日韓新協約

俄國連敗之餘。厭兵既久。其敗於奉天也。西國諸新聞。早有勸誘講和者。而俄國尙恃波羅的艦隊東航。大言壯語。示永尋干戈之意。及艦隊殲滅於日本海。歐洲各國。說俄國講和之外。無復他術。英國

路透新聞。報平和有希望。法國巴里。則人心動搖。各新聞皆主張講和。若且新聞。勸告俄帝跪於不可避運命之前。須止戰爭。德國政府。亦認講和之不可已。

先是美利堅合衆國大統領羅士威爾德。夙有唱道平和之意。及接海戰之報。爲時機既熟。五月三十日。華盛頓美都電報。早傳其消息曰。羅士威爾德氏。欲爲平和斡旋。而日本若不欲講和。大統領應自不關涉。但今回大勝。日本有增加要償之權。既而羅士威爾德。招駐美中立各國公使。問其意見。六月二日。特招駐美俄國大使喀西呢。勸告曰。美俄固爲友邦。故切望俄國納文明諸國希望。求和於日本。且尙尋干戈。俄國既無勝算。不過使日本益大要求耳。蓋大統領之意。專從人道起見。在爲俄國盡力取媒介之勞也。而喀西呢答曰。余未承俄國政府何如訓令。然據吾私見。俄國當尙尋干戈。何者。今日未便議和。俄國雖敗。至今猶不失寸土。故未見可和之理。但當通大統領意見於俄帝。同日。大統領又發訓令於駐俄美國大使。使致意於俄廷。三日駐美義大利大使。訪喀西呢。談論數時。遂相伴詣大統領所。時駐美日本公使高平小五郎在紐育。於是大統領延招。有所議云。

三日。德國伯林電報稱。據俄京私報。俄國大臣議決戰爭。又某情報云。俄國不懲大敗。尙決戰爭。而四日伯林電報又稱。俄國今聞世界輿論。應出於終了戰爭手段。蓋美國大統領。豫致意於俄帝。以探其趣向。而俄廷紛紛。迷於和戰去就。其議未決也。

至九日。駐日美國公使格利斯堪。致書於我外務大臣曰。

本使。有從國務長官電訓呈通牒於閣下之光榮。以大統領所感。今願一般人類利益。爲使目下慘澹

可痛之戰爭終了。大統領不可不努力之秋方至。夫合衆國之於日俄兩國。爲友好親善也久矣。所兩國繁榮福祉。并思二大國間戰爭阻礙世界進步。故大統領切望。日俄兩國政府。不獨爲兩國生民。并爲世界文明利益。相共議和修好。即日俄兩國全權委員。不敢要他媒介者。直接會見。以講和好條件。是大統領所勸告也。懇請日本政府同意上件。又今方求俄國政府同意。大統領雖關平和協議。不要他媒介者。若兩國關豫議會見日時及會場。以爲假大統領之力有利。則大統領將竭所當得爲。欣然以當其任。然此豫議亦兩國得直接或以他方法整理。是大統領固所喜也。何者。大統領所爲目的者。以在文明世界所祈平和會議之成也云云。其通牒俄國亦若同文者。

十日。我外務大臣小村壽太郎。覆牒美國公使曰。


本大臣。有受國務長官閣下所電訓本月九日貴翰之光榮。尙請電致我帝國政府覆答於貴國政府。帝國政府。對貴翰所陳合衆國大統領勸告。極加慎重考量。是顧其發言者與其衷情。固屬當然。與俄國之平和。以當足十分保障確實條件者。使之復立。爲世界利益。轉爲帝國利益。帝國政府之所冀望也。故帝國政府。應大統領勸告。以兩交戰國間直接商議。決定講和條件目的。任命帝國全權委員。將於相共適意。且所認爲便宜之日時及會場。與俄國全權委員相會云云。

合衆國大統領所言。其精神極爲公明正大。我帝國政府。加慎重考量。至翌日覆答當任命全權委員者。一由顧大統領誠意。及其衷情既提斯文明與人道也。則亦可謂至當處置。俄國政府。亦遂決意講和。十一日。倫敦電報稱。日俄兩國政府。贊成美國大統領關講和提議。華盛頓電報又稱。對大統領同文通牒。俄國政府回答。及全權委員姓名。十日夜半達華盛頓。先是日本政府回答亦到。尋我駐美高

平公使。報外務省曰。十二日朝。俄國大使與大統領會見云。俄國政府覆答。當應大統領勸告。且以巴里駐劄俄國大使尼利士夫。任全權委員。求以巴里爲會場。但大統領土曜^日十^日曜^日十一^日出獵不在。故以十二日。始與俄使會見。

既而日俄兩國。介美國定會場爲合衆國華盛頓府。七月三日。我帝國。命外務大臣男爵小村壽太郎。及華盛頓駐劄特命全權公使高平小五郎。爲講和全權委員。命總理大臣伯爵桂太郎。兼任臨時外務大臣。六日。我皇帝陛下。賜勅於小村全權委員曰。

美國大統領。憂日俄交戰累年未解。爲人道及平和。思輟爭之急。對兩國政府。勸告互簡派全權以會同商議。朕以常眷眷平和。至戰之不得已。固非朕素志。苟因敵手融悟。得戢干戈。何慶如焉。朕速納大統領忠言。命卿等。膺訂約和議之任。卿等其專心從事。努力達恢復平和於永遠之目的。



男村小使大權全本日



氏平高使公權全本日米駐

波子某會場及美國總統肖像



又命佐藤辦理公使。山座政務局長。安達參事官。本多秘書官。小西外交官補等。為隨員。八日。解纜橫濱。向美國而發。

俄國全權委員尼利士夫。以老病辭。更命羅馬駐割全權大使尼古喇摸拉威夫。及新任華盛頓駐節全權大使婁善。新任清國駐割全權公使波哥知羅夫。為講和全權委員。摸拉威夫者。西一千八百五十年間。我安政清國 咸豐年間 東部西伯利總督陸軍中將摸拉威夫亞穆爾斯奇之從子。前任司法大臣。以法學聞。婁善前任日本駐割公使。頗通日本事情。尋復罷摸拉威夫。舉大臣會議長烏逸的。為全權委員。烏逸的以嘗主張平和。為開戰黨所踈外。自度支大臣轉即開職。今舉為委員。可見俄國誠實欲和之意。柏林新聞曰。烏逸的任命。可謂平和克復之佳徵。使烏氏致力講和。應舉佳

良成績。俄帝亦若悟為輕率開戰黨所誤者。然其起烏逸的。猶有議論紛紜。據路透電報云。俄國太公

輩。頗不喜烏逸的任命。於是烏逸的。辭以非得全權。不能受命。俄帝容其請。遂至決定云。

我小村講和全權委員一行。七月二十五日。到美國紐約。滿市歡迎。二十八日。小村高平兩全權。相伴訪大統領於荷伊斯答倍。尋俄國全權委員烏逸的等。亦到紐約。八月五日。大統領紹介烏逸的及妻善。與我小村高平兩全權會見。以華盛頓暑氣方熾。卜會場於波子某。波子某在紐罕什爾州海濱。有造船廠。八日。彼我全權皆到波子某。日俄講和。爲列國注視。列國通信員來波子某者二百餘人。競以速探報本國爲快。

先是俄帝宣言。講和條件中。若屬地割讓及償金支給。決不承諾。烏迭的在航海途上。用通信新聞等。盛示強硬不屈之態。其到紐約。直揭載俄帝宣言於新聞紙上。且曰。日本應提出講和條件。俄國不可先不確知之。而料其果當容認。始入正議。是爲國際上慣例。然我俄國帝。尤不依其習慣。爰命全權委員。聞敵國條款。日本條款穩當。則得直容認之。而俄國滿洲軍總督列尼威的。亦奏俄帝曰。今非議和之時。敵國提出條款。與我國名譽不相容。則無聽許之理。何者。我軍未嘗陷如此困難也。雖對馬大敗。固屬可悲。與我陸軍不相關。今我軍士氣旺盛。敗敵軍獲一勝。近在數日云云。是皆不過故裝硬強。爲不肯屈從之態耳。

十日。彼我兩全權。始開商議。各示全權委任狀。認其完全。於是日本全權委員。付講和條款書一通於俄國全權委員。約速以文書回答。蓋其條款曰。

第一款 置韓國於日本保護權內。

第二款 日俄兩國軍隊。同時自滿洲撤去。

第三款 還附滿洲統治權於清國。

第四款 滿洲清國商業及政治權力。一任清國自經營保全。

第五款 割讓樺太島於日本。

第六款 讓與遼東半島租借權於日本。

第七款 讓與東清鐵路於日本。但日本及俄國。締約此項特別條約。又還付西一千八百九十八年

我明治二十一年清
國光緒二十四年 俄國所得特權於清國。

第八款 依西一千八百九十六年 我明治二十九年清
國光緒二十二年 羅士甸氏與烏夫多穆斯奇公爵所締約條。雖俄國

有關西伯利鐵路聯絡特權。鐵路通烏拉地俄斯德者。今後清國應保護之。

第九款 俄國辦濟戰費於日本。但不明
認其額。

第十款 引致俄國軍艦入中立港解除武裝者於日本。

第十一款 制限俄國太平洋艦隊。

第十二款 讓與沿海州漁業權於日本。

蓋約款因十二款而成云。歐美列國聞之。皆許以日本要求爲至當。

俄國全權。以戰費辦濟樺太割讓二項。竟不能諾。峻拒之。其他條款。求以爲商議基礎。猶要修正。十

二日。彼我全權第二次會見。我小村全權許以戰費及樺太二項。暫付不問。就其他項目商議。尋申商

議第一款。第二款。第六款。第七款等。俄國納我要求。至第五款。第九款。第十款。第十一款。烏逸的頑不敢動。我小村全權亦不肯讓一步。於是和議將破。美國大總統領憂之。以議了大半。因一二條項。歸其不利。頗爲遺憾。使我在美男爵金子堅太郎。通意於我政府。忠告讓步。見我政府態度強硬。遂止之。又招俄國全權婁善於疇伊斯峇倍。協議數時。取調停之勞。授示方案云。

尋我小村全權。撤回第十

引致俄國
解築軍艦 第十一

制限大平
洋艦隊

二項。自是屢延會見之期。至八月二十三日午前

會見。撤回第九款。

戰費
辦濟

割取樺太南部於日本。返還北部於俄國。及使俄國支辦將卒爲日本所俘虜者

給養費若干。於是和議漸成。九月五日俄兩國全權委員造講和條約書。記名捺印於波子某。各通告其國政府。

十月十四日。我

皇帝陛下。批准條約曰。保有天佑踐萬世一系帝祚日本國皇帝。御名宣示觀此書有衆。朕親閱覽點檢。明

治三十八年九月五日於美利堅合衆國波子某

紐罕什
爾州

帝國全權委員及俄國全權委員所記名捺印講和

條約。各條目。以善適朕意。無所間然。嘉納批准。神武天皇即位紀元二千五百六十五年。明治三十八年十月十四日。於東京宮城。親署名。使鈐璽。其講和條約全文曰。

日本國皇帝陛下。及全俄羅斯國皇帝陛下。欲回復兩國及其人民平和幸福。決定締約講和條約。日

本國皇帝陛下。舉外務大臣男爵小村憲太郎閣下。及美利堅合衆國駐劄特命全權公使高平小五郎閣下。全俄羅斯國皇帝陛下。舉大臣委員會議長塞耳治烏逸的閣下。及美利堅合衆國駐劄特命全

權大使男爵曼曼善閣下。各任命其全權委員。各全權委員。互示其委任狀。認其良好妥當。以協議決定諸條款如左。

第一款 日本國皇帝陛下。與全俄羅斯皇帝陛下。及兩國臣民。將來應平和及親睦。

第二款 俄羅斯帝國政府。承認日本國於韓國政事軍事及經濟上有卓絕利益。日本國當認必要於韓國。取指導保護及監理措置。約不阻礙或干涉。但俄羅斯國臣民在韓國者。應與他列國臣民同待遇。即可知與最惠國臣民置同一地位。兩締約國。爲避一切誤解原因。約於俄韓間國境。不取應侵迫俄國及韓國屬土安全之軍事上措置。

第三款 日本國及俄羅斯國互約如左。

一從本條約附屬追加約款第一規定。除遼東半島租借權効力所及地域外。自滿洲同時全撤兵隊。

二除前記地域外。舉現時日本國若俄羅斯國軍隊占領又在其監督下滿洲全部。還付清國。專屬行政。

俄羅斯帝國政府。聲明不有侵害清國主權。又與機會均等主義不相容屬地上利益。又優先專屬讓與於滿洲。

第四款 日本國及俄羅斯國。爲清國發達滿洲商工場。互約不阻礙列國共通。

第五款 俄羅斯帝國政府。以清國政府承諾。移旅順口大連灣并其附近屬土及屬水租借權。及關

聯該租借。又組成其一部一切權利。特別讓與於日本帝國政府。又俄羅斯帝國政府。移讓在前記租借權。其効力所及地域一切公共營造物及財產於日本帝國政府。

兩締盟國。互約應係前記規定。得清國政府承諾。

日本帝國政府。約在前記地域俄羅斯帝國臣民財產權。應完全尊重。

第六款 俄羅斯帝國政府。約長春寬城子旅順口間鐵路。及其一切支線。並在同地方附屬一切權利特權。及財產。及在同地方屬該鐵路又爲其利益所經營一切炭礦。無受補償。且以清國政府承諾。移讓於日本帝國政府。

兩締約國。互約應係前記規定。得清國政府承諾。

第七款 日本國及俄羅斯國。約滿洲各自鐵路。專以商工業目的經營之外。決不以軍略目的經營。

該制限。應知不適用遼東半島租借權効力所及地域鐵路。

第八款 日本帝國政府。及俄羅斯帝國政府。以增進交通及運輸且便易之目的。爲規定滿洲接續

鐵路業務。應速締結別約。

第九款 俄羅斯帝國政府。永讓與薩哈連島南部。及其附近一切島嶼。並該地方一切公共營造物及財產完全主權於日本帝國政府。其讓與地域北方疆界。定爲北緯五十度。若該地域正確經界線。應從本條約附屬追加約款第二規定決之。

日本國及俄羅斯國。互約在薩哈連島。又其附近島嶼各自屬地內。不築造堡壘其他類似軍事上

工作物。又兩國各約宗谷海峽及韃靼海峽。不取應妨礙自由航海。何等軍事上措置。

第十款 所讓與於日本國地域住居俄羅斯國臣民。留保賣却其不動產退去本國之自由。但該俄羅斯國臣民。欲留住讓與地域者。以服從日本國法律及管轄權爲條件。應支持保護其從事職業且行使財產權。日本國。對住民失政事又行政上權能者。有撤回前記地域居住權。又使之自該地放逐充分自由。但約應尊重前記住民財產權。

第十一款 俄羅斯國爲瀕日本海。鄂和達海。及白令海。俄羅斯國屬地沿岸漁業權。許與日本國臣民。約應與日本國協定前項約款。互同意於不及影響於前記方面俄國又外國臣民既得權利。

第十二款 日俄通商條約。以因戰爭廢止。日本帝國政府。及俄羅斯帝國政府。以戰爭前効力所有條約爲基礎。至新締結通商條約間。約爲兩國通商關係基礎。應相共採用最惠國地位待遇方法。而輸入稅。及輸出稅。稅關措置。通過稅。及噸稅。並對一方代辨者臣民及船舶。在他一方入國許可及待遇。皆依前記方法。

第十三款 本條約實施後。應速互還附一切俘虜。日本帝國政府。及俄羅斯帝國政府。應任特別委員一名授受各俘虜。一方政府所收容一切俘虜。授附他一方政府特別委員。若受其正當委任代表者。同委員若其代表者領受之。而其授受。授附國豫通知領受國特別委員。其人員及出入地。應從授附國便宜行之。

日本國政府。及俄羅斯國政府。俘虜授受完了後。應速互提出自俘虜捕獲及投降日。至其死亡或

授附時。爲保護給養。各所負擔直接費用計算書。該書交換後。俄羅斯國。約速支辦日本國前記支出實際金額。與俄羅斯國同所支出實際金額之差率於日本國。

第十四款 本條約。應經日本國皇帝陛下。及全俄羅斯國皇帝陛下批准。該批准。應在自本條約捺印之五十日以內。經東京駐劄法蘭西公使。及聖彼得堡駐劄美利堅合衆國大使。各通知日本帝國政府。及俄羅斯帝國政府。而自畢通告之日。應本條約全部生完全効力。正式交換。應速於華盛頓行之。

第十五款 本條約。以英吉利文。及法蘭西文。各作一通。應捺印之。雖其各本文全然符合。若其解釋或生差異。應據法蘭西文。

右爲證據。兩帝國全權委員。茲記名捺印於本講和條約。

明治三十八年九月五日。即一千九百零五年八月二十三日。俄於波士某爾州作之。兩國全權四名捺印。

追加條款

同日締結講和條約追加條款。

第一 第二款追加

日本帝國政府。及俄羅斯帝國政府。互約同時且講和條約實施後。直自滿洲地域。各開始其軍隊撤退。而自講和條約實施日起算。期十八個月內。兩國軍隊。應自遼東半島租借地以外滿洲。全

行撤退。兩國軍隊。占領前面陣地者。應先撤退。

兩締約國。留保爲保護滿洲各自鐵路置守備兵權利。該守備兵員。不得每一吉羅米突超過十五名。而日本國。及俄羅斯國軍司令官。於前記最大數內。願實際必要。彼此合意。應限定使用守備兵數。但要得少數。

在滿洲日本國及俄羅斯國軍司令官。從前記原則。協定撤兵細目。不超十八個月期間。爲實行撤兵。應彼此合意。取必要措置。

第二 第九款追加

兩締約國。各任境界劃定委員。以同數人員成。本條約實施後。薩哈連島。日本國及俄羅斯國屬地間境界。應速以正確永久方法。就實地劃定。該委員。要量度地形。以北緯五十度爲境界線。若認地點自同緯度爲偏倚之必要。應於他地點對當偏倚填補之。該委員。當查製讓與中所包含附近島嶼表及明細書之任。且查製讓與地域境界地圖。各署名之。該委員事業。要經兩締約國承認。

前記追加約款。與其所屬講和條約批准。共看做批准。

同日。俄帝亦批准約款。十五日。我政府經駐俄美國大使通告俄國政府。俄國亦經駐日法國公使通告我政府。於是講和全成。是日。小村全權委員還自美國復命。

俄國雖讓與遼東半島租借權。及長春旅順間鐵路等一切權利特權於日本。是等諸權利。應得清國政

府承諾。載在條約。於是十一月二日。我

皇帝陛下。復簡任外務大臣小村壽太郎。爲特派全權大使。差遣清國。小村大使。以六日發東京。今方到清京。與清國委員大臣等商議。

復命樞密院議長侯爵伊藤博文。爲特派大使。差遣韓國。慰問韓帝。伊藤大使。亦以五日發東京。到韓國。十五日。上韓宮。謁見韓帝。致我皇慰諭之旨。又有所建言。十六日。我駐韓公使林權助。示我提出條件於韓國外部大臣朴齊純。十七日。會各大臣於我公使館。午餐後。問其意見。時韓國無識之徒。頗放飛語。又儒生及浮浪輩。威嚇各大臣。是以各大臣。雖心知大勢當然。猶憚物議。遷延無所確答。十八日午後。林公使上韓宮。各大臣會議於帝前。移時未見解決。至夕。伊藤大使。長谷川大將。相伴上韓宮。大使諄諄詳說大勢。有所警告。於是學部大臣李完用。先表贊同之意。外部大臣朴齊純。確然決意。各大臣亦皆贊成。得韓帝允可。十九日午前。新協約書成。我林公使。及韓國各大臣。署名捺印。獨首相參政韓圭高。不肯贊同退朝。以其違勅命唱異議。褫職處流三年。尋特赦圭高流刑。其協約曰。

日本帝國政府。及韓國政府。欲使鞏固結合兩帝國利害共通主義。期至認韓國富強之實。以此目的。約定條款如左。

第一款 日本國政府。應今後韓國與外國關係及事務。在東京外務省監理指揮。日本國外交代表者及領事。應保護外國與韓國臣民及利益。

第二款 日本國政府。當完韓國與他國現存條約實行之任。韓國政府。約今後非依日本國政府紹

介不得成有國際的性質何等條約若約束於他國。

第三款 日本國政府。爲其代表者。置統監一名於韓國皇帝陛下闕下。統監。爲專管理關外國事項。駐在京城。有親內謁韓國皇帝陛下之權利。日本國政府。又有置理事官於韓國各開港場其他日本國政府認爲必要之地之權利。理事官。屬統監指揮之下。執行從來屬在韓日本領事一切職權。并掌理爲完全本協約條款實行。見爲必要一切之事務。

第四款 日本國與韓國現存條約及約束。不抵觸本協約者。總繼有效力。

第五款 日本國政府。保證維持韓國皇室安寧及尊嚴。

日英同盟新協約之成。英國既承認我國監督保護韓國。日俄講和條約。俄國亦承認之。世界二大強國。已業如此。其他列國亦應承認之。我與韓國新結協約。置我監督保護之下。實今日當然之最急要務也。

日俄戰記第四編終

正誤

頁 八行

苦誤作若

一六四 三行

雨誤作雨

二二二 八行

幟下撤誤作撤

九行

下上脫陸

一六六 十五行

索誤作素

同 同

追上撤誤作撤

二七 十六行

撤誤作撤

二六九 一行

陸誤作陸

二二三 掃畫上

哥誤作見

三三 三行五行

同

同 七行

丞誤作丞

同 同

斯左脫哥

四〇 十五行

認誤作誌

一七二 十六行

擊誤作擊

二二八 一行

誤誤作脫

七三 四行

邸誤作邸

一七六 二行

斯誤作新

二二九 九行

新誤作斯

七七 五行

畫誤作畫

一七七 五行

徐誤作除

二二九 三行

敢誤作散

八二 八行

頭誤作類

一八六 四行

泥誤作沉

二四八 十六行

嶺誤作嶺

一〇九 一行

淵誤作州

同 八行

及誤作乃

二六六 三行

坦誤作坦

一一一 九行

擊誤作擊

一九四 八行

援誤作授

二八〇 十一行

於誤作放

一一二 七行

軍我倒置

同 十六行

掩誤作掩掩

二八三 十一行

圖誤作國

同 九行

墨誤作墨

二〇三 十一行

開誤作開

二八六 五行

旅誤作族

同 十六行

之爲倒置

二〇八 十二行

嶺誤作嶺

二九六 三行

金誤作全

一三六 十六行

關誤作關

二一〇 十六行

丘誤作兵

三〇六 五行

蘇下胡誤作家

一四二 七行

據誤作據

二二三 十四行

地誤作他

三六八 四行

紐罕什爾州誤

一五〇 八行

鎖誤作鐵

二一八 十三行

損誤作損

作紐罕什爾州

一五三 十一行

稻村誤作稻枝

二二九 四行

拆誤作拆

格誤作瀝

二二二 二行

格誤作瀝

明治三十九年一月十三日印刷
一月十七日發行

日俄戰記與付

著作權所有
不許複製

著作者 依田雄甫

著作者 河田龍

發行者 東京市神田區區保町九番地
會社富山房

代表者 坂本嘉治馬

印刷者 東京市牛込區市谷加賀町一丁目十二番地
青木弘

印刷所 東京市牛込區市谷加賀町一丁目十二番地
株式會社秀英會第一工場

發兌元 (明治廿九年六月設立) 合資會社 富山房

發售所 清國各地有名書局

稟告

富山房販賣部。廣販賣內外出版各種書籍、其各出版之
書籍莫同一價格
市內送信。無論電話郵片火速所用
地方送信。書籍價費郵稅費諸先寄到
社友規定。弊社社友規定弊社發兌圖書目錄中有同時
買至三元以上者為社友照九折發行若預定尚未出版之
書照九五折發行(除他書籍裝出外)
送金。書籍費寄到之法有二種、一、匯錢、一、郵票代用
(郵票代用時照價加) 匯錢是振左記之所
賬房。東京市神田區一橋郵便取扱所
受取人。東京市神田區區裏神保町 合資會社富山房
代金引替小包。此方法極為迅速便利弊社不問何人如寄
其代價三分之一即行將書寄上其餘三分之二書到時再
行交付
責任。運送書物雖十分注意如遇天災時變破壞損壞以及
送達不到等歸運送店賠償外弊社一切不任其責
注意。御照會其他之事項要回信此部票送付又以往返郵
片須將其往所及尊姓名以明瞭之措書記載之如文字不
分明則不能送本及回信特乞注意
有弊社出版書目錄此部將二錢郵票封入于來往由片出
寄到書籍既送達之後不換

